

გუგამ

დღგანაგვილი

ქვენი

მოთხოვბი



ვურამ ღოჩანაშვილის ამ წიგნში იბეჭელება ადრინდელი, შუა პერიოდისა და უკანასკნელ ხანს გამოქვეყნებული მოთხრობები. ისინი ქრონოლოგიურად თანმიმდევრობითაა წარმოდგენილი და ერთგვარ სურათს იძლევა მწერლის შემოქმედებაზე.



## პირველი კონცერტი

დღეს საღამოთი კონცერტია. ჩემი პირველი სოლო კონცერტი.

ვლელავ. ვცდილობ დავმშვიდდე — ხან ძველ ჟურნალებს ვათვალიერებ, ხან ეზოში მოთამაშე ბავშვებს ვუყურებ.

ვერ ვწყნარდები. დაედღივარ ოთახში — ერთი კუთხიდან მეორემდე. რალაცით უნდა გავირთო თავი... რა ვქნა?

ჩამქრალ პაპიროსს ვუკიდებ. ტახტზე ვწიგები და ჭერს თვალებით ვბურღავ.

დღეს ალბათ ბევრი ხალხი იქნება კონცერტზე. რომ შემეშალოს?.. არა! არ შემეშლება. არ უნდა შემეშალოს, მაგრამ... რა ვქნა, როგორ დავწყნარდე?

ვდგები და დაედღივარ ერთი კუთხიდან მეორემდე.  
რა ვქნა?..

კედელზე ჩამოკიდებულ სურათს შევაცქერდი.

სურათიდან პატარა ბიჭუნა მიყურებს და ეშმაკურად მიღიმის. მოკლე შარვალი ჩაუცვამს. ყელზე დიდი ბაფთა გაუკეთებია. ხელში სათვალე უჭირავს. მისი ღიმილი ჩემზეც გადმოდის და ვუღიმი.

ეს ხომ მე ვარ, მე...

მე მაშინ პატარა, ძალიან პატარა ბიჭი ვიყავი.

მამაჩემი სხვა ქალაქში გაგზავნეს სამუშაოდ, დედაც მას გაჰყვა. დამტოვეს ბებიასთან.

სოველი ბავშვივით თამაში, ცელქობა და განსაკუთრებით შეკითხვები მიყვარდა.

ცოტათი... ცოტათი კი არა, საკმაოდ ასირებულნიც გახლდით.

როგორ მიყვარდა ეზო!..

ბებია და სახლი მაშინ მავონდებოდა, როცა თამაშით დაქანცულს არაქათი აღარ მქონდა.

ავდიოდი კიბეებზე, კარზე ბრახბარუსს ავტყისდი და ლოყებ-

დაწითლებული და ოფლიანი საგარძელზე მოვიკალათებდი ხოლმე.

— უუჰ, შე ყაჩაღო, — მეუბნებოდა ბებია და ტანსაცმელს მიცვლიდა, — სათვალისანი და ასეთი ცელქი!

სათვალეს მაშინვე ვიხსნიდი განაწყენებული, მაგრამ ისეგ ვიკეთებდი. ბავშვობიდანვე სუსტი მხედველობა მქონდა.

ბებიას ჩემი სათვალეების გამოუღვეველი მარაგი ჰქონდა, რადგან თითქმის ყოველდღე ვტყუნდი მათ — ხან ველოსიპედით მოვისურვებდი კიბეებზე ჩასვლას, ხან ბურთი მხვდებოდა სახეში, ხან სირბილის დროს წავიქცეოდი ხოლმე.

ეზოდან ამოსული ცოტა სანს ვისვენებდი.

— ბებო, რაპე წამიკითხე, — ვეტყოდი ხოლმე შემდეგ.

ბებიაც მიკითხავდა გრიმების ზღაპრებს, მიაშობდა ამირანის ამბავს...

ერთხელ „მუმუ“ წამიკითხა.

— ბებო! — შევშფოთდი — დაიღრჩო?

— დაიღრჩო...

— მოკვდა?

— მოკვდა...

— რატომ დაიღრჩო, ცოდვა არ არი? — შევაცქერდი ბებიას და ტირილი დავაპირე.

ტირილი ხმამალალი მიყვარდა. ისეთ ღრიალს ამოვუშვებდი ხოლმე, რომ...

— დაიცა, დაიცა, — დაფაცურდა ბებია, — ჯერ არ დამიმთავრებია. მუმუმ იცოდა კარგი ცურვა, — განაგრძო „კითხვა“ ბებია, — გასცურა მდინარე, მივიდა გერასიმესთან და ახლაც იქ ცხოვრობენ კარგად და ბედნიერად... ფქვილი აქა, ქათო იქა, — დაუმატა დამაჯერებლობისათვის.

მეც დავეუჯერე და ცრემლიანი თვალეებით გავუღიმე.

როცა გავუღიმებდი, ბებია ყოველთვის მეფერებოდა, თმას თითებით მივარცხნიდა და გულზე მიკრავდა.

— ჩემი პატარა ბიჭი, — იტყოდა ხოლმე.

„ჩემის“ ბებია ყოველთვის აგრძელებდა და მოფერებით „ჩემის“ ამბობდა. მე კიდევ უფრო ვპატარავდებოდი მის მკლავებში.

— ჩემი სათვალნიანი ბიჭი, — ამბობდა ბებია და ოვალებში მკოცნიდა.

ჩვენს სახლში მოსულ სტუმრებს მოვალეობად მიანდათ ჩემზე რაიმე აზრი გამოეთქვათ და, რა თქმა უნდა, ყოველივეს მაქებდნენ.

ბებია ცდილობდა არ შეემჩნია ჩემი ქება, მაგრამ ვერ ასე-რსებდა, იღიმებოდა.

— რამდენი წლისა ხარ, ნუგზარ? — მეკითხებოდნენ სტუმრები.

მე საჩვენებელ თითს ცერით ვიჭერდი და სტუმრებს სამ თითს ვუჩვენებდი ხოლმე.

— უჰი უკვე დიდი ბიჭი ყოფილა, — ამბობდნენ ისინი.

მე ვიცოდი, რომ არ ვიყავი დიდი.

— ბებო! შენ ხომ დიდი ხარ?

— კი, — მოგვიანებით მპასუხობდა ბებია, სტუმრებს უხერხულად გაეღიმებოდათ და ლაპარაკს იწყებდნენ, მაგრამ მე არ ვაცლიდი.

— ბებო, მე რატომ ვარ პატარა და შენ დიდი?

ბებია ბრაზდებოდა.

— ი-მი-ტომი — მეუბნებოდა ნერვიულად.

მე და სტუმრები უხერხულ მდგომარეობაში ვვარდებოდით. ასეთი კითხვების შემდეგ, ცხადია, ვერ შემაქებდნენ.

გამოსავალს ისევ ბებია პოულობდა.

— ნუგზარ, აბა უთხარი ბიძია გიორგის — ვინ დაწერა „თორნიკე ერისთავი“.

— აკაკი წერეთელმა, — ვპასუხობდი მე.

— უყურე შენი — გაიკვირვებდა ბიძია გიორგი.

ბებია გაიბადრებოდა და განაგრძობდა:

— მუმუ?

— მუ-მუ — ტურგენევი. მუმუმ ისეთი კარგი ცურვა...

— ნუგზარ! წადი, გენაცვალე, ეზოში ითამაშე.

ეზოში ჩავრბოდი და ომობანას ვთამაშობდი. სათვალეს ვიხსნიდი და ჯიბეში ვიდებდი — რომ არ მომიხსნა, აუცილებლად „გერმანელი“ ვიქნებოდი.

გადიოდა დრო.

ჩემი წლოვანების საჩვენებლად აღარ მყოფნიდა ერთი ხელის თითები. სკოლაში შემიყვანეს.

ეზოში ცოტა ხნითღა ჩავდიოდი ხოლმე.

სკოლა კიდევ არაფერი, ბებიამ გადაწყვიტა რომელიმე ინსტრუმენტზე დაკვრა მესწავლა.

„რომელზე?“ — ფიქრობდა.

— რომელზე? — ეკითხებოდა ნაცნობებს.

როიალისა და ვიოლინოს ვაგონებაც არ სურდა — ყველა მაგაზე უკრავსო, ამბობდა, ბებიას ყოველთვის უნდოდა, რომ განსაკუთრებული ვყოფილიყავი.

ბოლოს ვიოლონჩელზე შეჩერდა.

დაიწყო ჩვენი სიარული მუსიკალურ სკოლაში! ბებია წინ მიმიძღოდა ვიოლონჩელით ხელში, მე ნოტები მიმქონდა.

როგორ ვბრაზდებოდი, ჩემს ტოლებს ეზოში ფეხბურთი უნდა ეთამაშათ, მე კი... მე უნდა დამეკრა.

გაბრაზება სწრაფად მავიწყდებოდა, ქუჩაში მრგვალ ქვას ამოვარჩევდი, ფეხს ვურტყამდი და თავს ფეხბურთელად ვთვლიდი. მივბრბოდი თამაშით, ხტუნვა-ხტუნვით. ბებიას მივდევი, ხან ვუსწრებდი ხოლმე. ხანდახან ზედმეტად გართული ბებიას ვეჯახებოდი.

— უუჰ, შე ყაჩაღო, — ამბობდა მაშინ ბებია, — სათვალისანი და ასე ცვილქი!

სათვალის მოსახსენებლად ხელი სახესთან მიმქონდა, — მაგრამ ისევ ვუშვებდი.

გზად ბებიას ნაცნობი ქალი ცხოვრობდა. დღენიადაგ ფანჯარაში იყო გადმომდგარი და ქუჩას ათვალეიერებდა.

— ნუგზარი როგორა გყავს? — ეკითხებოდა ბებიას.

— ცელქობს, — პასუხობდა ბებია, — კვირაში ორ სათვალეს ამტკვრევს.

გაკვეთილის შემდეგ წინ მე მოვდიოდი ისევ თამაშით, ბებია უკან მომყვებოდა ვიოლონჩელით ხელში.

ნაცნობი ქალი იდგა ისევ და ქუჩას ათვალეიერებდა.

— ბებო, ეს ქალი „შპინონია“? — ვეკითხებოდი ბებიას.

— არ არის შენი საქმე!

სახლში მისვლისას ცოტახნით ბებია ეზოში სათამაშოდ მიშვებდა. რას არ ვთამაშობდით — ლახტს, ღამალობანას, და-

ჭერობანას, ომისას, ყველაზე ხშირად კი ფეხბურთს. მე ყველაზე პატარა ვიყავი და ამიტომ მეკარედ მაცყნებდნენ. თავდამსხმელად თამაში მერჩია, შაგრაში.. მაინც გატაცებით ვთამაშობდი. ჩვენი ეზოს ნაკრების მეკარე ვიყავი.

— ნუგზარ, — დამიძახებდა უცებ ბებია, — ამოდი, გაკვეთილები მოამზადე.

— მოიცა რა, მოიცა რა, ბებო...

ბებია არ მიცდიდა.

— ნუგზარი ამოდი.

ზანტად ავდიოდი სახლში.

მეცადინეობის შემდეგ ეზოში სტვენით ჩავრბოდი და დამალობანას ვთამაშობდი. კარგ ადგილს ვიპოვნიდი, დავიმალეობოდი და ამ დროს...

— ნუგზარ, — დამიძახებდა ბებია, — ამოდი, გენაცვალე, და დაუკარი.

„დაუკარის“ ბებია ხაზგასმით ამბობდა.

მე არ ვპასუხობდი. ბებია, როგორც ყოველთვის, არ მიცდიდა.

— ნუგზარი ეხლავე ამოდი!

ოხვრით ავდიოდი კიბეებზე. ბებია ვიოლონჩელით მეცებებოდა.

— დაუკარი...

იმ წუთში ალბათ ძალიან შეწუხებული და დაღვრემილი გამომეტყველება მქონდა.

— დაუკარი, ჩემო კარგო ბიჭო...

ბებია მავიდასთან სკამს მიდგამდა და სურაზე ნოტებს მიაყუდებდა.

მე ყოველშემთხვევისათვის უარის თქმას დავაპირებდი, მაგრამ...

— ნუგზარი ჩქარა დაჯექი და დაუკარი.

რალა გზა მქონდა. ვჯდებოდი და ვუკრავდი.

ვიოლონჩელი კაცი იყო ჩემთვის, ბოროტი კაცი. ეს კაცი მუხლებშუა უნდა დამეყენებინა, მისი თავი მარცხენა მხარზე უნდა მიმესვენებინა, მარცხენა ხელის თითები ყელზე უნდა შემომეჭდო მისთვის, ხოლო მარჯვენათი უნდა ამემღერებინა.

ვიოლონქელს მაშინ ბოხი, ჩახრინწული ხმა ჰქონდა და მთვრალი კაცივით უსმენოდ მღეროდა.

ბებია გვერდით მეჯდა და მიყურებდა, რომ მარჯვენა ხელის მოძრაობა არ შემეჩერებინა.

რა ნელა გადიოდა დრო!

ჩემზე მეტად მეზობლები იტანჯებოდნენ.

— ველარ გაათავა? — კითხულობდა ერთი.

— არ იქნა ჩემი მოსვენება, — ამბობდა სამსახურიდან დაბრუნებული ბუღალტერი.

ჩემი ბოროტი კაცი არავის ერიდებოდა და ჩახრინწული ხმით სიმღერას განაგრძობდა.

— ვა! ველარ გადახერხა? — ამბობდა მანამდე მოწყენილი მიწაღე სეროჟა და თავისი სუმრობით კმაყოფილი კარგ ხასიათზე დგებოდა.

დაკვრის შემდეგ ისევ ეზოში ჩავრბოდი სტვენით.

— ნუგზარ, — მითხრა ერთხელ ბებია, — მე ცოტა ავად ვარ. წახვალ მარტო?

— როგორ ვერ წავალ, — გავიკვირვე.

— ვიოლონჩელი ფრთხილად ატარე. სადმე არ დაამტვრიო. აბა, შენ იცი, ჩემი ჭკვიანი ბიჭი.

კიბეებზე მართლაც ფრთხილად ჩამოვიტანე ვიოლონჩელი. ეზოში ფეხბურთის თამაშს აპირებდნენ ბიჭები.

— თამაში გინდა? — მკითხა ეზოს გუნდის კაპიტანმა.

— კი...

— დადექი გოლში...

ჩემი კაცი მიწაზე დავაწვინე და დავდექი. ერთი ძნელი ბურთიც ავიღე და ნამდვილ მეკარედ წარმოვიდგინე თავი. „აი, ნამდვილ კარში რომ ვიდგე, რა იქნებოდა, — გავიფიქრე, — ძელებიან კარში“. უცებ ისეთი გადაწყვეტილება მივიღე, რომ ყველას გაეხარდა. ერთი ძელის მაგიერ ხემი ჩავარჭე მიწაში, ხოლო მეორის ნაცვლად ვიოლონჩელი. ასეთ კარში მდგარი დამინახა ბებია... ერთი კვირის მანძილზე უმეკარედ იყო ჩვენი ეზოს ნაკრები...

გადიოდა დრო.

ჩვენ ისევ ერთად დავდიოდით მუსიკაზე.



— ნუგზარი როგორ არის? — ეკითხებოდა ფანჯარაზე გადმომდგარი ქალი ბებიას.

— ცოტათი დაჭკვიანდა, ერთი კვირაა სათვალე არ გაუტეხია, — ამაყად პასუხობდა ბებია.

ბებიასთვის ის დღე დღესასწაული იყო, როდესაც მე კონცერტზე ვუკრავდი.

ბებო, რომ შემეშალოს, რა მეშველება? ვეკითხებოდი შიშით ბებიას.

— არ შეგეშლება, — მაიმედებდა ბებია და მეფერებოდა, არ შეგეშლება, ჩემი ჭკვიანი ბიჭი. როდის იქნება, სოლო კონცერტი რომ გექნება?

ღრთ არავის და არაფერს უყურებდა. მიდიოდა თავისთვის.

მე უკვე მერითიერებოდა მოკლე შარვლის ჩაცმა.

ვიოლონჩელი ისევ კაცი იყო ჩემთვის, ბოროტი კაცი, ოღონდ ისეთი ჩახრინწული ხმა აღარ ჰქონდა.

ერთხელ ბებია ავად გახდა. დიდხანს იწვა.

ფრთხილად დამქონდა ვიოლონჩელი.

— თამაში გინდა? — მეკითხებოდნენ ბიჭები.

— არა...

მე ღრმად განვიცდიდი ბებიას ავადმყოფობას.

— ბებო, რამე ხომ არ გინდა? — ვკითხე ერთხელ.

— ის დაუკარი.

— რა?

— მე რომ მიყვარს.

ბებიას სენ-სანსის „მომაკვდავი გედი“ უყვარდა.

ვიოლონჩელი მუხლებშუა დავიყენე, თავი მსარზე მივადებინე, კისერზე თითები შემოვაქდე და დაუკარი.

არასოდეს დამიკრავს ისე კარგად...

— ჩემი ჭკვიანი ბიჭი. მოდი, მოგეფერო, — მითხრა ბებიაშ და ცრემლები მთიწმინდა.

ისე მომეფერა, როგორც ყოველთვის მეფერებოდა — თითებოთ დამივარცხნა თმები, გულში ჩამიკრა, თვლებზე მაკოცა.

კარი გაიღო და ჩვენი მეზობელი ბუღალტერი შემოვიდა.

— კიდევ დაუკარი რა, ნუგზარ, — მთხოვა მან, — მუსიკა ისე მასვენებს...

მე რა თქმა უნდა, კიდევ დაუკარი.

იმ დღის შემდეგ შევიყვარე ვიოლონჩელი... ის ისევ კაცი იყო ჩემთვის, ოღონდ ისეთი, რასაც მოსთხოვ, რომ აგისრულე. მინდოდა და ბედნიერებაზე, სისარულზე ავამღერებდი, მომინდებოდა და სევდიან ქანგებს გადმოვალვრევიებდი.

ალარ მჭირდებოდა დაძალება. ალარც მეზობლებს ვაწუსებდი. პირიქით.

— დამწვრისა დაუკარი რა... — მთხოვდა ხოლმე მეწაღე სეროკა.

ბებია ამაყობდა ჩემით. ხანდახან დაფიქრდებოდა და იტყოდა:

„ჩემი ბიჭი, როდის გექნება ნეტავ სოლო კონცერტი?“

დრო გადიოდა — ხან მდორე მდინარესავით მიიზღაზნებოდა, ხან მთის ნაკადივით მიისწრაფოდა. დრო შეუმჩნევლად მაშინ გადიოდა, როდესაც ვუკრავდი. ალარ ვიყავი პატარა ბიჭი — ბებია მხრებამდე ძლივს მწვდებოდა. კონსერვატორიის სტუდენტი გავხდი.

ბებია ერთსეულ საწოლზე ჩამომიჯდა და მომეფერა. მივარცხნიდა თმებს და მიყურებდა თვალეში. რაღაცის კითხვას აპირებდა.

— ჩემი დიდი ბიჭი, — გაუბედავად მომმართა, — არავინ ვიყვარს?

კინალამ გავწითლდი.

— არა ბებო, რა დროს ჩემი...

— რატომ რა დროს... შენ უკვე დიდი ბიჭი ხარ.

იმ წუთს პირველად ვიგრძენი, რომ ალარ ვიყავი ბავშვი.

— ნუგზარ, ვინმე რომ გეყოლებოდა... ხომ გამაცნობ?

— კი, ბებო...

ბებია დაფიქრდა.

— სოლო კონცერტი რომ გექნება, მაშინ გამაცანი. კარგი?

— კარგი, ბებო...

რამდენი ვიფიქრე იმ ღამეს!

მართლაც, ალარ ვიყავი ბავშვი. ვგრძნობდი, რომ ალარ შემეფერებოდა ცელქობა, ვეღარ ჩავიცვამდი მოკლე შარვალს, სათვალესაც ალარ გავტყებდი.

მე მხოლოდ მაშინ ვიყავი ბავშვი, როცა ბებია მეფერებოდა. მე ისე სშირად მენატრებოდა მისი ალერსი...

— ბებო, — ვეუბნებოდი, — ჩემო ბებო, მომეყერე, რა ბებიაც მეფერებოდა. მეაღერებოდა და მეუბნებოდა:

— ხომ გამაცნობ იმას... შენ სოლო კონცერტზე?

მე ტახტზე ვწევარ და ჭერს ვუყურებ.

დღეს საღამოს კონცერტია. ჩემი პირველი სოლო კონცერტი.

ვღელავ. ჩამქრალ პაპიროსს ვუკიდებ. ბოლო ბოლქვებად მიიწევს ზევით. მერე იშლება და იფანტება.

რომ შემეშალოს?

დღეს ალბათ ბევრი ხალხი იქნება კონცერტზე. ვიცი, მეზობლები გვირგვინს მიმზადებენ ჩუმად. ბევრი ხალხი იქნება. ისიც იქნება...

„იმას ხომ გამაცნობ?“ — მახსენდება ბებიას თხოვნა.

ის კი იქნება იქ, მაგრამ...

ცრემლი ნაოჭში ყოვნდება, მერე ჭარბის ქვევით ტუნის კუთხესთან, მერე ნიკაპთან ჩერდება და მკერდზე მეცემა.

მეორე წვეთი პირველის ნაკვალევზე უფრო სწრაფად მოგორავს და ისიც მკერდზე მეცემა.

ბებო, ჩემო ბებო, როგორ გინდოდა ჩემი სოლო კონცერტის მოსმენა!

თვლებს ვიმშრალებ. საოცრად აწყნარებს ადამიანს თურმე ტირილი....

დღეს საღამოს ჩემს კეთილ, მგრძნობიარე კაცს მუხლებშუა დავიყენებ, თავს მხარზე მივადებინებ, მარცხენა ხელის თითებს. კისერზე შემოვაჭდობ და ავამღერებ. ავამღერებ სუფთა, ხავერდოვანი ხმით.

ოთახში დავდივარ ერთი კუთხიდან მეორემდე.

შემეშლება?

არა, არ შემეშლება!

ბებო, შენს ხსოვნას მიუძღვნის ჩემი სათნო კაცი თავის სევდიან სიმღერას.

1960 წ.

## თანამგზავრი

ბატარა მატარებელი ბაკურიანიდან ბორჯომში მიდის. ერთ-ერთ ვაგონში სამი კაცია მხოლოდ. ერთმანეთის პირისპირ სხედან. ორი მათგანი ახალგაზრდაა. ბიჭებს სათხილამურო ფეხსაცმელები, ვიწრო შარვლები და ჯემპრები აცვიათ — ერთს — წითელი, მეორეს — ცისფერი. მესამე ხანშიშესული კაცია. მუნდშტუკს მუხლის თავზე თითებით ათამაშებს და ფანჯარაში იყურება. კაცი ზურგშექცეული ზის ორთქლმავლისკენ და მისი მზერა თითქოს რაღაცას მიჰყვება, ბიჭების თვალებს კი, როცა ისინი ფანჯარაში იხედებიან, თითქოს რაღაც ეგებება. კაცი უფრო ხშირად იხედება ფანჯარაში. ბიჭებს მობეზრდათ ბაკურიანი. პირველად კარგი იყო — თხილამურებით სრიალებდნენ, გუნდებს ესროდნენ ერთმანეთს, გორაკიდან ციგით ეშვებოდნენ. ღამ-ღამობით სეირნობდნენ: მძიმე სათხილამურო ფეხსაცმელების ქვეშ ჭრიალებდა თოვლი, სადღაც ვალისმოსახდელად აყეფდებოდა ძაღლი, ფანჯრებში ჰქრებოდა სინათლე — ბაკურიანი ხუჭავდა თვალებს. სამაგიეროდ ცაში ინთებოდნენ ვარსკვლავები... ბიჭებს მოსწონდათ ყველაფერი, დიდხანს დადიოდნენ თოვლზე, განსაკუთრებით გაუკვალავ თოვლში სიამოვნებდათ სიარული. ცისფერჯემპრიანმა ფეხი იტკინა ერთხელ, ლოგინში ჩაწვა. სწრაფად გაიარა არდადეგებმა, დაცარიელდა ბაკურიანი. ცისფერჯემპრიანი ფანჯარასთან იწვა. წითელჯემპრიანიც სულ სახლში იჯდა, საჭმლის მოსატანად თუ გავიდოდა გარეთ. იყვნენ ასე — ერთი იწვა, მეორე იჯდა და იყურებოდნენ ფანჯარაში. გარეთ ყველაფერი დაეფარა თოვლს... ხანდახან რაიმეს უყვებოდნენ ერთმანეთს — ჯერ უხალისოდ ლაპარაკობდნენ, მერე გაახსენდებოდათ რაღაც, უფრო მნიშვნელოვანი. გატაცებით ამტკიცებდნენ რაღაცას. იწურებოდა კამათის თემა, ისევ ფანჯარაში იყურებოდნენ. გარეთ ყველაფერი დაეფარა თოვლს. თოვლი მობეზრებოდათ უკვე ბიჭებს, თავს მეორე მხარეს ატრიალებდნენ და კედელს უყურებდნენ. კედელზე ლაქები იყო. ზოგი ლაქა წვერებიან კაცს ჰგავდა, ზოგი დათვის, ზოგი ვინიცის რას. ბიჭები ლაქებს უყურებდნენ და ერთობოდნენ.

ახლა ვაგონში სხედან ვიღაც კაცის პირდაპირ.

კაცი ხშირად იყურება ფანჯარაში. ფანჯარაში თოვლი და ხეები წანს, მეტი არაფერი. ხეები ეგებებიან ბიჭებს — ხან თითო-თითოდ, ხან ორ-ორად, ხან ბევრნი ერთად. კაცის მზერა მიჰყვება ხეებს, ხან თითო თითოს, ხან ორ-ორს, ხან ბევრს ერთად. ბიჭებს ჩქარა ბეზრდებათ ფანჯარაში ყურება. ხან ვაგონის ჭერს შეხედავენ, ხან იატაკს, რაიმე გასართობის პოვნის იმედით. ჭერი ახლახან შეუღებიათ თეთრად, მოდი და გაერთე — ლაქა რომ ლაქაა ისიც არა აქვს. იატაკის ფიცრები ერთმანეთს მიჰყვებიან და ხაზებს ჰქმნიან, კარვი გასართობია.

„ნეტა თხილამურები მაინც გამოვარდეს, რომ, ვაკასწორო“, ფიქრობს ცისფერჯემპრიანი.

წითელჯემპრიანს ძალიან უნდა რომელიმე სიმღერა წაიღილინოს, მაგრამ კაცის ერიდება. რითი გაირთოს თავი? კაცი რომ არ იყოს, თემურის უამბობდა მაიაზე. უამბობდა, როგორი კარგი ვოგთა მაია, როგორი მოსიყვარულე გული აქვს. იმდენად მოსიყვარულე, რომ ბაზარში ნაყიდი და თავიქვე დაკიდებული ქათამიც ეცოდება — დაკლავენო. ამ კაცთან რა უნდა თქვას...

„გააჭირა საქმე,“ — ფიქრობს წითელჯემპრიანი და კაცის ნიქმებს უყურებს, — „ამოვიდა და დაგვიჯდა ცხვირწინ. ხომ ვერ გადავჯდებოდით. ვერაფერი მომიყოლია. გააჭირა საქმე“.

კაცი არაფერს აშავებს. ზის თავისთვის და იყურება ფანჯარაში. მზერა აცილებს ხეებს — ხან თითო-თითოს, ხან ორ-ორს, ხან ბევრს...

თოვლი თანდათანობით, შეურიჩნევლად ჰკარგავს სითეთრეს, ნაცრისფერი ხდება. ვაგონში ნათურები ინთება.

წითელჯემპრიანს კაცის სახის დათვალიერება უნდა. უცებ რომ შეხედოს, იცის, შეამჩნევს კაცი... ნელა აპარებს სახისკენ მზერას — ჯერ მუხლის თავზე მოთამაშე მუნდშტუკზე აჩერებს, შემდეგ გულისჯიბის ღილაკზე. ცოტაც და...

„რა დიდი ცხვირი აქვს“, ფიქრობს წითელჯემპრიანი.

კაცი ისევ ფანჯარაში იყურება.

„რა უაზრო გამომეტყველება აქვს“, ფიქრობს წითელჯემპრიანი. პატარა მატარებელი საკოჭაოში წერდება. ბიჭები

უფრო ინტერესით ისედებიან — იქნებ აქ მაინც დაინახონ რა-  
ისე გასართობი.

ბაქანი განათებულია. კედელზე ზარი ჰკიდია. ზართან კა-  
ცი დგას, ისეა შეფუთვნილი, ვერც გაიგებ, გამხდარია თუ  
მსუქანი. ბიჭები ხარბად იყურებიან ფანჯარაში, აქამდე იყო  
მხოლოდ ხეები და თოვლი და უცებ გაჩნდა ბაქანი, ზარი და  
კაცი. ეს რაღაც ახალია, რაღაცით დამაინტერესებელი.

შეფუთვნილი კაცი ბიჭების ისეთ დაჟინებულ მზერას  
გრძნობს, რომ ცოტათი იბნევა. არ უნდა, რომ ბიჭებმა დაბ-  
ნევა შეამჩნიონ და, აქათ და ვითომ არაფერიო, გვერდზე  
იფურთხება.

„ერთი ლაქა მაინც იყოს ამ ჭერზე“.

თოვლი უკვე რუხი ფერისაა. იმ ადგილზე, სადაც ვაგონის  
სინათლე ეცემა, თოვლი ბზინავს.

ბიჭებამდე ზარის ხმა აღწევს. შეფუთვნილმა კაცმა შეას-  
რულა თავისი მოვალეობა და სადღაც მიდის. იცის, რომ ბი-  
ჭების დაჟინებული მზერა კვალდაკვალ მიჰყვება და ცდი-  
ლობს კონტა ნაბიჯებით იაროს. სელებს ზომიერად იქნევს,  
მუხლებს ჩვეულებრივზე მალლა სწევს, სასაცილო დაჭიმუ-  
ლობა იგრძნობა მის სიარულში. წითელჯემპრიანს ეღიმება  
და თავს თანამგზავრებისაკენ ატრიალებს. თემურიც იღიმება.  
კაცი მუნდშტუკს აღარ ათამაშებს, მუხლზე აქვს დაბჯენილი.

„რა უაზრო გამომეტყველება აქვს... რამხელა ცხვირი...“

კაცი სადღაც იყურება.

„რა ნახა ნეტავ, ამ ფანჯარაში?“

კაცი არაფერს არ უყურებს, უბრალოდ იყურება.

პატარა მატარებელი განაგრძობს გზას.

კაცის მუხლზე მუნდშტუკი თამაშს იწყებს — ხან იმ ბო-  
ლოთი ეხება მუხლს სიგარეტს რომ სდებენ, ხან იმით, კაცის  
კბილები რომ იკავენს.

— გიყვართ? — ეკითხება უცებ კაცს თემური.

— რა? — ვერ იგებს შეკითხვას კაცი და უღიმის.

— თოვლი... გიყვართ-მეთქი თოვლი?

— კი. კარგია თოვლი.

— თქვენ აღბათ ძალიან გიყვართ თოვლი, — ამბობს წი-  
თელჯემპრიანი, — თვალი არ მოგიცილებიათ ფანჯრისათვის.

— ხო... ძალიან მიყვარს.

— რატომ გიყვართ? — ეკითხება წითელჯემპრიანი, ოღონდ ისეთი გულუბრყვილო ტონით, რომ კითხვის ახირებულება არ იგრძნობა.

— რა ვიცი... — ამბობს კაცი, — როცა დათოვლილ მიწას და ხეებს ვუყურებ, სიმშვიდეს ვგრძნობ. დიდი სიმშვიდეა თოვლში, უზარმაზარი... შეიძლება, სიმშვიდეზე ითქვას უზარმაზარი?

— კი, როგორ არა... ყველაფერი შეიძლება იყოს უზარმაზარი.

— ხო... ამიტომ მიყვარს თოვლი.

— სიმშვიდე რომ იგრძნობა? — ეკითხება თემური.

— ხო. ნე მიყვარს სიმშვიდე. დიდხანს, დიდხანს ვუყურებ ხოლმე თოვლს... მერე შევაცქერდები რომელიმე ნაძვს. ნაძვის ტოტებზე თოვლი დევს, არც მოხრილია და არც ირხევა. მაინც შემეშინდება ხოლმე, რომ ნაძვი არ გაინძრეს და თოვლი არ ჩამოყაროს მხრებიდან... ვგრე რომ მოხდეს, სიმშვიდე დაირღვევა.

— მე არ მიყვარს სიმშვიდე, — ამბობს წითელჯემპრიანი.

— ხო, შენ ახალგაზრდა ხარ, არც უნდა გიყვარდეს. შენ თოვლი ალბათ იმიტომ გიყვარს, რომ ზედ თხილამურებით სრიალებ. — და აგუნდავებ.

წითელჯემპრიანს არ მოსწონს კაცის პასუხი. ბრაზდება და ისეთ შეკითხვას ეძებს კაცისთვის, რომ დასცინოს, მაგრამ არ აგრძნობინოს.

— ბოდიში, თქვენ ლექსებს ხომ არ წერთ?

— არა, — იღიმება კაცი — რატომ მკითხეთ?

— წელან ისე ღრმად აღწერეთ ზამთრის პეიზაჟი...

— ეჰ, ეგ რა აღწერაა, — ამბობს კაცი — პოეტი რომ ვიყო, მეცოდინებოდა, ითქმებოდა თუ არა სიმშვიდეზე უზარმაზარი. კაცო ხიჯარეტს აბოლებს.

— უზარმაზარი, დაფიქრებით ამბობს — რა კარგი სიტყვაა...

— როგორ კარგი?

— როგორ და... იცით, მე მეზვენება, რომ ზოგიერთი სიტყვა საოცრად ლამაზად ესაჩება თავის მნიშვნელობას. ესე იგი სიტ-

ყვის ზღერადობა, ხმოვანება ეთანხმება. მაგალითად „ზარ-  
ბაზანი“... რაღაც ძლიერი, პრისხანე ისმის ამ სიტყვის წარ-  
მოთქმის დროს. თუნდაც სიტყვა „ჩიტი“. ამ სიტყვაში თითქო  
ნანს პატარა, ნაზი არსება, სუსტი და უმწეო... სიტყვა „უზარ-  
მაზარიც“, მგონი შეეფერება თავის მნიშვნელობას. მგონი  
ვერ გამოივით...

— მთლიანად ვერა...

— აბა თქვით „უზარმაზარი“.

— უზარმაზარი.

— ვერ გრძნობთ რაღაც დიდს, ძალიან დიდს?

— ვერა...

— მე ვგრძნობ, — ამბობს თემური — მე მგონი „ვეფხვიც“  
კარგია.

— კი, კარგია, — მაშინვე ეთანხმება კაცი — „ლომი“?

— ლომი? „ლომი“, მე მგონი ცუდია. როგორღაც ნაზად  
ჟღერს.

— ხო. სად ის მრისხანე ცხოველი და სად, — კაცი ხმას  
იწვრილებს, — ლომი.

— „მთვარე“ კარგია, — იგონებს სიტყვებს თემური — „მზე“  
...არა. მზეს რაღაც უფრო დიდი, უფრო მჟღერადი სახელი  
უნდა ერქვას.

— ხო, აბა რა, — ამბობს კაცი და უხარია, თემურმა რომ  
გაუგო.

ჩუმდებიან, წითელჯემპრიანი დგება.

— საით, დათო?

— ცოტათი გავხურდები, თორემ შემციუდა.

— რამ შეგაცვივა, ბიჭო...

— რა ვიცი...

დათო ხელებს ჯერ აქეთ-იქით იქნევს, მერე წრეებს სა-  
ზავს ჰაერში. სწრაფად ჯდება და სწრაფადვე იმართება, თემუ-  
რის თავისი ნატკენი ფეხი ახსენდება.

— კარგია ახალგაზრდობა, — ეუბნება თემურის კაცი.

დათო რატომღაც უხერხულ მდგომარეობაში ვარდება და  
თავის ადგილს უბრუნდება.

მატარებელი ჩერდება.



— რა სადგურია, ნეტავ? — ამბობს თემური და ფანჯარაში იყურება.

თოვლი უკვე ლურჯია. მხოლოდ იქ ბზინავს, სადაც სინათლე ეცემა.

— პატარა ცემია, — ამბობს კაცი და ფანჯარაში ისელება — ხო, პატარა ცემია.

დათო კაცს უყურებს და ბრაზდება. რატომ მიაწება ვარჯიშს თავი? რატომ ერიდება ამ კაცის?

„რამხელა ცხვირი აქვს... რა სულელური გამომეტყველება“...

ისევ ისმის ზარის ხმა. ისევ წინ მიდის პატარა მატარებელი.

— მართლა აცივდა ცოტათი... ალბათ საიდანღაც უბერავს, — ამბობს თემური.

— გახსოვს თემურ, ზღვაზე რომ ვიყავით, ღამით რომ სიციხით ვიხუთებოდით ღია ფანჯარას რომ შევეყურებდით და ვნატრობდით, ნეტავ საიდანმე დაუბეროსო. გახსოვს?

— როგორ არ მახსოვს, ამბობს თემური.

— რა კარგი იყო, გახსოვს, ზღვა, — ამბობს დათო და კარგ ხასიათზე დგება — არაფერი ჯობია ზღვას.

— ზღვაც მოგებზრდა ბოლოს, მახსოვს.

— არაფერიც, სრულებითაც არ მომებზრებია.

— როგორ არა...

— რას ამბობ, ზღვას რა მომებზრებდა... ეჰ, რა კარგია ზღვა. ჯერ მარტო ის რად ღირს, სილაზე რომ დაწვები, არა, დაწვები კი არა, დაეგდები და მზეს მიანდობ სსეულს. მზე დაგწვავს, დაგთენთავს, დაგუფლებს, ვერაფერზე ფიქრობ, აღარ გახსოვს არაფერი, მზეს გრძნობ მხოლოდ. ბოლოს წამოდგები, ხარ... შეიძლება ითქვას „მზით გაჟღენთილი“?

— რა ვიცი...

— შეიძლება, ალბათ... ხარ გაჟღენთილი მზით და შეიღიხარ გრილ, სასიამოვნო ზღვაში. ისეთ ღამაზე ზღვაში. აი, ზღვა მართლაც უზარმაზარია. უზარმაზარი ზღვა... ზღვას მართლა უხდება სიტყვა „უზარმაზარი“, — ამბობს დათო და კაცს უყურებს.

კაცი ფანჯარაში იყურება. მუქი ლურჯი ყერისაა უკვე  
სარკლი.

„რა უაზრო გამომეტყველება აქვს“, — ფიქრობს დათო და  
კაცთან ლაპარაკის ხასიათზე დგება — თქვენ გიყვართ ზღვა?

— რა ვიცი, აბა...

— როგორი ალბათ არ გინახავთ, არა?

— კი, მინახავს...

— მერე, როგორ შეიძლება არ გიყვარდეთ ზღვა. ზღვა  
ისეთი ლამაზია, ისეთი ღიადებული... ხომ გინახავთ მზის წას-  
ვლა ზღვაში?

— კი, როგორ არა, მინახავს... — უხალისოდ ამბობს კაცი  
და ფანჯარას თვალს არ აშორებს.

„როგორ ვიყავი დარწმუნებული, რომ ბუნება უყვარდა“,  
— ფიქრობს თემური. — მერე, არ მოგწონებიათ? რა ლამაზია  
მზის წასვლა ზღვაში... — ამბობს დათო და ჭერს უყურებს.  
ჭერი ხდება მოლურჯო-მომწვანო და ლურჯი. ლურჯ ფერში  
ჩნდება ოქროსფერი, მოწითალო დისკი. დისკი ნელა, აუჩ-  
ქარებლად ტოვებს ლურჯ სივრცეს და მოლურჯო-მომწვანო-  
ში იმალება.

— ეჰ, რა კარგია ზღვა, — ამბობს დათო — განა შეიძლება  
ზღვა არ გიყვარდეს?

ალბათ შეიძლება, — ამბობს კაცი.

— ნუთუ მარტო სიმშვიდე გიყვართ? თუმცა, ზღვაზე ისე-  
თი სიმშვიდეა მზის ჩასვლის დროს... იცით, მე დაკვირვებუ-  
ლი ვარ, როდესაც მზე ზღვაში ჩადის, მზის და ზღვის სანახა-  
ვად მასული ადამიანები, რომლებიც ნაპირზე დგანან, ჩუმად  
ლაპარაკობენ. მათ ემინიათ სიმშვიდის დარღვევა.

— მე ისეთი სიმშვიდე მიყვარს, თავდავიწყება რომ მო-  
აქვს.

— მერე? განა ზღვა არ იძლევა თავდავიწყების მიზეზს?  
განა მხოლოდ სიმშვიდეს მოაქვს თავდავიწყება? ვერაფერი  
მაგრძნობინებს ისეთ ღრმა თავდავიწყებას, როგორც აღელ-  
ვებული ზღვა. უბ, რა კარგია ზღვა, როცა ღელავს...

კაცის ხელი ნერვიულად აკაკუნებს მუხლზე მუნდშტუქს.

— რა კარგია ღელვის ყურება, — ამბობს დათო და სადღაც  
იყურება — ზღვა შორიდანვე ამზადებს ტალღას — ჯერ ოდნავ

ატოკებს, მერე ატორქმანებს, მერე სხვა ტალღებს უერთებს ბლუჯა-ბლუჯად, მერე მოიქნევს და... ისმის სმაური, ტალღა მოდის ნაპირისაკენ, ჯერ დიდ ქვებს მოაგორებს, მერე კენჭებს, მერე, სულ ბოლოს სილას ებლაუჭება და მე მიჩვენება, რომ ტალღას აქვს თითები... ნუთუ არ გიყვართ ზღვა?

კაცის სახეზე ყვრიმალები თამაშობენ.

— ნუთუ არ გიყვართ მღელვარე, ძლიერი ზღვა?

— დამანებე თავი!!! რა გინდა ჩემგან, რა?

კაცი წამომხტარა ადგილიდან. ანთებული თვალებით უყურებს დათოს, თვალებში სიძულვილი დაუგებებია, მზადაა მივარდეს.

— რა დაგიშავებ? — გაკვირვებით ეკითხება დათო.

კაცი ხედავს მათ გაკვირვებულ სახეებს. ჯდება. მშვიდდება თითქოს.

— მაპატიეთ, — ამბობს კაცი და თავს ხრის.

დათო მსოლოდ ესლა გრძნობს გაბრაზებას. „რატომ მიყვირა? რატომ, როგორ გამიბედა უმიზეზოდ ყვირილი?“

— იცით რა, — ამბობს დათო — ჩემ ტოლს არ მოვუთმენდი... თქვენ კი... თქვენ რა უნდა გითხრათ... მამაჩემის ხნის კაცი ხართ...

— მაპატიეთ, — იატაკს ეუბნება კაცი — ამ ერთი წლის უკან... ზაფხულში შეილი დამეხრჩო ზღვაში... ერთადერთი შვილი... მღელვარე ზღვაში...

ასეთ დროს სიჩუმე საჭიროა და აუცილებელი.

იატაკის ფიცრები ერთმანეთს მიჰყვებიან და ხაზებს ჰქმნიან.

დათოს უნდა, რომ შესედოს კაცს, მაგრამ უცებ შეხედვის ეშინია, იცის, რომ კაციც შეხედავს.

მატარებელი განაგრძობს გზას. მატარებელი თურმე რომელიღაც სადგურზე განერებულა, ცოტა ხანს მდგარა, მერე ზარიც დაურეკიათ და დაძრულა მატარებელი.

დათო ჯერ კაცის ჩექმებს უყურებს, მერე მის მუხლს, მერე გულისჯიბის ღილს...

დათო უყურებს კაცს.

კაცს სულაც არა აქვს დიდი ცხვირი.

კაცს აქვს სევდიანი გამომეტყველება.

— მაპატიეთ, — ამბობს დათო.

— რა გაქვს, შვილო, საპატიებელი, შენ ხომ არ იცოდი... პირიქით, — მე მაპატიეთ, რომ ავეყვირდი. მე შენ კი არ გიყვიროდი... ზღვას ვუყვიროდი, ზღვას...

ისევ სიჩუმე... კაცის მუხლზე თამაშს იწყებს მუნდშტუკი. ხან იმ ბოლოთი ეხება მუხლს, კაცი რომ კბილებით იჭერს, ხან იმით სიგარეტს რომ სდებენ.

დათოს უნდა, რომ ანუგეშოს კაცი, ან ისეთი რამ თქვას, რომ კაცს ესიაშოვნოს. ვერ პოულობს სიტყვებს...

ისევ ფანჯარაში იყურება კაცი. მთლად გაშავებულია თოვლი, შავად ჩანს, მაინც თეთრია ალბათ...

— ხო... ძალიან მიყვარს. სულ ის ზღვა მიდგას თვალწინ, მღელვარე ზღვა... თოვლს რომ ვუყურებ მავიწყდება ყველაფერი, სიმშვიდეს ვგრძნობ მხოლოდ. ხანდახან შევაცქერდები რომელიმე ნაძვს. ნაძვს ტოტებზე ბევრი თოვლი ადევს, მაგრამ არ არის მოხრილი; არც ირხევა. მაინც შემეშინდება ხოლმე, რომ ნაძვი არ გაინძრეს და თოვლი არ ჩამოიყაროს მხრებიდან... ეგრე თუ მოხდა, დაირღვევა სიჩუმე, თვალწინ დამიდგება ზღვა და გამახსენდება... მეტკინება გული... მე მიყვარს სიმშვიდე...

კაცი ნაღვლიანად იღიმება და ამბობს: — უზარმაზარი სიმშვიდე.

ისევ ფანჯარაში იყურება კაცი. ისევ წინ მიდის პატარა მატარებელი.

„უზარმაზარი“... ფიქრობს დათო — „მართლა კარგი სიტყვაა ეს „უზარმაზარი“.

1960 წ.

## მ უ ს ი კ ო ს ი

სალამო სწორედ ისეთი იყო, ჩვენ რომ გვიყვარდა.

ჩვენ დავდიოდით ლამაზ ქუჩებში — ვაბიჯებდით ხეების და ფოთლების ჩრდილებს. ფეხს ვურტყამდით პაპიროსის

ნამწვავებს, ჩვენდაუნებურად მზერას ვაპარებდით განათებული ფანჯრებისაკენ. იყო სასიამოვნო სიჩუმე, და გვესმოდა მხოლოდ ჩვენი ნაბიჯების ხმა. ეს ხმა გვსიამოვნებდა, არ ვიცო, რატომ... შეიძლება იმიტომ, რომ ეს იყო ჩვენი ნაბიჯების ხმა.

ხმისამოუღებლად მივდიოდით. ალბათ იმიტომ, რომ გვსიამოვნებდა სიჩუმე, შეიძლება იმიტომ, რომ ლაპარაკს არ დაეფარა ნაბიჯების ხმა. ჩვენ გვსიამოვნებდა რაღაც. ეს „რაღაც“ იყო ლამაზი ქუჩა და სწორედ ისეთი საღამო, როგორიც გვიყვარდა.

ჩვენ ჩავუარეთ სახლს, საიდანაც ისმოდა რთილის ხმა. ბგერები ჯარისკაცებივით მწყობრად და რითმულად მიდიოდნენ ზევით და ქვევით.

ჩვენ გავცდით სახლს.

— იცი, რა? — მითხრა ნუგზარმა. — როდესაც ოდესმე კიდევ ჩავუვლი ამ სახლს, მექნება მოლოდინი, რომ გავიგონებ გამებს...

მე არაფერი ვთქვი — ვერ შევარჩიე პასუხი.

— შენც? — მკითხა ნუგზარმა.

— ჰო, მეც... — ვთქვი მე.

— იცი, მე ზოგიერთ ქუჩაზე უფრო ხშირად დავდივარ. ასეთ ქუჩაზე მე ვცხოვრობ, ვსწავლობ, ან უბრალოდ მომწონს ქუჩა... და დავდივარ. იმ ქუჩაზეც ხშირად ვარ...

— რომელზე?

— ის რომ ცხოვრობს...

„ის“ ერთი კარგი გოგოა, სიცილი და წითელი კაბა უხდება.

— იმ ქუჩებს კარგად ვიცნობ, — თქვა ნუგზარმა. — მივდივარ და ყოველი ფანჯრიდან მოველი იმის მოსმენას, რასაც მივეჩვიე. რომელიმე ფანჯრიდან ხშირად გამოდის სიმღერების ხმა, სხვა ფანჯარაში ჩანს რომელიმე ნახატი, ზოგიერთი ფანჯრიდან მოისმის მაგნიტოფონზე ჩაწერილი მსუბუქი მუსიკა, ზოგიერთიდან გამების დაკვრა ისმის. მივდივარ ნაცნობ ქუჩებში და ყოველი ფანჯრიდან მოველი იმის მოსმენას და დანახვას, რასაც მივეჩვიე. ხანდახან მიკვირს, რატომ არ ისმის სიმღერა... ჩემი სახლის წინაც დადიან, ალბათ, სხვები და ესმით... ზოგს მსუბუქი მუსიკა ურჩევნია გამების

მოსმენას, ზოგს პირიქით... ის ხმა კი, ჩემი სახლიდან რომ მოისმის, არავის არ სიამოვნებს. არავის, გარდა იმისა, ვინც უკრავს და კიდევ იმისა, ვინც იცის, რაშია საქმე.

— რაა ეგეთი? — ვკითხე მე.

— მოგიყვებ?

— მომიყევი.

— ჩამოუჯდეთ და მოგიყვები.

ჩვენ რომელიღაც სახლის კიბეზე ჩამოჯექით.

— ის ჩემი მეზობელია, — თქვა ნუგზარმა. — მაშინ ყველანი მუსიკოსს ვეძახდით. ამ დაძახებაში არ იგრძნობოდა ის პატივისცემა, რომელსაც რატომღაც იწვევენ მუსიკოსები. ალბათ იმიტომ იწვევენ, რომ არის მათში რაღაც ისეთი, რაც აიძულებთ იყვნენ მუსიკოსები და არა ვთქვათ... რა ვიცი, რამდენი სხვა პროფესიაა... ჰო, ამ დაძახებაში პატივისცემა კი არა, დაცინვა იგრძნობოდა. ალბათ, იმიტომ, რომ იმ ინსტრუმენტზე უკრავდა.

— რომელ ინსტრუმენტზე? — ვკითხე მე.

— ტუჩის გარმონზე უკრავდა... ჩვენ ყოველთვის ვბრაზდებოდით, როდესაც ის უკრავდა... რაღა რატომღაც — წარმოიდგინე ტუჩის გარმონზე გაუთავებელი დაკვრის მოსმენა... ამ ინსტრუმენტის ხმას მეზობლები სხვადასხვანაირად ვეძახდით — ზოგი წრიბინს, ზოგი ჩხავილს, ზოგიც წრუპუნს... უფრო ეს სიტყვა მიგვაჩნდა შესაფერისად — წრუპუნი. მას შეეძლო დაუსრულებლად დაეკრა თავის ინსტრუმენტზე. ეტყობოდა, რომ ძალიან სიამოვნებდა ეს. ის რაღაც სხვანაირად უკრავდა. რატომღაც ყოველთვის იჩჩევდა სევდიან მელოდიას. უკრავდა ხანგრძლივი ჩაბერვით. ყოველი შესუნთქვის დროს ქრებოდა დიდი ძარღვი მის კისერზე. მკრთალი ძარღვი შუბლზე... მერე ისევ ჩაბერავდა და ისევ იბერებოდა კისერზე დიდი ძარღვი, ისევ ჩნდებოდა მკრთალი ძარღვი შუბლზე. და ასე გაუთავებლად...

მეზოში მეორე მუსიკოსიც გვყავდა, ნამდვილი მუსიკოსი. ის ვიოლინოზე უკრავდა. ის უფრო ხშირად უკრავდა, მაგრამ არავინ ბრაზდებოდა — ის ნამდვილი მუსიკოსი იყო. მეზობლებიდან ზოგს მართლა უყვარდა ვიოლინო, ზოგს არა, მაგრამ ხმამაღლა მაინც ვერ გამოხატავდა საყვედურს — იცოდა,

რომ ყოლინსო აღიარებულდი ინსტრუმენტი იყო. სამაგიეროდ, ისიც ყველამ იცოდა, რომ ტუჩის გარმონი არ იყო ასეთი ინსტრუმენტი და ყველა იძასდა, რომ ყურისწამლები იყო ეს „გაუსავებელი წრუპუნი“. სიმართლე რომ ითქვას, ის არ უკრავდა ძალიან ბევრს, არ უკრავდა გაუთავებლად: დაკვრა მაშინვე წყდებოდა, როდესაც გაისმოდა ვიოლინოს ხმა. ტუჩის გარმონის ხმა მაშინვე იკარგებოდა ვიოლინოს გაგინებაზე, თითქოს იმალებო. მევიოლინე უკრავდა გამებს, როულ პასაჟებს, მერე ეტიუდებს და მთელ კონცერტებს. ჩვენ ვიყურებოდით იქით, საიდანაც მოდიოდა ბგერები და გვეჩვენებოდა, რომ ფანჯარა უკრავდა. როდესაც მევიოლინე ამთავრებდა დაკვრას, ეზოში ათიოდე წუთით სინუმე იყო. მერე შემპარავად იწყებდა დაკვრას მუსიკოსი. ისმოდა ლამაზი, სვედიანი მელოდია, მაგრამ ჩვენ მაინც გვეჩვენებოდა, რომ მისი ფანჯარა „წრუპუნებდა“. ყველა იწყებდა ლაპარაკს: იძახდნენ, რომ მუსიკოსმა გააჭირა საქმე, რომ წაიღო ყურები, რომ აღარაა მისგან საშველი... ერთ დღეს ჩვენი ერთერთი მეზობელი შემოვიდა ეზოში და გაიგონა ტუჩის გარმონის ხმა. მეზობელს ვიოლინოც სძულდა. ის საერთოდ უკმეხი იყო და იმ დროს, მგონი, ცოტათი მთვრალიც. „შენ ეი, მუსიკოსო!“ — დაიღრიალა მან. ფანჯარაში მუსიკოსი გამოჩნდა. „რა გნებავთ?“ „გააჩერე რა, თუ ღმერთი გწამს, ნუ წაიღე ყურები“. ეს პირველად ხდებოდა, როდესაც მუსიკოსს პირში ეუბნებოდნენ საყვედურს. „რას გიშლით?“ — ჰკითხა მუსიკოსმა. „როგორ თუ რას!.. აღარაა მოსვენება“. მეზობელი ცოტათი მთვრალი იყო. „კიდევ კარგი, რომ მეორე ხელი არა გაქვს, თორემ ორ გარმონზე ერთად დაუკრავდი“, — თქვა მეზობელმა და მიმოსედა — უნდოდა ჩვენს სახეებზე ამოეკითხა როგორ მივიღებდით მის ენამოსწრებულობას. „ერთი ხელითაც შემობღია ორი გარმონის დაჭერა“, — სცადა ხუმრობა მუსიკოსმაც. „კიდევ კარგი, რომ მეორე ხელი არა გაქვს, თორემ ოთხი გარმონით დაუკრავდი!“ — დაიყვირა მეზობელმა, მოეწონა ნათქვამი და აღფრთოვანებით გამოიხედა ჩვენსკენ. პირველად ზოგს მოეწონა ხუმრობა, ზოგს არა. ცოტა ხნის შემდეგ აღარავის მოსწონდა ხუმრობა, მიქმელსაც კი. მუსიკოსი ნაწყენი ჩანდა და ცდილობდა ეთქვა რაიმე. ვერაფერი თქვა და შებრუნდა ოთახში.

იმ დღეს ყველანი ველოდით, როდის გავიგონებდით მისი ინსტრუმენტის ხმას, მაგრამ ფანჯარა დუმდა. მე ავედი მასთან და მორიდებულად დავაკაკუნე კარებზე. კარები მუსიკოსმა გააღო. მე შევედი ოთახში და ჩამოვჯექი სკამზე. ცოტა ხანს ჩუმად ვიყავით. „დაუკარით რამე, რა...“ — ვუთხარი მე. „მე არ მეგონა“, — თქვა მუსიკოსმა, — „რომ გაწუხებდით თქვენ... ალბათ იმიტომ, რომ ყველა ინსტრუმენტი მიყვარს“. „დაუკარით, რა,“ — გავუშეორე მე. „ორივე ხელი რომ მქონდეს, ვიოლინოზე დავუკრავდი“, — თქვა მუსიკოსმა.

ჩვენ დიდხანს ვისხედით ჩუმად.

„მე არ შემიძლია არ დავუკრა“, — თქვა მუსიკოსმა. — „მე ძალიან მიყვარს მუსიკა. ისეთი კი არა, რომელსაც უსმენ... ისეთი, რომელსაც თვითონ ჰქმნი“... მან დასედა ინსტრუმენტს: „ეს ერთადერთი ინსტრუმენტია, რომელზედაც შეუძლია დაუკრას ცალხელა კაცმა“.

„დაუკარით, რა“, — კიდევ ვთქვი მე.

მუსიკოსმა აიღო გარმონი, მიიტანა ტუჩებთან და ჩააბერა. მუსიკოსი უკრავდა ნაღვლიან მელოდias. უკრავდა გრძელი ჩაბერვებით. შესუნთქვის დროს ქრებოდა დიდი ძარღვი კისერზე, მკრთალი ძარღვი შუბლზე. მერე ისევ ჩაბერავდა და... ისევ იბერებოდა კისერზე დიდი ძარღვი, ისევ ჩნდებოდა წვრილი ძარღვი შუბლზე... ეს არ იყო „წრუპუნი“, არც „ჩხავილი“ და „წრიპინი“. ეს იყო ლამაზი, ნაღვლიანი მელოდია და მე მომეჩვენა, რომ ეს იყო მელოდია მეორე ხელზე.

ნუგზარი გაჩუმდა.

— ახლა, როდესაც ვბრუნდები სახლში, შორიდანვე ვამახვილებ სმენას. მერე გავიგონებ, რასაც მოველი და მსიამოვნებს — ეს არის ტუჩის გარმონის ხმა.

— ახლაც უკრავს, ნეტავ? — ვკითხე მე.

— ალბათ...

ჩვენ წამოვდექით. მივდიოდით ლამაზ ქუჩაზე — ვაბიჯებდით ხეების და ფოთლების ჩრდილებს. იყო სასიამოვნო სიჩუმე და გვესმოდა მხოლოდ ნაბიჯების ხმა. გვსიამოვნებდა ხმა, რომელიც იყო ჩვენ ო.

მე გამახსენდა მუსიკოსი და რატომღაც შემშურდა მისი, ალბათ, იმიტომ, რომ არ ვუკრავ არცერთ ინსტრუმენტზე...



იმ ღამეს, როდესაც მარტო ვბრუნდებოდი სახლში, მე ვსტკვენდი... ეს იყო ნაღვლიანი მელოდია რომელიღაც კინო-ფილმიდან. მე მომეჩვენა, რომ ეს იყო მელოდია ჩემს ორ ჯანსაღ ხელზე, რომლებსაც არ შეეძლო დაკვრა...

მე მაინც მსიამოვნებდა სტვენა.

1961 წ.

## ბ ა ქ ა ნ ი

ბაქანს თეთრად შეღებილი კედლები ჰქონდა და წარწერა ეკეთა. კედლებზე ვილაციების სახელები იყო დანახაპნილი. ბაქანთან მოხუცი მეისრე იდგა, ყვითელი ბაირალით ხელში. მოსუცს უყვარდა ბაქანი. შენობა იყო ძალიან პატარა, იყო ძალიან მშვიდი და ელოდებოდა მატარებლებს. მატარებლები მოდიოდნენ, ჩერდებოდნენ, ხალხი ჩამოდიოდა და ადიოდა კიბეებზე. მოხუცის თვალში ბაქანი ცოცხლდებოდა და თითქოს შესცივინებდა მატარებელს. ბაქანი იყო ერთგული გამცილებელი და მას ისე კარგად შეეძლო დახვედრა, თუ გაუჩერდებოდნენ... მოხუცს ძალიან უყვარდა პატარა, თეთრი შენობა.

ხანდახან მოდიოდნენ ჩქარი მატარებლები. მათ დიდი ქალაქების სახელები ეწერათ ვაგონებზე. ბაქანი თითქოს შორიდანვე უყურებდა მატარებლებს, ელოდებოდა მათ გაჩერებას.

ჩქარი მატარებლები არ ჩერდებოდნენ პატარა ბაქანზე. მოხუცს ეჩვენებოდა, რომ ბაქანი იყო გულდაწყვეტილი და სადღაც, გვერდზე იყურებოდა.

მოხუც მეისრეს არ უყვარდა ჩქარი მატარებლები.

1961 წ.

## ჩვენს ეზოში წვიმა მოდის

...და შავბარსაგმდინარი მამაკაცი

ძალიან ცხელია. გავარჯარებულ ასფალტს ბუდი ასდიოდა. ისეთი სიცხე-პაპანაქება იდგა, გარეთ არ გამოისვლებოდა. ყველას ეგონა, ნაშუადღევს აგრილდებაო, მაგრამ შეცდნენ — მზე ისევ იკბინებოდა. ეზოში არავინ გამოსულა, კვირა დღე იყო და ყველანი შინ იყვნენ ჩაკეტილნი. სიცხით გაბრუებულნი დროდადრო ამოიოსრებდნენ ხოლმე და სველი ცხვირსახოცებით თფლს იწმენდნენ. ჰაერი მძიმე, დასუთული იყო. სუნთქვა გაჭირდა.

რკინის ხვეულ კიბეზე მსუქანი კაცი ჩამოვიდა, ონკანზე რეზინის მილი მიამაგრა და ეზოს მორწყვას შეუდგა. შესამჩნევად აგრილდა. ფანჯარას ჯერ ერთი კაცი მოაღვა, მერე მეორე.

— შენ გიშველა ღმერთმა, სარდიონ.

— რა კარგად მოიფიქრე, კაცო!

სარდიონს ესიამოვნა და სიამაყეც კი დაეტიყო. — ასეა, ასეაო, — სთქვა.

— მოფიქრება არ უნდოდა? — გაიკვირვა დიდულვაშიანმა კაცმა, — მთელი დღე რაღაც მაწუხებდა და ვერ მივხვდი, რა იყო.

— თქვენ ნუ იცით ყველაფრის გაბუქება, — შენიშნა მაისურნიანმა მამაკაცმა მეორე სართულიდან. — რა მოხდა? კაცმა ეზო მორწყა, რა დიდი ამბავია, არ ვიცი?

— რას ამბობ, ანდრიკო, — ფანჯრის რაფაზე წითელლოყეობა ქალი გადმოიხარა, — კაცი პატივს გცემს, უნდა დააფასო.

— ჰო, ჩემი გულისთვის შეწუხდა სწორედ, როგორ არა! — ჩაიციინა ანდრიკომ. — კაცს დაცხა და ეზო მორწყა, რა მოხდა?

— მერე, ადამიანმა რომ თავის თავსაც ასიამოვნოს და შენც, რა მოხდაო უნდა სთქვა?

— არ ვიცი სწორედა — დაემოწმა ულვაშა.

— საკვირველია, ანდრიკო, შენი საქმე.

— რას ერჩოდა, ნეტავი, ამ კაცს?

— მიდი, სარდიონ, მიდი, გენაცვალე, ყველას კი ნუ დაუბედებ ყურს, — ურჩია ვილაყამ.

ანდრიკოს გული მთუვიდა და ოთახში შებრუნდა. იქვე, აივნის კართან შეჩერდა — იქნება ჩემზე რამე სთქვანო.

მოწინააღმდეგის გაქცევამ სარდიონი გაახარა; წელში გაიშართა. რეზინის მილი ისე ამაყად ეჭირა, რომ წყლის ჭავლი საგულდაგულოდ გალესილ დაშნას დაემსგავსა. ნელა, ნაზად ამოძრავებდა ხელს, თითქოს საყვარელი ქალის სასუნუსს ნახაპნიდა სილაზე.

მეზობლები სიგრილეს გრძნობდნენ, ალერსიანად დასცქეროდნენ სარდიონს.

— სხვა რომ არაფერი, — სთქვა მიხეილმა, — ფიზკულტურაცაა ეზოს მორწყვა.

— რა თქმა უნდა, — დაეთანხმა ულვაშა და მაშინვე დაეჭვდა. — სადაური ფიზკულტურააო.

— აბა, ვლასოვი ნაღდად მებანძრე იქნებოდა, — გაისმა აივანზე შეუმჩნევლად გამოსული ანდრიკოს ხმა, — ჩვენი კარტოზიაც.

სარდიონმა ონკანი დაკეტა და ზევით აისედა.

— რა გინდა, ჰა! აღარ მომეშვები, ბიძია?

„ბიძია“ ისე იყო ნათქვამი, უცნებურ სიტყვას უდრიდა. ანდრიკო პასუხის გასაცემად მოემზადა და დაფიქრდა. აშკარად ეტყობოდა, უწმაწური პასუხის თქმას აპირებდა. ლოყებლაჟღაჟა ქალმა, ელიკომ გადასწყვიტა ყურები დაეცო, მაგრამ უეცრად „ოჰო, ვინ ჩამოსულაო“, მოესმა და ჭიშკრისაყენ გაიხედა. ეზოში ტანმორჩილი, გამხდარი მამაკაცი იდგა. იმ განიხილა სიცხეში შავი კოსტუმი ეცვა. კისერზე გაბზეკილი პეპელა-ჰალსტუსი ეკეთა, ხელში ორი დიდი ჩემოდანი ეჭირა. ეზო შრებოდა, მზე აცხუნებდა, ასფალტს ორთქლი ასდიოდა და გამხდარი მამაკაცი თითქოს წისლმი იდგა. მენობლებს პატარა, სვედიანი თვალეები მოავლო, თავი მდაბლად დაუკრა და უთხრა: „გამარჯობათ, ხალხო!“

— ოქი — გაიკრიჭა ანდრიკო. — „ფოკუსნიკს“ გაუმარჯოს. როგორ მოიარე რუსეთი, კარო?

— დიდი მადლობა, კარვად.

— რამდენი ხანია, აქ აღარ ყოფილსარ, შენი ბოქლომი დაჟანგდებოდა.

— არა უშავს, — ნალელიანად გაიღიმა კარომ, — თქვენი ნებართვით როგორმე გავაღებ.

მისი ოთახის კარზე, თითქმის ყოველთვის, პატარა ბოქლომი ეკიდა; კარო მსოლოდ ზაფხულობით ჩამოდიოდა თბილისში. სხვა დროს გასტროლებზე დადიოდა სხვადასხვა ქალაქებში. მეზობლები დიდად არ აფასებდნენ. „გამარჯობის“ მეტს არაფერს ეუბნებოდნენ ხოლმე. ხანდახან მაინც აუცილებელი იყო კაროსთან გამოლაპარაკება და ყველა ეჭვით ისმენდა მის მაღალფარდოვან სიტყვებს. ერთადერთი, ვინც ხშირად ელაპარაკებოდა, ანდრიკო იყო, მაგრამ კაროს არ უყვარდა ეს კაცი. არავინ იცოდა კაროს ასავალ-დასავალი, ნამდვილი სახელიც კი არ იცოდნენ მისი. „კარო“ ამ პატარა კაცის ფსევდონიმი იყო. ეს გამხდარი მამაკაცი ჩვეულებრივად იქცეოდა, მაგრამ ყველა მაინც ეჭვის თვალით შესცქეროდა — კარო ილუზიონისტი იყო.

სარდიონმა კაროს ახედ-დახედა, რეზინის მილი დაახვია და შინ აიტანა. ანდრიკო მეორე სართულიდან დამცინავად დასცქეროდა კაროს, ის კი ეზოში იდგა, ხელში უზარმაზარი ჩემოდნები ეჭირა და ამოდ უცდიდა, როდის გასცემდნენ ხმას. თვითონაც არ იცოდა, რუსეთის ქალაქებში ყოფნისას რატომ ენატრებოდა ხოლმე მეზობლები — ხალხი, ვის გვერდითაც წელიწადში სამიოდე თვე თუ ცხოვრობდა.

ხმას არავინ იღებდა და კარომ მისდაუნებურად რამდენიმე ზედმეტი მოძრაობა გააკეთა: ერთი ჩემოდანი სველ ასფალტზე დადგა, ხელი გულის ჯიბეში ჩაიყო, მერე ისევ ჩემოდანს დასწვდა და თავის ოთახისაკენ გასწია.

—

ბუხუტი სანიკიძე მეორე სართელზე ცხოვრობდა. სამსახურიდან შეიღის ნახევარზე ბრუნდებოდა, საშინაო ტანსაცმელს იცვამდა, ხელებს იბანდა და სადილობდა. მერე მეორე ოთახში გადიოდა, ტახტზე წამოწვებოდა და კედელზე ჩამოკიდებულ დიდ საათს შეხედავდა. ამ დროს ყოველთვის რვის აოი წუთი იყო ხოლმე.

ბუხუტის ფიქრი უყვარდა. ნასადილევს დაძინება არ შეეძლო, რადგან ათას რაქზე ფიქრობდა. ტახტზე გულაღმა წამოწვებოდა და ძალაუნებურად განსჯა-მოსაზრებებში იძირებოდა. „ნეტავი ვინ უფრო მიყვარს, ჩემი სიძე საშა, თუ ჩემი რძალი ნაზიკო?“ ეს მეტად ძნელი გადასაწყვეტი იყო, რადგან ბუხუტის ძალიან უყვარდა სიძეც და რძალიც. პასუხის გასაცემად აუცილებელი იყო ფანტაზიის მოშველიება. ბუხუტი ჯერ წარმოიდგენდა, თითქოს საშამ ხელი მოიტეხა. სიძის შეწუხებულ სახეს რომ წარმოიდგენდა, გული ეტკინებოდა. მერე ისევ მდგომარეობაში ნაზიკოს წარმოიდგენდა, ისევ ეტკინებოდა გული. არაფერი გამოდიოდა — ორივე ძალიან უყვარდა ბუხუტის. მაგრამ მან იცოდა, ცხოვრებაში ზუსტად ერთნაირი რამ არაფერი იყო და ისევ ფიქრობდა, მაინც რომელი უფრო მიყვარსო?

ბუხუტი გარინდებული იწვა და ათას რამეზე ფიქრობდა. მერე სიამაყით იხსენებდა, სამსახურში ძალიან ჭკვიანი კაცის სახელი რომ ჰქონდა გავარდნილი, მაგრამ ამ დროს სინდისის ქენჯნასაც განიცდიდა: იმათ რა იციან, ასეთ რამეებზე რომ ვფიქრობო.

მიხეილსაც ჭკვიან კაცად იცნობდა ხალხი. თავი ამაყად ეჭირა, თავშეკავებული კაცი იყო. რჩევა-დარიგების მიცემა უყვარდა, რაიმე კამათის დროს თანამოსაუბრეებს ჯერ ყურადღებით უსმენდა და თავის აზრს ყოველთვის ბოლოს გამოთქვამდა ხოლმე. ყველა აფასებდა მიხეილს. ელიკო ხომ აღმერთებდა — ქალების ჭკუა რა ვთქვი, თორემ ასეთი აღამიანი უცოლშვილო უნდა იყოსო? ამას ელიკო ისე ხშირად იმეორებდა, რომ ერთხელ თავშეკავებული სარდიანიც კი მოთმინებიდან გამოიყვანა — „ქალებისაგან რა

გინდა, შე ქალო, იქნებ მისეილს არ უნდოდა ცოლი?" ამაზე ელიკომ უპასუხა, არა, სარდიონ, გინდაც არ სდომებოდა, იმ ქალების აფგილზე მანც არ მოვუსვენებდით.

ელიკო გაჭირვების დროს ყოველთვის მიხეაღს მიაშურებდა ხოლმე. ერისხელ მასთან ძალიან აღელვებული მივიდა და თვალცრემლიან-მა სთხოვა, შენი ქირიმე, მიხეილ, ჩემი ბიჭი დაარიგე, ვილაცა გოგო და ეგ თურმე ერთმანეთს გადააკიდებიანო. მიხეილმა დინჯად მოუკიდა პაპიროსს, თავი გაიქნია და შეწუსებულ ქალს თვალი თვალში გაუყარა. მერე პკითხა, დღეს რა დღეაო. შაბათიაო, უპასუხა ელიკომ. მიხეილი დაფიქრდა, გუნებაში რაღაცა აწონ-დაწონა და, კარგი, სამშაბათს ყველაფერი რიგზე იქნებაო, უთხრა. ელიკოს გული მოუბრუნდა. იმავე საღამოს მიხეილი ეზოში იჯდა. ჭადართან ერთი მერხი იდგა, იქ უყვარდა მისეილს ჯდომა. კარგახნის შეღამებული იყო, ჭიშკარი რომ გაიღო და ელიკოს ვაჟი შემოვიდა.

— ბიძიკო, მოდი აქ!

ბიჭი მორცხვად მიუახლოვდა.

— ჩამოჯექი აქ. რამდენი წლისა ხარ?

— ჩვიდმეტის.

— ეჰ! — ამოიოხრა მიხეილმა.

ერთ ხანს ჩუმად ისხდნენ. ბიჭი ცოტა გაკვირვებული იყო, მაგრამ არ იმჩნევდა.

— მე ახლა შენ რომ დაგარიგო, — დაარღვია სიჩუმე მიხეილმა, — როგორ გგონია, კარგი მენდომება შენთვის თუ ცუდი?

— კარგი.

— აბა, ყური დამიგდე, თრიოდე სიტყვა უნდა გითხრა: ახლა უკვე ჭკუა გმართებს. დღეიდან მარტო კი აღარა ხარ, ორნი ხართ, ორნი, — თვალთან ორი თითი მიუტანა მიხეილმა. ბიჭს შერცხვა და თავი ჩაღუნა. — ახლა ძალიან უნდა ერთდო უსიამოვნო შემთხვევებს, — განაგრძო მიხეილმა, — ქუჩაში ერთად რომ მოდიოდეთ და მთვრალი შეგხვდეთ, გვერდი უნდა აუქციო; თუ ამას ვერ შეძლებ, რასაც გეტყვის, ყველაფერზე დაეთანხმე. რომ გითხრას, მუხას მსხალი აბიაო, აბიათქო, უთხარი, რა გენაღვლება. ხომ სწორი ვარ?

— დიახ, ძია მიხეილ.

— და საერთოდ... — მიხეილმა კარგასანს უყურა, — გესმის ჩემი?

— კი.

— მე რომ ახლა დაგარიგე, როგორ გგონია, კარგი მინდოდა შენთვის თუ ცუდი?

— კარგი.

— აბა, შენ იცი. უფროსებს დაუჯერე და კაცი გამოხვალ.

მაგრამ მიხეილი ყველასთან როდი იყო ასეთი ალერსიანი. დიტოს, მაგალითად, სულ სხვანაირად ელაპარაკებოდა. დიტო ოცდათხუთმეტი წლის კაცი იყო. საკმაოდ უზრდელი, ბრიყვი და ზარმაცი ადამიანი გახლდათ. დიტოს კაცად არავინ აცდებდა. ერთადერთი, ვისთანაც მას ხშირი ურთიერთობა ჰქონდა, მისეილი იყო. მიხეილს ძალიან უყვარდა მერსზე ჯდომა, დიტოც ყოველთვის გვერდით მოუსკუპდებოდა ხოლმე. იცოდა, დაფასებული კაცი რომ იყო და ეტმასნებოდა.

ანდრიკოსი არ იყოს, მეზობლებს გულზე არც დიტო ეხატებოდათ. მას ყველაზე მეტად სარდიონი ვერ იტანდა. სარდიონი თჯახის ერთგული, შრომისმოყვარე კაცი იყო. სამსახურიდან შინ ისე არ დაბრუნდებოდა, იღლიაში ამოწრილი დიდი საზამიარო არ მოეტანა. იმ დღის შემდეგ, როდესაც ჩვენ პირველად მოვავლეთ ეზოს თვალი, გახურებულ ასფალტს აღარ რწყავდა — ვის უნდა ვემსახურო, ანდრიკოს თუ დიტოსო? სხვებიც აღარ რწყავდნენ ეზოს; რატომღაც ყველას ეგონა, სარდიონს ეწყინებაო. ისევე საშინელი სიცქეები იდგა. ყველას სული ეხუთებოდა, ასფალტს ბული ასდიოდა. არაქათგამოცლილნი ბრუნდებოდნენ სამსახურიდან, საღამოსანს გამოდდიოდნენ გარეთ (ბუხუტი ოთახში რჩებოდა და ფიქრობდა), ზოგს სკამი გამოჰქონდა ეზოში, ზოგი მერსზე ჯდებოდა და ლაპარაკობდნენ, ანდა ჩუმად ისხდნენ. ცას უყურებდნენ და მსჯელობდნენ, გაწვიმდებოდა თუ არა.

კარო ფანჯრიდან შესცქეროდა მეზობლებს, კამათში ჩაჩევა უნდოდა, მაგრამ თავს იკავებდა. იცოდა, ყველა ეჭვით რომ შეათვალიერებდა, მის დანახვაზე ზოვიერთი აიმრიზებო-

და კიდევ. კაროს ძალიან უნდოდა მერსზე დამჯდარიყო და ყველასათვის ეამბნა, რა ლამაზი ქალაქია ლვოვი, მაგრამ თავმთყუარეობა ამის უფლებას არ აძლევდა და მოწყენილი კარო ისხენებდა ხოლმე, რომ „ლვოვში პატარა, კოსტა სახლებია: ორ-სამსართულიანი სახლები სჭარბობს. ტრამვაიც პატარაა და ვიწრო ლიანდაგზე დადის. ლვოვში დიდი თოვლი იცის. ქალაქის დიდ პარკში ტევა არ არის, ხალხი ციგურებით დასრიალებს, გორაკებიდან ციგით ეშვებიან. იქ თოვლი ისეთი ჩვეულებრივი ამბავია, რომ გუნდასაც კი იშვიათად ესვრიან ერთმანეთს. ლვოვში სუფთა ქუჩებია. დნეპროპეტროვსკიც კარგი ქალაქია. როსტოვისა არ იყოს, ისიც ფერდობზეა გაშენებული...“

კაროს ეზოში ერთადერთი მეგობარი ჰყავდა — ნინიკო, ოთხი წლის გოგონა. კაროს ძალიან მოსწონდა ეს ბავშვი. ნინიკოს ქერა თმა და დიდი, ლურჯი თვალები ჰქონდა. მათი დამეგობრება ასე მოხდა: ერთხელ კარომ ეზოში დაინახა ნინიკო, დაბლა ჩამოვიდა, ხელი გაიქნია და მის თითებში ქალღლის ყვავილი გაჩნდა. გოგონამ გაკვირვებით შეხედა კაროს და ხელი გაუშვირა. მერე ყვავილი შეათვალიერა და მადლობა გადაუხადა. გოგონას ბოხი, სასაცილო ხმა ჰქონდა. კარომ გაიღიმა და გამოლაპარაკება გადასწყვიტა:

- რა გქვია?
- ნინიკო, — ჩაიდუდუნა გოგონამ.
- ვისი გოგო ხარ?
- დედიკოსი.
- მე კარო მქვია.

იმ დღის შემდეგ კაროს ყოველთვის გამზადებული ჰქონდა ქალღლის ყვავილი. დაინახავდა თუ არა გოგონას, ხელს გაიქნევდა, ყვავილს გაუწვდიდა და პატარაც ბოხი ხმით მადლობას უხდოდა.

კარო და ნინიკოს დედა არც ესალმებოდნენ ერთმანეთს — მარიამი ძალიან გულჩათხრობილი გახდა მას შემდეგ, რაც ქმარი გარდაეცვალა. მანამდე მხიარული, ხალისიანი ქალი იყო, მაგრამ ამ მოულოდნელი უბედურების შემდეგ სულ განმარტოვდა.



ქალს მხოლოდ პატარა ნინიკო დარჩა ნუგეშად, ქერათმიანი, ლურჯთვალება ბავშვი.

#### კანუნიკის ხა

ერთხელ კარომ სტუმარი მოიყვანა. საღამოვდებოდა, მიხეილი და დიღო მერსზე ისხდნენ. ანდრიკო აივანზე იჯდა და გაზეთს კითხულობდა, მარიაში ეზოში სარეცხს ჰფენდა.

მხრებგანიერ, მოქნილ ქალს ყველამ ინტერესით შეხედა. კაროს სტუმარს სევდიანი და მაინც ოდნავ თავხედური გამომეტყველება ჰქონდა. ამ ქალმა მეზობლების დაჟინებული მხერის მიუხედავად, ძალიან თავისუფლად აიარა ხვეული კიბე და სანამ კარო ბოქლომს აწვალებდა, რაღაც გესლიანად ჩაილაპარაკა მეზობლებზე. მასპინძელს სახეზე არაფერი დასტყობია, პასუხისაგან თავი შეიკავა, კარი გააღო და ქალი თავაზიანად შეიპატიჟა. მეზობლები დაფიქრდნენ, მერე ერთმანეთს გადახედეს, ცდილობდნენ გამოეცნოთ, რა დამოკიდებულება უნდა ჰქონოდათ კაროს და იმ ქალს.

კარომ ყავა აადულა და ფინჯნებში დაასხა. ქალმა ოდნავ მოსვა და ტუჩი ენის წვერით აილოკა.

— მოგწონს, როზეტა?

— რა უშავს. შენ უშაქროდ სვამ?

— კი.

ეს იყო და ეს. მერე კარგა ხანს ხმა არ ამოუღიათ. კარიმ საყვარელი ფირფიტა მოძებნა და ყველამ გაიგონა „არაბული ტანგოს“ ნაღვლიანი მელოდია. კარო ქალთან მივიდა, შეხედა და წელზე ხელი მოხვია. ნელა, მძიმედ ცეკვავდნენ. ქალი ოდნავ მაღალი იყო, მაგრამ კაროს ისე ღირსეულად ეჭირა თავი, რომ მისი სიდაბლე არც იგრძნობოდა.

— რას აკეთებენ ნეტავ? — იკითხა მიხეილმა. დიღომ რაღაცის თქმა დააპირა, მაგრამ გადაიფიქრა. თავში ეშმაკური აზრი მთუვიდა და მიხეილს გაუღიმა.

— რაღა წიწილაჭამია ლეკვივით იკრიჭები, ბიჭო.

დატომ ისე უცხად მოიწყინა, რომ მიხეილს მაშინვე გული მოუღება, — პო, სთქვი, სთქვი!

დატომ მიპოიხედა და ტუჩები ყურთან მიუტანა.

— ვითომ? — ჩაილაპარაკა მიხეილმა, ყური გამოიწმინდა და კაროს ფანჯარას ახედა.

ანდრიკო ოთახში შებრუნდა და უფროს შვილს — ათიოდე წლის ბიჭუნას — უთხრა, კაროსთან მიდი, მამამ მანეთი მასესხეო, ასე უთხარი.

მარიამი ეზოში სარეცხს ჰყენდა, ძალაუნებურად ყურს უკრებდა ტანგოს. მერხზე ჩამოჯდა, მაგრამ ეზოში მაშინვე დასაბუღი სიჩუმე ჩამოვარდა.

— კიდევ ვიცეკვოთ? — ჰკითხა ქალს კარომ.

— ვიცეკვოთ.

მარიამი წამოდგა, ვარდისფერი პირსახოცი დაბერტყა და თოკზე გადაჰკიდა.

კაროს ძალიან გაუკვირდა, კარზე რომ მიუკაკუნეს.

— მამამ მანეთი მასესხეთო.

— კი, ბიჭიკო. — ჯიბეში ხელი ჩაიყო კარომ და საფულე ამოიღო, — იქნებ მეტი გჭირდებათ, პა?

— რა ვიცი, მანეთი მასესხეთო.

— გესმის, ალაპარაკდნენ, — აცმუკდა დიტო.

ბიჭი ისე გავიდა ოთახიდან, კარი არ მიუხურავს. კარომ ხელი მსუბუქად ჰკრა სახელურს და სანამ ჯახუნი გაისმოდა, ქალს მიუბრუნდა:

— ვიცეკვოთ, როზეტა?

— ვიცეკვოთ, კარო.

— რას აკეთებდნენ, ბიჭო? — ანდრიკომ ზაიმუნლა და შვილს თვალი თვალში გაუყარა.

— არაფერს. აი, მანეთი.

— იპ...

— რამ აგაცუნდრუკა, კაცო? — დაინტერესდა მიხეილი.

— კიდევ უკრავენ.

— მერე შენ რა?

— მე? არაფერი.

— პოდა, იჯექი ჩუმად და ნუ იკრიჭები.

კარო და მისი სტუმარი ნელა, მძიმედ ცეკვავენ, კარია ქალს მხარზე ჩამოადო თავი. იგი ცეკვავდა, ფიქრობდა და თვალწინ ედგა შაბლონური, მაგრამ მაინც სასიამოვნო სურათი — ზღვის ნაპირი, ზღვა, კლდე, ტალღები და ძალიან შორს, ცის კიდურზე, თეთრი იალქანი.

ბუხუტი სანიკიძე ტახტზე იწვა და „არაბულ ტანგოს“ უსმენდა.

მარიამი ისევ ჩამოჯდა მერხზე. როცა სიმღერას ისმენდა, ეგონა, რომ ყველაფერი რიგზე იყო, უფრო მეტიც — მას ამ დროს სასწაულისა სჯეროდა. სიმღერის დამთავრების შემდეგ კი ძალიან წყდებოდა გული.

ანდრიკომ აღარ იცოდა, რა ექნა. ძალიან აღიზიანებდა „არაბული ტანგო“. ჩაგიდის უჯრა გამოაღო და ელექტროსამართებელი მოიმარჯვა. ძველი ელექტროსამართებელი სრიგინებდა და ანდრიკოს სიმღერა აღარ ესმოდა.

ტანგო დამთავრდა და გულნატკენი მარიამი ისევ სარეცხს მიუბრუნდა: სველი პირსახოცი გაწურა, დაბერტყა და თოკზე გადაკიდებას აპირებდა, როცა კარო და მისი სტუმარი გამოჩნდნენ. მარიამმა ქალს შეხედა და ძალაუნებურად დააკვირდა. მოქნილი, თამამი ქალი იყო როზეტა. მისეილს შესედა და უხერხულ მდგომარეობაში ჩააყენა, დიტოს შესედა — გააწითლა კაცი.

ანდრიკოს ძალიან მოეწონა ქალის ტან-ფეხი, მისი სახის დანახვაც მოუნდა. აღარ იცოდა, რა ექნა. ბოლოს მოიფიქრა — ასანთის კოლოფი აიღო და ეზოში გადააგდო. კოლოფი ქალის დაბალქუსლიან ფეხსაცმელთან დაეცა. კარომ და მისმა სტუმარმა მაშინვე ზევით აიხედეს, მისეილმა და დიტომაც აიხედეს ზევით.

— ბოდიში, ქალბატონო, — ანდრიკომ თავაზიანად დაუკრა თავი.

— არა უშავს, — უთხრა კარომ, — ხდება ხოლმე.

ქალი აიმრიზა, გაბრაზებულმა შეათვალა მარიამი და ანდრიკო და ქიშკრისაკენ გაემართა. კაროც უკან მიჰყვა, მაგრამ მაშინვე შემოესმა ანდრიკოს თხოვნა — „თუ შეიძლება, ასანთი ამომიგდეთ.“

— ვის ეუბნებით? — დაინტერესდა კარო.

— ჰა? — დაიბნა ანდრიკო, — თქვენ გეუბნებით, აბა, თქვენს მშვენიერ სტუმარს ხომ ვერ ვეტყვოდი?

— რატომ არ მეტყვოდით? — დაინტერესდა ქალი.

— ჯერ ერთი, უხერხული იქნებოდა, — მორცხვად სთქვა ანდრიკომ, მე რე ხმაში ისევ თავხედობა შეეპარა, — მეორეც ის, რომ თქვენისთანა სუსტ არსებას ვერ შევაწუხებდი.

„ძლიერმა არსებამ“ — დიტომ ხმამაღლა გაიცინა. მიხეილ-მაც ჩაიცინა და ქალს ამაყად დააცქერდა. ქალი ძალიან გაბრაზდა და მიმოიხედა. უკან დაბრუნდა, ფეხები განზე გადგა, პატარა ჩანთა კაროს ხელში შეაჩერა, უკან გადაიხნიქა, თავი მიწას მიუახლოვა, გაშეშებული მეზობლების თვალწინ ასანთის კოლოფი პირით აიღო და კვლავ წელში გაიმართა, კოლოფი მარჯვენა ხელში მოიქცია, მარცხენათი ტუჩი მოიწმინდა, მე რე ხელი მოიქნია და ასანთი აივანზე მარჯვედ შეაგდო, — ინებეთო. შემდეგ კაროს ხელი გამოსდო, ჭიშკართან ცოტა სწილთ შეჩერდა, პირდაღებულ მეზობლებს თვალი მოავლო, გაუცინა და ანდრიკოს ჰაეროვანი კოცნა გაუგზავნა — ისედაც გაოგნებულ და დამარცხებულ კაცს აშკარად დასცინა.

ორიოდე წუთი გავიდა, ხმა არავის ამოუღია. გაკვირვებით შესცქეროდნენ ჭიშკარს, საიდანაც ქალი და კარო გავიდნენ.

სხვებზე ადრე მიხეილი გამოერკვა. სახე დამანჭა და სთქვა, მე რომ მაგისთანა ქალიშვილი მყავდეს, ყელს ფრჩხილით გამოვჭერიდიო.

### ჩვენს ეზოში სასწაული ხდება

ისეთი საშინელი სიცხეები არავის ახსოვდა. ასფალტი დნებოდა, ფეხსაცმლის ანაბეჭდი მიწაზე გარკვევით ჩანდა. სიცხით გაბრუებული, არაქათგამოცლილი მეზობლები უაზროდ შესცქეროდნენ ერთმანეთს, უიმედოდ ათვალთქვებდნენ ცას და ნაღვლიანად ჩაიქნევდნენ ხელს — არა, არ გაწვიმდებაო.

საქმეს ეზოს მორწყვაც არ შველოდა — ორთქლს ღია ფანჯრებში ასფალტის ბული შეჰქონდა და ამაზეც ხელი ჩაიქნიეს.

საერთოდ ყველაფერზე ჩაიქნიეს ხელი, მოიწყინეს, დანადვლიანდნენ, მოეშენენ. ერთხელ სამსახურიდან დაბრუნებულ სარდიონს საშაპთრო კიბეზე დაუვარდა და გასკდა. მერე თითქოს შეეგუენ სიცხეს — რაჟდენმა სთქვა, ზაფხულში უნდა ცხელოდეს, აბა როგორ გინდათო. ეს მშვენიერი აღმოჩენა იყო, ამ აზრმა საუცხოოდ იმოქმედა მეზობლებზე, აუტანელი სიცხე მათთვის უცებ ჩვეულებრივი მოვლენა გახდა. არ ნოულაპარაკებიათ, მაგრამ თითქოს დააკანონეს, რომ სიცხეზე კრინტი არავის დაეპრა. ძველებურად ესალმებოდნენ ერთმანეთს, ათას რამეს ჰყვებოდნენ, ხუმრობდნენ, იცინოდნენ, მაგრამ ხანდახან მაინც მოიწყენდნენ, ჩუმად ისხდნენ და ფიქრობდნენ ზაფხულის შხაპუნა, მხიარულ, თავაწყვეტილ წვიმაზე. ფიქრიც კი ერთგვარ ლალატად ითვლებოდა, რადგან ყველა გრძნობდა, რაზე ფიქრობდა უეცრად მოწყენილი თანამოსაუბრე და ამიტომ, თავი რომ შეექციათ, გასართობ ამბებს იგონებდნენ.

მარიამს ბავშვი აგარაკზე ჰყავდა გაგზავნილი. კარომ რამდენჯერმე დააპირა გაროლაპარაკებოდა ქალს, ბავშვის ამბავი გამოეკითხა, მაგრამ თავს იკავებდა. ერთხელ მარიამმა მოზრდილი ყუთი — ბავშვისთვის გასაგზავნი ამანათი — ეზოში გამოიტანა და სარდიონს სთხოვა, დამიჭედეთო. კარო მათთან მივიდა, ხელი გაიქნია და მარიამს ქალაღდის ყვავილი გაუწოდა, ესეც გაუგზავნეთ თქვენს პატარა ნინიკოს, იგი მიხვდება, ესოდენ მცირე საჩუქარს ვინც უგზავნისო.

გაკვირვებულმა მარიამმა ყვავილი ყუთში ჩადო და კაროს მადლობა გადაუხადა.

ამ შემთხვევამ დაინტერესა მეზობლები — მოდით, კაროს ვთხოვთ, იქნებ თავისი ნომრები გვაჩვენოსო.

ერთხელ, როცა კარო შინ ბრუნდებოდა, დიტო ფრთხილად მიუახლოვდა და უთხრა: — პატივცემულო, მეზობლები ვთხოვენ, გვაჩვენო შენი ნომრები, ძალიან ვთხოვთ...

კარო დათანხმდა:

— რომელ საათზე გნებავთ?

— დღეს შეიძლება?

— რა თქმა უნდა...

— აბა, შვიდ საათზე გვიჩვენე.

— შეიღზე იყოს, — სთქვა კარომ, — კეთილი და პატიოსანი.

სალამოს შვიდ საათაძდე კარომ საგულდაგულოდ გაიუთო-  
ვა აეთრი პერანგი და ფრაკი, საყელოზე პე.იელა-ჰალსტუხი  
პიიპაგრა, დანიშნულ დროზე გამოცხადდა ეზოში და მეზობ-  
ლებს თავი მდაბლად დაუკრა.

მეზობლებს ეზოში სკამები ჩაეტანათ, ერთრიგად ისხდნენ  
და უნდობლად შესცქეროდნენ კაროს.

კარომ ყველანი შეათვალიერა, აშკარად ეტყობოდა, რომ  
ლეღვდა, შექმდეგ ჩვეულებრივი გაზეთი გაშალა, ყველას აჩე-  
ნა ორივე მხრიდან და მეზობლების ცხვირწინ ნაკუწ-ნაკუწად  
აქცია, ხელში მოჭმუჭნა, ბოლოს ხელი გაშალა და... მეზობ-  
ლების თვალწინ გაზეთის ნახევები აფრიალდა. არ გამოუვიდა  
კაროს ჩანაფიქრი.

მეზობლებმა ერთმანეთს გადახედეს, კარო წამოწითლდა,  
ერთ ხანს დაბნეული იდგა. მერე გამბედაობა მოიკრიფა და  
სთქვა: -- არა ვარ შეჩვეული ეზოებში გამოსვლას...

დიტომ ჩაიფრუტუნა, ყველა დამცინავად შეაცქერდა კა-  
როს. იგი ძალიან უხერხულად გრძნობდა თავს. ოთახისაკენ  
გასწავა, გზაში შემოტრიალდა და თავის გამართლებას შეეცა-  
და — ჩემი სტიქია ესტრადაა.

მარიამს ძალიან შეეცოდა კარო, თვალი გააყოლა.

ბუხუტი სანიკიძე იმ საღამოს „გრაფიკიდან ამოვარდა“.   
ეზოდან რომ ამობრუნდა და ტახტზე წამოწვა, უკვე რვა საათი  
სრულდებოდა. იგი მხნედ გრძნობდა თავს და წარმოიდგინა,  
თითქოს წვიმა მოვიდა. ფანჯრის რაფაზე დაცემული წვეთების  
ხმაური მისმა სიძემ -- სამამ გაიგონა. ნაზიკოსაც ძალიან გა-  
ესარდა ეს აბავი, ძლივს არ წამოწვიმით? გრილი ჰაერით  
ტკბებოდნენ, გახარებულნი ისხდნენ ოთახში და წვიმის ხმა-  
ურს ყურს უგდებდნენ.

ვიღაცამ დააკაკუნა. კარო შეკრთა, თვალმოჭუტულმა გაი-  
ხედა კარისაკენ. ზღურბლზე მარიამი იდგა. კარო ფეხზე წამო-  
დგა და სტუმარს შეეგება.

— დაბრძანდით.

— გმადლობთ, ერთი წუთით შემოვიარე, — უთხრა მარიამ-  
მა და სკამზე ჩამოჯდა.

ცოტა ხანს ჩუმად ისხდნენ.

— გუშისწინ ჩემი ნინიკო ვინახულე.

— მართლა? — გაიღიმა კარომ, — ხომ კარგადაა?

— კარგად არის, გმადლობთ.

— წალვერში ისვენებს, არა?

— დიახ.

ისევ სიჩუმე ჩამოვარდა. კარო ყოყმანობდა, გამოეტანა თუ არა სტუმრისათვის ორიოდე დღის წინათ ნაყიდი ლელვის მურაბა, მაგრამ გადაიფიქრა, ვაითუ არ მოეწონოსო.

— ჩემს გოგონას ძალიან მოენატრეთ.

— მართლა? — გაეხარდა კაროს.

— სულ თქვენ გახსენებდათ ყვავილისათვის დიდი მადლობა დამაბარა.

— ეჰ, ის რა ყვავილია...

— რატომ, მე მომწონს.

— მართლა? — გაეხარდა კაროს, — ერთი წუთით მიტრიალდით, თუ შეიძლება.

მარიამმა ზურგი შეაქცია და სმენად გადაიქცა. უჯრის ხმაური შემოესმა.

— შეგიძლიათ მოტრიალდეთ.

მარიამი ყურადღებით შეაცქერდა კარომ ხელით სწრაფი მოძრაობა გააკეთა — ინებეთ!

ქალაღდის სიფრთხანა ყვავილი იყო. მარიამმა გაიღიმა.

— გინდათ სსვა ნომრებიც გიჩვენოთ?

— რა თქმა უნდა.

კარო ეშხში შევიდა. საწოლის ქვემოდან დიდი ყუთი გამოათრია, მერე ფრაკის სახელოები დაიკაპიწა, ყუთიდან ჩვეულებრივი გაზეთი ამოიღო. ორივე მხრიდან აჩვენა, შემდეგ მარიამის თვალწინ ნაკუწ-ნაკუწად აქცია, ხელში მოჭმუჭნა, მერე ხელი გაშალა და...მარიამის თვალწინ ისევ მთელი გაზეთი აფრიალდა.

გაოცებული მარიამი კაროს გამხდარ ხელებს დააკვირდა.

საოცარი იყო, კაროს ხელში არაფერი ეჭირა — მარიამთან ასლოს მივიდა და ხელები დაანასვა. უცებ მის თითებში პაპიროსი გაჩნდა, კარომ პაპიროსი პირთან მიიტანა და გააბოლა! მერე კარომ პირდაპირ იატაკზე დააგდო პაპიროსი, ფეხიც და-

ადგა, ისევ სწრაფი მოძრაობა გააკეთა ხელით და... მის თითებში ახალი პაპიროსი გაჩნდა, არხეინად გააბოლა.

მარიამმა ლოყაზე ჩამოისვა ხელი.

ჯერ სად იყო... კარომ ქალღმერთისაგან პარკი გააკეთა, მერე კიქიდან წყალი ჩაასხა, პარკი გადმოატრილა და... იატაკზე ერთი წვეთიც კი არ დაცემულა. კარომ პარკი გახსნა, მარიამს მშრალი ქალღმერთი აჩვენა, ისევ გააკეთა პარკი, გადმოატრილა და წყალი იატაკზე გადააქცია.

ნუთუ მართლა არსებობდა სასწაული?

როგორ არ არსებობდა — კარომ მარიამს ჩვეულებრივი ჯოხი აჩვენა, მაგიდაზე დააკაკუნა, დაიქნია და... ჯოხი ყვავილების თაიგულად გადაიქცა. თაიგული მოჭმუჭნა, მუჭში ჩამალა, მერე თითები ნელა გაშალა და... რის ყვავილები, რა ყვავილები — მარიამს ჩვეულებრივი კვერცხი დაანახვა. მაგიდიდან ყუთი აიღო, თავი ახადა და გადმოატრილა. ყუთში არაფერი იყო. კარომ ყუთი ისევ მაგიდაზე დადო, შიგ კვერცხი ჩადო და თავსახური დაახურა. მერე ყუთს შავი ნაჭერიც გადააფარა, მარიამს შეხედა, შავი ნაჭერი შორს მოისროლა, ყუთს თავი ახადა და... ჰოი, საკვირველებავ — ყუთიდან ყავისფერი მტრედი ამოფრინდა!

კარომ მარიამს შეხედა, გამოცვლილი ეჩვენა ქალი. დიდსანს უყურა მას და მიხვდა, რომ ქალი სადაც იყო, ატირდებოდა, მხრები აუცახცახდებოდა, თავს ხელებში ჩარგავდა და ნაწყვეტ-ნაწყვეტად იტყოდა: „კარო, კარო, ძვირფასო!..“

მარიამს თვალი მართლაც ცრემლით ავესო. კარო მიუახლოვდა ქალს და ხმადაბლა უთხრა — „მე დიდი ხანია, ოჯახზე ვოცნებობ“.

რამდენიმე დღის შემდეგ წვიმაც მოვიდა. გათენებისას წამოწვიმა — ჯერ რამდენიმე წვეთი დაეცა ეზოში, მერე სახურავზე ასტუნავებული წვეთების ჩუმი გუგუნი გაისმა და...

წვიმს, სასიამოვნო სიგრილეა, ახლად გამოღვიძებული მეზობლები ყურს უგდებენ წვიმას, გაუნძრევლად წვანან და ბურანში მყოფთ ძალიან უხარიათ, რომ წვიმა მოდის. სახურავზე მსხვილი წვეთები ეცემა, მიწში წყალი მოჩხრიალებს. ეზოში პატარა გუბეები დადგა. გუბეში მოჩანს პატარა, ორსარ-



თულიანი სახლი და ცახცახებს. ფანჯრის რაფებზე გაუთავებელი რაკარუკია, მუზობლები კი ბურანში არიან, ყველას ეზარება ადგომა. ოთახი სავსეა წვიმის წვეთების ხმაურით და ყველას ასე ჰგონია, თუ საბნიდან ფეხს გამოჰყოფენ, მაშინვე დაუსველდებათ. წვანან ასე ბურანში და ყურს უგდებენ წვიმას. გარეთ კი მართლა წვიმს — ჩვენს ეზოში ზაფხულის შხაპუნა, მსიარული, თავაწყვეტილი წვიმა მოდის.

1964 წ.

## მიხეილი და ალექსანდრა

### 1

ალექსანდრე ჯერ ხუთი წლისაც კი არ იყო, ყველა ნიჭიერს რომ ეძახდა. ბავშვმა არ იცოდა, რაში გამოიხატებოდა მისი ნიჭი. რატომღაც არ სიამოვნებდა, მოურიდებლად რომ აქებდნენ და სტუმრებს ემალებოდა. მხრებზე ტვირთად აწვა მახლობელთა ქება და იმედები.

ეს კი იყო, ალექსანდრეს ხატვა უყვარდა — ხეს ყავისფერი ტოტები ჰქონდა, ტოტებზე მწვანე ფოთლები ხარობდა. ზღვა ლურჯი იყო, წითელი გემიდან შავი ბოლი ამოდიოდა და ცაში იკარგებოდა. შავი თევზები გაბრტყელებულიყვნენ ზღვის ზედაპირზე. სახლს კედელი, ფანჯარა და კარი ჰქონდა, სახურავიდანაც დაკლაკნილი ბოლი ამოდიოდა. მზე ყვითელი იყო, ანდა წითელი, მოკლე სხივები ჰქონდა. ცაში გამჭვირვალე თვითმფრინავი ეკიდა.

ზამთრობით ალექსანდრეს გასასეირნებლად რომ გამოიყვანდნენ, პირდაპირ საცოდაობა იყო ბავშვის ყურება — ალექსანდრეს მძიმე, ყურებიანი ქუდი ეხურა, პალტოს ქვეშ ორი ჯემპრი ეცვა და კაშნე ისე მაგრად ჰქონდა მოჭერილი, სულს ძლივს ითქვამდა. თავს გვერდზე ვეღარ ატრიალებდა; ვინმე გამვლელი თვალში რომ მოუვიდოდა, მთელი ტანით შემოტ-

რიალდებოდა, ამნაირად თუ გააყოლებდა მზერას. ისე იყო გაკოჭილი, ტირილსაც ველარ ბედავდა.

ალექსანდრე შვიდი წლისა რომ შესრულდა, სკოლაში შეიყვანეს. მუსიკალურ სკოლაშიც ამეცადინებდნენ, ვიოლინოს განხრით. თუმცა ალექსანდრეს კარგი სმენა ჰქონდა, ვიოლინოზე დაკვრა მაინც არ ეპიტნავებოდა. ძალიან ცოტას მეცადინეობდა და მაინც ხუთები ჰქონდა. იქნება მართლა ნიჭიერი იყო ალექსანდრე?

თუ მოეწყინებოდა, ხატავდა. ახლა მის ზღვაზე გემებთან ერთად ნავებიც ტივტივებდნენ, თვითმფრინავიდან პარაშუტით ხტებოდნენ მამაცები, სწორუპოვარი კაპიტანი გემის საჭესთან იდგა. ხატვა დიდად არ სიამოვნებდა, უბრალოდ, დრო გაჰყავდა.

ვიოლინოზე მეცადინეობასაც ძალაუნებურად შეეჩვია. იცოდა, დღეში ორი საათი აუცილებლად რომ უნდა გაეწირა და უხალისოდ, მაგრამ მაინც ყოველდღე უკრავდა, სკოლაშიც ხუთები ჰქონდა, თავისუფალი დრო მაინც რჩებოდა და მხატვრული კითხვის წრეში შეიყვანეს. იქაც უხალისოდ კითხულობდა მსიარულ მოთხრობებსა და ლექსებს.

მხოლოდ მაშინ გამოცოცხლდებოდა, ველოსიპედზე რომ შეჯდებოდა ხოლმე. იმ დროს რომ დაგენახათ, ველარც. იცნობდით. ველოსიპედს აღმა-დაღმა დააქროლებდა, მანქანებს ეჯიბრებოდა, ბევრჯერ იტკინა ხელ-ფეხი, მაგრამ მაინც თავისას არ იშლიდა. სხვა დროს რომ შეგეხედათ, ვერც დაიჯერებდით, ალექსანდრე ასეთი გადარეული თუ იყო.

საერთოდ კი ჩუმი ბავშვი გახლდათ, სმას იშვიათად თუ ამოიღებდა, რადგან მხატვრული კითხვის წყალობით ყოველი სიტყვის წარმოთქმისას დიდ პასუხისმგებლობას გრძნობდა. ვიოლინოზე დაკვრა ისევ ეზარებოდა და ცოტათი სინდისიც აწუხებდა — საბოლოოდ მასწავლებელს იმედებს ვერ გავუმართლებო. მაინცდამაინც არც ტოლებთან თამაში ეხალინებოდა. კიდევ კარგი, ველოსიპედი ეგულებოდა.

შვიდწლედით რომ დაამთავრა, მუსიკალურ ტექნიკუმში შეიყვანეს; აქ ალექსანდრე ორკესტრში მეცადინეობასაც გადიოდა. ძალიან მკაცრი დირიჟორი ჰყავდათ, ბავშვებს არ უყვარდათ ის კაცი. ალექსანდრესათვის ორკესტრში დაკვრა წამება

იყო, მაგრამ ერთხელ ძველი დირიჟორის ნაცვლად სარეპეტი-  
ციო ღარბაზში სწრაფი და მხნე ნაბიჯით შემოვიდა გამართუ-  
ლი კაცი, უეცრად შეჩერდა, მოსწავლეები შეათვალიერა, გაი-  
ღიმა და თქვა:

-- გამარჯობათ, გვრიტებო, მე თქვენი ახალი დირიჟორი  
ვარ.

ბავშვები პირდაღებულნი შეაცქერდნენ, კაცმა გაიცინა,  
უეცრად ძალიან სერიოზული სახე მიიღო და თავი დახარა:

— მიხეილ სანაძე! ბედნიერი ვარ, რომ გაგიცანიტ...

ბავშვებმა ერთმანეთს გადახედეს, ახლადშემოსულმა კი  
საქმიანად გამოაცხადა:

— გთხოვთ დაიკავოთ ადგილები, რომელია კონცერტმე-  
ისტერი? ძალიან კარგი, რას უკრავთ? ო, ფრანც შუბერტი დი-  
დებულისა, აბა, ავაწყოთ ინსტრუმენტები... არა, სწორი არ  
არის, — სახე მოჭმუხნა და წაიღიღინა: — ლა-ა...

ყველასათვის ამკარა გახდა, რომ ახალ დირიჟორს აბსო-  
ლუტური სმენა ჰქონდა — მის მიერ აღებული ნოტი როიალ-  
ზე შემოწმდა.

— ბოდიში, როგორ მოგმართოთ ხოლმე? — ჰკითხა პირ-  
ველმა ვიოლინომ.

— მამის სახელს გეტყოდით, მაგრამ რა საჭიროა ასეთი  
ფორმალობა, მაესტრო დამიძახეთ.

მშვენივრად ამბობდა ამ სიტყვას — „მაესტრო“. „მაეს“-ს  
ისე იძახდა, თითქოს ზევით, ცისკენ მიფრინავდა; ოდნავ მო-  
ღუნულიც რომ ყოფილიყო, მაშინვე გასწორდებოდა და ისე  
იტყოდა — „მაეს“... შემდეგ კი „ტრო“-ს ისეთი ნაზი თრთოლვით  
წარმოთქვამდა, თითქოს ამ მარცვალს წვრილი თოკი ჰქონდა  
გამობმული და ისე არხვედა. მოკლედ, მაშინვე შეაყვარა ბავ-  
შეებს ეს სიტყვა.

— აბა, ვახსენოთ ღმერთი და დავიწყოთ. — მხნედ წარმოთქ-  
ვა და ხელები მალლა ასწია. — ვუკრავთ შუბერტს!

დაიწყეს თუ არა, მაშინვე ხელი ჩაიქნია და ჩაილაპარაკა:

— საწყალი ფრანცი თქვენს ხელში. აბა, მიჰასუხეთ, ყუ-  
რები რომ ჩამოგიყრიათ, რა სწერია, როგორ დაუკართო?

— ფორტისიმიო.

— მერე, ეგ სიტყვა რას ნიშნავს?

— „ძალიან ხმამაღლას“ ნიშნავს, მაესტრო, — უთხრა პირველმა ვიოლინომ.

— მერედა, დღეს არაფერი გიჭამიათ? ქალაჩუნებო...

მერვეკლასელი ბიჭებისათვის ეს დიდი შეურაცხყოფაა. მათ ვიოლინოები, ალტები და ჩელოები მოიმარჯვეს და მოემზადნენ, მაგრამ მაესტრო მიხეილმა თქვა: მისმინეთ, ჭაბუკებო და გოგონებო. მე თქვენ გასწავლით, როგორ უნდა დაუკრათ ფორტისიმო, — იგი ჩაფიქრდა. საოცარი სახე ჰქონდა ამ კაცს — თუმცა ხშირად იღიმებოდა და თვალები უციმციმებდა, მაინც დანადვლიანებული გეგონებოდათ.

— დიდი ხნის წინათ, — დაიწყო მაესტრომ, — ცხოვრობდა ერთი კაცი — სამსონი. იგი ძალიან ღონიერი და ამასთანავე სამართლიანიც იყო. მისი ძალა მისივე თმაში იმყოფებოდა, — მაესტრომ თავზე გადაისუვა ხელი. — და აი, ერთხელ, მას მიუპარა ბოროტების მოციქული და თმა მაკრატლით შესჭრა, გამოეღვიძა თუ არა კეთილ სამსონს, მაშინვე დიდი ხის გადატეხვა მოუნდა, ხელი წაჰკრა, მაგრამ თვითონვე წაიქცა. შემდეგ წამოდგომაც კი გაუჭირდა.

მიხეილი ბავშვების ასაკს ითვალისწინებდა და დარწმუნებული იყო, მის ნაამბობს სასურველი შედეგი რომ მოჰყვებოდა. ამიტომაც ძალზე ხალისიანად ლაპარაკობდა.

— ძლივს დაიარებოდა ჩვენი ბენავი სამსონი, — განაგრძობდა მაესტრო, — ახლა მასავით უძლური აღარავინ იყო დედამიწის ზურგზე. ბარბაცებდა, დალასლასებდა იგი. ერთხელ გულმა ვედარ მოუთმინა და ზეცას შესთხოვა — ღმერთო, ღმერთო, დამიბრუნე ძალაო. ღმერთს შეეცოდა სამსონი და დაუბრუნა ძალა. გახარებული სამსონი დიდ მთას დაეძგერა, ხელეები შემოხვია და სულ დაფშენა. გესმით, — ფეხზე წამოდგა მაესტრო, — მთა დაფშენა, უშველებელი მთა, გესმით, როგორ მოხშუის მიწა, მძიმე ლოდები ენარცხებიან, აი, ესაა ფორტისიმო! აბა, ვითომ სამსონები ხართ, დასცხეთ, აბა! — მაესტრომ ხელი დაიქნია თუ არა, მოსწავლეების ხემებიც გამეტყებით ეძგერა სიმებს. რაღაც გასაოცარი ხმები გაისმა, ორ მოსწავლეს სიმებიც კი გაუწყდა, მგრძნობიარე მაესტროს კანი აებურძგლა, მაგრამ...

— ბრავო, ბრავისიმო, — შეაქო მან მოსწავლეები, — თქვენია მომავალი.

პატარა ხნით ჩაფიქრდა, შემდეგ თავაზიანად გამოაცხადა:

— ცოტა ნელა დაუკართ, ყმაწვილებო, სამსონი მსოლოდ ერთი კაცი იყო.

ალექსანდრე მხატვრული კითხვის წრეში ისევ დადიოდა. იქ მთელი წლის განმავლობაში სწავლობდა, თუ როგორ უნდა წაეკითხა მხატვრულად ოვანეს თუმანიანის პოემა „ერთი წვეთი თაფლი“. ვიოლინოზე დაკვრას განაგრძობდა, სხვა მუსიკალურ საცნებსაც ასწავლიდნენ. ერთი სიტყვით, ალექსანდრეს ხელოვნებასთან გარკვეული კავშირი ჰქონდა, მაგრამ ეგრეთწოდებული აღმაფრენა აკლდა. ერთადერთი მასწავლებელი, ვისი დანახვაც ამხიარულებდა, მაესტრო მიხეილი იყო, მაგრამ ორიოდე თვის შემდეგ ორკესტრში ახალი დირიჟორი მოვიდა. მას ძალიან ამაყად ეჭირა თავი, თანაც ტრამბსი უყვარდა — თურმე ერთხელ ბორჯომის პარკში დირიჟორობდა და მოულოდნელად სინათლე გადაიწვა. არ დავიბენით, უამბობდა ბავშვებს ახალი დირიჟორი, ხელზე ცხვირსახოცი შემოვიხვიე, ორკესტრანტებმა თეთრი ნაჭრის მოძრაობა დაინახეს და რიტმი არ დაიკარგაო. მუსიკოსები სიბნელეში ნოტებს როგორ არჩევდნენ, ამაზე არაფერი უთქვამს. ალბათ, ზეპირად თუ იცოდნენ. მოკლედ, კაცი ვერ გაიგებდა, ტყუილს ამბობდა თუ მართალს, ალექსანდრე კი ეჭვით შესცქეროდა მას და ძველი მაესტრო ახსენდებოდა.

მეთერთმეტე კლასში ალექსანდრე საბოლოოდ დარწმუნდა, მისგან პროფესიონალი მუსიკოსი რომ არ გამოვიდოდა. მეცადინეობაზე ხელი აიღო და თავს დამნაშავესაკით გრძნობდა, როცა თავის ვიოლინოს უყურებდა — ტყუილად ნაწვალე ვიოლინოს. მხატვრულ კითხვასაც თავი მიაჩნებდა. რამდენჯერმე მაესტრო მიხეილი დაინახა ქუჩაში. მაესტრომ არსეინად სიარული იცოდა, გუნებაში რომელიმე ნაწარმოებს ღიღინებდა და ამ ნაწარმოების ტემპის შესაბამისად დადიოდა — ხან სწრაფად, ხან ნელა. მარჯვენა ხელის თითებს მკერდზე ათამაშებდა, იღიმებოდა და გაკვირვებულ გამვლელებს მოხერხებულად უქცევდა გვერდს.

ალექსანდრე სკოლა დაამთავრა და ისტორიის ფაკულტეტის სტუდენტი გახდა. პირველ ხანებში ლექციებს არ აცდენდა, აუდიტორიაში გრძელ მერხზე ჯდებოდა და ლექტორს უსმენდა. ხანდახან ფიქრებში გაერთობოდა, ანდა თანაკურსელებს ათვალთვლებდა.

ალექსანდრეს კურსზე ოცდასამი გოგო სწავლობდა, ერთ-ერთ მათგანს კი... თამუნა ერქვა. ლექციების დროს თამუნა თავის ამხანაგს ერურჩულებოდა, რაც კარლოს არ სიამოვნებდა. იგი მკაცრად შეხედავდა ხოლმე თამუნას და გოგონა ჩუმდებოდა. კარლო ოცდათხუთმეტი წლის მამაკაცი იყო, ჯარი და ფლოტი მოვლილი ჰქონდა, უკვე ჰკუადამჯდარი კაცი გახლდათ და ჩვიდმეტი წლის გოგონას ასეთი საქციელი აღელვებდა ხოლმე. ერთხელ, როცა მისმა მზერამ ველარ გასჭრა, პირდაპირ იერიშზე გადავიდა:

— ქალიშვილო, თუ შეიძლება, ნუ ჩურჩულებთ.

— კი მაგრამ, რას გიშლით მაგის ჩურჩული? — გაიკვირვა თამუნას ამხანაგმა.

— რას და მიშლის! სწავლა მინდა მე!

— რაშია საქმე? — იკითხა ლექტორმა.

ხმას არავინ იღებდა.

— რაშია-მეთქი საქმე?

— ამ კაცს სწავლა უნდა, — გამოაცხადა უცებ თამუნამ.

— რომელს?

— მე, პატივცემულო, — ფეხზე წამოდგა კარლო.

— ძალიან კარგი, ძალიან, — მოუწონა ლექტორმა, — დაბრძანდით.

სწავლის დაწყებიდან ერთი კვირაც არ იყო გასული, ალექსანდრე უნივერსიტეტის სიმფონიურ ორკესტრში რომ ჩარიცხეს. დარბაზში შევიდა თუ არა, მანესტრო მიხეილი დაინახა. იგი რაღაც ამბავს ჰყვებოდა:

— ...ჰოდა, თავისი სიტყვა რომ შეესრულებინა, ბევრს შრომობდა, თანაც ზეციდან ნიჭით იყო დაჯილდოებული. მართალია, წონაში დაიკლო და გაძვალტყავდა, თავის გადაწყვეტი-

ლებას მაინც ხორცი შეასხა. ასეა, ბევრი უნდა იმეშაოთ. თქვენ რა გნებავთ? — ალექსანდრე ვერ იცნო.

— შე თქვენთან გამომავაგზავნეს.

— თი — გაუხარდა მაესტროს. — რაზე უკრავთ?

— ვიოლინოზე.

— რა დაამთავრეთ?

— მუსიკალური ტექნიკუმი.

— დიდებულა, ღმერთმანი, თქვენი სახელი მაჩუქეთ.

— ალექსანდრე.

— ოო, კარგი სახელია, მაკედონელი... ინსტრუმენტი გაქვთ?

— დიას.

— რომ ვერა ვხედავთ? — თვალები მოჭუტა.

— მომავალ რეპეტიციაზე მოვიტან.

— ძალიან კარგი, ყოჩაღ, — გაამხნევა მაესტროსი. — ასლაკი დაჯექი და გვიყურე.

ცოტა ხანს ფიქრობდა, მერე გამოერკვა და თმახიანად გამოაცხადა:

— ვუკრავთ ბიზესს!

ზედმეტი არ იქნება, ორკესტრს თვალი რომ გადავაველოთ. ძირითადში იგი შედგებოდა ხელმოცარული მუსიკოსებისაგან, მეექვსე-მეშვიდე კლასში სწავლას თავი რომ დაანებეს. იყვნენ ისეთებიც, მუსიკალური ტექნიკუმი რომ ჰქონდათ დამთავრებული, ხოლო რამდენიმეს უმაღლესი მუსიკალური განათლება ჰქონდა, მოკლედ, ასეთი განსხვავებული სალსი სტადიონზე თუ შეიკრიბება. რამდენიმე ინსტრუმენტი სულაც არ იყო — პირველი საყვირი მხოლოდ კონცერტებზე მოდიოდა, ოპერიდან იწვევდნენ. არ იყო ფლეიტა და ჰობოიცი. პირველ ვიოლინოებს არა უშავდათ, ასე თუ ისე უკრავდნენ, მეორე ვიოლინოებში კი ბევრი „უცოდინარი“ იჯდა, ძნელდასაკრავი ადგილების დროს მხოლოდ ხემის ქნევა ევალებოდათ, იღონდ ისე, რომ ვიოლინო არ უნდა აეშმაურებინათ.

— აბა, დავიწყეთ!

დაიწყეს. რადგან ჰობოი არ იყო, მის პარტიას მაესტროსი დიდებდა და თან დირიჟორობდა. დროდადრო შეიძლებოდა

მისვედრა, რას უკრავდნენ. უეცრად მაესტრომ ხელების ქნე-  
ვა შესწყვიტა და საშინლად გაბრაზდა:

— კლარნეტი! რატომ არ შეხვედი დროზე?

„კლარნეტმა“ თავი ჩაღუნა.

— ვის ვეკითხები?

— ჩავფიქრდი... უნებურად.

— აჰა! ჩაფიქრდი, არა? თო, მოაზროვნე ხარ? შენი ჭირი-  
მე... რა დროს ფიქრია, თავხედო!

„კლარნეტი“ ოცი წლის ჯეელი იყო. ფეხზე წამოდგა და  
საკმაოდ უკმეხად უთხრა:

— თქვენ ცოტა ენას მოუარეთ!

— ღმერთო დიდებულო, — გაიოცა მაესტრომ, — ვის უბე-  
დავ, თავზეხელაღებულო? დასტოვე დარბაზი მე ნუ გამაბრა-  
ზებ, თორემ შემდეგ გვიანლა იქნება თითზე კბენანი!

— ბოდიში, მაესტრო.

— მიპატიებია, ჯანდაბას, უნდა დავწყინარდე... შესვენება!  
უცნაური კაცი იყო მაესტრო მიხეილი.

ტრამვაი დაიძრა.

— ბოდიში, თუ შეიძლება, გადააწოდეთ, ერთი ბილეთი  
მინდა... ოჰ, თქვენა ხართ?

— დიას, გამარჯობათ, ერთი ბილეთიც მომეცით, — ალექ-  
სანდრემ სამკაპიკიანი გაუწოდა კონდუქტორს.

— რატომ წუხდებით, — დაიმორცხვა თამუნამ.

— რას ბრძანებთ, რა შეწუხებაა...

ტრამვაი მოსახვევს მიუახლოვდა და გოგონა უეცრად  
გვერდზე გადაიხარა; სკამს ხელი ჩასჭიდა და თავი ძლივს შეი-  
მაგრა, მერე მორცხვად გაულიმა ალექსანდრეს.

— თქვენ წელს დაამთავრეთ, არა?

— დიას.

— მეც.

— მოგწონთ ჩვენი კურსი?

— რა ვიცი, ჯერ თითქმის არავის ვიცნობ.

— რა თქმა უნდა, ათ დღეში ძნელია ადამიანის გაცნობა.

— დიას.

ტრამვაი მიდის, მიდის, რახრახებს.



- თქვენ რა გქვიათ?
- მე? ალექსანდრე.
- სანდრო?
- არა, ალექსანდრე.

ტრამვაი გაჩერდა.

- მე ეხლა ჩავდივარ, გმადლობთ, ნახვამდის.
- ნახვამდის, რისი მადლობა...

### 3

— აბა, დავიწყეთ! ვუკრავთ „დაისის“ შესავალს. ჰობოი არ არის, არა? არა უშავს, მეორე ციფრიდან დავიწყეთ. ააწყეთ ინსტრუმენტები? ძალიან კარგი, აბა, ყურადღება... ერთი, ორი, სამი, ოთხი, ერთი, ორი, სამი... კლარნეტი რომელი ნოტები წერია მეორე ციფრის მეორე ტაქტში?

— მაპატიეთ, მანეტრო.

— თავიდან დავიწყეთ, არა, თავიდან კი არა, მეორე ციფრიდან. ყურადღება... ერთი, ორი...

უეცრად სინათლე ჩაქრა.

— რაშია საქმე? — გაისმა მანეტროს ხმა.

— სინათლე გადაიწვა, — წამოიძახა ალექსანდრემ.

— მართლა? აბა გარეთ გაიხედე — მთელ შენობაში გადაიწვა თუ მხოლოდ აქ?

— მთელი შენობა ჩაბნელებულია, მანეტრო.

— სამწუხაროა; ალბათ, ცოტა ხნით გამოტოვებს. რალა დაგვრჩენია, გულ-ხელი დავიკრიფთ და დავიცადოთ.

ხმას არავინ იღებდა.

— ცუდია, ცუდი, სინათლე რომ გადაიწვა, — თქვა მანეტრომ და იკითხა: — არა?

არც ახლა ამოუღია არავის ხმა. ალექსანდრემ ვიოლენო მუხლებზე დაიდო, შემდეგ თითი ფრთხილად გამოჰკრა სიმებს.

— ბნელა, — ხმამაღლა გამოაცხადა ვილაცამ.

— არა უშავს, — გაისმა მიხეილის ხმა, — თუ გინდათ, მივად საინტერესო ამბავს მოგიყვებით.

— დიახ... მოგვიყვით, მანეტრო.

უფრო სწორად, ეს ამბავი კი არა, ერთი გენიოსის და-  
ხასიათებაა, გისდათ?

— დიას.

— მაშინ, დავიწყებ... ესე იგი, ასე — მისი სახელია ჯოაკო-  
ნო, გვარი როსინი. იგი დაიბადა 1792 წლის 29 თებერვალს;  
მაინცლამაინც 29 თებერვალს, წარმოვიდგენიათ? იგი დაიბა-  
და აპენინის ნახევარკუნძულზე, მშვენიერ იტალიაში. ბავშ-  
ვობა და ყრმობა გაატარა თვალწარმტაც ქალაქში, რომლის  
სახელია პეზარო. დიდი როსინი პატარაობაში ცელქი და მო-  
უსვენარი ბიჭუნა იყო. იგი ფეხშიშველი დარბოდა მწვანე ბა-  
ლახზე, ზეთისხილის ხეებზე აპურებოდა ხოლმე და ალბათ აღ-  
ტაცებით შესცქეროდა იტალიის კრიალა ცას. მშვენიერი სმე-  
ნა მემკვიდრეობით მიიღო, დედისაგან — ანა გვიდარინი მე-  
ტად მუსიკალური ქალი იყო. პატარა როსინი ყურს უგდებდა  
ადრიატიკის ზღვის ფშვინვას, ყინულოვანი ჩანჩქერების  
ხმაურს, ფოთლების შრიალს, წისქვილის საამო გუგუნს და  
ყოველივე ამისა და ვინ იცის, კიდევ რის გამო, მშვენიერ ხა-  
სიათზე დგებოდა და ლაღად, თავისუფლად სუნთქავდა. ეს ის  
სუნთქვაა — გენიოსის სუნთქვა. ასეთი იყო იგი ბავშვობაში  
და შემდეგაც, მთელი სიცოცხლის მანძილზე. მან ყოველთვის  
იცოდა, როგორ უნდა ესუნთქა. რამდენიმე წლის შემდეგ კი  
მუსიკა მისთვის პაერი გახდა, ყველა ხედებოდა ამას, დიდი მა-  
ესტროც ასე ამბობდა თავის თავზე: „მუსიკა ჩემთვის პაერია,  
რომლითაც ვსუნთქავ“. ასე ამბობდა იგი. ხომ არ მოგწყინდათ  
ჩემი ლაპარაკი?

— რას ბრძანებთ, მაესტრო, — უთხრა პირველმა ვიოლი-  
ნომ.

— აღარ იკითხავთ, რა ხდებოდა ამ დროს იტალიაში? საწ-  
ყალი იტალიელები ამ დროს ავსტრიელთა უღელქვეშ იმყო-  
ფებოდნენ. საბრალეობს არ გაუმართლა საფრანგეთის რევო-  
ლუციამ, რომელსაც იმედით შესცქეროდნენ, არც ნაპოლე-  
ონმა, არც ვენის კონგრესმა. ისინი კიდევ უფრო თავისუფლე-  
ბასმოკლებულნი აღმოჩნდნენ, გაწამებულნი და იმედგაცრუე-  
ბულნი, რეაქციის ქვეშ მოჰყვნენ, თითქოს იმედიც გადაიწყვი-  
ტეს... ზანტად, მძიმედ გადიოდა უხალისო დღეები, საბრალე  
იტალიელებმა აღარ იცოდნენ, რა ელონათ... თითქოს არსაი-

დან არ იყო საშველი... და როგორ გგონიათ, აღმოჩნდა თუ არა გამოსავალი?.. აღმოჩნდა აღმოჩნდა, რადგან სწორედ ამ დროს მთელ იტალიაში გაისმა როსინის უშფოთველი, დიდებული, ღვთაებრივი სუნთქვა. მთელი ხალხი — ეს გატანჯული, იმედდაკარგული ადამიანები მიაწყდნენ იტალიის საოპერო თეატრებს, სადაც დასი აღმაფრენით ასრულებდა ისეთ შედევრებს, როგორცაა „ტანკრედი“, „იტალიელი ქალი ალჟირში“, „სევილიელი დალაქი“, „ვილჰელმ ტელი“, „ქურდი კაჭკაჭი“ და ასე შემდეგ. ხალხში ეპიდემიასავით გავრცელდა როსინის დიდებული სუნთქვა, იტალიელებმა შვეებით ამოისუნთქეს. თითქოს დაავიწყდათ კიდევ ყველა ის უბედურება, იმ ხანებში რომ გამოიარეს. აი, რა შეუძლია მუსიკას, მე დიდებულ მუსიკას ვგულისხმობ, რა თქმა უნდა. სუნთქვა მთავარია, თუ მუსიკის საშუალებით ლაღად სუნთქვას ისწავლი, მაშინ აღარაფერი დაგადარდიანებს, აღარაფერი გინდა, პურიც კი. თუმცა, — მაესტრო დაფიქრდა, — სიმართლე რომ ითქვას, პური მაინც საჭიროა. ცხოვრებაში კი... ო, სინათლეს მოვიდა. ცხოვრებაში კი მსიარული, ენამოსწრებულ კაცი იყო დიდი ჯოაკინო. იუმორის შესანიშნავი გრძობა ჰქონდა, ქალები უყვარდა და უეცარი გაბრაზებაც იცოდა — თუმცა იმ ხანებში ასანთი არ არსებობდა, ასანთივით აფეთქდებოდა სოლმე. ასეთია მისი მოკლე, მეტად მოკლე დახასიათება, ახლა კი რეპეტიცია განვაგრძოთ. მართლა, მე სახლში მაქვს როსინის ოპერების მშვენიერი ჩანაწერები; ვინც ამ ფირფიტების მოსმენას მოისურვებს, ჩემი სახლის კარი მუდამ ღია იქნება. ასლა-კი განვაგრძოთ, ეუკრავთ „დაისის“ შესავალს. ჰობოი არ არის, არა? რა უშავს მეორე ციფრიდან დავიწყეთ. ყურადღება... ერთი, ორი, სამი, ოთხი, ერთი, ორი, სამი... კლარნეტი!!

— გამარჯობათ, ალექსანდრე

— გამარჯობათ, არ შევიშვათ ლექტორმა, თამუნა?

— მე თვითონ არ შევსულვარ. უხერხულია, დამაგვიანდა და...

— მეც დამაგვიანდა, როგორც ხედავთ. საათი გაჩერებულა და... რა ვქნათ?

— რა ვიცი, აბა, — თავი გვერდზე გადასწია გოგონამ და უეცრად შეეშინდა. — დეკანი რომ გაგვიბრაზდეს?

— რას ამბობთ... თამუნა, — გაიღიმა ალექსანდრემ, — ვერც გაიგებს. რა მოხდა, პირველად დავაგვიანეთ. მართლა, აქ შეიძლება ჩვენმა დეკანმა გამოიაროს, სადმე სხვაგან მოვიცადოთ და მეორე საათზე შევიდეთ.

— კი მაგრამ, სად წავიდეთ?

— ბაღში მოვიცადოთ, გინდა?

ბაღში გრილოდა. დაბალი კაცი ხეებს რწყავდა და სასიამოვნო სიგრილე იდგა. სკამზე დასხდნენ, გოგონამ თმუ შეისწორა, მერე ხელი მუხლზე დაიდო და ფეხსაცმლის წვერით წითელ მიწაზე რალაცა გაჩხაპანა.

— ხატვა იცი? — ჰკითხა ალექსანდრემ.

— არა, რატომ მკითხეთ?

— ისე.

— ისე არაფერი არ ხდება.

— როგორ არა.

— მაინც?

— რა ვიცი აბა? — მხრები აიჩეჩა ალექსანდრემ.

— ეს რა ხეა?

— ეს, მგონი ცაცხვია... შეიძლება ცაცხვი არ იყოს, მაგრამ არც მუხაა. მუხას უფრო სხვანაირი ფოთლები აქვს და საერთოდაც სხვანაირია.

— რკოცა აქვს.

— დიახ, რკოც.

— ალექსანდრე, გინდა, კევი ვიყიდოთ?

— როგორც გნებავთ.

— არ გიყვარს კევი?

ალექსანდრეს არ მოსწონდა, როცა ვინმე კამეჩივით იცობნებოდა.

— რა ვიცი...

— წამოდი ვიყიდოთ.

ბაღის შესასვლელთან მზემოკიდებული კაცი იჯდა და ეზო-მაკურად იძახდა: — აბა კევი, კევი, სიყვარულის წამალი!

ალექსანდრეს ესიამოვნა ამ სიტყვების გაგონება, თამუნა ოდნავ წამოწითლდა.

— მოგვეცით კევი, — ალექსანდრემ იმ კაცს აბაზიანი გაუწოდა.

- ა, ჭირიმე.
- ორი არ გვინდა, ერთი.
- ორი აილე, შე კეთილო კაცო, წამალი კი არ არი...
- ერთი გვინდა, ერთი, ხურდა არ მინდა.
- იცოცსლე, გენაცვალე, იბედნიერეთ...

ახლა კი თამუნა აშკარად წამოწითლდა და შადრევანისაკენ გაემართა. ალექსანდრე უკან გაჰყვა. შადრევანს ვიღაც მსუქანი კაციც ნიუახლოვდა და ნაბიჯს აუჩქარა; ორიოდე წამით დაასწრო თამუნას და წყალს დაეწაფა. ძალიან დიდხანს სვამდა; ალექსანდრე შადრევანთან მივიდა, დადგა, მიმოიხედა, მერე საათს შეხედა, კაცი ისევ სვამდა წყალს და თამუნა გაბრაზებით დასცქეროდა სქელ კისერზე. როგორც იქნა, კაცი წელში გაიმართა და მთელის გრძნობით ამოიხვნეშა. თამუნამ ათვალისწუნებით შეხედა და კაცმა თვალი აარიდა. მერე თამუნამ კევი წყალში გაავლო და სკამისაკენ გაემართა.

- გავიყოთ, გინდა?
- კი.

თამუნა გემრიელად ამოძრავებდა ყბებს და თავს აქანავებდა. ალექსანდრემ უყურა, უყურა და გიღიმა.

- რატომ იცინი?
- კევი.... გყვარებია.

#### 4

მისეილი და ალექსანდრე ერთმანეთს ტროლეიბუსის გაჩერებასთან შეხვდნენ.

- ოჰ, შენ ვიოლინო არა ხარ?
- დიას.
- რატომ გააცდინე ბოლო რეპეტაცია?
- არ გამიცდენია, მაესტრო.
- მართლა? ყოჩაღი ბიჭი ხარ... შენბი სახელი მაჩუქე.
- ალექსანდრე.

ამასობაში ტროლეიბუსიც მოვიდა. ჯერ მისეილი შევიდა, კონდუქტორს მაშინვე მანეთიანი გაუწოდა და გაეხუმრა:

- ორი ბილეთი მომეცით პარტერში, თუ შეიძლება.

კონდუქტორი სქელი, წითელლოყება ქალი იყო. ჯერ ვებ მახვდა, რა უახსრეს, შემდეგ მიხვდა და გაიღიმა.

— გაიღიმაო, გაიღიმაო, უფრო გაბედულად, — შეაგულიანა მაესტრომ. — სიცილი ჯანმრთელობაა.

— მე შავი ფული მაქვს, — მორცხვად ჩაურთო ალექსანდრემ.

— შავი? ვერ დავიჯერებ.

ალექსანდრე დაიბნა, კონდუქტორი ალტაცებით შესცქეროდა მიხეილს.

— აი, მაესტრო.

— არ აიღოთ, — უახსრა მიხეილმა. კონდუქტორს, — ეს თუ შევია, მე მტრედისფერი ვყოფილვარ.

კონდუქტორმა ჩააკისკისა.

— აბა რა არი?

— ოქროსფერია, ყმაწვილო.

ალექსანდრემ დაიმორცხვა.

— თან მანეთიანის დახურდავებაც მინდა. ხომ დამიხურდავებთ?

— სიამოვნებით, პატივცემულო, — გაუღიმა კონდუქტორმა.

— მიშენიერი ქალი ბრძანდებით. მე რომ დიქტორი ვიყო, დღესვე რადიოში გამოვაცხადებდი: თბილისის დროით 17 საათი და 18 წუთია. ვიწყებთ გადაცემას ბავშვებისათვის. გამარჯობათ, ბავშვებო. იცით თუ არა თქვენ, ბავშვებო, რომ აფრიკაში ბინადრობს ორსართულიანი სახლის ოდენა მწერი და რომ (მაესტრომ ტროლეიბუსს თვალი მოავლო) მერვე პარშრუტის №21 ტროლეიბუსში მუშაობს გულისხმიერი და ღირსშესანიშნავი კონდუქტორი?

კონდუქტორმა გულიანად გადაიხარხარა. სქელი ქალი იყო, სიცილის დროს თვალები ეხუჭებოდა.

ტროლეიბუსიდან რომ ჩამოვიდნენ, მაესტრომ ცოტათი მოიწყინა. შემდეგ ალექსანდრეს მიუტრიალდა:

სადმე ხომ არ გეჩქარება?

არა, არსად.

— მაშინ უნივერსიტეტის ბაღში ჩამოვსხდეთ და ვილაპარაკოთ, კარგი?

სკამზე როგორც კი დასხდნენ, მიხეილმა ჰკითხა:

— შენ გიყვარს მუსიკა?

— დიახ.

— ძალიან კარგი, ძალიან. მუსიკა, ჩემო ალექსანდრე, საერთაშორისო ენაა. ეს მხოლოდ ჩემი აზრი არ გეგონოს, საყოველთაოდ ცნობილი აზრია. ასეა თუ ისე, მუსიკა ყველასათვის ხელმისაწვდომია, უფრო სწორად — ყურმისაწვდომი. არ არსებობს ისეთი ადამიანი, მუსიკა რომ არ უყვარდეს — უკანასკნელ რეგენსაც კი უყვარს მუსიკა. ერთხელ, როცა დიდებული როსინი ვენეციაში თავის რომელიღაც ოპერას დირიჟორობდა, მტრებმა დარბაზში მოსყიდული სალახანები შეუგზავნეს. ამ ბნელ პირებს უნდა ჩაეშალათ ოპერა — უნდა დაესტინათ, ელრიალად და ასე შემდეგ. ისინი შლეგიანებივით შეიჭრნენ დარბაზში, იქ კი... იქ ისმოდა დიდი მაესტრო როსინის დიდებული, უდრტვინველი, ღვთაებრივი სუნთქვა, დარბაზში დაფარფატებდა ოცნება ჯერ არნახულ, მომსიბველელ ქვეყანაზე, სადაც ადამიანები მშვიდად, ბედნიერად და უღარდელად ცხოვრობდნენ. დარბაზში შეცვენილნი შეკრთნენ, დაიბნენ, შემდეგ კი გაინაბნენ და როცა უვერტიურა დამთავრდა, ტაშისცემისაგან კინაღამ არ ჩამოინგრა ვენეციის მშვენიერი თეატრი. ისინი ტაშს უკრავდნენ და თან ღრიალებდნენ — ბრავო, მაესტრო, ბრავისიმო!!! ოპერა ტრიუმფით დამთავრდა, ბანკეტზე მაესტრო როსინი ლამაზი ქალების შუაში ოჯდა და არც იცოდა, რას გადაურჩა... თავს არხეინად გრძნობდა მომსიბველელი ქალების საზოგადოებაში და ნელ-ნელა წრუპავდა იტალიურ ღვინოს.

მიხეილმა სული მოითქვა და პატარა ხანს ჩაფიქრდა.

— ეჰ, მაინც რა უცნაური დარგია ჩვენი დარგი, — განაგრძობ მაესტრომ, — კუნთმაგარ ძალოსნებსაც კი არა სჭირდებათ იმდენი ვარჯიში, რამდენიც ჩვენ. თუ მუსიკოსობას დააპირებ, ყოველდღე რვა საათი მაინც უნდა დაუკრა, სოლოდარჩენილი დრო ფირფიტების მოსმენას და მუსიკაზე ფიქრს უნდა მონადომო. სიზარმაცე და მუსიკა ისევე ვერ შეეთვისებიან ერთმანეთს, როგორც... ცეცხლი და ყინული. მთავარია მუყაითობა და სიბეჯითე, უმთავრესი კი მაინც ნიჭია. თუ მუსიკოსს ნიჭი არა აქვს, ტყუილია, წასულია იმისი საქმე. უნიჭო კაცი შეიძლება ფილოსოფიისა და ფილოლოგიის დოქტო-

რი გახდეს, მუსიკოსობას კი ვერ მივართმევთ, ჩემო კარგო. ეს ხელოვნების კანონია, ჩემო. ხოლო ნიჭი, ალექსანდრე, დაიკარგება, კატორღული შრომა თუ არ გასწიე. სამაგიეროდ, რა უნდა იყოს უფრო დიდი ჯილდო, კარგ მუსიკოსობას რომ ალემატებოდეს? არაფერი. ჩემი შეკითხვა სულელურია, რადგან აშკარად ცხადია, მაგრამ მაინც ჭეშმარიტებაა. თანაც, თუ ნიჭით არა ხარ დაჯილდოებული, დღეში რვა საათს ვერ დაუკრავ. თუმცა, როგორც ყველგან, გამონაკლისი აქაც გვხვდება. ამ რამდენიმე წლის წინათ თბილისში ერთი პორტუგალიელი პიანისტი ჩამოვიდა — სეკიერო კოსტა. შესანიშნავი პროგრამა ჰქონდა, კონცერტზე უყოყმანოდ წავედი. და აი, ეს კაცი სცენაზე გამოვიდა, როიალს მიუჯდა და ყველაფერი უშეცდომოდ დაუკრა თავიდან ბოლომდე, მაგრამ ვაი იმ დაკვრას — ეს იყო მოვალეობის შესრულება. ის ნაწარმოებები დიდ შინაგან ღელვას მოითხოვენ, მის დაკვრაში კი განცდის ნატამალიც არა ჩანდა. ისე, გაგიხარია, კარგი ტექნიკა ჰქონდა. ასე რომ, მხოლოდ შრომა არა სწყვეტს საკითხს, მაგრამ დიდი მუშაობის გაწევა მაინც აუცილებელია, აუცილებელი, ალექსანდრე.

მაესტრომ მიმოიხედა, ალექსანდრესაკენ გადაიხარა და ჩემად უთხრა:

— არ გეგონოს, ასე რომ ვლაპარაკობ, თითქოს ბევრს ვმუშაობდე. არა, ჩემო კარგო, ჩემდა საუბედუროდ, ზარმაცი ვარ. ამასია ჩემი უბედურება. ნიჭი კი არ მაკლია, მაგრამ... ეეჰ, ალექსანდრე, ალბათ, ისედაც იცოდე, ზარმაცი რომ ვარ, შენ საზრიანი გამომეტყველება გაქვს.

— თამუნა, თურმე ახალი ფილმი გამოსულა.

— მართლა?

— კი. და ძალიან აქებენ.

— ეჰ, ხანდახან აქებენ და მაინც არ ვარგა.

— არა, ახლა ისეთმა კარგმა ადამიანებმა აქეს, რომ ნამდვილად კარგი იქნება.

— მაშინ მართლა კარგი იქნება. მე ძალიან მიყვარს კარგი ფილმები.

— მეც.



- მართლა?
- კი. იცი, თამუნა, ამ ახალ სურათს ძალიან აქებენ.
- მაშინ ღირს ნახვა.
- რა თქმა უნდა, თანაც... შენ რომელი ფილმები მოგწონს?

→ მე მომწონს... „ლილი“ და „ჩრდილი და სინათლე“. შენ?

— მე — „წეროები მიფრინავენ“. ამას წინათ ერთი იტალიური სურათი ვნახე — „ვაკანტური ადვილი“. ძალიან მომეწონა.

— ჰო? მე არ მინახავს. რვა დღე იქნება, კინოში არა ვყოფილვარ. დიდი სიამოვნებით ვნახავდი რომელიმე კარგ ფილმს...

— მეც...

— იცი, ალექსანდრე, შენ რომ ჯარისკაცი იყო და უცებ ტყვე მოგიყვანონ და გითხრან, დახვრიტო, რას იზამ?

→ რა ვიცი, თამუნა... არ ვიცი.

— იქნება ისიც გითხრან, რომ იმ ტყვეს საშარელი ამბები აქვს ჩადენილი?

— მაშინ მოკვლავ.

— და თუ სულ არაფერი იცი იმის შესახებ?

— მაშინ შემეცოდება. რა ვიცი, ვინ არის, ვინ ელოდება.

— სწორი ხარ. შენ ძალიან კარგი ბიჭი ხარ, ალექსანდრე.

— თამუნა, დღეს ერთი ახალი ფილმი გამოსულა, ძალიან აქებენ.

— მართლა?

— არა გჯერა?

— კი მჯერა.

— თამუნა, მართლა გინდა, რომ ახლა კარგი ფილმი ნახო?

— კი.

— მაშინ... წავიდეთ, გინდა?

— წავიდეთ, ალექსანდრე.

## 5

— ოო, ამას ვის ხედავს ჩემი თვალები, მობრძანდი, მობრძანდი, ჩემო ალექსანდრე, მოგწონს ჩემი ოთახი?

— დიახ, ძალიან კარგია..

საწევრად აქ ჩამოვიდე, აი, ამ სავარძელში დაბრძანდი, სედავ, როგორ გამეხარდა შენი მოსვლა?

— დიახ, მაესტრო.

— მე ვიცი, რისთვისაც მოსვედი, მაგრამ ჯერ მიმოიხედე, ჩემო კარვო, მარტონელა კაცის პირობაზე ოთახი დამაკმაყოფილებლად მაქვს მოწყობილი, არა? თუმცა, მქ. მგონი, ქალის ხელი აქაურობას მაინც აკლია.

— არა, რატომ...

— როგორ არა, ალექსანდრე. მე რომ ცოლი მყავდეს, აქაურობა აქაურობას არ დაემსგავსებოდა. ბუნდოვნად ხომ არ ვლაპარაკობ?

— არა, რასა ირბანებთ.

— ხათრიანი ხარ, ალექსანდრე, — გაუღიმა მაესტრომ. — ისე, კარგი ცოლი კარგია.

— დიახ.

— შენ ასლა „დიახ“-ს მეუბნები და თან, ალბათ, ფიქრობ — მერედა თუ კარგია, მაესტროს რატომ არ ჰყავს ცოლი?

— არა, ეგ არ მიფიქრია.

— როგორ არა, მაგას გაიფიქრებდი.

— არა, მაესტრო...

— ცოტათი მაინც არ გაგკრა გულში მაგ აზრმა?

— ცოტათი კი.

— ჰოდა, მეც მანდა ვარ... ალექსანდრე, მე შენ ავიხსნი, რატომ არა მყავს ცოლი. ხომ ხარ უკვე თვრამეტი წლისა?

— დიახ.

— ჰოდა, თვრამეტი წლის ადამიანთან ამ თემაზე ლაპარაკი უკვე შეიძლება. კარგად მისმინე, ალექსანდრე. თუმცა მე ჩემს თავისებურებას ვერა ვგრძნობ, ყველა ნაცნობი თავისებურ ადამიანს მებძვის. ალბათ, მართლაც, ასეთი ვარ. ეს კი ამ შემთხვევაში კარგია, ქალებს მოსწონთ თავისებური ადამიანები. აი, მაგალითად, დიდი როსინი მეტად თავისებური პიროვნება იყო. როსინის ქალები დასდევდნენ, ჩემო ალექსანდრე, არ ასვენებდნენ, იმასაც ეს უნდოდა, მეც ეს მინდა, მაგრამ... — მაესტრო უცებ შეჩერდა და შიშით შეხედა, — აუჰ, ალექსანდრე, არ იფიქრო, რომ რაიმე მსგავსებას ვგრძნობ როსინისთან. ეს ჩემგან თავხედობა იქნებოდა.

— რას ბრძანებთ, მაესტრო.

— სწორად ვბრძანებ, ჩემო. გაინტერესებს, როგორი დამოკიდებულება ვითარდება ჩემსა და ქალებს შორის?

— დიახ, ბატონო მიხეილ.

— მაშინ, დიდი როსინიდან პირდაპირ ჩემზე რომ არ გადმოვიდეთ, ცოტა ხანს სხვა რამეზე ვილაპარაკოთ.

— სიამოვნებით, მაესტრო.

მიხეილი ფანჯარასთან მივიდა, ქუჩაში გაიხედა: — ვიღაცა კაცი თავისთვის მიდის, — უთხრა ალექსანდრეს, — ღმერთმა ხელი მოუშართოს.

— დიახ.

— წარმოგიდგენია? ის მიდის და ვერც გრძნობს, რომ მე ვუყურებ და წარმატებას ვუსურვებ. მე კი ასე არ შემიძლია, მე თუ ვინმე მიყურებს, მაშინვე გული მიგრძნობს. ეს კი... ექვ, შე სქელკანიანო... — მიხეილი უცრად უკან გადმოხტა,

— რა იყო... მაესტრო?! — შეშფოთდა ალექსანდრე.

— ამოიხედა იმან...

— იმ კაცმა?

— ხო.

— მართლა?

— არა, ტყვილა. რა ვქნა, რას ვსტებოდი უკან, რამე არ იფიქროს, ვინმეში არ ამრიოს. არა, მაინც რა მომივიდა, რატომ გადმოვხტი?

ალექსანდრე ჩუმად იყო.

— მითხარი რამე!

— არა უშავს, მაესტრო.

— ვითომ?

— რა თქმა უნდა, რა მოხდა ისეთი?

— რა ვიცი, ჩასაფრებული ყანალი არ ვეგონო, — გაიხუმრა მაესტრომ და ისევ გაბრაზდა, — თბილისში რამდენი ქუჩაა, რამდენი პროსპექტი და ჩიხი, რაღა აქ მოუნდა გავლა?!

— ხომ არ იცნობდით?

— ვისა, იმ კაცს? რას ამბობ, ალექსანდრე, რომ ვიცნობდე, გამარჯობას ვეტყვოდი.

— მაესტრო, მაპატიეთ, მაგრამ... ისეთი რა მოხდა?

— არაფერი, ჩემო; უბრალოდ, ყველაფრის გაზვიადება

მიყვარს. შეიძლება ამიტომაც არ მოეწონვარ ქალებს. ასლა  
კი შეგვიძლია, ქალებზე ვისაუბროთ, არა?

-- დიას.

იცი, რას გეტყვი, ალექსანდრე? თუმცა ქალი და კაცი  
თანასწორია, კაცი მაინც უფრო ძლიერია, ქალი კი სუსტი.  
როცა ქალი კაცს მიანდობს თავს, ამას კიდევ არა უშავს, ხო-  
ლო თუ პირიქით მოხდა, ეს უკვე... ეს უხერხული იქნება, არა?  
ქალს უყვარს, როცა მამაკაცში ჭკუას, გონებასა და თვითდა-  
ჯერებულებას ხედავს. იბადება კითხვა — როგორ უნდა მოიქ-  
ცეს კაცი, რომ ქალმა მასში დაინახოს სწორედ ეს ჭკუა, ეს  
გონება და თვითდაჯერებულება? პასუხი ასეთია — უპირველეს  
ყოვლისა, კაცს არ შეშვენის ბევრი ლაპარაკი. მისი სიტყვა  
მოკლე უნდა იყოს, მაგრამ ქვასაგით მაგარი და დამაჯერებე-  
ლი. ქალთან ბევრს თუ ილაპარაკებ, წასულა შენი საქმე. თა-  
ვი ამაყად უნდა დაიჭირო, უნდა თქვა მსოლოდ: ხო, არა, შე-  
საძლებელია. ათასი სიჭკვიანისა და სისულელის გაფიქრება  
შეგიძლია, მაგრამ შედმეტი სიტყვა არ უნდა დაგცდეს. მე კი,  
ალექსანდრე, რაც პირზე მომადგება, ყველაფერს ვამბობ. ეი,  
ასლაც გულახდილი ვარ, გულგადახსნილი, როგორც იტყვიან...  
პო. ჩემდა საუბედუროდ, თავდაპირველად შედმეტად ეფექ-  
ტური ვარ — არ ვიბნევი, საინტერესოდ ვლაპარაკობ, ენამოს-  
წრებულებაც ვარ. ქალს აშკარად ეტყობა, რომ სიამოვნებს ჩემ-  
თან ყოფნა. შემდეგ გადის დრო, ჩემი ეფექტურობა არ მატუ-  
ლობს და მოსაწყენი ხდება. თანაც... აქ პატარა გადახვევა უნ-  
და გავაკეთო, ალექსანდრე. ყველას ჰყავს თავისი კერპი, ადრე  
თუ გვიან, ყველას ეყოლება. ჩემი კერპი როსინია; დიდი მა-  
ესტრო. როცა ქალს გვერდით მივეყვები, მისი დიდებული სუნ-  
თქვა მასხენდება, მეც მინდა, რომ ისე ვსუნთქავდე, მაგრამ  
კარგად ვიცი, რომ ეს არ შემიძლია და გულში ნალველი მიპა-  
რება, მაგრამ არ ვიმჩნევ. პირიქით, ამის დასამალავად ვლა-  
პარაკობ ყველაფერს, რაც კი ენაზე მომადგება. ბუნებრივია,  
სისულელებს ვიძახი და ერთ მშვენიერ დღეს მივიღებ წე-  
რილს, სადაც ნაჩქარევი ხელით წერია: „ჩვენი შეხვედრა შეც-  
დომა იყო. ლ.ვ.“. ანდა ხელს აწერს თ.მ., ან ზ.ნ., ან ჯ.ლ. ეკ,  
ასეთები ბევრნი იყვნენ. ერთხელ ერთ ქალს შევხვდი, გავიცა-  
ნი, დავუახლოვდი და კინოში წავედი. გადაწყვეტილი მქონ-

და, სიყვარული ამეხსნა მისთვის. ამისათვის საჭირო ვახდა, მაესტრო როსინზე არ მეფიქრა. როგორც იყო, ჩემს თავს დავძლიე. იმ ქალის სახელს არ გეტყვი, ცოტათი უხერხული სახელი აქვს, თუმცა ამას არა აქვს მნიშვნელობა, კინოდან რომ გამოვედით, გარეთ წვიმდა. გავიფიქრე, ტრამვაიში ვეტყვი-მეთქი, მაგრამ ვაგონში ერთი მოხუცი კაცი ისე მომჩერებოდა პირში, რომ ვერაფერი ვუთხარი. რაღაცა მნიშვნელოვანის თქმა რომ მინდოდა, ამას, მე მგონი, ფისოც გრძნობდა. უპ, მაინც წამომცდა მისი სახელი. არავის არ უთხრა, კარგი?

— ვის უნდა ვუთხრა, მაესტრო?

— არავის, გეხუმრე. პოდა, მშვენიერ ხასიათზე ვიყავი და უცებ ტრამვაიში ათიოდე წლის ბიჭუნა ამოვიდა. თაკიდან ფეხებამდე სველი იყო, თმიდან წურწურით ჩამოსდიოდა წყალი, პერანგი ტანზე მიჰკროდა და სველი კედები ეცვკ; მხრები უცაცცაბებდა, ძალიან მეტყველი თვალები ჰქონდა. ჩვენ მალე ჩამოვედით ტრამვიდან, მე კი იმ ბავშვმა დამადარდიანა, მოვიწყინე. ფისომ კარგა ხანს იცადა თავის სადარბაზოსთან, ეგონა, ძალიან მნიშვნელოვან ამბავს ვეტყობდი, მაგრამ მე ის ბავშვი მედგა თვალწინ და ხმა ვერ ამოვიღე. ფისომ იცადა, იცადა, მერე გაბრაზდა, ფეხი დაჰკრა და წავიდა. მეც სახლში წამოვედი, პაპიროსიც მოვწიე, ის ბავშვი ხშირად მახსენდებოდა. მე ძალიან სწრაფად მეცვლება ხასიათი, მაგრამ მეორე დღესაც ცუდ ხასიათზე ვიყავი და სულ სახლში ვოჯექი, მესამე დღეს კი დაზღვეული წერილი მივიღე ფისოსაგან: „ჩვენი შეხვედრა შეცდომა იყო. დარეჯანი“.

საერთოდ, ძალიან არაპრაქტიკული ვარ — რა იქნებოდა, ჯერ ფისოსათვის სიყვარული ამეხსნა, შემდეგ კი იმ ბავშვზე მეფიქრა? მაგრამ მე ასე არ შემიძლია, მე გრძნობებს ავყვები ხოლმე, იმ წუთში ვერაფერს ვიტყობდი, რადგან ის ბავშვი თვალწინ მედგა. თუმცა ზედმიწევნით ვიცი, პრაქტიკული კაცი როგორ უნდა მოიქცეს, მაინც არაპრაქტიკული ვარ. მაგალითად, ვიცი რომ პალტო ზაფხულში უნდა შეიძინო, ხალხი ჩალის ქუდი ზამთარში; ასე უფრო ადვილია, მაგრამ ასე არ ვიქცევი. ეს წვრილმანია, რა თქმა უნდა, მაგრამ მაინც...ახლა კი, ალექსანდრე, ამეებს რომ გიყვები, ზემი მარტოხელობის ბრალია, ისე კი კარგად ვიცი, როსინის მოსასმენად რომ მოხვედი. სწორი ვარ?

— დიას.

— აი, ამ ყუთში დევს ყოვლისშემძლე ფირფიტა — „ქპრდი კაჭკაჭის“ უვერტიურა. მას შეუძლია ადამიანის გარდაქმნა უკეთესისაკენ. და თუ ნებას მომცემ...

ვილცამ დააკაკუნა.

— მობრძანდით! ოო, არჩილ, მობრძანდით, დაბრძანდით, გაიცანით — ჩემი ორკესტრის ნამდვილი წევრი — ალექსანდრე, ჩემი მეზობელი არჩილი. ალექსანდრე წყნარი, ზრდილობიანი ჭაბუკია, არჩილი კბ უპატიოსნესი და მორიდებული ადამიანია. დაბრძანდით, ვიწყებთ!

არჩილი უხალისოდ ჩამოჯდა სკამზე. მაესტრომ ფირფიტა რადიოლაზე დადო.

— მუსიკა გიყვართ, არჩილ?

— რა ვიცი, კო.

— აბა, სმენად გადაიქეცით, ვიწყებთ.

არჩილი ისმენდა. ცალი ყურით ისმენდა, რადგან ძალიან ეჩქარებოდა. გული ვერ დაუდო მუსიკას, მხოლოდ ერთსეულ მოეჩვენა, რომ მოხდენილი ჭაბუკი და ლამაზი ქალიშვილი მაღალ ბალანში დარბოდნენ და ცაც კრიალებდა. მეტი არაფერი.

მუსიკა შეწყდა. მაესტრო გაოგნებული იჯდა სავარძელში, ალექსანდრეც. სიჩუმე გაგრძელდა, მერე არჩილმა თქვა:

— თუ შეიძლება, სკამები მათხოვეთ. სტუმრები მიცდიან და...

— ო, წაიღეთ, წაიღეთ, სიამოვნებით, — გამოფხიზლდა მიხეილა.

— მე წავალ, მაესტრო.

— რატომ?

— რა ვიცი.

— მითხარი, რა...

— რა ვიცი, გავლა მომიხდა.

— აა, — გაიღიმა მაესტრომ. — ასეა, როცა როსინის მოისმენ, შეუძლებელია კედლებით შემოფარგლულ ადგილას გაჩერება. ყოჩაღ, მე შენ ტყუილად არ მოგასმენინე ეს ფირფიტა, წადი, ძვირფასო...

— რომელი საათია, ალექსანდრე?

— ცხრა. ხომ არ გეჩქარება?

— არა, ისე გკითხვ.

„ნეტავი რატომ მკითხა?“ — გაიფიქრა ალექსანდრემ და ჩუმად შეხედა. თამუნა ჩაფიქრებული იყო, ნელა მიიბრუნებდა. უკვე ბნელოდა, ამ წყნარ ქუჩაზე აღარ იყო ხალხი. ალექსანდრეს ძალიან უნდოდა, რომ თამუნას მხარზე წამოედო ხელი და ასე ევლოთ. გუშინაც ასე უნდოდა, მაგრამ ვერ ვაბედა. რატომღაც ეგონა, რომ თამუნა გაბრაზდებოდა და საერთოდ აღარ გაეკარებოდა.

— შენ უკრავ, ალექსანდრე?

— კი, ვიოლინოზე ვუკრავ.

— რა დაამთავრე?

— ტექნიკუმი.

— მე კი მიექვსე კლასიდან გამოვედი.

— კარგი გიქნია.

— რას ამბობ, ალექსანდრე? მაშინ პატარა ვიყავი, არ მესმოდა.

— სწორს ვამბობ, თამუნა. ასეა — თუ მუსიკოსობა გინდა, მთელი ცხოვრება უნდა გასწირო, თუ არადა სულერთია, ორ კლასს დაამთავრებ თუ კონსერვატორიას. ჩვენი ღირიჟორიც ასე ამბობს, თუ მუსიკოსობას აპირებ, მთელი ცხოვრება უნდა გასწირო.

— მართლა, თქვენი ღირიჟორი როგორი კაცია?

— იცი, რა კარგი კაცია? — ალექსანდრე ლაპარაკის გუნებაზე დადგა. — ეგეთი ნიჭიერი ადამიანი არ მინახავს, აბსოლუტური სმენა აქვს, მაგრამ, საწყალი, მე მეტონი, ხელოვნობა არ ვარგა, თამუნა. ის კი ღირიჟორობს და თითქოს ვერ ამჩნევს, შეცდომებს რამ ვუშვებთ. ხანდახან, ათასში ერთხელ, არ ვიცი, რა დამართება ხოლმე და არც ერთ მცდარ ნოტს არ აგვაღებინებს. მაგრამ ასეთ დროს მთელი რეპეტიციის განმავლობაში ათიოდე ტაქტს თუ დავუკრავთ. ისიც აიღებს და ჩვეულებრივად განაგრძობს ხოლმე. კონცერტებზე ხანდახან არც თუ ისე მომზადებულნი გამოვდივართ, ის კი ისე მხნედ შემოდის სცენაზე, გეგონება, პირველხარისხოვანი ორკესტრი

აბარია. სცენაზე გამოსვლის საკუთარი მეთოდი აქვს — ზოგს თვალს ჩაუკრავს, ზოგს მხარზე მოუთათუნებს ხელს, მერე სცენის შუაგულში დადგება, ყველას გაგვიღიმებს და ასე ვიწყებთ დაკვრას. რაც უნდა დაეკრათ, ბოლოს მაინც შეგვაქებს სოლმე.

— კი მაგრამ, ვის ატყუებს?

რა ვიცი. იცი, რაშია საქმე, — თქვა ალექსანდრემ და... მხარზე ჩამოადო ხელი; რაღაც საშინელის მოლოდინში გაინაბა, მაგრამ თამუნას ხმა არ ამოუღია და შეებო ამოისუნთქა. საოცარი სინარული მოაწვა და ანგარიშიმითქმელად ალაპარაკდა: — შეიძლება არც გვატყუებს, შეიძლება ჩვენი გამხნელება უნდა. ისეთი კარგი კაცია, რომ ვულს არ გაგვიტყვებს. იმას ძალიან უყვარს როს ნი, დიდი მანესტრო. როსინი მისი კერპია, ყველას ჰყავს კერპი...

ალექსანდრეს თამუნას მხარზე ედო ხელი და სხაბახსებით ლაპარაკობდა.

## 6

მეორე დღეს, ლექციების დამთავრების შემდეგ, ალექსანდრეს ჯგუფლებმა კამათი ასტესეს. — ნაწილი იძახდა, რომ N დიდი მწერალია, სხვები კი ამბობდნენ, რომ არც ისე დიდია, ხალხს რომ ჰგონია. ისინი ჯერ თცი წლისაც კი არ იყვნენ და ძალიან ხმამაღლა კამათობდნენ.

— რას ამბობთ, — ცხარობდა ერთი ვაჟი, — ჯერ მხოლოდ მისი დიალოგები რაღა ღირს, რა შეედრება მის მოკლე ფრაზებს, მის ცხოვრებისეულ გამოცდილებას.

— ჰოდა, მას სწორედ ისეთი მდიდარი გამოცდილება ჰქონდა, რომ თავისუფლად შეეძლო უფრო დიდი მწერალი გამოსულიყო.

ალექსანდრე ხედავდა, რომ თამუნას ძალიან აინტერესებდა კამათი N-ის შესახებ. ძალიან მოუნდა, რომ გადაემწყვეტე სიტყვა ეთქვა.

— რას ამბობ? — წამოიძახა იმ ვაჟმა. — ვანა შეიძლება, რომ დამაინი უფრო დიდი მწერალი გამოვირძეს, ვიდრე N? მას არც ერთი სიტყვა არა აქვს შედმეტი, ყოველ წინადადე-



ბაში ისეთი ქვეტექსტები აქვს, რომლებიც თავისთავად რომანს უდრიან.

N-ის ნაწარმოებები უმრავლესობას წაკითხული ჰქონდა. მისი მოთხრობები თბილისში რამდენიმე წლის წინათ წაიკითხეს. პირველ ხანებში ყველას მოსწონდა N, ყველა აღფრთოვანებული იყო, ყველგან გაისმოდა მისი ქება, იგი ერთგვარ ეტალონად გადაიქცა. სხვა მწერლების ნაწარმოებებში დაჟინებით ეძებდნენ მის გავლენას და ხანდახან პოულობდნენ კიდევაც. ზოგიერთს კი ისე გაუწყალა გული ამ გაუთავებელმა ქება-დიდებათ, რომ გაბრაზებულ გულზე თვალი გადაავლეს N-ის ნაწარმოებებს და ცდილობდნენ, რაიმე ნაკლი აღმოერიონათ. გარკვეული ძიების შემდეგ მათ „აღმოაჩინეს“ N-ის რამდენიმე ნაკლი, რომელთა შორის უმთავრესი იყო...

— არ არის საჭირო ეგეთი ქვეტექსტები, — ხმამაღლა თქვა ალექსანდრემ და იგრძნო, თამუნა ინტერესით რომ შეაცქერდა. ამან გაამხნევა და გაბედულად განაგრძო ლაპარაკი: — ადამიანს გადაჭრილი პასუხი უნდა ჰქონდეს ყველაფერზე. N-ს კი არ უყვარს გადაჭრილი პასუხის გაცემა.

— ასეთი იყო მისი თაობა — ამაყად წარმოთქვა ვილაყამ.

— მით უმეტეს — პასუხი უნდა გამოეძებნა. სწორი ვარ თუ არა? გვჭირდება თუ არა ჩვენ პასუხი?

— რა ვიცი...

— მე კი ვიცი — გვჭირდება!

ასე დამთავრდა კამათი, თამუნა ალტაცებით შესცქეროდა ალექსანდრეს. სხვა საიდუმლოებების გაგებაც მოუნდა და უთხრა:

— ალექსანდრე, შენ მოხერხებული ბიჭი ხარ. მე ძალიან მაინტერესებს, რატომაა შენი მანესტრო ასეთი უცნაური კაცი? იქნებ გამიგო...

— მაგაზე ადვილი რა არის, — დამაჯერებლად უთხრა ალექსანდრემ. — ის ძალიან გულახდილი კაცია. ყველაფერი რიგზე იქნება, ამ დღეებში გამოველაპარაკები.

— ჩემო ალექსანდრე, — დაიწყო მანესტრომ, — ხელოვანთა ერთ ნაწილს აქვს საერთო მიზანი — ესაა უკვდავება. უფრო სწორად, ეს მიზანი კი არა, საოცრად ძლიერი ჟინია. ამ ჟინ-

ნით შეპყრობილნი, ისინი თეთრად ათენებენ ღამეებს, პოუ-  
 ლობენ საუკეთესო ქღერადობის რითმებს, ერთმანეთში აზა-  
 ვებენ სხვადასხვა ფერსა და ხაზს, სულს უწერგავენ ცივ მარმა-  
 რილოს, ეძებენ მანამდე არგაგონილ მელოდებს და დაძაბუ-  
 ლი მუშაობის შემდეგ დაღლილნი დაეცემიან საწოლზე და  
 გრძნობენ, რომ რამდენიმე მილიმეტრით კიდევ უფრო მიუ-  
 ახლოვდნენ მიზანს. მიზნამდე კი კილომეტრებია, ჩემო. ხე-  
 ლოვანთა მეორე ნაწილი სულ სხვაგვარი ხალხია, ალექსანდ-  
 რე. მათ არც უფიქრიათ, თუ რაა უკვდავება. ისინი უკვდავე-  
 ბად იზადებიან, თუ შემდეგ ყალიბდებიან, ეს კაცმა არ იცის.  
 ფაქტი ისაა, რომ ისინი თავიდანვე შეჩვეული არიან უკვდა-  
 ვებას, ისინი აღარ ფიქრობენ ამის შესახებ. რაც არ უნდა შო-  
 რი გზა გაიარონ, ანდა შორი გზა ჰქონდეთ გასავლელი, ისი-  
 ნი არაფრად ჩააგდებენ ამას, რადგან მათ ახასიათებთ ყველა-  
 ზე ძვირფასი თვისება — მათ შეუძლიათ ფრენა... და არა მილი-  
 მეტრობით გადაადგილება. ალექსანდრე, თუმცა მე ვერ დაგი-  
 სასელებ ვერც ერთ ასეთ მხატვარს, ვერც ერთ ასეთ პოეტსა  
 და მოქანდაკეს, რადგან ნაკლებად ვართ გათვითცნობიერე-  
 ბული ხელოვნების ამ დარგებში, მე მაინც შემიძლია დაგისა-  
 ხელო ასეთი კომპოზიტორი — ესაა როსინი. აი, ვისში ფეთ-  
 ქავდა უკვდავება, აი, ვინ იყო თავისი შედევრების ავტორი  
 ალექსანდრე, რაც მე გაიმბე, ეს მხოლოდ ჩემი აზრია. მეც  
 ვიცი, რომ დამაჯერებლად ჟღერს შემდეგი ფრაზა — „თუ ბევრს  
 არ იმუშავებ, მიზანს ვერ მიაღწევ“. მაგრამ მე დარწმუნებული  
 ვარ, რომ როსინის არასოდეს ჰქონია არავითარი მიზანი. უბ-  
 რალოდ, იგი ისეთი იყო, როგორც იყო. და ეს სავსებით კმა-  
 როდა იმისათვის რომ დღეს, ესე იგი საუკუნენასეკრის შემდეგ,  
 მე ასე აღტაცებით ვლაპარაკობ მის ქმნილებებზე. არ გეგო-  
 ნოს, რომ მხოლოდ მე ვარ მისი თაყვანისმცემელი. ჩვენ  
 ბევრნი ვართ, მაგრამ მე იმით გამოვიჩრევი, რომ როსინის  
 ერთი რამით ვგევარ კიდევაც. ეს მსგავსებაა... სიზარმაცე. მე,  
 რა თქმა უნდა, არა მაქვს სიზარმაცის უფლება, მას კი... მას  
 ჰქონდა. მან იცოდა თავისი საქმე როცა ოპერას შეუკვეთავდ-  
 ნენ, საოცრად ხანმოკლე ვადას თხოულობდა როსინი — თვე-  
 ნახევარს. შენ ალბათ გგონია, ჩემო ალექსანდრე, რომ იგი ამ  
 თვენახევარს ათენებდა და აღამებდა, არა? ცდები. როსინი

მთელი თვე უდარდელად დასეირნობდა იტალიის ცის ქვეშ, ეშმაკურად ათვალეირებდა ქალებს და არხეინად თვლებდა რბილ სავარძელში. ასე გადიოდა მთელი თვე, ხოლო მომდევნო ორი კვირის განმავლობაში იგი გემრიელად მოკალათდებოდა რბილ ტახტზე, ხელში ბატის ფრთა ჰქონდა მომარჯვებული და ასე იქმნებოდა ისეთი ოპერები, როგორცაა „ტანკრედი“ და „სევილიელი დალაქი“. პირადად მე მგონია, რომ როსინი — ეს სიჭაბუკეა, მომხიბლავი, უდარდელი, მუდამ სანატრელი. და სიჭაბუკითვე ვსსნი იმ გარემოებას, რომ როსინის ორმოცი წლის ასაკის შემდეგ ოპერა აღარ დაუწერია. იგი ისმენდა თავის ნაწარმოებებს, საკმაოდ კარჩაკეტილად ცხოვრობდა, გასუქდა, ექიმების დაჟინებული რჩევის შემდეგ ხანდახან გასასეირნებლად გამოდიოდა. იგი მიდიოდა წელა, მძიმედ, ჯოხის კაკუნით და თაყვანისმცემელთა ბრბო უკან მისდევდა. ისინი ალტაცებით შეჰყურებდნენ მას და ერთმანეთს უჩურჩულებდნენ: ხედავ, როსინი, დიდი მაესტრო...

ალექსანდრე, მე მგონი, შევცდი, ხელოვანი ორ ჯგუფად რომ დაყვავი. ალბათ, არავინაა როსინისავით ადვილად რომ მიეღწიოს დიდებისათვის... თუმცა, შეიძლება პოეტებშიც გამოერიოს ასეთი ვინმე, არა?

— ალბათ, მაესტრო.

— ეეჰ, მე ძალიან პატარა მაესტრო ვარ, ჩემო... დირიჟორისაგან ძალიან შორსაა უკვდავება, მაგრამ მაინც გამორიცხული არ არის. დირიჟორის უპირატესობა ისაა, რომ მას ისე შეუძლია ორკესტრის ამეტყველება, როგორც მოესურვება. მე პირველხარისხოვან ორკესტრს ვგულისხმობ, რა თქმა უნდა. რა სჯობია დირიჟორობას — გამოდიხარ სცენის შუაგულში, თავს ზრდილობიანად დაუკრავ ხალხს, შემდეგ ორკესტრისაკენ შეტრიალდები, ჯოხს დააკაკუნებ და მთელი ორკესტრი სულგანაბრული შემოგვაცქერდება. ხელებს შემართავ, მერე დაიქნევ და ყველაფერი დაგემორჩილება, ყოველი ინსტრუმენტი — ემოციური ვიოლინოები, ნაღვლიანი ჩელოები, მშრალი და უდარდელი კლარნეტები, რომანტიული პობოი, ზედაპირული, ჰაეროვანი ფლეიტა, მრისხანე საყვირები და ტრომბონები, ჩუმი და მორიდებული ვალტორნები, ეშმაკური ტემბრის ფაგოტები, მერგვინავი დოლები და თეფშები, მე-

ოცნებე არწები, დინჯი და დარბაისეული კონტრაბასები, იდე-  
მალი ინგლისური საყვირი... მე მიყვარს ჩემი საქმე, ალექსან-  
დრე, ძალიან მიყვარს, მაგრამ მე ძალიან პატარა მაესტრო ვარ  
მე რომ დიდი მაესტრო ვიყო, სიკვდილის შემდეგ არ დავი-  
კარგებოდი — რომელიმე ქუჩას ჩემს სახელს დაარქმევდნენ,  
უფრო სწორად — გვარს. რა უნდა იყოს ამაზე კარგი, ვთქვათ,  
ბიჭი ეუბნება გოგოს: „ხვალ სად შევხვდეთ?“ — „სადაც გინ-  
და“. — „მაესტრო სანაძის ქუჩის კუთხეში მოდი, მ საათზე, კა-  
რგი?“ — „დიას“, — უპასუხებს მორიდებული გოგონა, რა უნდა  
იყოს ამაზე კარგი, ჰა? ხომ არ შევტოპე, ალექსანდრე?

— არა, რასა ბრძანებთ.

— ეეჰ, ჩემო ალექსანდრე, — განაგრძო მაესტრომ, — ტრა-  
ბახში ნუ ჩამომართმევ, გეთაყვა, და ძალიან ნიჭიერი ვიყავი.  
ჰე-ე, როგორი ნიჭიერი, — მიხეილმა მოიწყინა, — მაგრამ ეს  
წყეული სიზარმაცე ხელს მიშლიდა. შენ გგონია, მუსიკა არ  
მიყვარდა? არც ერთი წამით არ გაიფიქროს მუსიკით ვცო-  
ცსლობდი და ვიცოცსლებ. იცი, რატომ გაგზარმაცდი? ახლავე  
მოგახსენებ. ჯერ როიალზე ვუკრავდი, შემდეგ ჰობოიზე... ო,  
მშვენიერი ინსტრუმენტია ჰობოი, კლარნეტი არ მიყვარს...  
ფლეიტაც მაინცდამაინც გულზე არ მხებატება. დირიჟორი  
ამას არ უნდა ამბობდეს, მაგრამ მაინც... ჰოდა, ყველაფერს  
ძალიან ადვილად ვითვისებდი და ბევრი თავისუფალი დრო  
მრჩებოდა, ჩემო... იმანო... ჰო, ალექსანდრე! მაპატიე, როცა  
ბავშვობას ვისხენებ, ქვეყანაზე ყველაფერი მავიწყდება. აღარ  
ვიცოდი, თავისუფალი დრო როგორ მომეკლა და იცი, რა და-  
ვიწყე? ფიქრი, ოცნება დავიწყე, ჩემო ძვირფასო. ჰეი, რა მა-  
რტივი და გულუბრყვილო ოცნება მიყვარდა მაშინ, თუმცა  
მხოლოდ ერთი შეხედვით იყო გულუბრყვილო, რადგან კარი-  
ერისტული მისწრაფებანიც ერია — მიწოდდა, დიდი აღამია-  
ნი გამოვსულიყავი. მე, როგორც საოცრად არაპრაქტიკული კა-  
ცი, ისე გამიტაცა ოცნებამ, ისე შემეჩვია, რომ... დამიჯერებ,  
ალექსანდრე? დიდი განსხვავება არც არის ახლა ჩემთვის,  
ოცნებაში გამეხარდება რაიმე თუ სინამდვილეში.

თუმცა ალექსანდრეს ხმა არ ამოუღია, მაესტრომ მაინც  
საჭიროდ სცნო შემდეგის თქმა:

— შენ, ალბათ, არა გჯერა, ალექსანდრე, ახლავე აგინსნი.

ოცნებასაც გააჩნია. ერთ-ერთ მათგანს დაწვრილებით მოგიყვები და მერე შენ განსაჯე, სწორი ვარ თუ არა. დღეს გულახდილი ვარ, გულგადახსნილი, როგორც იტყვიან. მე ისე ნათლად წარმოვიდგენ სოლმე ყველაფერს, რომ... ახლავე მოგიყვები — აი, ვთქვათ, მივდივარ სასლში, ვარ დიდი დირიჟორი და მორიგი რეპეტიციის შემდეგ შინ ვბრუნდები. ჩემი კარის წინ დიდი თაიგული დევს, შიგნით პატარა ბარათია, სადაც ლამაზი ხელით წერია: „მაესტროს — თაყვანისმცემლები-საგან“. მე თუმცა მობეზრებული მაქვს ამგვარი ამბები, მაგრამ მაინც მიხარია. სასლში ბიჭუნა მეგებება, ჩემი სისხლი და ხორცი. იგი თუმცა ექვსი წლისაა, უკვე მშვენივრად უკრავს ვიოლინოზე ვივალდის კონცერტს. და აი, ბიჭუნა დეპემას მაძლევს. მე ვკითხულობ: „საქართველო, მაესტრო სანაძეს. იტალია მოუთმენლად გელოდებათ. იტალიელი მუსიკოსები“. და აი, თვითმფრინავი ლაღად მიაპობს სივრცეს, თვითმფრინავში მგზავრები, მე, ჩემი ბიჭუნა, მფრინავი და ჰაეროვანი სტიუარდესაა. აგერ, მილანიც. აეროდრომზე გამოჩენილი იტალიელი მაესტრო მხვდება. იტალიაში ზაფხულია, იმ მაესტროს მსუბუქად აცვია, მეც. ჩვენ ვზივართ რომელიღაც ბაღში. ჩემი ბიჭუნა და იმ მაესტროს შვილიშვილი დაჭერობანას თამაშობენ. ჩვენ ღრმად ვისუნთქავთ დიდებულ ჰაერს და თან ჩუმი ხმით ვსაუბრობთ უდრტვინველ მაესტრო როსინიზე, რომელმაც იცოდა თავისი საქმე. საღამოთი ლა-სკალა გაჭედდილია, ნემსის ნამსხვრევიც კი ვერ ჩავარდება. მე სცენაზე ჩემებურად გამოვდივარ და დარბაზი ტაშისაგან ზანზარებს. შემდეგ ხელებს მალლა ავწევ და სამარისებური სიჩუმეა. და აი, ჩემი უშუალო ხელმძღვანელობით ორკესტრი ასრულებს მარშს ვაგნერის ოპერიდან „ტანჰეიზერი“. შენ იცი ეს მარში, ალექსანდრე?

— დიახ.

— მაშინ საჭირო აღარ არის მისი აღწერა. მერე ვუკრავთ ბეთჰოვენის მესამე სიმფონიას, შემდეგ სიმებიანი ორკესტრი ასრულებს ჰენდელის მეთორმეტე კონცერტს. შენ მოგისმენია ეს კონცერტი, ალექსანდრე?

— არა.

— ო, დიდებული კონცერტია, მშვენიერი და თანაც თუ შე-

იძლება ასე ითქვას, მორიდებული. ამ კონცერტში გენიოსის თავდაჭერალობა იგრძნობა, ჩემო. შემდეგ ბისზე ვასრულებით უვერტიურას მოცარტის ოპერიდან „სერალიდან გატაცება“, შემდეგ კი... როსინის „ქურდი კაჭკაჭის“ შესავალს. წარმოვიდგენია, როგორი აღფრთოვანებულები დამრჩებოდნენ ტემპერამენტის იტალიელები? ისინი კვლავ შევედრებიან- რაიმეს შესრულებას, მე კი ღონე აღარ შემწევს, დავიდალე, და უცერად ორკესტრანტებს სცენაზე გამოაქვთ როიალი, როიალთან ხანშიშესული, გამოცდილი პიანისტი ჯდება, ხოლო სცენაზე გამოდის ჩემი ბიჭი, ჩემი ჭკუის კოლოფი და ისინი უკრავენ ვივალდის კონცერტს. და აი ახლა, ალექსანდრე, იტალიელ მანესტროს და საერთოდ ყველას თვალები სინარულის ცრემლითა აქვთ სავსე. გარდა დიდებული აწმყოსი, ისინი ბრწყინვალე მომავალსაც ხედავენ. ახლა კი კეთილი ინებე და მიპასუსხე, ალექსანდრე — უნდა იოცნებოს თუ არა იმ კაცმა, ვისაც გონებაში ასეთი მშვენიერი სურათები ესატება?

— დიახ.

— სრული პასუსხი

— აუცილებლად უნდა იოცნებოს, მანესტრო.

— პოდა, მეც მანდა ვარ.

ქუნაში ტროლეიბუსმა ჩაიარა, ეს ჩვეულებრივი ტრანსპორტი იყო, გრძელი, ყვითლად შეღებილი, ალექსანდრეს ყურადღება არ მიუქცევია ამ ამბისათვის, მანესტრომ კი ნაღვლიანად ჩაილაპარაკა:

— ოცნებაში ყველაფერი ადვილად ხდება, სინამდვილეში კი ყოველივე ეს გაცილებით ძნელად მისაღწევია, ალექსანდრე.

თამუნა ძალიან მსიარული გოგონა იყო, მაგრამ საოცრად სიამოვნებდა, ხანდახან სერიოზულად რომ ეჭირა თავი. მითუმეტეს ისეთი ნათელი გონების ადამიანთან, როგორიც იყო ალექსანდრე.

— ესე იგი, გული გადაგიშალა, არა?

— კი. მე არ ვიცოდი, მაგრამ თურმე არსებობს ისეთი ადამიანების კატეგორია, ვისთვისაც სულერთია, ოცნებაში გაეხარდება რაიმე თუ სინამდვილეში.

თამუნას უეცრად ძალიან მოეწონა სიტყვა „კატეგორია“.

— კატეგორიას, შენ ამბობ? იქნებ ასეთები ერთეულები არიან...

— რა ვიცი, შეიძლება. მომავალი დაგვიდასტურებს, ჩემო თამუნა. მთავარი დაკვირვებაა. თუ ადამიანი ფხიზლად იქნება, ყველაფერს გაიგებს.

— რა თქმა უნდა. მერედა შენ რა აზრისა ხარ მაესტროსთან ადამიანებზე?

— ეს ცოტათი რთული საკითხია, თუმცა არა, არ არის რთული. მე მგონი, ასეთმა ადამიანებმა შეიძლება სხვასაც გადასდონ ეს უდარდებლობა, ეს ოცნება და არაპრაქტიკულობა. რა თქმა უნდა, ზედმეტად პრაქტიკულობა არ ვარგა, რადგან ამ შემთხვევაში ადამიანი ძალიან მშრალი ხდება. მაგრამ ყველა უნდა იყოს იმდენად პრაქტიკული, რამდენადაც საჭიროა.

— სწორი ხარ, ალექსანდრე. ესე იგი, ამ ადამიანმა შეიძლება სხვა ადამიანზე უარყოფითად იმოქმედოს, არა?

— სავსებით შესაძლებელია.

— მერედა, რას უყურებ?

— ა? — ალექსანდრეს უცებ შეეშინდა, — რა მითხარი?

— რა და ასეთ ადამიანს უნდა აუხსნა, რომ მისი საქციელი გასაკიცხია.

— დამიჯერებს კი?

— უნდა დააჯერო. მე მგონი, შენ ეს შეგიძლია, ალექსანდრე.

— იცი რა, თამუნა? შენ მართალს ამბობ, სვალ, რეპეტიციის შემდეგ, შეიძლება მოველაპარაკო. მე მგონი, ყველაფერი რიგზე იქნება.

## 7

ნათურა მკრთალად ანათებდა ეზოს, ფოთლებდაცვენილო ხეები ძლივს მოჩანდნენ სიბნელეში. ფანჯარასთან კაცი იდგა და შეორთქლილი მინის მიღმა უყურებდა ფიფქებს. ყველაფერს ფარავდა პირველი თოვლი. ფიფქები ტრიალით ეშვებოდნენ მიწაზე, სიბნელეში გაუჩინარებულ მავთულებზეც იცემოდა ფიფქები, სახურავებზე თხლად იდო თოვლი.

მინაზე შუბლშიბუენილი კაცი გარეთ იყურებოდა. გარეთ

ბარდნიდა, ფიფქები ბუტაგდა წათურის მკრთალ შუქზე, გა-  
უთავეებლად, სვავიანად თოვდა. კაცმა თითოთ გაწმინდა შე-  
ორთქლილი მინა. მას ძალიან უყვარდა თოვლი. იგი გარეთ  
იყურებოდა და ხან ეგონა, რომ ფიფქები მხიარულად მოს-  
დევდნენ ერთმანეთს, ხანაც ეგონა, რომ ისინი სევდიანად  
ცვიოდნენ ციდან.

კაცი დიდხანს იდგა ფანჯარასთან. იდგა, სანამ თოვლმა  
ყველგან არ დაიბუდა:

ეზოში მდგარ სკამზე ჩამოჯდა,

მავთულებზე წამოწვა ჯამბაზივით,

სქლად დათოვლილი სახურავები უზარმაზარი ფრინველის  
ფრთებს დაამგვანა და კაცმა სინათლე ჩააქრო და დაწვა.

სანამ დაიძინებდა, მას უხაროდა, რომ მეორე დილით ქა-  
ლაქი იქნებოდა ძალიან თეთრი, სუფთა, ქათქათა.

— მობრძანდით! ოო, ალექსანდრე, რა კარგია, რომ მოხ-  
ვედი. იცოდი, ავად რომ ვარ?

— რეპეტიციასზე რომ არ მობრძანდით, მაშინვე გავიფიქ-  
რე...

— მაესტრო ავად ხომ არ გახდაო, არა?

— დიახ.

— ჯერ პალტოს ნუ გაიხდი, აბა, ახლოს მოდი.

მაესტრომ პალტოზე ხელისგული მიადო!

— ზამთრის სურმელება აქვს შენს პალტოს, სუსხი შემო-  
გყვა ოთახში, ალექსანდრე.

— მაპატიეთ, ახლავე გავიხდი, მაესტრო.

— მაპატიეთო? რას ამბობ, ალექსანდრე, მე ისე მიყვარს  
თოვლი, ძლივს ვიგრძენი მისი სუნთქვა შენი ტანსაცმლის  
წყალობით. ეეჰ, უკვე გათბა პალტო, შეგიძლია გაიხადო...  
ახლა კი დაბრძანდი.

ალექსანდრე სკამზე ჩამოჯდა.

— ძალიან მიყვარს თოვლი, — დაიწყო მაესტრომ — მარ-  
ტლოდენ სიტყვა „თოვლიც“ კი წარმოუდგენელ სიამოვნებას  
მანიჭებს. როცა ამ სიტყვას იტყვიან, მაშინვე წარმომიდგება  
ნახშირისთვალეობა თოვლის ბაბუა, მოუსვენარი ბავშვები ცი-



გებზე და გუნდით ხელში, თხილამურებზე შემდგარი ახოვანი ქალ-ვაჟები, სახურავებზე ჩამოკიდებული ყინულის ლოლუები და კიდევ ბევრი ამდაგვარი რამ. ახლა ნამდვილი თოვლი იკითხე, მარტოდენ სიტყვა რას გვეყოფა. თოვლი იმითაც არის კარგი, რომ თუ მოვა, ყველგან მოვა, სადაც კი გაიხედავ, ყველაფერი თოვლითაა დაფარული. შენ მიდიხარ და რომელი ნოხი და ხალიჩა შეედრება თოვლზე სიარულს. მიდიხარ, თოვლი ჭრიალებს შენს ფეხქვეშ, უყურებ ლოყებაწითლებულ, ბედნიერ ბავშვებს, შენს ფეხქვეშ კი: „ჭრაჭი“. მიდიხარ, გორაკებიდან ციგით ეშვებიან, ციგა სწრაფად მიჰქრის ქვემოთ, ქარი სახეს უწიწკნის ბავშვებს, ციგა გვერდზე ყირავდება, ყველა იცინის, გაყინულ ჰაერში ზარის წკრიალივით გაისმის ბავშვების სიცილი, შენს ფეხქვეშ კი: „ჭრუჭი!..“ მიდიხარ, ბიჭები გუნდებს ესვრიან გოგონებს, ხან ააცილებენ, ხან შიგ ბეჭებში მთარტყამენ, ყველაფერი ეს ხალისითა და სისარულითაა აღსავსე, მიდიხარ და, რაც მთავარია, საოცრებავ, როგორი მსუბუქი ჰაერია გარეთ, როცა თოვს — ისე ადვილად სუნთქავ, ისე ძალდაუტანებლად... თოვლი გაიძულე, რომ ისუნთქო ისე, როგორც სუნთქავდა... როსინი, დადი მავესტრო. ხედავ, ალექსანდრე, მე კი ავად გავხდი, მაინცდამაინც ახლა, როცა გარეთ თოვს.

— ფანჯარა ხომ არ გამოვალო, მავესტრო?

— გამთაღე, ჩემო კარგო. მე მაგრად შევიფუთნები, შენ კი ფანჯარა გამთაღე.

— ვერ უთხარი, ალექსანდრე?

— ვერა.

— რატომ?

— რა ვიცი, — ალექსანდრეს შერცხვა, — მართლა, ავად იყო და შემეცოდა.

— კარგად მოქცეულხარ. ავად თუ იყო, არ უნდა გეთქვა.

— ჰო, სწორედ მაგიტომ არ ვუთხარი.

ისინი ხმადაბლა საუბრობდნენ, რადგან მათ გვერდით ქალი იჯდა. ქალს ბავშვი მოეყვანა ბაღში და თვალყურს ადევნებდა. ბიჭუნა დარბოდა, დახტოდა და მიწით ხელებს ისვრიდა.

— როგორ შეიცვალა ამინდი, არა?

— აბა, ვინ იფიქრებს, გუშინ რომ თოვლი იყო. წამდვილი გაზაფხულის დღეა.

ბავშვმა დედასთან მიიღბინა, მაგრამ რაღაცას წამოჰკრა ფეხი და წაიქცა. ქალი სწრაფად წამოდგა და ბავშვს მივარდა, ალექსანდრეც წამოდგა.

— რაზე ხომ არ იტყინა? — ჰკითხა ქალს თამუნამ.

— არა, ასე ხშირად ეცემა.

ბავშვი ჯერ დაბნეული იყო, მერე თამუნას შემფოთებული სახე დაინახა და ტირილის გუნებაზე დადგა.

— არ იტირო, არ იტირო, — ეუბნებოდა ქალი.

ბავშვმა ღრმად შეისუნთქა ჰაერი, სახე მოეღრიცა და ყველა მისვდა, რომ ჩქარა ღრიალს ამოუშვებდა.

— მიწამ გატყინა ფეხი, — არა? — უთხრა ალექსანდრემ. — აბა შენც ატყინე მიწას, აბა, დაარტყი; დაარტყი.

ბავშვი ყოყმანობდა — აღარ იცოდა, ეტირა თუ მიწისათვის სამაგიერო გადაეხადა.

— აბა, დაარტყი, ესე დაარტყი, ესე, — თამუნამ ფეხი დაჰკრა მიწაზე.

ბიჭუნამაც გულიანად დაარტყა ფეხი მიწაზე და აშკარად დაეცყო, რომ აღარ იტირებდა.

— მოდი, შვილო, ახლა ნამცხვარი ვჭამოთ, — ალერსიანად უთხრა ქალმა, — აბა, პირი გააღე.

ბავშვმა თავი გააქნია.

— ჭამე, შვილო, აბა პირი გააღე.

ბავშვი გაჯიუტდა.

— ჩაყლაპე, თორემ ბიძია შეჭამს (ალექსანდრეს პირველად უწოდეს „ბიძია“), აი, აი, ჩაყლაპა, ჩაყლაპა, — ქალმა ალექსანდრეს პირთან მიუტანა ნამცხვარი.

— მეც შეეჭამ, მეც შეეჭამ, — თქვა თამუნამ და ნამცხვრისაკენ მიიწია. ბავშვმა საჩქაროდ გააღო პირი.

ალექსანდრე წამოდგა, ზევიდან დააცქერდა ბიჭუნას.

— ჭამე, შვილო, და ამსიმაღლე გაიზრდეები, გენაცვალე! — მოეფერა ქალი. ბავშვმა დაკვირვებით შეათვალიერა ალექსანდრე.

კონცერტის დაწყებას ხუთიოდე წუთი აკლდა. ორკესტრის წევრები საკრავებს აწყობდნენ.

— სალამი, მაესტრო.

— თ, ალექსანდრეს გაუმარჯოს, როგორა ხარ?

— დღეს ვერ დავუკრავ, ხელი ვიტკინე.

— რას მიუბნები, ძალიან გტკივა?

— ისე, საშუალოდ.

— ნუ დაუკრავ, ჩემო ალექსანდრე. თღონდ პირობა მომიცო, რომ ექიმთან აუცილებლად წახვალ.

— წავალ, კი.

— აბა, შენ იცი.

— მაესტრო, ერთი რამ უნდა გკითხოთ.

— მიბრძანე, ჩემო ალექსანდრე.

— მაესტრო, ჩვენს ორკესტრზე რა აზრის ბრძანდებით?

— ეეჰ... თუმცა, მოყვარულების პირობაზე მშვენივრად უკრავთ.

— მართლა? კი მაგრამ მოყვარული კომპოზიტორების ნაწარმოებებს რომ არ ვუკრავთ?

— მერე რა... ცდა ბედის მონახვერეაო, სომ გაგიგია.

— თუ „ვერა შეჯდა მწყერი ხესა“, ა, მაესტრო?

— იცი რა, ალექსანდრე? მე არ მომწონს შენი ლაპარაკი. გულახდილი კაცი ვარ და გულახდილადვე გეუბნები.

ალექსანდრემ ძალა მოიკრიბა და უთხრა:

— მაესტრო, მაპატიეთ, მაგრამ... თქვენ ერთი ახირებული ჩვევა გაქვთ. რაც არ უნდა სამწუხარო ამბავი შეგხვდეთ, მაინც ისე შეალამაზებით, რომ ბოლოს კმაყოფილი რჩებით. ეს „შელამაზება“ პრაქტიკულად რომ ხორციელდებოდეს, რა თქმა უნდა, კარგი იქნებოდა, მაგრამ მთელი უბედურება ისაა, რომ სინამდვილეში საქმეს ვერ შევლით.

— ეს შენი სიტყვებია, ალექსანდრე?

— დიას, ჩემია. თქვენ ასე იქცევით და ვერცა გრძნობთ, რომ შეიძლება სხვასაც გადასდოთ ეს მავნე ჩვევა. ვინ იცის, რამდენი ადამიანი გააუბედურეთ.

— შენ ამას მეუბნები, ალექსანდრე? მე მეუბნები, თუ ვინ-მე სხვას? — მიხეილმა უკან მიიხედა.

— თქვენ გეუბნებით, დიასი თქვენ კინალამ არ ამიყოლიეთ, კინალამ არ შემაჩვიეთ ეგრეთწოდებულ „ოცნებას, რომელიც ისე დამაჯერებელია, რომ სინამდვილეს უდრის“. კიდევ კარგი, რომ... — ალექსანდრე შეჩერდა.

— რა — კიდევ კარგი?

— რა და...

— მიდი, დაამთავრე, ნუ გეშინია.

— კიდევ კარგი, საკმარისი გონება გამაჩნია, — ჩუმად თქვა ალექსანდრემ.

მიხეილმა გადაიხარხარა. ნერვიულად, ძალით იცინოდა. უეცრად სიცილი შესწყვიტა, შეაცქერდა და უთხრა:

— იცი, რას გეტყვი? წადი აქედან, ალექსანდრე.

ალექსანდრემ ნერწყვი გადაყლაპა:

— მე კი წავალ, მაგრამ ერთი რამ უნდა გითხრათ: აკკუს ცხოვრებაში ხელმოცარული კაცი ბრძანდებით, — და დაცინვით დაუმატა: — მაესტრო.

— გაეთრიე აქედანი — უთხრა მიხეილმა. — სადაც გინდა, წადი, ოღონდ შენი „საკმარისი გონება“ სადმე არ დაგრჩეს! ალექსანდრე შეტრიალდა, დარბაზში შევიდა. თამუნას გვერდით დაჯდა და ფარდას შეაცქერდა.

— უთხარი?

— კი, — მიუგო ალექსანდრემ და ამყად გაიფიქრა: „მე ვიყავი თამამი, გაბედული, მტკიცე“.

დარბაზში სინათლე ჩააქრეს, ფარდა გაიხსნა. ორკესტრის წევრები ცდილობდნენ, დარბაზისაკენ არ გაეხედათ. სცენის შუაგულში გამოვიდა მსუქანი კონფერანსიე და გამოაცხადა:

— კომპოზიტორი აზმაიფარაშვილი, ბაღდადური, შეასრულებს ორკესტი, დირიჟორი მიხეილ სანაძე!

კანტიკუნტად ტაში დაუკრეს, მიხეილი გამოსვლას აგვიანებდა.

„ეჰ, — გაიფიქრა ალექსანდრემ, — შეიძლება ველარც გაბედოს დირიჟორობა ჩემი სიტყვების შემდეგ“.

დარბაზი ჯერ მშვიდად იცდიდა, შემდეგ ოდნავ ახმაურდა. მაესტროს საკუთარი მეთოდი ჰქონდა — იგი სცენაზე გამოდი-

ოდა მხნედ, გაბედულად, დამაჯერებლობა და იმედი შეჰქონდა ორკესტრში — ერთს მხარზე მოუთათუნებდა ხელს, მეორეს საალერსო სიტყვას ეტყოდა, მესამეს თვალს ჩაუკრავდა, შემდეგ მთელ ორკესტრს ღიმილით მოავლებდა თვალს და...

ახლაც ასე გამოვიდა სცენაზე. ხალხს თავი დაუკრა, შემდეგ ორკესტრისაკენ შეტრიალდა და ხელები მაღლა ასწია.

ორკესტრმა შეასრულა ბუკლებური საცეკვაო, რომელსაც ადრე კინტოები ცეკვავდნენ. ამ მივიწყებულ მელოდიაში იყო რაღაც სითბო და ხალხი კარგა ხანს ტაშს უკრავდა. გახარებულმა მაესტრომ მაღლობა გადაუხადა ხალხს და ორკესტრს შესძახა — „ყოჩაღ, არწივებო!“. ტაშისცემამ მაესტრო აიძულა, რომ „ბაღდადური“ ისევ დაეკრათ. ეს უკვე პატარა, ძალიან პატარა გამარჯვებას უდრიდა, მაესტროს ნამღვილი ტრიუმფი კი შედგა იმავე ღამეს, ორ საათზე.

## 9

მეორე დღეს მაესტრომ თავის ორკესტრის ერთ-ერთი წევრი დაიმარტოხელა და უთხრა:

— იცი, რას გეტყვი, კონსტანტინე? მე გუშინ ერთმა ადამიანმა ძალიან მაწყენინა. ისეთი რამ მომახალა, რომ... მე იმ ადამიანს ვენდობოდი, ისევე, როგორც ახლა, შენ გენდობი. უცნაური რამ უნდა მოგიყვე, დღეს გულახდილი ვარ, გულგადახსნილი, როგორც იტყვიან. გუშინ, მისი სიტყვების შემდეგ, საოცრად მომინდა ისეთი რამ, რაც დამამშვიდებდა და გამახარებდა, გესმის, კონსტანტინე? გუშინ ძილი არ მომეკარა, თვალი კი მოვხუჭე, მაგრამ მაინც დამიფრთხა ძილი. ღამის ორ საათამდე ასე ვიწექი, და... იცი, რას გეტყვი, კონსტანტინე? ყოველთვის არსებობს გამოსავალი, ოღონდ მიგნება უნდა. უცრად ბრწყინვალე აზრმა გამინათა გონება — ავდექი, ფრაკი ჩავიცვი, თმა დავივარცხნე, ერთი სიტყვით ყოველნაირად მოვემზადე. შემდეგ კარადიდან საყვარელი ფირფიტა გამოვიღე და რადიოლაზე დავდე. სინათლე ჩავაქრე, მარცხენა ხელით რადიოლა ავამუშავე, მარჯვენა ხელი კი დავიქნიე და მაშინვე „ქურდი კაჭკაჭის“ დიდებული უვერტიურა გაისმა. ჩემს წინ, სიბნელეში იყო მშვენიერი და ნანატრი ორკესტრი, თვა-

ლები მაინც დახუჭული მქონდა და ისე ვამოძრავებდი ხელებს. ყველა ინსტრუმენტი ისე მემორჩილებოდა, როგორც მე შინდოდა, ყოველივე ჩემს განკარგულებაში იყო — ემოციური ვიოლინოები, ნაღვლიანი ჩელოები, მშრალი და უდარდელი კლარნეტები, რომანტიული პობოი, ზედაპირული, პე-როვანი ფლეიტა, მრისხანე საყვირები და ტრომბონები, ზუმი და მორიდებული ვალტორნები, ენჯაკური ტემბრის ფაგოტები, მგრგინავი დოლები და აეფშები, მეოცნებე არფები, დინჯი და დარბაისელი კანტარაბასები, იდუმალი ინგლისური საყვირი. მე უსუსტად და მკაფიოდ ვდირიჟორობდი, როგორც ეს გამოჩენილ მაესტროებს შეჰფერით, ჩემი ოთახი სავსე იყო საოცნებო სმებით და ალბათ ჩემს მეზობლებსაც ძილში ჩაესმათ ეს უცნაური, საუცხოო ჰანგები. ეს ტრიუმფს ჰგავდა, კონსტანტინე—მე ვდირიჟორობდი და ჩემს პატარა ოთახში გაისმოდა დიდი როსინის უდარდელი, ღვთაებრივი სუნთქვა.

— კი მაგრამ მუსიკა რომ დამთავრდა, ალბათ, ძალიან დაგწყდათ გული, — უთხრა კონსტანტინემ.

— რატომ, ჩემო?

— ტაში რომ არავინ დაუკრა.

მაესტრომ საყვედურით შეავლო თვალი და გაკვირვებით მაილაპარაკა:

— განა ჩვენ მხოლოდ ტაშისათვის ვიღვწით, კონსტანტინე?

1965 წ.

## ნ ა ბ ი ჯ 0

### 1

გოგია კიზირია მოწაფეობისას ძალიან ერიდებოდა თეატრში სიარულს. არადა, უყვარდა.

თეატრში აბონემენტით დაიარებოდა მთელი კლასი, გოგია მაშინ ჩვიდმეტი წლისა იქნებოდა. იმხანად ბიჭებში რატომღაც დიდ ვაჟკაცობად ითვლებოდა, არაფერი არ გაკვირ-

ვებოდათ, არაფრით არ აღტაცებულყვნენ და ასე. გოგია კი, სულელი, წარმოდგენას რომ მიჩერებოდა, რომელიმე ისეთი სცენის ყურებისას, სერიოზული ხალხი „მძიმეს“ რომ ეძახდა, უნებურად აცრემლდებოდა ხოლმე. ძალიან ბრაზდებოდა საკუთარ თავზე, იცოდა, ქალაქუნად რომ ჩათვლიდნენ ბიჭები, მასხარად რომ აიგდებდნენ, მაგრამ რა ექნა, ცრემლს ვერ იკავებდა და... მალულად შეიმშრალებდა თვალს და ცდილობდა სხვა რაღაცეებზე ეფიქრა, მაგრამ მუშტებშეკრული, საგანგებოდ განათებული კაცი სცენაზე ხალხის გასაგონად ყვიროდა: „ის უნდა სასტიკად დაისაჯოს!“ და გოგიას ისევე აუჩუყდებოდა ხოლმე გული. თეატრიდან რომ გამოვიდოდა, სულ სხვა გოგია იყო — მიდიოდა თავისთვის ქუჩაში, საკუთარ თავზე განაწყენებული და მაინც ერთგვარად თანამგრძნობი, მიდიოდა და ვინ იცის, მერამდენედ იმეორებდა, რომ ის ნამდვილი ამბავი კი არ იყო, არამედ პიესა, რომ მართლა კი არ მოჰკლავდნენ ვინმეს, უბრალოდ, მსახიობები იყვნენ. გოგია უფრო რომ დაშორებოდა მოქმედ პირს, პროგრამას ამოიღებდა ჯიბიდან, დახედავდა და წაიკითხავდა: გრაფი — კ. ზუმპიაშვილი. სიმართლე რომ ითქვას, ეს ზედმეტიც იყო, თეატრიდან გამოსულ გოგიას აღარაფერი სჯეროდა იმ პიესისა; სამაგიეროდ, ამით მომავალი სპექტაკლისათვის იმხნევებდა თავს. მაგრამ შემდეგ წარმოდგენაზე რაც არ უნდა გულგრილი განწყობით წასულიყო, თეატრს მაინც რაღაცა უხილავი ძალა ჰქონდა — შესასვლელთან რაღაცნაირი უცხო სინათლე ციაგებდა, მრავლად გაკრულ აფიშებზე რამდენიმე პიესის სათაური მსხვილად დაებეჭდათ, თავისი ავტორითა და დაწყების დროით, მერე კონტროლიორი აბონემენტს მოხევედა, გოგია კიბეს ნელა ჩაივლიდა, პალტოს გაიხდიდა, კაშნეს სახელოში ჩაკუჭავდა და მეგარდერობეს ფრთხილად ართმევდა გრილ, ბრტყელ ნომერს. მერე დარბაზში შედიოდა, სანახევროდ გავსებულ პარტერში; სანამ თავის ადგილს იპოვიდა, ძალაუნებურად შეაწუხებდა ვინმეს — თუ შეიძლება, გამატარეთო... მერე კიდევ შემოდდიოდნენ მაყურებლები, სავარძლის ზურვს გადააწვებოდნენ, დახედავდნენ ნომერს და სხდებოდნენ... ჭაღები თანდათან, ზომიერად ქრებოდა, ხმადაბლა ალაპარაკებული მაყურებლები ჩუმდებოდნენ, ერთი-ორგან თუ მოისმო-

და დაგუდული ჩორქოლი, მერე დაუკრავდა ორკესტრი და ხაგერდის მიძიმედ დანაოჭებული ფარდა იხსნებოდა, ლეკორაციების სუნი გადმოდიოდა პარტიერში და გოგია აშკარად გრძნობდა, რომ აღარ იყო გულგრილი... მერე კი, მესამე მოქმედებისას, როცა ცნობილი მსახიობი ქალე მისთვის ჩვეული ათრთოლებული სმით იკითხავდა: „ცოცხლივ? როგორ, ნუთუ მშვენიერი ანტუნა ცოცხლად უნდა დასწვამ?“ გოგიას ბურთი გაეჩრებოდა ყელში და თუმცა თავს მადლა სწევდა და თავლებს ნაძალადევად ახამსამებდა მაინც ველარ იკავებდა ცრემლს.

ეს ყველაფერი გოგიას ჩვიდმეტი წლისას მოსდიოდა, მერე, რომ დაკაცდა, თანდათან გადაუარა. კლასის ამხანაგები ჩამოშორდნენ, ზოგი სად მოეწყო, ზოგი სად; გოგია კი თანამშრომლებთან რაღაც უხერხულად იყო — ბავშვობის ამხანაგი მაინც სულ სხვაა. ხანდახან თუ შემოსვდებოდა რომელიმე, გაჯგვიმული, ცხვირაწეული, ამაყი, შეხვდებოდა და ეუბნებოდა:

- რავა ხარ, გოგია?
- გმადლობთ.
- შენი მადლობა რად მინდა, რავა ხარ ისე?
- კარგად.
- ბიჭებს თუ ხვდები?
- ხანდახან, ათასში ერთხელ.
- ბიჭები თუ შეგხვდნენ, გადაეცი, რომ კარგად ვარ, ჯანზე ვარ, კარგად არის-თქო. —
- კარგი.
- წადი ახლა შენ, გოგია, და ვინმემ რამე თუ გითხრა, მე აქედან გიყურებ და თუ გაგიჭირდა, ხელად გამბოჭქანდები. სხვა რა გიყო?

— არაფერი, — ამბობდა გოგია.

ისე, სიმაართლე რომ ითქვას, გოგიას ბავშვობიდან უნდა დაგვეწყო ამბავი, თანამიმდევრულად. მისი მშობლები წესიერი ხალხი იყო, ოღონდ ცოტათი ფოცობანი დედა ჰყავდა — გოგიას სკოლიდან ხუთი წუთი რომ დააგვიანდებოდა, გამოვიდოდა გარეთ, დადგებოდა ხესთან, გაჰყურებდა ქუჩას. გამოჩნდებოდა გოგია, გაემართებოდა დედამისი, გაბრაზებული, მაგ-



რამ რომ მიუასლოვდებოდა, გაუვლიდა ბრაზი, გადახვევდა ხელს, შეიყვანდა ეზოში... გოგია პატარა უხერხულად გრძნობდა თავს, მეზობლების თვალწინ ასე ბავშვივით რომ ჩაატარებდა დედა, მაგრამ თან უხაროდა კიდევ.

— ა, ხო მოვიდა, არ გამიგია მასე გადარევა, — ამბობდა მამა.

— რა ვიცი, რეები არ ხდება.

— სად იყავი, სკოლაში, ხომ? აჭამე ასლა ბავშვს და მანამდე გაიქე, გოგია, პური მოარბენინე.

წვალებით გახსნიდა დედა კვანძს, გაშლიდა ცხვირსახოცში გამოხვეულ ფულს და მიდიოდა პურზე გოგია. აღმართს აივლიდა, იყიდდა პურს, ჩამოდიოდა დაღმართში. თითებს სწავდა ახლად გამომცხვარი, თხელი ქართული ლავაში, ცხელი იყო ძალიან. თუ მაგრად შიოდა, თუმცა ხანდახან არც შიოდა, ჩამოაგლეჯდა გოგია პატარა, უფორმო ნაჭერს, მადიანად ილუკებოდა ქუჩაში. მერე პურს ნაკლულ ადგილას ჩასჭიდებდა თითებს და ეზოში ისე შედიოდა. გაემზადებინა დედას სალათა, ერბო-კვერცხი, წყალში გავლებული მწვანელი, ისაუზმებდა გოგია და ჯდებოდა ხის ტახტზე. ხელებს მუხლებზე დაიწყობდა, იჯდა ასე, ოდნავ მოხრილი. მამას ძალიან უყვარდა ვაზეთები, გადაშლიდა მთელ სიგრძე-სიგანეზე, კითხულობდა. სამზარეულოში დედას ხანდახან წყნარად აუხმიანდებოდა ჭურჭელი, კერძის სუნი დგებოდა ოთახში, იჯდა გოგია ტახტზე.

ზამთრობით ციოდა ოთახში, დილა-სალამოს მამა ღუმელს ანთებდა. შეაწყობდა კოსტად შეშას, შეუკეთებდა ძველ გაზეთს, გაჰკრავდა ასანთს, აანთებდა. აციაგდებოდა ღუმელის წინ, იატაკზე, სინათლე; მიუშვერდა მამა დამზრალ თითებს, იფშენებდა ხელებს, სიამოვნებდა, მოდი, გოგიაო, აქ, გასძახებდა. მიდიოდა გოგია ღუმელთან, თბებოდა ისიც...

ხანდახან წვიმდა. ატყდებოდა ეზოში პატარა ალიაქოთი, ჩამოსხნიდნენ სარეცხს, ფანჯრებს ხურავდნენ, სველდებოდა გარეთ ყველაფერი, მავთულზე ოდნავ ჩამოიბურცებოდნენ წვეთები, გადაიღებდა წვიმა, — კლებულობდა სმეური; გამოვიდოდა მზე, ორთქლი ტივტივებდა დაბლა, ასფალტზე, გააღებდნენ ფანჯრებს, მშვენიერი კარგი ჰაერი იყო...

დედა და მამა ხანდახან კინოში დაიარებოდნენ, ქართულ ფილმს მაინც ხომ არ გამოტოვებდნენ არაფრით. რჩებოდა გოგია შინ, ჩართავდა რადიოს, მუსიკა უყვარდა. „ჰააი-ი, მუხრანბატონის ყმობითა-ა, ჭქვილი ვერ დავდგი გოდრითა-ა“, წამოიწყებდა პირველი და წარმოუდგებოდა გოგიას ღარიბი კაცი, ჩამოკონკილი, მზიერი, მწყურვალი, აურწყლებოდა გული. ხანდახან უცხოურ სიმღერებსაც ისმენდა, დიდი უცნაური სიტყვებით: „ტუ-უ, სალა ტუუ...“ მაინც მოსწონდა, მუსიკას აყოლებდა ხოლმე თავს, კარგი იყო კარგი სიმღერის მოსმენა. იმღერეს ერთხელ რადიოში რაღაც უცხოური, ყველაზე ხშირად ორი სიტყვა ისმოდა და ის სიტყვები დაამახსოვრდა მსოლოდ: „სანტა ლუჩია“. ისიც კარგი სიმღერა იყო, ტალღა-ტალღად ადიოდა და ჩამოდიოდა. ჯერ ლოგინში იწვა გოგია და ისე უსმენდა, შეფუთვნილი; იმოქმედა მერე რაღაცამ, ძალიან იმოქმედა, აღელდა გოგია, წამოდგა ზეზე, სიმღერას აყოლილმა გაიარ-გამოიარა საწოლზე, კიდევ მოუნდა რაღაც, რაღაც უფრო მეტი, დაიხედა ძირს... აიღო ზეწარი, შემოიხვია ტანზე, ცალ ხელში ვითომ კალათი ეჭირა, მეორე ხელს კალათში ჰყოფდა, მიმოდიოდა ლოგინზე და, სიმღერას აყოლილი, კალათიდან ნელ-ნელა ურიგებდა ზღვა ხალხს რაღაც საჩუქარს, ყვავილები იყო ეს თუ კარალიოკი, რაღაც ამდაგვარი, ზუსტად არ იცოდა... გათავდა მერე სიმღერა, გაიხედ-გამოიხედა გოგიამ, შერცხვა, გაიყინა ისევ ზეწარი, დაწვა, უფრო შერცხვა, წაისურა თავზე საბანი...

მერე ის იყო, აზინემენტები რომ დაურიგეს კლასში და თეატრში დაიარებოდა, მაგრამ აუჩვილდებოდა ხოლმე გული და ვერ იკავებდა თავს. დაბრუნდებოდა შინ, გადაიკითხავდა დავალებებს, წერდა რვეულში სუფთად. სწავლობდა გოგია ოთხებზე, სამებზე, ორიანი თავის დღეში არ მიუღია. ძალიან უყვარდათ მასწავლებლებს, ეჰ, ნეტაი ამასაც ჰქონოდა ნიჭიო, ამბობდნენ. ვის აწყენინებდა, ან როგორ დაილაპარაკებდა გაკვეთილზე; იჯდა თავისთვის, წყნარად. ზოგმა ბოლო კლასში აურია ძალიან, ასეა, გენაცვალეო, ამშვიდებდნენ მშობლები ერთმანეთს, ბიჭი რისი ბიჭია, ცხოვრებაში ერთხელ თუ არ აურიაო. გოგია კი ისევ ისეთი იყო, ნამეტანი ჩუმი, წყნარი... გადადიოდა კლასიდან კლასში, დაამთავრა სკოლა, უმაღლესში

ჩაბარებით კი ჩააბარა გამოცდები, მაგრამ პირველ წელს სამი ქულა დააკლდა, მეორე წელს — ხუთი, არ გამოუვიდა არაფერი, მოეწყო გოგია სამუშაოდ — ერთ-ერთ კვლევით ინსტიტუტში, ლაბორანტად. ხალათები ეცვათ ყველას, გოგიასაც შეუკერა დედამ ხალათი, ფართო ჯიბეები ჰქონდა. მეცნიერ-მუშაკები კი იყვნენ, მაგრამ ზოგიერთი სამი-ოთხი წლით უფროსი თუ იქნებოდა გოგიაზე, იყურებოდნენ მიკროსკოპში. გოგიასაც ავალებდნენ წვრილმან სამუშაოებს, როგორ დაიზარებდა რამეს. ნაშუადღევს საათიანი შესვენება ჰქონდათ, დადებდნენ პატარა ფულს და პური, ყველით, ძეხვით და ამისთანებით საუზმობდნენ, ხანდახან სასყიდლებზე გასვლა ეზარებოდა ზოგიერთს და გოგია ხალისით მიდიოდა იმის მაგივრად, როგორ დაალაპარაკებდა ვინმეს. გახარებულს მოჰქონდა საჭმელი, სიამოვნებდა, კარგ საჭმეს რომ აკეთებდა. შიშ რომ დაბრუნდებოდა, რადიოს უსმენდა, კარგი გადაცემა თუ იყო, წიგნსაც კითხულობდა ხანდახან. დედა ავად გახდა ერთხელ, ლოგინად ჩავარდა ქალი. იმის ნაცვლად გოგია დაიარებოდა ბაზარში, ერთი-ორჯერ არ ეყო ფული — რასაც ეუბნებოდნენ, იმას იხდიდა. დაარიგა მერე დედამ და ბაზარში რომ მივიდა, ამოუღგა ვიღაც ქალს უკან, იმას ექვს შაურად დაუფასეს კარტოფილი, მაგრამ ქალი შეევაჭრა და ოთხ შაურზე დააყვანინა. სანამ ქალი ჩანთაში ჰყრიდა კარტოფილს, გაუწოდა გოგიამ გამყიდველს ოთხი შაური... აუწონა იმ კაცმა ერთი კილო, გადაზოგა ასე გოგიამ ორი შაური, ამოუღგა მერე უკან ვიღაც წუნია კაცს, სდია აქეთ-იქით, მერე, როგორც იქნა, ააწონინა იმ კაცმა ერთგან სახვი და იყიდა გოგიამაც იმ ფასად სახვი... ერთ კვირაში უკვე თვითონ ევაჭრებოდა გამყიდველებს, გაიგო გოგიამ ფულის ფასი, მოიზოგავდა ხოლმე ცოტას, გაზეთებს ყიდულობდა. მიუჯდებოდა მაგიდას, გადაშლიდა, მიაჩერდებოდა ხოლმე დედა, ატირდებოდა — მამაშენსაც უყვარდა მაგ...

გადადებდა გოგია გაზეთს გვერდზე, მიაჩერდებოდა კიდელს... რა ყოფილა მაინც სიკვდილი — დიდი უცნაური, გამოუცნობი, პუნსნელი, საიდუმლო — იმ დღეს სკოლიდან რომ დაბრუნდა, დედა მეზობლებთან იყო გასული სალაპარაკოდ, ტახტზე კი მამა გულაღმა იწვა და ისე იწვა, თითქოს ეძინა,

მაგრამ გახელილი, დაბინდული, ჩამორეცხილი ფრესკისფერი თვალები ჰქონდა... გაშრა გოგია, ფეხისწვერებზე შედგა და ისე დააჩერდა...

დედა რომ მომჯობინდა, მერეც კი დაიარებოდა ბაზარში, სამსახურში ხომ დადიოდა და დადიოდა. ტრანგაი ერჩია ყველაფერს — იაფი ღირდა. დაზოგა გოგიამ ბაზარში სიარულით თოთხმეტი მანეთი ფული, ჩაიდო ჯიბეში. ცოტათი გამოიცვალა, სულ ცოტათი — აქამდე თუ ყველაფერი სჯეროდა, ახლა რაც დასაჯერებელი იყო, იჯერებდა და რაც არა... მაგრამ ერთხელ ერთმა ნათესავმა ქალმა ისეთი ამბავი მოჰყვა, მტრისას — ორი რუსის ქალი ცხოვრობდა თურმე იტალიაში, დები ყოფილან, მილიონერის შვილები; რამ გარდაცვლიათ დედამა, დარჩენიან ზღვა ფული და ამტყდარა პირველი მსოფლიო ომი და მაინცდამაინც მაშინ მონატრებიან სამშობლო, წამოსულან, ნამეტანი უცნაური ქალები ყოფილან... თვალმარგალიტი წამოუღიან მარტო და ისე წამოსულან, მაგრამ გზაში ვიღაცას აუფეთქებია რალაცნაირად რელსები და გაჩერებულა კაიხანს მატარებელი ერთ პატარა სოფელთან, ერთ თვეს მდგარა თურმე — ომი იყო... იქ მაგარი შიმშილობა ყოფილა თურმე, რა ექნათ იმ ქალებს, ცხოვრებაში გამოუცდელები ყოფილან ძალიან — თითო პურში თითო მარგალიტს აძლევენ თურმე და რომ მოულწვიანთ საქართველომდე, ორი თუ სამი საგვარეულო ბეჭედი შერჩენიან ხელზე... ამ დროს, მოგეხსენებათ, რა ამბავიც იყო საქართველოში, მენშევიკები, აქეთ შოტლანდიელი ჯარისკაცები, კაბები ეცვანთ თურმე, იქით გერმანელები, ავსტრიელები, ძალიან პატრონს ვერ ცნობდა... დაუქირავებიათ იმ ქალებს ერთი პატარა სარდაფი, ბნელი, ნესტიანი, მაგრამ სულაც არ წუსდნენ, ადრეც არ ყოფილან ნამეტანი ფუფუნების მოყვარულნი... ჰოდა, იმ სარდაფში ვირთსა იყო ერთი თურმე... ჯერ კი დააფრთხო ქალები, მაგრამ მერე ისე ძალიან აღარ ეზინოდათ. თავი რომ ერჩინათ, მოწაფეები დადიოდნენ იმ ქალებთან, სამეცადინოდ — ერთს ექვსი ენა სცოდნია კარგად, მეორეს — ათი, უცნაურები ყოფილანო... ამდენ ენას რომ დაიმასსოვრებ კაცი, დაბნეული იქნები, აბა რა იქნები? ჰოდა, მოსულა ერთხელ ვიღაც ბავშვის მშობელი და გადარეულა, რაა ეს, არ

გრცხვენიათ, ვირთხა რომ გყავთ თჯახშიო? მაგია ავადმყოფობის გადამტანი, ყელში კბენა უყვარსო და ასე... აგერ, მოგიტანთ დარიშხანს და აჭამეთო... გაჩუმებულან ის ქალები, სირცხვილით ველარ თქვეს, იყოს, რას გვიმლისო და რომ მოუტანია იმ მშობელს საწამლავი, გადაუგდიათ ვირთხისთვის და იმას უჭამია. ისხდნენ თურმე და ვერ იძინებდნენ — ნეტარი მოსდებო... რომ მოუტანებია ლამეს, გამსდარა ვირთხა ცუდად, დაწრიალებს თურმე ოთახში, რას დაწრიალებს, წყალი უნდება თურმე მაგ დროს, სხედან ეს ქალები, ხმას ველარ იღებენ... მერე, რომ შექმნილა ძალიან გლახად ვირთხა, ააცოცა თურმე ერთ ქალს მუსლებზე, დაუბჯენია თათები, ძლივს აუწევია თავი და უყურებს, უყურებს თვალებში... ეს ქალები ერთდროულად წამომდგარან, არაფრის უნო და მარინფათი არ ჰქონიათ მანამდე, მაგრამ იმ დღეს გადაუდიათ თავი — უკაცრავი ჩასუხია, მაგრამ სხვადასხვა ხერხით გალაურჩენიათ ვირთხა, მოწამლულ ადამიანს რომ უვლიან, ისე. არაა გადასარევი?

კი იყო გოგია გამოუცდელი, მაგრამ ასეთ სისულელეს დაიჯერებდა ვითომ? რომ ყოფილიყო ის ცხოველი ან ძაღლი (ადამიანის მეგობარია), ან ცხენი (ტრანსპორტის საშუალებაა), ან ძროხა (რძეს და ხორცს გვაძლევს), ან ბულბული (სტვენს კარგად), კიდევ შეიძლებოდა დაჯერება, მაგრამ... დედამ კი თქვა, მაინც რა არის ცხოველით, მაგრამ ალბათ ისე თქვა, ზრდილობისათვის. ჩართო გოგიამ რადიო, გადაშალა გაზეთიც, ის ქალი კი ლაპარაკობდა, — არა, მე იმას კი არ ვამბობ, ვირთხა რა გადასარჩენი ცხოველიაო, მაგრამ ისაა მთავარი, რანაირი უცნაური ქალები ყოფილან ის ქალები... გოგია აღარ უგდებდა ყურს, მაგრამ სტუმარი რომ წაგიდა, ძალიან დაინტერესდა, ეს ამბავი ნამდვილად მოხდა თუ არაო, მაგრამ საბოლოოდ ვერაფერი დაადგინა — ერთის მხრივ, ვირთხის გადარჩენა როგორ შეიძლებოდა, მაგრამ მეორეს მხრივ, ძალიან უცნაური ქალები ყოფილან და ვერ დაასკვნა გოგიამ მაინც ვერაფერი... მიუბრუნდა ისევ გაზეთს — გადატრიალება ჩილეში. პარიზი, 22 ნოემბერი. როგორც ფრანს პრესის სააგენტო იუწყება...

დაიარებოდა გოგია სამსახურში, მიდიოდა, მოდიოდა.

კვლევით ინსტიტუტში ზუფეტი გახსნეს, შესვენებაზე იქ წავიდნენ თანამშრომლები — ორ-ორი, თითო-თითოდ... გადაზოგა იმ დღეს გოგიამ კიდევ ათი შაური, არ უსაუზმია, მოშივდა ძალიან, ეჩქარებოდა შინ და ხალხით გატენილ ტრამვაის შეასტა. საფეხური არც მანდა, ისე იყო დახუნძლული; სხვები გულგრილად იდგნენ. იქ, ეტყობა, შეჩვეულნი იყვნენ ასე მგზავრობას, გოგიას კი რცხვენოდა, თანამშრომლებმა ანდა ვინმემ არ დამინახოსო. ტრამვაი ზრიალით მიდიოდა, კარგაო, ფიქრობდა გოგია, ჩქარა მივალ სახლშიო. იდგა ასე თავჩაქინდრული, მერე გახედა გზას, ტრამვაის რელსებს, ქარი სილდა ყურებში, გამოცოცხლდა გოგია, გვერდით მდგარ ბიჭს გახედა. ეცნაურა ცოტათი და უცებ გაუკვირდა — ბიჭს თვალეზი გაუფართოვდა და ტრამვაის მიეხუტა, გაოცებული გოგია ორიოდე წამს ვერაფერს მიხვდა, მერე კი, ტრამვაიმ მკვეთრად რომ შეანელა სვლა და რელსებზე აღრჭიალდა, რალცა ძლიერი, მოურიდებელი ტკივილი ეტაკა ბეჭებში. სანამ გამოერკვეოდა, ფეხზე წამოდგა და უზარმაზარი თეთრი შვიდიანი ეცა თვალში. დაიბნა, თითქოს პირველად ხედავდა საბარგო მანქანას. გაფითრებულმა კაცმა ხელი წაავლო, კაბინაში გვერდით მოისვა. გოგიას ეგონა, გაუბრაზდებოდა, მაგრამ მძღოლმა უთხრა, არ დამლუპოო, კინაღამ ბავშვი გავიტანე და იმიტომ შევჩერე ისე უცებ მანქანაო, კიდევ კარგი, ტრამვიამაც დროზე რომ დაამუსრუჭა, თორემ არ დაგყვებოდა მიწაზე სულიო, ძალიან ხომ არა გტკივაო... არაო, გოგიამ. მძღოლმა შინ მიიყვანა, ნაძალადევად გაულიმან და თავის გზაზე წავიდა. გოგიამ შარვალი დაიფერთხა, ეზოში შევიდა, ჩვეულებრივად აიარა კიბე, პირი არ დაუკარებია საკმლისათვის, წამოწვა. რა იყო, ბიჭო, რატომ არ სადილობო, ჰკითხა დედამ... რა ვიცი, არ მინდაო... ბევრს ხომ არ გამუშავებენ, შეილო, სამსახურშიო... არაო, ზუფეტი გაგვიხსნესო და... მართლა? რეები აქვთ მაინცო. დედა, დავისვენებ, რა, ცოტასო... დაწვა გოგია ტახტზე, თვალეზი დასუჭა, ახლაღა შეეშინდა... რა, როგორ, ეს ორი სიტყვა ამოიჩემა — რა, როგორ... მერე გაახსენდა, რომ უნდა ესადილა, რომ ასე იყო საჭირო. ძალისძალათი წაიხემსა, პატარა ხანს მობუზული იჯდა და დაწვა. ღამით ორჯერ გაელვიდა, ზურგი სტკიოდა... დილით სამ-

სახურში წავიდა, ავტობუსით, მობტორის გუგუნმა გული გაუწვრილა, გააღიზიანა... სამსახურში რომ მივიდა, გაუთაკებლად გრძელი მოეჩვენა კიბე; თანამშრომლებმა ვერაფერი შეამჩნიეს, მიკროსკოპში იყურებოდნენ, ჩამოჯდა სკამზე, იჯდა, იჯდა... არაფერი გაუკეთებია, ძალიან დაღლილი დაბრუნდა შინ... ითმინა, ითმინა, მესამე დღეს საავადმყოფოში დააწვინეს.

რატომ არ მითხარი დროზეო, ლოყებს იხოკავდა დედა, რატომ არ მითხარი დროზეო... გოგია იწვა და სუსტად იღიმებოდა... დიდი სიცხე ჰქონდა, ოცდაცხრამეტი და ექვსი საზი. ექიმები რომ მოვიდნენ, დედამ ტურნებზე მაგრად მიიკრა მთმუჭული თითები, თვალებად გადაიქცა... წამოჯექი აბაო, უთხრეს... წამოჯდა საწოლზე, ააწვევინეს ბერანგი, შერცხვა გოგიას, ძალიან გამხდარი იყო... ზურგზე რაღაცა მიადეს თუ არა, მაშინვე მიხვდნენ ყველაფერს. პიდროტორაქსი, უთხრა ერთმა ექიმმა მეორეს, პუნქცია უნდა გავუკეთოთ ხვალვე... მითხარით, რაა ჩემს თავსო, გამოედევნა ექიმებს დედა. ნუ დელავთო, თქვეს ექიმებმა, ტრავმის შედეგად პატარა სითხე წარმოქმნილად და ხვალვე გამოვუღებთო... როგორო... ნემსითო... უიმი, ჩემს თავსო, შეიცხადა დედამ... დაწყნარდით, დაწყნარდით, ნამდვილად არააო საშიში... თქვენი ჭიჭიმი, არ მომატყუოთო, ეგ ერთი მყავსო, ეგ ერთი. ღამით ცუდად ეძინა გოგიას, ას ოცდაათი ჰქონდა პულსი. ჰაერი არ ჰყოფნდა, წამდაუწუმ ეღვიძებოდა, ოფლი სდიოდა, ხშირ-ხშირად და ღრმად სუნთქავდა; ნემსები დაუნიშნეს, დილამდე ძლივს მიატანა, გული უხურდა... ექიმები მოვიდნენ თუ არა, სანიტრებმა ურიკაზე დააწვინეს გოგია და გაქათათებულ, ბრჭყვიალა თათხში შეიყვანეს. ექიმი რეზინის მოყვითალო, გამჭვირვალე ხელთათმანებს იცვამდა, მხიარულად უთხრა, ხომ ხარ გაქვაციო... გოგიამ უხერხულად გაიღიმა — ძალიან გამხდარი იყო. აბა, დაჯექით; ექთანმა ილღიებში მკლავები შეუყო, დაამაგრა გოგია... ჯერ გაბაყურებელ ნემსს გაგიკეთებთო, თქვა ექიმმა და გოგიამ პატარა ჩხვლეტა იგრძნო, არც ეტკინა მაინცდამაინც... დაიცა აბა ცოტა ხანსო, დრო უნდა გავიდესო, უთხრა ექიმმა, ფანჯარასთან მივიდა და ეზოში იყურებოდა. მერე პირი და ცხვირი თეთრი ნიღაბით აიკრა, თეთრი ქუდიც წარბე-

ბამდე ჰქონდა ჩამოფხატული, მხოლოდ ღია ნაცრისფერი თვალები უჩანდა. რაღაც ცუდის მოლოდინში გოგია სულ მოიჩხვარა, ასე იყო ერთსანს და მოლონიერდა თითქოს... გონს მოეგო და შეკრთა — ექთანის მკერდს გრძნობდა გამხდარ, დალეულ მკერდზე, ასე ახლოს არასოდეს ყოფილა ქალთან... უკან დაიხია, ძლივს ასწია თავი, შიშნარევი ვედრებით მიაჩერდა სიცხისაგან მზერაარეული, ტუჩებგამშრალი... ექთანმა მშვიდად გაუღიმა, რაღაც საოცრად თბილად, კარგად გაუღიმა ექთანმა და გოგია ისე დამშვიდდა, რომ ბურანი ჩამოაწვა და მკლავში ისევ უჩხვლიტეს. გამოფხიზლდა თუ არა, აბა, გამაგრდიო, დაუყვავა ექიმმა და უეცრად ზურგში მძლეთამძლე, ძლევა მოსილი ტკივილი ეძგერა. თვალთ დაუბნელდა გოგიას, არა, კი არ დაუბნელდა, რაღაცა მონაცრისფრო, მზისგულზე შემთბარ ბამბის ზვინში იძირებოდა თითქოს, ეფლობოდა, ყოველი კუნთი სასიამოვნოდ დაშორდა ერთმანეთს, ეს ნამდვილი ნეტარება იყო, არაფრით არ უნდოდა გონზე მოსვლა, არადა, მკლავში კიდევ უჩხვლიტეს, ცხვირში მჭასე სუნი ეტაკა, ლოყაზე ურტყამდნენ თითებს, საფეთქლებს უსრესდნენ, ის საშინელი სუნი აღარ აძლეოდა საშველს, თავი გადასწია გოგიამ, შეკრთა, თვალი გაახილა, არა, შეიხვეწა გოგია, არა, არა... ნუ გეშინია, ცოტადა დარჩა, ნუ გეშინია, ეუბნებოდა ექიმი. გოგიას ყბა ჩამოუვარდა, პირი დაალო, ქუთუთოები დაუმძიმდა, მთელი სხეულით მიხდობოდა ექთანს, ნიკაპი ჩამოადო მხარზე, ლოყით მიეხუტა. იჯდა ასე, ვერაფერზე ფიქრობდა, უმწეოდ იცდიდა, მერე მიხვდა, ნემსი რომ გამოუღეს ნეკნებიდან, ღრმად შეისუნთქა, უკეთ გახდა მაშინვე, შერცხვა — ექთანს სახე მოაცილა და ხელებით მაგიდას დაეყრდნო... შენ რა გითხარი, უთხრა ექიმმა და თეთრი ნიღაბი შეიხსნა, როგორ შეგვაშინე... მაინცდამაინც არც ეტყობოდა, თუ შეშინდა, ნაღდად ესმერებოდა, ძალიან კარგი კაცი ჩანდა... გოგიას მადლიერებისაგან გული აუჩუყდა, არადა, ლაპარაკი უჭირდა, ისე იყო ღონემიხდილი, მაინც მოახერხა ხმის ამოღება: — მადლობა, დიდი მადლობა, ბოდიში... რის ბოდიში? — სუსტად გაიკვირვა ექიმმა... შეგაწუხეთ და... ექიმმა მხარზე მოუთათუნა ხელი და უთხრა: ეგ არაფერი... რა გქვია? გიორგი... ეგ არაფერი, გიორგი, უთხრა ექიმმა.



სანიტრებმა ისევ ურიკაზე დააწვინეს, გოგიამ თვალი მო-  
ავლო ოთახს და ის ნემსი რომ იპოვა, გააჟრჟოლა, — წვრილი  
ფანქრის სიმსხო იყო. დერეფანში გამოიყვანეს თუ არა, დედა  
მივიდა, ლოყაზე მოუფათურა ხელი, მერე მხარზე, ნიკაპზე,  
შუბლზე... როგორა ხარ, რატომ არ ყვიროდი, როგორა ხარ,  
როგორ? გოგიამ გაუღიმა — კარგად... მართლა უკეთ იყო — თა-  
ვისუფლად სუნთქავდა, ისეთ მხურვალედასაც აღარ გრძნობ-  
და, გულიც საგულეს ჩაუდგა. სანიტრებმა ლოკინში ჩააწვინეს,  
დედამ კოხტად ამოუკეცა საბანი, ატირდა და გავიდა გარეთ...  
გოგია მშვიდად იწვა, ხელები მუცელზე ელაგა, ფანჯარას მი-  
სჩერებოდა... კარგა ხანს იყო ასე, სუსტად იღიმებოდა.

სამიოდე დღეს უკეთ გრძნობდა თავს, დილით ოცდაჩვიდ-  
მეტამდე პქონდა სიცხე, საღამოს ოცდათვრამეტამდე აცოც-  
დებოდა ვერცხლისწყლის სვეტი, მაგრამ რა უჭირდა ამას, იმ  
ამბების შემდეგ... პალატაში ერთი ავადმყოფი იწვა, გოგიას  
კბილა ბიჭი იქნებოდა. ბრმა ნაწლავის ოპერაცია გაეკეთებინა  
და აშკარად ეამაყებოდა, იმისმა ოპერაციამ ჩვეულებრივზე  
დიდხანს რომ გასტანა. „რო ამოჭრეს და მაჩვენეს, არა? გავ-  
გიჟდი“... ყვებოდა ბიჭი, „რვა სანტიმეტრი ყოფილა სიგრძით,  
პრინციპში“... იმ ბიჭთან ძალიან ბევრი მნახველი მოდიოდა  
და ავადმყოფს ყველასთან სხვადასხვანაირად ეჭირა. თავი —  
ზოგთან ამპარტავნულად, უინტერესოდ, მნახველი სხაპასხუ-  
ბით უყვებოდა რაღაცას, ავადმყოფი კი ჭერს შესცქეროდა,  
დროდადრო უილაჯოდ გაიკვირებდა და იკითხავდა: „ჰო?“  
მერე კი სხვა მოვიდა და იმის დანახვაზე სულ გამოიცვალა,  
დაიძაბა, აშკარად დაეტყო, ძალიან რომ მოუნდა რაღაცა  
ჭკვიანურის თქმა. მნახველი საშუალო ტანის ბიჭი იყო, წითე-  
ლი პერანგი ეცვა. ავადმყოფისაკენ დაიხარა და აკოცა, საერ-  
თოდ, ვინც კი მოდიოდა უბრმანაწლავოსთან, ყველა კოცნიდა.  
„მაშ, მაგრად იჩხუბეს?“ — ენერგიულად იკითხა ავადმყოფმა.  
„ისე რა... — თქვა წითელპერანგამ, — არა უშავს“. „როგორ მო-  
ერია მაინც, ა?“ „ყველაფერი ხდება — ჩხუბია... ბალეტი ხომ  
არ არი“. „თანაც, იმან გაარტყა არა, პირველად?“ „კი, მაგრამ  
კარგად ვერ მოაჯდა“... „აღბათ, მაგას კარგი დარტყმა აქვს  
პრინციპში...“ „არა უშავს, — დაეთანხმა წითელპერანგა, მაგ-  
რამ იქვე გადაიფიქრა, — კარგი დარტყმა თუ აქვს, უნდა მოეს-

ვა". „აბა რა“, — თქვა ავადმყოფმა. ერთხანს ჩუმად ისხდნენ, წითელპერანგამ მხარზე რატომღაც ამაყად დაიხვდა, მერე ოთახს მოავლო თვალი: „რადიო არა გაქვთ?“ „არა... აი, ამას ხელს რომ დააჭერ, გარეთ სინათლე ინთება და ექთანი მოდის“. „ვა...“ ისევ ჩუმად ისხდნენ, რალაცნაირად, ვერ ააწყვეს საუბარი და ავადმყოფი ძალიან განიცდიდა ამას. უცებ გოგიას შეავლო თვალი და ძალიან ხმამაღლა თქვა: „აი, ეს გუშინწინ მოიყვანეს, წყალი გამოუღეს ფილტვებიდან“. „მართლა?“ — გოგიას შესხდა წითელპერანგამ, — ეს როგორ?... „ნემსი ყოფილა, გაგიჟდები, — თქვა უბრმანაწლავომ, — კოკტიელის ჩხირივით“. „ვა, — გაიკვირვა წითელპერანგამ და გოგიას მიუბრუნდა: — ეს რატომ?“ „მანქანა დაეჯახა“. „ვოლგა?“ „არა, საბარგო, — თქვა გოგიამ, — საბარგო დამეჯახა“. „ხომ არ დააჭერი, პა, ბიჭო?“ „არა“, — დაიმორცხვა გოგიამ. „ყოჩაღ, რამდენი შეაწერე?“ „რა?“ „რამდენი შეაწერე?“ — გოგიას ეუხერხულა, სიტყვა რომ გაამეორებინა, არადა, ვერ მიუხვდა და დაბნეულმა თვალი მოარიდა. „მაღავს, — ეწყინა წითელპერანგას, — შენ იცი შენი საქმე, ყველამ თავისი საქმე იცის“. მნახველი შეურაცხყოფილი გამოიყურებოდა და უბრმანაწლავომ თქვა: „ალბათ, ნომერი ვერ დაიმახსოვრა, პრინციპში, წაქცეულა“... „მართლა? — წყენამ გაუარა წითელპერანგას. — გაიქცა?“... „არ, იმან მიმიყვანა სახლში“... „მერე, ისე გაუშვი?“ „არა, მე თვითონ ვიყავი დამნაშავე“... „ეს როგორ?“ — წარბები აზიდა მნახველმა. „ტრამვაიზე ვიყავი ჩამოკიდებული“... „მერე რა?“ — გაუკვირდა წითელპერანგას, შეაცქერდა. აგდებული ღიმილი მოერია სახეზე და ისევ შეათვალა გოგია: — „შენ რომელ უბანში ცხოვრობ?“ „ვერაზე“. „შუშუტას იცნობ?“ „არა“ — შეწუხდა გოგია. „არც გაგიგია, არა?“ „არა“. „ეე,“ გაიღიმა. წითელპერანგამ და ზურგი შეაქცია — ახლა მისთვის ნათელი იყო, რას წარმოადგენდა გოგია.

ისევ სიჩუმე ჩამოვარდა, მნახველს რალაცა გაახსენდა და იკითხა: „რომელი საათია?“ „არ ვიცი, — შეწუხდა უბრმანაწლავო და მაჯაზე ხელი დაირტყა, — არ მიყვარს საათის ტარება“. „ამას ხომ არა აქვს, — მხარუკულმა გაიშვირა ცერი წითელპერანგამ, — ეგ ისეთი ტიპია, ნაღდად ექნება“... „საათი ხომ არა გაქვს, ბიჭო?“ „არა“. „ვა, რა ვქნათ?“ — დაინტერესდა მნა-

ხელი. „ვახ... პო—გამოცოცხლდა ავადმყოფი და ღილაკს თითი დააჭირა, — ახლავე იქნება ყველაფერი“, ეს როგორ?“ „აი, მახავ...“

პალატაში ახალგაზრდა ქალი შემოვიდა, მორიგე ექთანში — „რომელი მეძახდით?“ „მე, — გაუღიმა ავადმყოფმა, — ვენერა, გენაცვალე, ჯერ გაიცანი, ეს ჩემი ამხანაგაა“, „აა,“ — თქვა ვენერამ და შეწითლდა, წითელპერანგაც სანახევროდ წამოდგა, ერთხანს მოხრილი იდგა და თავს კარგა ხანს აკანტურებდა, გაცნობის ნიშნად, ბოლოს მაინც ჩამოართვეს ერთმანეთს ხელი. „ვენერა, საყვარელო, ხომ არ იცი, საათის რომელია? არა, მე დიდი ბოდიში, საქმეები გაქვს, რამე, შეგაწუხებთ, მაგრამ აქ არავის არა აქვს საათი და თუ და ხარ, ძმურად, გამოიგე რა?“ „ეგ ადვილი სამსახურია“, — თქვა ვენერამ და გავიდა. „რა ქაჯია არა, პრინციპში?“ — იკითხა ავადმყოფმა. „პო, რა... გუშინ, ღამე, ლევანას ბორია სუფრიდან გაუგდია“. „არ გამაგიჟო, — აღელდა ავადმყოფი, — ლევანას ბორია?“ „პო, რა...“ „როგორ იყო? ვაჰ, მითხარი რა...“ „შვიდის ოცი წუთია“, თავი შემოჰყო ვენერამ. „ვმადლობთ, გენაცვალე, დიდი მადლობა... როგორ იყო?“ „ეა, რა დრო გასულა, მე წავალ, — წამოდგა მნახველი, — ძალიან მეჩქარება, ხვალ მოვალ, მოვიყვები“... „ნაღდად გააგდო?“ „იქ ვიჯექი — როგორ“... „ხვალ მოდი, რა“... „მოვალ, აბა რა, — თქვა წითელპერანგამ, დაიხარა და ერთმანეთს აკოცეს, — კარგად“... წითელპერანგა რომ წავიდა, კმაყოფილმა ავადმყოფმა გოგიას შეხედა და უთხრა: „იცი, ეგ რა სამართლიანი ბიჭია, ყველანი პატივს სცემენ...“

იწვა გოგიჲ თავისთვის, ხელები გულზე პქონდა დაკრეფილი, ჩამოჯდა იქვე, თავით, დედა. იყვნენ ასე — დედა გოგიაზე ფიქრობდა, გოგია... იმ წითელპერანგა ბიჭზე: „სამართლიანია... როგორია ჩაიხსენ რაშია სამართლიანი?“

საჭმელი ხომ არ მოგენატრა რამეო, პკითხა დედამ. დაფიქრდა გოგია — პირი უშრებოდა, ლაღიძის წყალი გაახსენდა — ტკბილი, ცივი, შუშხუნა... იმას მაინც ძალიან კარგი გემო პქონდა; პიტნას... სწრაფად დაბრუნდა დედა, ვაშლები ამოალაგა ჩანთიდან, ბუელიონი, ხაჭაპური, თერმოსი — დალია გოგიამ ლაღიძის წყალი.

ღამღამობით უფრო ცუდად იყო, ყოველ ნახევარ საათში

ელვიძებოდა, ჰაერი არ ჰყოფნიდა, მოკეცავდა ფეხებს, ეგება ასე უფრო კარგიაო. ოდნავ შეიცვლიდა გვერდს, აუბგერდებოდა გული, გაშლიდა ისევ მუხლს, იწვა ასე, ჩაეძინებოდა, ელვიძებოდა ისევ, შუბლი დაცვაროდა...

მეექვსე დღეს ისევ გამოულეს სითხე. ბრჭყვიალა ოთახში რომ შეაგორეს, იმ ნემსს მოჰკრა თვალი და გააურჟოლა. ამჯერადაც წაუვიდა გული, მაგრამ სულ სხვანაირად — ორიოდე წამით ჰკარგავდა გონებას, მაშინვე ფხიზლდებოდა, ისევ დაუვარდებოდა თავი, ისევ ფხიზლდებოდა და ასე, ნემსი უჩხვლიტეს მკლავში. ურიკაზე რომ გადააწვინეს, რალაცის გახსენება დააპირა ერთხანს, მაგრამ ტკივილმა გადაავიწყა და რა დავაშავე ასე, რა დავაშავეო, გუნებაში ჩურჩულებდა. დედა მჯიღს ირტყამდა გულზე, როდემდის, როდემდის უნდა იყოს ასეო... დაამშვიდეს, დააწყნარეს, ამჯერად ნაკლები იყო სითხეო, ვითომ? ცოტათი მოეშვა დედას.

სალამომდე წყნარად იწვა გოგია, აღარაფერი აწუხებდა და ნეტარებდა. სიამოვნებით ახამხამებდა თვალებს, ერთი-ორჯერ თითებიც აითამაშა მკერდზე, მერე იყო და იმ ბიჭთან მნახველები მოვიდნენ — ორი გოგო. ერთი შეუხედავი იყო, მაგრამ ძალიან ბევრს ლაპარაკობდა, მეორე კი, ლამაზი, ჩუმად იჯდა, გულმოდგინედ ცოხნიდა სალუჭ რეზინას და დროდადრო თავისთვის ილიმებოდა. გოგიას საბანი ეფარა ტანზე და ახლა უფრო თამამად გრძნობდა თავს, სიგამხდრის აღარ რცხვენოდა, თანაც გოგოები ზედაც არ უყურებდნენ და ძალიან თავისუფლად იწვა. მაგრამ უეცრად მდგომარეობა დაიძაბა!

— დღეს, რომ გამოვდიოდით სკოლიდან, ბაღის წიშ ორი ბიჭი იდგა და... — სული მოითქვა მოლაპარაკე გოგომ, — ერთმა შეხედა ინგას და სმამალლა თქვა, რა გოგოა, ბიჭოო?

ლამაზმა უფრო გაიღიმა.

— რა-ა? — შუბლი შეიკრა უბრმანაწლავომ, — როგორა თქვა?

— რა გოგოა, ბიჭოო?!

— კმ! — მუხლზე ხელი დაირტყა მწოლიარემ და მოლაპარაკე გოგო დაფაცურდა, — კარგი რა, ანზორ, იმიტომ კი არ გითხარი, რომ ინერვიულო, კარგი რა, შენ თუ არ გაუფრთხილდი შენს ნერვებს სხვა კი ვერ მოუვლის, ჯერ ერთი, გული-

დან წამოსცდა ეს, მეორეც, რა არის აქ ცუდი და მესამეც, ეგება ამხანაგურად თქვა და...

— ამხანაგი, ბიძაშვილი და ყვავი-მსიკვის მამიდა არ ვიცი მე — უბრმანაწლავო განრისხებული მანდა. — რა ქქვია?!

— რა ვიცი, ანზორ, მე რა ვიცი, ვილაცა ოხერია, პირველად დავინახე და, საერთოდ, არაფერი არ უნდა მეთქვა, ხომ ვიცი შენი ამბავი და არაფერი არ უნდა მეთქვა, რა ვიცი მე იმისი სახელი

— არ იცი, არა? — თვალები მოჭუტა ავადმყოფმა.

— არა, მამას გეფიცები

— რა ეცვა?

ლამაზი გოგო ისევ იღიმებოდა, ოღონდ ახლა იატაკს დასწერებოდა.

— რაღაცა მომწვანო ჯემპრი ეცვა.

— ნაღდად?

— ჩემს მამას გეფიცები, მწვანე ჯემპრი ეცვა.

— მართლა? — მიუბრუნდა ანზორი ლამაზ გოგოს.

— მმ? — იკითხა იმან. ახლა კბილებით ლეჭავდა რეზინას.

— მწვანე ჯემპრი ეცვა?

— მე არ ვიცი, არ შემისხედავს.

— ჰმ, — თავი გააქნია ავადმყოფმა, — მაგათ ჰგონიათ, თქვარაციას გადაყვებოდრი, არა? დაიცადოს... ვნახოთ, აბა ვნახოთ, რა ბიჭია, ჰაა — ჰაა-ჰაა.. — სული შეეზუთა. — ვნახოთ, რა ბიჭია, ხვალ ნაკერებს მომსხნიან და ვნახოთ!..

— აი, შენ ისევ ანერვიულდი, ანზორ, ისევ ანერვიულდი...

— ავანერვიულდი კი არა, დაიცა... ახლა ტყუილი ლაპარაკი რა საჭიროა, მე მაგაზე მეტს არ ვილაპარაკებ, მაგრამ რომ გამოვალ, მე იმას ვნახავ... როგორმე გავარჩევთ მწვანე ფერს ლურჯისაგან და არც ის ბალი წავა სადმე... ჰაი-ი, არაფერია, არაფერი... ჰმ!

ორიოდე დღეს არა უშავდა გოგიას, პატარა მადაც გაეხსნა, შემწვარი ხორცი ინატრა, მკავე კომბოსტო, ლიმონიანი ჭაი. ღამღამობით ერთი-ორჯერ მაინც გაიფაჩუნებდა ზურგში გატრუნული ტკივილი და მხარს აცვლევივინებდა. გათენებისას, როცა საავადმყოფო ჭრაჭუნითა და ხველებით იღვიძებდა და ექთნები ჭერში დამიზნებული ნემსებით შემოდიოდნენ პალა-

ტაში, მაინც უხაროდა, და, ოდნავ სახელეწილი, პირქვე წვე-  
ბოდა — დილანდელი ჩხვლეტა სრულებითაც არ იყო მტკივ-  
ნეული. სამ სკამზე მოკალათებული დედაც იღვიძებდა, სე-  
ლისგულით ისწორებდა დაჭმუჭნულ ტანსაცმელს. „წადი, და-  
იძინე,“ — ეუბნებოდა გოგია. „აგერ არ მეძინა?!” — უკვირდა  
დედას. „კარგად ვარ ახლა, წადი დაიძინე“. „აგერ არ მეძი-  
ნა?!” — უფრო უკვირდა დედას.

ანზორი რომ გაეწერა, მეორე დღეს ისევ წაიყვანეს ური-  
კით. მაღალი სიცხე ჰქონდა, მაჯა ახლა ძალიან სუსტად, მაგ-  
რამ სწრაფად უცემდა — ას ორმოცი წუთში. იმ ოთახში რომ  
შეაგორეს, რენსი უკო გულმა — ახალგაზრდები დაინახა, სულ  
გოგოები იყვნენ, ექთანთა მოსამზადებელი კურსებიდან, პრა-  
ქტიკაზე. ექიმიც სხვა დახვდა, დაბალი, ამყად მოლაპარაკე  
კაცი. „თქვენს წინაშეა, — თქვა ექიმმა და ხელთათმანები მო-  
ირგო, — ავადმყოფი, მკვეთრად გამოვლენილი ჰიდროტორაქ-  
სით, ჰიდრო — წყალი, ტორაქსი — გულ-მკერდი. აბა პერანგი  
აიწიე, გენაცვალე...“ გოგიას ხელები დაუმძიმდა, ჯერ ერთ  
გოგოს შესედა, მერე — მეორეს, სხვებს ვეღარ გაუსწორა თვა-  
ლი, შერცხვა — ძალიან გამხდარი იყო. კიდევ კარგი, ის ძვე-  
ლი ექთანი მაინც რომ იყო და იმას მიენდო, ნიკაპი ჩამოადო  
მხარზე, თვალები დახუჭა. „ჩხვლეტა კეთდება მეექვსე და მე-  
შვიდე ნექნებს შუა, აი აქ, სადაც ახლა გამაყურებელ საშუა-  
ლებას, ნოვოკაინს ვაკეთებთ“, — თქვა ექიმმა და გოგიამ ის  
უწყინარი ჩხვლეტა იგრძნო, პირველი ჩხვლეტა. „ნემსი გაივ-  
ლის მთელ კუნთის ქსოვილს, პლევრასაც, შეწერდება პლევ-  
რასა და ფილტვს შორის და იქიდან გამოვიღებთ სიოხეს“. —  
თქვა ექიმმა და გოგია დაძაბული დაელოდა მთავარ, ძლევა-  
მოსილ ტკივილს.

იმდღევანდელი გულისწასვლა ყველაზე ღრმა, თბილი და  
რბილი იყო, მან..იდე არასოდეს წოლილა შემთბარ ღრუბელ-  
ზე, საოცრად დაჩქიმებული სხეული მაინც მსუბუქად ტივტი-  
ვებდა ჰაერში და მთელ ტანზე რაღაც უჩვეულო, მათრობელა  
ნეტარება ელამუნებოდა. აღარსად იყო უმწეობის მტანჯველი  
გრძნობა, სულერთი იყო ახლა ეს ყველაფერი მისთვის, მაგ-  
რამ როცა ვიღაცა სხვას უჩხვლიტეს მკლავში ნემსი და გო-  
გია იძულებული გახდა, მისი ხათრით ბრჭყვიალა ოთახში

დაბრუნებულიყო, ამ მერყევ, გარდამავალ შუალედში თვალი მოჰკრა ვილაცის შიშველ, ძალიან გამხდარ სხეულს, რომელიც... უყვარდათ ვის, როდის, როგორ, ამას არ ჰქონდა მნიშვნელობა, მთავარი ის იყო, რომ უყვარდათ. ვისი იყო ეს სხეული, თავისი, სხვისი, ვერ გაარჩია, მხოლოდ ის იყო მთავარი რომ სიყვარულს გააჩნია... რომ მართლა უყვარდათ!

და როცა გოგია გონზე მოვიდა, ვისაც კი შესწვდა თვალით, ყველას მშვიდად შეაცქერდა და იმ სიყვარულის რაღაც ერთი უმნიშვნელო, პაწაწინა წვეთი ყველას თვალებში დაინახა; იქამდე შესცქეროდა თითოეულს, სანამ ამ სიყვარულს არ შეამჩნევდა და მერე სხვაზე გადაჰქონდა დაღლილი, მომლოდინე მზერა. იქაც, პალატაში რომ დაბრუნდა, დედას უყურა, უყურა და ცდილობდა წამით განეშორებინა ის უზარმაზარი, განსხვავებული სიყვარული, რომელიც ყოველ მოყვარულ დედას აქვს და სამაგიეროდ უფრო კარგი, უფრო საერთო სიყვარული შეემჩნია, მაგრამ ეს ძალიან ძნელი იყო, ყველაზე ძნელი დედის თვალებში იყო ამის დანახვა და კედელზე გადაიტანა მზერა, რაღაცა ოკრობოკრო ლაქას უყურა, უყურა და გაბრუნდა.

სანამ საავადმყოფოდან გამოეწერებოდა, კიდევ სამჯერ გამოუღეს სითხე.

## II

მომჯობინდა გოგია როგორც იქნა, ძლივს წამოდგა, გაიარა გამოიარა. დადიოდა დერეფანში, უყურებდა, როგორ თამაშობდნენ ავადმყოფები დომინოს, ხანდახან, ყველა რომ გაიცინებდა, იცინოდა ისიც. სულ დერეფანში იყო, ძალიან თუ დაიღლებოდა, ჩამოჯდებოდა სკამზე, ზამთრის მიკნავებულ, გემრიელ მზეს შეუშვერდა ზურგს და იჯდა ასე. გაძლიერებული კვება დაუნიშნეს ექიმებმა და დედა სოფელში წავიდა, დასთან. სანამ ჩამოვიდოდა, ის ორი დღე მეზობელი დაიარებოდა გოგიასთან. ჩამოიტანა დედამ იქიდან სულგუნი, ჭყინტი ყველი, წმინდად გაცრილი ფქვილი, ქათმები, ბურვაკი, კაი ადესა ღვინო, შებოლილი კუპატი და კიდევ რაღაც-რაღაცეები, მიიტანა შინ და იქიდან მაშინვე საავადმყოფოში გაიქცა. გა-

მოწერეს გოგია, ტაქსი დაიჭირა დედამ, დასხდნენ უკანა სავარძელზე, გაჩერდა მერე ჭიშკართან მანქანა, გადმოვიდნენ, დედამ ფართოდ გააღო კარი, მოდი, მოდი, გოგიაო, უთხრა. შევიდა გოგია ოთახში, გაიხედ-გამოიხედა, გაუხარდა შეჩვეული, მინატრებული ნივთების დანახვა, ახლავე დაწექიო, უთხრა დედამ, დაიღლებოდი გზაშიო. შემოვიდნენ მეზობლები, მოიკითხეს, დაანთო დედამ ღუმელი, დათბა, დალალა გოგია იმ დღეს მანქანით მგზავრობამ, ტანსაცმლის ჩაცმა-გახდამ, ნაცნობი ნივთების თვალიერებამ, ლაპარაკმა, დაეძინა მოლლილს; დილით ადრე გაეღვიძა, დედისაკენ გაიხედა, იმას ისევ ეძინა. კარგა ხანს იწვა გოგია თავისთვის, ახედა მერე კარადაზე წამოსკუიბულ, გაფარჩხულ ფეხებზე შემდგარ მალვიძარას; ცოტათი შეცვლილი მოეჩვენა, რანაირად — ვერ მიხვდა. უყურა, უყურა, გაუკვირდა — ხან სწორედ ისეთი იყო მალვიძარა, უკანასკნელად რომ დაინახა, ხან — ბავშვობისდროინდელი საათივით კრიალა, ხელში ჩასაგდები, ხან — სულ სხვანაირი, გაერთო გოგია მალვიძარას თვალიერებით, გაუკვირდა ცოტათი — ხანდახან გარკვევით ესმოდა წიკწიკი, მერე არაფერი ესმოდა, თავისას ფიქრობდა — თოთხმეტი მანეთი გაასხენდა, დედას ხომ არ მივცეო, ა? ასე იყო ყოველთვის — საათი სულ თანაბრად მუშაობდა, რაც გოგიას ახსოვდა, მაგრამ ხანდახან ესმოდა ეს წიკწიკი, ხან — არა, შეხედა მერე-გოგიამ ღუმელს, ერთმანეთში ჩამოჯდარ მილებს, კუთხეში მიწყობილ, კოსტად დალაგებულ შეშას, იწვა ასე, ერთობოდა.

სანამ ქუჩაში გავიდოდა, ერთი კვირა შინ ტრიალებდა: დადიოდა ფანჯარასთან, იყურებოდა გარეთ, გამვლელებს, გამომვლელებს, ბავშვებს, კაცებს, ქალებს, ვისაც კი დაინახავდა, ყველას აკვირდებოდა, გააყოლებდა ხოლმე თვალს... აი, ვუყურებო, ფიქრობდა, ნაბიჯებს ვუთვლიო, იმათ კი არაფერი იცინან, მიდიან თავისთვისო... დაიღლებოდა ფანჯარასთან დგომით, მიდიოდა მაგიდასთან, სკამს გამოსწევდა, მოსერხებულად ჯდებოდა. აქამდე არც იცოდა გოგიამ, რა მშვენივრად შეიძლებოდა სკამის გამოყენება — საზურგეს მიეყრდნობოდა, გაშლიდა ფეხებს, თავს გადასწევდა, ხელებს ჩამოყრიდა. მიდიოდა ისე ფანჯარასთან, შეიფუთნებოდა, გამოალებდა, სიამოვნებით შეისუნთქავდა ოთახში შემოჭრილ ჰაერს, წამოწევ-



ბოდა ტახტზე, ორ მუთაქას კედელთან მიაწყობდა ერთმანეთ-ზე, მიეყრდნობოდა და გაზეთებს კითხულობდა: „გადატრია-ლება ჩილეში. პარიზი, 18 დეკემბერი. როგორც ფრანს პრე-სის სააგენტო იუწყება...“.

საღმოსხანს, დაძინებამდე, ასე ნახევარ-ერთ საათს ფიქ-რობდა. ხან რა გაახსენდებოდა, ხან რა, თითქოს ამოწმებდა, რაზე ღარდა შეჩერება. ამდაგვარი ამბები კი მაინცდამაინც ბევრი არ ეგულებოდა. მაინც იყო თითო-ოროლა: „რომ უყვარ-დათი.. რომ მართლა უყვარდათი..“ აფორიაქდებოდა გოგია, მე-რე მშვიდდებოდა, ახსენდებოდა სკოლა, თავისი მერხი, თანაკლასელების ოინები, ფიზმომზადების გაკვეთილები, ქიმისის ლაბორატორია, კვლევისი ინსტიტუტი, მაგრამ ბოლოს მაინც იმ მტანჯველ, ეჭვიან კითხვებზე შე-ჩერდებოდა: იმ ქალების, უცნაური ქალების ამბავი — მართალი იყო თუ არა; ა, მართალია თუ არა? არა, არ იქნებოდა მართალი, მაგრამ იქნებ... ანდა... ვინ იცის... აჰ, არა, არა.. სამაგიეროდ, ის ქალები ჩვეულებრივი ქალები რომ არ ყოფილან? რაღაც ნამეტანი უცნაურები იყვნენო, არა, ხომ შეიძლებოდა, ძალიან უცნაურ ქალებს რომ ჩაედინათ ასეთი დაუჯერებელი რამ?.. ვითომ? ეს წააგავდა იმ უსია-მოვნო, საძულველ მელოდიას, დაუკითხავად რომ აგეკვიატე-ბა და მთელი დღე იმას ღიღინებ, ათასჯერ შესწყვეტ ღიღინს გაბრაზებული, მაგრამ მერე ისევ წაუმღერებ გუნებაში და, განრისხებულმა, აღარ იცი, რა იღონო. ასე ფიქრობდა გოგია იმ ქალებზე, იმ ვირთხაზე, გაუწვრილდებოდა გული, ჩაიქნე-და ხელს, მაინც ახსენდებოდა ის ამბავი და, კიდევ კარგი, ერთ მშვენიერ დღეს, ქუჩაში გასვლის წინ, ნაღდად გადაა-ვიწყდა. კარგი დღე შეარჩია გოგიამ, თბილად; ერთხანს გა-უბედავად მიაბიჯებდა, მთავარ ქუჩაზე რომ გავიდა, უფრო გა-თამამდა—იქ მეტი იყო გამვლელი. დაჯდა ტროლეიბუსში, პლე-ხანოვის პროსპექტზე ამოჰყო თავი. კინოთეატრ „ამირანთან“ ჩამოვიდა, შეხედა აფიშას — „ფანტომასი“ გადიოდა, დიდძალი ხალხი ირეთდა სალაროსთან, კი მოუნდა ამ ფილმის ნახვა, მაგ-რამ გაყიდული იყო ბილეთები. რა ექნა, მერე ვნახავო, გაიფიქ-რა. იქვე, გვერდით, ქრონიკაში პატარა აფიშას მოჰკრა თვალი.

რაღაცა უცხოური გვარი თუ სახელი, ანდა სულაც ორივე ერთად ეწერა — მიქელანჯელო. მივიდა მოლარესთან, გადაიხადა ფული, აბაზი ღირდა ბილეთი, მეტი კი არა. გაუწოდა ბილეთი კონტროლიორს, როგორც წესი და რიგია, დახედა მერე ზედ — არც რივი ეწერა, არც სკამის ნომერი, მაინც ჩაიდო ჯიბეში. კედლის საათს ახედა და გაუკვირდა: — ძალიან ადრე შესულიყო, ჯერ წინა სეანსიც არ იყო დამთავრებული და პატარა ნახერხმოყრილ ოთახში მოუწია ცდა. ვიღაცა მეორე კაციც იყო იქ, წამოდგებოდა, გაივლ-გამოივლიდა, დარბაზის კართან შეჩერდებოდა, ყურს მიუგდებდა და ისევ ჯდებოდა; დარბაზიდან მოგუდული ლაპარაკი და რაღაც უცნაური მუსიკა ისმოდა, სამიოდე კაცი შემომმატათ. წინა სეანსი რომ დამთავრდა, როგორც იქნა, კარი გააღეს. დარბაზი კი არა, ერთი ბეწო ოთახი აღმოჩნდა; გოგია სულ ბოლო რიგში დაჯდა, იცადა, იცადა, მერე რიგები გადათვალა — სულ ათი რიგი იყო, ცხრა-ცხრა სკამიანი. ის კაცი აშკარად ღელავდა, წრიალებდა — ერთხანს არ ჯდებოდა, კედელს ძალიან არაბუნებრივად აეკრა და იმ ხუთიოდე კაცს, ცალ-ცალკე რომ ისხდნენ, სათითაოდ მოავლო თვალი; მერე დაჯდა, მაგრამ მაშინვე გამოიცვალა ადგილი, სხვა სკამი ააჭრაჭუნა — ძალიან ღელავდა. კიდევ შემოვიდნენ ვიღაცეები და გოგიამ სწრაფად დათვალა ისინი: თერთმეტი მაყურებელი იყო სულ, გოგიანად — თორმეტი. სინათლე ჩაქრა და რაღაცა ისედაც უცხო წარწერები აცახცახდა ეკრანზე, ხმაც მონჯლრეულად ესმოდა, მაგრამ ჩქარა ყველაფერი გამოკეთდა და უცხო ქალაქი დინასა გოგიამ, კრამიტით მოფენილი სახლებით. ეს ფლორენცია იყო, აფიშაზე გამოკრული კაცის მშობლიური ქალაქი.

ეს კაცი, თურმე, ლექსებსაც კი წერდა, მაგრამ იმაზე უკეთესი პოეტი იტალიაშიც იყო თურმე, სხვა ქვეყნებს თავი რომ გავანებოთ; სამაგიეროდ, ხურთომობღვარი ყოფილა ძალიან კარგი, მაგრამ ალბათ მასზე დიდი არქიტექტორებიც ყოფილან იტალიაში; სამაგიეროდ, იმისთანა მხატვარი შეიძლება ვერც მოგეძებნათ მსოფლიოში და მოქანდაკე? — როგორიც არავინ, არასოდეს, ეს ნაღდად იგრძნობოდა დიქტორის ლაპარაკში, კი იცოდა გოგიამ იმდენი რუსული.

ჯერ, როგორც წესი და რაცია, იმისი პირველი ნამუშევრები აჩვენებს — ქვიდან გამობურცული ქალი და კიბეზე ჩამოშვალნი ბავშვი, და ვილაცეების ჩხუბი; ეს ბარელიეფები თხუთმეტი-ჩვიდმეტი წლისას გაუკეთებია, მერე შეუსწავლია ადრინდელი ქანდაკებები კარგად, გადასულა საცხოვრებლად რომში და გამოუქანდაკებია სიმთვრალის ღმერთი, რომელიც ისე იდგა, თითქოს ქანაობსო და კულულების ნაცვლად ყურძნის მტევნები ეკიდა, ხელში თასი ეჭირა კოხტად; არა, მართლა გადასარევი იყო, გაუკვირდა გოგიას — ეს ქვის მძიმე კაცი ისე მსუბუქად ტორტმანებდა თითქოს... გამხიარულდა გოგია და გაახსენდა — მთვრალი კაცი, კაი კაცი... გაუღიმა ეკრანს შორიდან, მაგრამ მერე უზომოდ ჩაფიქრებული, ამაყად თავჩაქინდრული ქალი აჩვენებს, მუხლებზე მკვდარი შვილით. პირზე შეამრა გოგიას ღიმილი, ახლალა შეამჩნია, რალაცა დიდი უცნაური მუსიკაც ისმოდა, საოცრად გაწელილი ხმებით... მოაცილა გოგიამ სკამს ზურგი, დაძაბული იჯდა, ეკრანისკენ გადახრილი, მაგრამ ახლა სხვა ქანდაკება აჩვენებს...

ოსტატმა, ვის ნამუშევრებსაც ახლა ეკრანზე უჩვენებდნენ, მიუხედავად ახირებული და ღვარძლიანი ხასიათისა, ხანდახან მოსისხლე მტრების დაფასებაც იცოდა: „დიდი, შესანიშნავი ბრამანტი“, ასე ამბობდა იგი. სამაგიეროდ, უნიჭო მხატვრად მიაჩნდა რაფაელი და ზომიერად სძულდა, რადგან მასში ვერ ხედავდა ტოლფასოვან მოწინააღმდეგეს, პერუჯინოს, მაგალითად, უბრალოდ „უტივინოს“ ეძახდა; ერთი მხატვარი კი პირდაპირ აცოფებდა — რანაირი ხალხი არ ტრიალებდა მის გარშემო: ათასი უვიცი, გაიძვერა, მოშურნე, უნიჭო, ცილისმწამბელი, უფლებამოსილი მოძალადეები, მაგრამ მას ყველაზე მეტად გონიერი ფერმწერი — ლეონარდო და ვინჩი სძულდა, ვისაც მისთვის არაფერი დაუშავებია. საოცრად სულმდაბლად ექცეოდა, მაგრამ სამართლიანობა მოითხოვს აღინიშნოს, რომ ამ სიძულვილმა იგი დიდი ოსტატი გასადა. მისი ნამუშევრებით აფორიაქებულმა, დროებით გვერდზე გადადო საჭრეთელი და იქამდე ჯიუტად ხატა, სანამ საკუთარ გზას, ისეთსავე დიდს, მაგრამ განსხვავებულს, არ მიაგნო.

მის გარდა არავინ იცოდა და ვერც ერთი მონდომებული ხელოვნებათმცოდნეც ვერ გაიგებს, როგორი ტანჯვისა და სი-

ხარულის ფასად გახდა ეს ოსტატი „კაშინის ბრძოლის“ ავტორი, იმ უზარმაზარი კარტონისა, რომელიც მის სიცოცხლეშივე უცნობმა პირებმა ნაჭერ-ნაჭერ დახერხეს და გააქრეს. მაგრამ საქმე მაინც შესრულებული იყო და საჭრეთელსმოწყურებულმა ოსტატმა მარმარილოს საბადოებს მიაშურა კარარაში. ეს იყო მისი ტანჯული სიცოცხლის საუკეთესო წუთები — ეს სწრაფმავალი რვა თვე. ზღვის პირას მარმარილოს მთებს შესცქეროდა ოსტატი და ყოველ უზარმაზარ, უფორმო ლოდში შეეძლო ამოეცნო „დავითი“, „მოსე“ ან „მომაკვდავი ტყვე“ და, გააუბული, საჭრეთელითა და ჩაქუჩით მიადგებოდა, მოთმინებადაკარგული იქნეოდა მარჯვენას და წედლი მარმარილოს ნაკუწები მხეფებად ცვივოდა ირგვლივ. როგორც დაკვირვებულმა ხელოვნებამცოდნეებმა მისი დაუმთავრებელი ნაწარმოებებიდან შეამჩნიეს, ოსტატს ყველასაგან განსხვავებული მუშაობის მეთოდი ჰქონდა, სხვებივით თანდათანობით კი არ ამუშავებდა ქვას, — ამორჩეულ ადგილს მიადგებოდა, დამჯერი საჭრეთლით გამოღრღნიდა, უპოვიდა სხეულის რომელიმე ნაწილს, ვთქვათ, მუხლს, მერე სხვაგან გადაინაცვლებდა, გამოუჩენდა მხარს... მისი გონებისა და მზერის წყალობით, ყოველ ლოდში მზამზარეული შედეგრი იჯდა, რომელსაც მხოლოდ ნაქურჩალის შემოცლა ესაჭიროებოდა, ეს კი მან მშვენივრად იცოდა. მაგრამ მარმარილოსთან ჭიდილს მონატრებულ ოსტატს იმდროინდელმა უმაღლესმა პირმა ისევ ფერწერის განგრძობა დაუყინა და დიდი ბრძოლის შემდეგ, როგორც იქნა, ოსტატი დათანხმდა სიქსტეს პლაფონის მოხატვაზე. რადგან საჭრეთელზე დროებით ხელი ჩაიქნია, მთელი თავისი უნარი და ოთხი წლის სიცოცხლე ამ ექვსასი კვადრატული მეტრის მოხატვას შეაღია და თავი რომ დავანებოთ ისეთ წვრილმანებს, როგორიცაა კონტრაპოსტის, რაკურსის, პერსპექტივის, შუქ-ჩრდილის, ხაზისა და ფერის ურთულესი ხელოვნება, აქ გაჩნდა აზრი, მანამდე არნახული, გაუგონარი, უკიდევანო...

მაგრამ სწორედ იმხანად დიდი უცნაური ამბავი დატრიალდა მშობლიურ, მრავალტანჯულ იტალიას სხვა დროს რწვიათად რგებია ასეთი მძიმე ხვედრი: რომელიღაც კარლოსი, მერამდენიმეღაც ლუდოვიკო, შინაური ომები ათასი ჯუ-

რის კარიერისტი, უფლებამოსილი სეპრე, დაქირავებული მკვლევები, ალაპლაპებული ხანჯლები და კამკამა საწამლავი, ზარბაზნების გრიალი, ეპიდემია, შიმშილობა, სოცვა-ქლექტა, ის კი, ოსტატი, გულაღმა იწვა სარაჩოზე და, ფუნჯმომარჯვებული, კირსა და საღებავებში ამოთხვრილი, „თავად წააგავდა უზარმაზარ პალიტრას“. იშვიათად კი, დაბუყებული მკლავის დასვენებისას, წამოავლებდა ხელს ბატის ფრთას და, ნათესაური გრძნობებით აფორიაქებული, მამა-ძმებს ასე და ამგვარად არიგებდა: „როცა გავიგე, მანდ რაც ხდება, გადავწყვიტე ჩემი აზრი შეგატყობინოთ, იგი ასეთია — რადგან ქალაქი განსაცდელშია, უნდა გაიქცეთ და ქონება და ყველაფერი მიატოვოთ, რადგან სიცოცხლე ქონებასა და ყველაფერზე უფრო კარგია. ფული თუ არა გაქვთ, მიდით სანტა მარია ნოვას ჰოსპიტალში და იქ აიღეთ, ჩემს სახელზე. თქვენს ადგილას რომ ვიყო, გავიქცეოდი სადმე შორს, ვთქვათ, სიენაში, დავიქირავებდი სახლს და მშვიდად ვიცხოვრებდი. სახელმწიფო საქმეებში ნუ ჩაერევით. იმოქმედეთ ისე, როგორც შავი ჭირის გაჩენისას: იყავით პირველნი გაქცევაში... უშფოთველად იცხოვრეთ და არავისთან არ გააბათ არც მეგობრობანა, არც ნაცნობობანა, ღვთის გარდა. ნურავისზე იტყვიან ნურც ცუდს, ნურც კარგს, რადგან კაცმა არ იცის, რითი დამთავრდება ყოველივე ეს. იჯექით შინ, თქვენთვის — და მორჩა“. „მანდ ჩემზე ჭორები დაუყრიათ, თითქოს მედიჩებზე ცუდი რამ მე-თქვას. ღმერთმანი, არაფერი დამცდენია იმის გარდა, რასაც ყველა ლაპარაკობს, ქვას რომ ენა ჩაუდგა, ისიც მემსავით ილაპარაკებდა. ბევრი ყბედობა მოვისმინე და მხოლოდ ისა ვთქვი: თუ ნამდვილად მართალია, რომ მედიჩები ნამდვილად ცუდად იქცეოდნენ, მაშინ ისინი ცუდად მოქცეულან. ღმერთმა ქნას, ყოველივე ეს სიცრუე აღმოჩნდეს...“

ზოგიერთმა მომთხონმა ხელოვნებათმცოდნემ სამარცხვინო ლაქად ჩასთვალა მისი ბიოგრაფიისათვის ეს წერილები — რატომ არ აღსდგა ხმლით ხელში მტრების წინააღმდეგო, რა გულმა გაუძლო, სამარცხვინოა, რომ ასეთი წერილები ეკუთვნოდეს დიდი მხატვრის ბატის ფრთასო, აღნიშნავდნენ. მაგრამ ოსტატს, ჯერ ერთი, თავისი საქმე ჰქონდა და მეორეც, მაშინ ვერ გაიგებდა კაცი, ვინ ვის წინააღმდეგ იბრძოდა, ვინ

იყო მართალი — ეს მხოლოდ შემდგომ გამოარკვევს ისტორიკოსებმა. მაგრამ, როცა მისი მშობლიური ქალაქი, ფლორენცია, ტირანიას აუჯანყდა, ხალხსაყოლილი ოსტატიც სხვების გვერდით იდგა, საომარ საჭურველში გამოწყობილი და თავდაცვით საშუალებებს ხელმძღვანელობდა, მერე კი, „თეთრი ტერორის“ დღეებში, დიდხანს იმალებოდა რომელიღაც ეკლესიის სამრეკლოზე. ბოლოს მაინც ყველაფერი აპატიეს—ოსტატი იყო, მერე რწგორი...

ბრძოლითა და დაუსრულებელი იერიშებით მოქანცული უმაღლესი პირი დროდადრო შემოივლიდა ხოლმე კაპელაში და ჭერს მოუთმენლად ასედავდა: „როდის დაამთავრებ?“ „როდესაც შევძლებ“, იყო პასუხი. ეს ორად ორი სიტყვა პირდაპირ აცოფებდა უმაღლეს პირს, განრისხებული აყვირდებოდა, წავიდოდა მერე, იომებდა, იომებდა, დაიღლებოდა, ჩამოვიდოდა ისევ რომში, მაშინვე სიქსტეს კაპელას მიაშურებდა და ჯერ ალერსიანად შეაქებდა ნაწილობრივ შესრულებულ საშუაოს, მერე ფრთხილად შეაპარებდა: „მაინც, დაახლოებით როდის დაამთავრებ?“ „როდესაც შევძლებ...“

რამდენჯერ გვსმენია კეთილი გულით ნათქვამი: „ეეჰ, იმას პატრონი რომ ჰყოლოდა... რამდენს მიაღწევდა?“ ეს ზოგიერთისათვის შეიძლება მართლაც კარგი ყოფილიყო, მაგრამ ისეთ ოსტატს, ვის ნამუშევრებსაც ახლა ეკრანზე აჩვენებდნენ, რად უნდოდა პატრონი? პატარა ბიჭობაში, როცა გრამატიკის რვეულების ნაცვლად ამოღლიავებული ნახატებით ბრუნდებოდა შინ, მამა-ბიძები უმოწყალოდ სცემდნენ — იმათ სამარცხვინოდ მიაჩნდათ მხატვრის ხელობა. და განა მხოლოდ ეს უშლიდა ხელს? საერთოდ, ცხოვრებაში, დიდი უცნაური კაცი იყო: ხან — თავდავიწყებამდე გაბედული, ხან — აცახცახებული ლაჩარი, მოულოდნელად თავსდატეხილი პანიკური შიშით გონებაარეუწი; ხანდახან — ძუნწი და უფრო ხშირად — მეფურად ხელგაწილი; ფული ყოველთვის თავსაყრელად ჰქონდა, მაგრამ მუშაობისას ცარიელა პურსა და წყალზე იჯდა; შრომობდა, როგორც კატორღელი და ცხოვრობდა, როგორც უკანასკნელი გლახა. მთელი ცხოვრება უძილობა სტანჯავდა, თვეობით არ იხდიდა ჩექმებსა და სამოსს; ჩაეძინებოდა თუ არა, მაშინვე ზეზე წამოაგდებდა მუშაობის სურვილი.

დედა ადრე გარდაეცვალა, მამაზე უკვე მოგახსენეთ; არა ჰყოლია ცოლი და შვილები, და თუმცა თაყვანისმცემლებით იყო გარშემორტყმული, არად მიაჩნდა ყოველგვარი ქება; მტრებიც ულევო ჰყავდა და, თავგაბეზრებული, ჩიოდა — მუშაობაში ხელს მიშლიანო; ბევრჯერ ჩაუარდნილა ლოგინად, ხანდახან იმედიც კი გადაუწყვეტიათ ახლობლებს, მაგრამ ის გასაოცარი ენერგია, ოთხმოცდაცხრა წლის მანძილზე რომ გასწვდა, ფეხზე წამოაყენებდა ხოლმე. მარტოობა თავად სწყუროდა, არც მტერს ნატრობდა, არც მოყვარეს — მუშაობაში ყველანი ხელს მიშლიანო. ათასი გეგმა ჩაეფუშა, ყოველთვის სხვების გამო — თვითონ არასოდეს, არაფერში ყოფილა დამნაშავე; გული პქონდა გაწვრილებული ათასი ქურდისა და მამულარასაგან, მსაჯულებამდეც კი მისულა საქმე; იმ ქალსაც, რომელიც უყვარდა, მარტოდმარტოს არასოდეს შეხუედრია. ერთი უზარმაზარი ბრინჯაოს ქანდაკება ომიანობისას შარბაზნად გადაადნეს, „დავითს“ ხელი მოსტეხეს; დაიკარგა პროექტი, რომელზედაც ოსტატია ერთადერთხელ იხმარა სიტყვა „გენიალური“; და როცა საქსტეს საკურთხეველის დიდ კედელზე საკუთარი ნება-სურვილით დახატა „განკითხვის დღე“, ზემდგომმა პირებმა სხვა მხატვრის ხელით შიშველ ფიგურებს ტანსაცმელი „ჩააცვეს“... ზოგიერთი მისი ქანდაკება მოგვიანებით საშიზნედ გამოუყენებიათ და სროლაში ვარჯიშობდნენ! საუკეთესო ნაწარმოები დაუხერხეს, მაგრამ ოსტატი...

„ეს გასაოცრად მთლიანი ბუნების ადამიანი ყველაზე მეტად იმით გვაკვირვებს, რომ მასში გაერთიანებულია მტრული სამყაროები: მატერიალური სიტლანქე და იდეალიზმი; წარმართული ძალითა და სილამაზით თრობა და ქრისტიანული მისტიციზმი; ფიზიკური ძალისა და ინტელექტური აბსტრაქციის შერწყმა; პლატონიკური სული ათლეტის სხეულში. ამ საწინააღმდეგო ძალთა ეს ურღვევი კავშირი, რომელიც ნაწილობრივ უეჭველია მისი ტანჯვის მიზეზიც იყო, იმავე დროს მის განსაკუთრებულ სიდიადეს ქმნის“.

„ეს უზუნაესი მხატვრობა ნიმუშად უნდა იქცეს ჩვენი ხელოვნებისათვის. ღვთიურმა განგებამ ეს საჩუქარი ქვეყანას იმისათვის მოუვლინა, რომ ეჩვენებინა, რა დიდი გონებით

შეუძლია მას დააჯილდოვოს ზოგიერთი ადამიანი, რომელსაც ქვეყნად გზავნის“.

უცნაურია, მაგრამ სიქსტეს კაპელამ მხატვრობა ჩააკლავ იტალიაში, კარგა ხანს აღარ გამოჩენილა ნამდვილი ფერმწერი, ვილას ახსოვდა თავისი საქმე — კაპელაში ისხდნენ და ასლებს აკეთებდნენ, ოსტატის მოხატულობით გაოგნებულნი. ერთმა ცნობილმა მწერალმა ისიც კი თქვა, რომ ასეთი გენია მომავლდინებელია სხვა ხელოვანთათვის, რომ ასეთ ნამუშევარს მხოლოდ წამით უნდა გაუსწოროთ თვალი, თორემ თვალს მოგჭრის. მაგრამ მწერალს, ეტყობა, გადაავიწყდა, გონიერი ფერმწერის გენია რა უცნაურად დაეხმარა თავის დროზე ოსტატს. „ეს შესანიშნავი“... „ეს ზეადამიანური“... „ეს კოლოსალური“... „ეს გენიალური“... — ამბობენ მკაცრი ხელოვნებათმცოდნენი, თავად ოსტატი კი სიქსტეს პლაფონზე მუშაობისას ტირთდა თურმე — „დროს უბრალოდ ვკარგავო...“ ისე, ზოგიერთმა მომთხონმა ხელოვნებათმცოდნემ რამდენიმე კრიტიკული შენიშვნა გამოთქვა ოსტატის ნამუშევრებზე. შენიშვნა, როგორც ასეთი, რამდენიმეა — ერთი, რომ სიქსტეს პლაფონის ფიგურები რამდენადმე მომცროა, თორემ სხვაფრივ კარგია; მეორე — რომ „დავითს“ შედარებით დიდი ხელები და თავი აქვს (ისე, ოსტატი ამბობდა ხოლმე, რომ დიადი საქმის შესრულება ძალუბს მხოლოდ იმ ხელებს, რომლებიც თავს ემორჩილებიან) და მესამე, უკანასკნელი, რომ წმინდა პეტრეს ჯვარცმა „ზედმეტად ვირტუოზულადაა შესრულებული“... ესაა და ეს.

თავად ოსტატი კი ხანდახან გამწარებული დაიყვირებდა: „ფერმწერი არ ვარ! არა ვარ ფერმწერი!“, და ბარათებს სახელთაჲ ერთად აუცილებლად მიაწერდა ხოლმე — მოქანდაკე. და ახლა ეკრანისაკენ გადახრილი მაყურებელი გაოცებული მისჩერებოდა მის ქანდაკებებს — ოთხმეტრიან დავითს, მოსეს, დედას — ნაწამები შვილით მუხლებზე, გაბაწრულ ტყვეს, მედიჩთა აკლდამის სადამოს, დილას, ღამეს, დღეს, ბრუტოსს, რონდანიინის პიეტას... მის გასათვარ არქიტექტურულ ნამუშევრებს — სან ლორენცოს საჯარო ბიბლიოთეკას, წმინდა პეტრეს ტაძრის გუმბათს... სიცოცხლის უკანასკნელი წლები, თურმე, მთლიანად არქიტექტურას შესწირა, მაგრამ საჭრე-



თელს მაინც არ ეშვებოდა. ღრმად მოხუცებული, ღარიბ ქალიშვილებს მზითევს უგზავნიდა, მაგრამ ცდილობდა, კეთილის მყოფელის ვინაობა არ გამოაშკარავებულიყო. ქანდაკებებზე ღამლამობით მუშაობდა, ძილგატეხილი, თავატკივებული, ხელები თავისუფალი რომ ჰქონოდა, თავზე მუყაოს ქუდს იხურავდა და სანთელს ამაგრებდა ზედ... ეს თავისთავად შედეგრი იყო, ოთხმოცდაცხრა წლის ოსტატი, გაავებულად მომუშავე, თავზე მოლიცლიცე სინათლით... სიკვდილამდე ექესი დღით ადრე ცხენით მოსულა წმინდა პეტრეს ტაძართან... ოთხი დღით ადრე, სიცხიანი, წვიმაში დამდგარა... მერე კი, ერთგული თავყანისმცემლების თანდასწრებით გარდაცვლილა მიქელანჯელო, ეს შესანიშნავი პოეტი, უდიდესი არქიტექტორი, გენიალური მხატვარი და... და მოქანდაკე.

„ო, საოცარო და ამადლებულო ადამიანის დანიშნულებაჲ! — წამოუძახია ერთ ადამიანს, — ჰოი, საოცარო და ზეჲაღლებულო ადამიანის დანიშნულებაჲ, რომელსაც ძალგძის მიაღწიო იმას, რასაც ესწრაფვი და იყო სწორედ ისეთი, როგორც შენ გინდა“... მაგრამ თავად ოსტატს სიკვდილამდე რამდენიმე დღით ადრე უთქვამს: ძალიან მენანება სიცოცხლესთან განშორება, რადგან ახლახან ავიდგი ფეხი ჩემს პროფესიაშიო.

ეს იყო საოცარი, საზარელი სიტყვები და სინათლეს აინთო. ეკრანზე აღარაფერი ჩანდა, მაგრამ ეს სიტყვები... „ახლახან ავიდგი ფეხი“... მერე ვინ თქვა! კი. მიხვდა გოგია გუმანით ყველაფერს, გოგია გახსოვთ ალბათ, აი, სწორედ ის, პურზე რომ გზავნიდნენ, ღუმელთან რომ თბებოდა... ყელში რაღაც ამოებურცა, ცრემლები მოაწვა და უცებ, თავის პატარა სიცოცხლეში პირველად, მუშტებად შეეკრა თითები — დავითი დაუდგა თვალწინ, მარმარილოსი, ოთხმეტრიანი; მაგრამ მთელი თავისი სიმძიმით დააწვა გოგიას ქვის ვოლიათი, სული შეეხუთა, ჰაერზე გავიდა, ამანაც არ უშველა; გვერდით რომ კინოდარბაზი იყო, აქაც დამთავრებულიყო ფილმი, გამოდიოდნენ მაყურებლები, ძლივს მიიკვლევედა გოგია გზას ზღვა ხალხში... რატომღაც მხოლოდ დავითი ედგა თვალწინ, დიდთავა, გრძელმკლავა, ნესტოებდაბერილი, ერთიანად დაძაბული... მთელი თავისი სიმძიმით დააწვა თითქოს საწყალ ვო-

გიას, რაღაცა უნდა მოეფიქრებინა, რაღაცა უნდა ელოზა, ცუ-  
დად იყო საქმე... რაიმე უნდა ელონა მოიკუნტა გოგია, ორად  
მოკეცა თავსდატეხილმა სიმძიმემ, თითები გაშალა, მოზუზუ-  
ლი მიაბიჯებდა, თავის ქუჩას აუყვავა, ჭიშკარს რომ მიუახლოვ-  
და, ნაბიჯს აუჩქარა, ხელი ჰკრა კარს, დაკეტილი დახვდა, ჯი-  
ბებზე გაიკრა ხელი, გასაღები ამოაძვრინა, კარი შეაღო, ოთახ-  
ში შეაბიჯა, ბნელოდა, ხელი ასწია სინათლის ასანთებად, მაგ-  
რამ გადაიფიქრა — რატომღაც სიბნელე მოუნდა. კარი მიხურა,  
კუნაპეტში იდგა და იცოდა, გრძნობდა, რაღაცა რომ იყო სა-  
ჭირო, რაღაც აუცილებელი... რა, მაინც რა — რას მივარდნო-  
და, რა გაეხსენებინა ისეთი, თეატრში რომ აბონემენტით და-  
არებოდა? შესასვლელი უცნაურად რომ იყო განათებული?  
რომელიმე კლასელი... არა, არა. ცხელი პური რომ მოჰქონ-  
და, წყლია რომ მოდიოდა, ღუმელთან რომ იდგა... არა, არა,  
რაღაცა სხვა იყო... ფიზმომზადების გაკვეთილები, გაზეთის  
კითხვა, მამა რომ მოუკვდა? დედა რომ ავად გაუხდა, ბაზარ-  
ში რომ... პალტო შეიხსნა გოგია, ამოიღო ჯიბიდან თოთხმე-  
ტი მანეთი ფული, მაგიდაზე დააგდო, მერე კაშნე შემოიძრო  
და საწოლისაკენ ისროლა, პალტო არ გაუხდია, ისე იდგა, მან-  
ქანა რომ დაეჯასა, თანამშრომლები მიკროსკოპში იყურებოდ-  
ნენ, არა, არც ეს, არც ეს... ვერაფერი მოიფიქრა ისეთი, არა-  
და, რაღაცა ნაღდად იყო საჭირო, რაღაცა აუცილებელი, გამა-  
მხნევებელი, რაღაცა იყო... იყო... იყო, ნამდვილად იყო! კი,  
კი, ნამდვილად! — დიდი ვირთხა, უმწეოდ გაჭიმული თათე-  
ბით, თვალეში ვედრებითა და სევდით... კი, კი, ნამდვილად  
იყო! ის ქალებიც, უცნაური ქალები, ნამდვილად იყვნენ! ეს  
მოხდა, მოხდა, იმეორებდა გოგია, ეს ხომ მართლა მოხდა; ეს  
მართალა, ნამდვილია... მუშტებშეკრული ცოტახანს ასე იდგა,  
აფორიაქებულბ, გახარებულბ, და უცებ თითქოს ხელიდან  
ნელ-ნელა გამოეცალა ყველაფერი, მოხდა, მოხდა, ისევ იმახ-  
და, მაგრამ რატომღაც სიძლიერეს ჰკარგავდა ეს სიტყვები და  
უიმედოდ ებლაუჭებოდა ამ „მოხდა, მოხდას“. და უეცრად, სიბ-  
ნელეში, გოგია მსოფრად ცხადად წარმოიდგინა უზარმაზარი  
ვირთხა, ისეთი კი არა, მომაკვდავი და დახმარების მომლო-  
დინე, არა, ნამდვილი — ისე აშკარად გაარჩია მისი უსიამოვ-  
ნო, მოწითალო თვალები, გლუვი, ლაპლაპა, საზარელი ბეწ-

ვი; გოგია ხედავდა დაჭიმულ, გველის წიწილასავით კუდს, წაწვეტიებულ ყურებს, მის ცივ, გაყინულ ცხვირსაც გრძობდა... და იმ სიბნელეში, გასაოცარი სოჯიუტითა და ძალ-ღონის მოკრებით, შიშით აღვსილმა, მუშტადშეკრული თითები წვალეებით გაშალა და იმ საზარელ სხეულს დინჯად, აუჩქარებლად გადაუსვა; მაშინვე ყველაფერი გაქრა. გოგია გრძობდა მხოლოდ საკუთარ ხელს, ხედავდა სიბნელეში გაფარჩხულ თითებს — ეს იყო უკანონებო გონებას დამორჩილებული, ხუთი აცახცახებული თითი და გონიერი ხელი, საკუთარ მოძრაობაში დარწმუნებული და მაინც აცახცახებული, როგორც უკანასკნელი სტრიქონით აფეთქებული, გაბრწყინებული ლექსი და გონიერი, როგორც ზღვასმიახლოვებული მდინარის სიმშვიდით დამთავრებული პროზა...

და, თუმცა გოგიას სამიოდე დღის შემდეგ ისე ცხადად აღარ ახსოვდა ყოველივე ეს, მეხსიერების ფსკერზე მაინც საშუადაზოდ დაეღეჭა იმდღევანდელი ამბავი, როცა საკუთარ თავს შეეჭიდა, დაეჯაჯგურა და წამით მოერია...

ესეც საჭმე იყო.

1968 წ.

## ხველაზე ქარბი პაპა

(ზღაპარი)

იმ ჭრელ ქვეყანას ერთი გაუმაძლარი, მდიდარი, ბოროტი მეფე განაგებდა. გადახედავდა თავის ავლა-დიდებას და ვეზირებს უბრძანებდა:

— აბა, წადით, წამოდით და ქონება მოშიტანეთო.

ვეზირებიც ქუჩა-ქუჩა, კარდაკარ დაძრწოდნენ და საცა რაიმეს მოიხელთებდნენ, ტომარაში თავს უკრავდნენ ხოლმე. მეფე ჯერ ხარბად გადახედავდა შემურულ ქვაბებს, დაგრეხილ კოვზებს, გაბზარულ ჯამებს, აათვალიერებდა, მათვალიერებდა და აიშრიზებოდა:

— ეს რაა, ეს რად შინდაო.

— სხვა არაფერი არა აქვთ რა, დიდო მეფეო, — მდაბლად დაუკრავდა თავს მთავარი ვეზირი.

— წაიღეთ, წაიღეთ, გადაყარეთო! — ამბობდა მეფე. მერე იტყოდა:

— ვინმეს ხომ არ გაულანძღივარ, რამე ცუდი ხომ არ უთქვამთ ჩემზეო?

— არა, არა, დიდო მეფეო!

— მაშ, ხალხს ვყვარებივარო?

— შენით უდგათ სული, მეფეო!

„რა საყვარელი მე ვარო“, — გაიფიქრებდა მეფე და ვეზირებს დაუცაცხანებდა:

— აბა, ერთი არ მოგიყვანიათ ჩემი გამლანძღავი, სულ თავებს დაგაყრევინებთო.

დაძრწოდნენ ვეზირები ქვეყნად.

ქალაქკარეთ ერთი პატიოსანი, გამრჯე კაცი ცხოვრობდა, ხნავდა, თესავდა, რწყავდა, მკიდა, საქონელს ზრდიდა, ვაზს ახარებდა. ხალხი უყვარდა, ხალხში დაიარებოდა; რანაირი გამოთქმა გინდა, იმას რომ არ სცოდნოდა.

იჯდა, ერთხელ, თავისი ქოხის წინ, ბარს ქლიბავდა. ჩამოიარა დიდმა ვეზირმა, გაიფიქრა, ეგებ ამას დასცდეს მეფეზე რამეო და ჰკითხა:

— ჩვენი მეფე ხომ კარგიაო?

მიხვდა, რატომაც გაემასლათა ვეზირი და მიუგო:

— დიდი გერგილიანი მეფეაო.

— რაო? ეს რა თქვიო! — შეუტია ვეზირმა.

გათოკილი მიჰგვარეს მეფეს. თორმეტ კარში გაატარეს, ცსრაკლიტული შეაღეს, მიწისქვეშა გვირაბებით იარეს, ფარდა გადასწიეს და გამოჩნდა კიდეც ის ჩვენი მეფე.

— მეფევ, შენზე თქვა გერგილიანიო!

— თავი მოჰკვეთეთო! — ბრძანა მეფემ.

— რატომ, მეფევ, — მშვიდად მიუგო გამრჯე კაცმა, — ცუდი ხომ არაფერი მიკადრებიო.

— მიკადრებია რა არიო.

ბევრი სიტყვა არ იცოდა მეფემ. ანდა, საიდან უნდა სცოდნოდა, ქუჩაში ის არ გადიოდა, ხალხს არ ენახებოდა, ბეხორცოდის არ ესაუბრებოდა იმ თავისი ვეზირების გარდა.

— რა და, ცუდი არაფერი მითქვამსო, მეფევ, — აუხსნა კაცმა.

— მართლათ? — ვეზირებს მიუბრუნდა. იმათ მხრები აიჩენეს.

— წადით და სიტყვის პაპა მომგვარეთო.

სიტყვის პაპა ერთი თმაწვერდათოვლილი ბრძენი მოხუცი იყო. რომელი სიტყვა გინდა, იმას არ სცოდნოდა. მოიყვანეს თავისი ქოხიდან, მეფეს წარუდგინეს. ასე და ასეო, უთხრეს, ამ კაცმა მეფეზე თქვა გერგილიანიო.

— მერე რაღას ერჩით? — გაიკვირვა სიტყვის პაპამ.

— გერგილიანი მოხერხებულ, საზრიან ადამიანს ნიშნავსო.

— ტყუილად შემაწუხეთ? — თვალები დაუბრიალა ვეზირს მეფემ.

— მეც მომაცდინათ, — თქვა კაცმა, — სახნავ-სათესი მქონდაო.

— ჰოდა, — ვეზირს უბრძანა მეფემ, — წაიძრე შენი ბეჭედი და მაგას... არა, არა, მე მომეციო.

რაღას იტყოდა ვეზირი, ბეჭედი სულ ხენეშა-ხენეშით წაიძრო თითიდან.

ის დღე იყო და, გადაეკიდა გამრჯე კაცს ვეზირი.

ერთხელაც, უტრიალა, უტრიალა, და დაღლილი, მისავათებული კაცი ხის ძირას დასასვენებლად რომ ჩამოჯდა, მივიდა და უთხრა:

— მაშ, ჩვენი მეფე გერგილიანიო?

— დიდი ქველმოქმედიო, — მიუგო კაცმა.

— რათ? ახლა კი გირვენებ სეირსო, — დაექადნა ვეზირი, ისევ მიჰგვარეს მეფეს.

— დიდო მეფევ, ამან თქვენზე თქვა... როგორა თქვი?

— ქველმოქმედიო-მეთქი

— ჰო, ქველმოქმედიო

— თავი მოსჭერითო.

— რატომ მეფევ, — მშვიდად მიუგო კაცმა, — ცუდი არაფერი მიკადრებიაო.

მოაცდინეს ისევ სიტყვის პაპა, მეფესთან მიიყვანეს.

— ქველმოქმედს კარგ კაცზე იტყვიან, — აუხსნა სიტყვის

პაპამ მეფეს, — ქველმოქმედი სიკეთის ზადენასა და გულკეთილს ნიშნავსო.

— ისევ ტყუილად შემაწუსებო? — დაუცაცხანა ვეზირს მეფემ, — ახლავე შეისხენი ქამარი და მაგას... არა, არა, მე მომეციო.

სულ კვნესა-კვნესით გაუწოდა ვეზირმა ძვირფასი თვლებით მოთჭვილი ქამარი. გულში ბოლმა ჩაიხვია. გამრჯე კაცს უფრო გადაემბტერა.

ერთ მშვენიერ დღესაც უტრიალა, უტრიალა და, საღამო ხანს დაღლილმა კაცმა რომ ჩაიძინა, გააღვიძა და დაუყვირა.

— ჩვენი მეფე ხომ ქველმოქმედიო!

— გაღი თავი გამანებეთო — გაბრაზდა კაცი, — შენცა და შენს მეფესაც თავში მტრედები გიფრენენო.

მაშინ კი გაიხარა ვეზირმა. დასტაცეს მელმრებმა გამრჯე კაცს ხელი და სულ კინწისკერით მიუყვანეს მეფეს.

— ასე და ასე თქვა შენზე; თავში მტრედები უფრენენო.

მოკურცხლა მაშინვე შიკრიკმა, სიტყვის პაპას ყოველივე ამცნო, ისიც მეფის კარზე განნდა. ახედ-დახედა გამრჯე კაცს. შეუთვალეირა ნაჯაფი ხელები, ნათელი შუბლი; თვალში მოუვიდა — სიტყვის პაპას გამრჯე ხალში უყვარდა. ეს კაცი როგორმე უნდა ღავიხსნაო, გაიფიქრა და მეფეს უთხრა:

— ასეთი გამოთქმა თუ გაგიგია, მეფევ, თავში ბზე გიყრიაო?

— არაო.

— როგორ გგონია, ცუდია თუ კარგიაო?

— აღბათ ცუდიაო!

— პოდა, ვის თავშიაც მტრედები დაფრინავენ, იმას თავში ბზე აღარ ეყრება, გაჰკრავენ, გამოჰკრავენ მტრედები ფრთებს და გამოანიავებენო.

— მაშ ამ კაცს ჩემზე კარგი უთქვამსო?

— დიახ, მეფევ. ამ კაცს უთქვამს, მეფეს თავში ბზე არ უყრიაო.

ესიამოვნა მეფეს სიტყვის პაპის ახსნა-განმარტება. უცებ ვეზირი გაახსენდა და გაბრაზდა:

— წადი, წადი აქედან, შე... შე ცუდო, შენაო! — სხვა სიტ-

ყვა აღარ იცოდა. აიკრა იმანაც თავისი გუდა-ნაბადი და გა-  
დაიკარგა.

სიტყვის პაპა და ის გამრჯე კაცი კი მეფემ სასახლეში და-  
ტოვა. იმათ დიდად არ ეპიტნავებოდათ სასახლეში ყოფნა.

მეფეს ზღვათა ხელმწიფის ასულის ქება გაეგო და იმისი  
სიყვარული გულში ჩავარდნოდა. ზღვათა ხელმწიფეს კი  
ეთქვა, მხოლოდ და მხოლოდ ჭკვიან კაცს გავატან ჩემს ქალს,  
სხვას არაუისო. ჰოდა, ამ ჩვენმა მეფემაც სიტყვის პაპასა და  
გამრჯე კაცს უბრძანა, კარგი სიტყვა-პასუხი უნდა მასწავლოთ.

სიტყვის პაპა ბრძენია და განსწავლული. ქვეყნად ისეთი  
არაფერია იმან რომ არ იცოდეს, მაგრამ ხანდახან ამ მეფეს-  
თანა სულელს რომ გადაეყრება, თანაც ის სულელი რაიმეს  
მკვახედ რომ უბრძანებს, სიტყვის პაპას ჩუმ-ჩუმად ჩაცინებაც  
უყვარს. ჰოდა, ეგრე არ უნდა ბრძანებო, გაიფიქრა სიტყვის  
პაპამ და გამრჯე კაცს თვალი უყო. ისიც მაშინვე მიუხვდა და  
მეფეს ბევრნაირი გამოთქმა შეასწავლეს, ოღონდ სუყველა-  
ფერი პირიქით აუხსნიეს. თეთრზე ამბობდნენ, შავიაო, კარგზე  
ცუდს ეუბნებოდნენ და ცუდზე — კარგს. მეფემაც თუთიყუში-  
ვით დაიბეპირა ეს სიტყვები და გამოთქმები, ძვირფას ეტლში  
გაიფუჯიმა და ზღვის ნაპირს მიადგა.

ზღვათა ხელმწიფე წყლიდან ამოვიდა, მზეზე თვალები მო-  
ჭუტა, ხავსის მოსასხამი შეისწორა და მეფე აათვალიერ-ჩაა-  
თვალიერა. მაშინვე მიხვდა ვისთანაც ჰქონდა საქმე და ჰკი-  
თხა:

— რა იყო, რად დაგიძასეო.

— ჭკვიანი ვარ და შენი ქალი უნდა გამატანოო.

— საიდან იცი, ჭკვიანი რომ ხარო.

— საიდან ვიცი და იქიდან, რომ პოტროველა ვარო.

— რაო? — ყურებს არ დაუჯერა ზღვათა ხელმწიფემ. — ვი-  
ნა ვარო?

— ვინა ვარ და, პოტროველა და გაგრია ვაარო.

ზღვათა ხელმწიფესაც უყვარდა ხანდახან განზე ჩაცინება:

— ყოჩაღ, შენაო! — უთხრა.

— მაშ, მაშო! — გული მოეცა მეფეს.

— ჩემი ასულის წაყვანა თუ გსურს, კარგ ჭკუაზე უნდა

იყოო.

— ჰოო, — გაიბღინძა მეფე, — ჭკუაზე აფრაკად ვარო,  
— როგორ გამოხვედი ასეთი ჭკვიანიო, — ჩაიფხუკუნა  
ზღვათა ხელმწიფემ.

— როგორ და, თავში სულ მტრედები მიფრენენო.

— ოფოფებიც ხომ არ გიფრენენო?

— მყავს ერთი ორი ეგეთიცაო, — ისტიბარი არ გაიტეხა  
მეფემ.

— მაშ, თავქარიანი ყოფილხარო.

— ვარ და მერე ეგრეო? თავში სულ ქარბორბალა მიტრი-  
ალებსო.

— ეგ მშვენიერი გამოთქმები ვინ გასწავლაო.

— სიტყვის პაპამ და ერთმა გამრჯე კაცმაო.

ჩაეცინა ზღვათა ხელმწიფეს, მერე ჩაფიქრდა და უთხრა:

— ახლა სასახლეში წადი, ის გამრჯე კაცი აქ გამოგზავნე  
და შენთან იმას გამოვატან ქალსაო.

ამაყად დაბრუნდა მეფე სასახლეში. მიავლინა გამრჯე კა-  
ცი ზღვათა ხელმწიფესთან. უცადა, უცადა, პატარძალს, მაგ-  
რამ არავინ ჩანდა. ის დღე დამედ რომ გადაიქცა, ასე ეგონა,  
მთელი წელი გავიდაო, და, გინდაც წელიწადი გასულიყო,  
რომელი ჭკუათმყოფელი მოუვიდოდა.

— გამრჯე კაცი ზღვათა ხელმწიფის ასულთან ქორწილობ-  
და, სიტყვის პაპა კი...

სიტყვის პაპას დიდი, უზარმაზარი, ქვეყნისტოლა ხურჯი-  
ნი აქვს ფერად-ფერადი სიტყვებით სავსე. დადის, დაიარება  
დედამიწის ზურგზე და, ვინც ყურს კარგად დაუგდებს, მარგა-  
ლიტივით სიტყვებს უბოძებს ხოლმე. სიტყვას კი რა არ შე-  
უძლია! — ადამიანთა გაბედნიერება, ნუგეში, ალერსი, სიყვარ-  
ული, გამხნეება. მათა დაანგრევა და ქალაქების გაშენებაც  
შეუძლია. სიტყვის პაპას ბუნება და ფიქრი უყვარს, წიგნების  
კითხვა და ტკბილმოუბართა სმენა.

და, თუკი ყურს დაუგდებთ, სიტყვის პაპა თქვენს საყვარელ  
პაპასავით უამრავ საჩუქარს გიბოძებთ და, განა მხოლოდ  
ახალ წელს? არა, არა, ყოველ დღე, ყოველ წუთს, მთელი  
თქვენი ლამაზი სიცოცხლის მანძილზე.



## ცალ-ცალკე და ერთად

(თანამედროვე ზღაპარი)

არის და არა არის რა, არიან სამსნი ძმანი კეჟერაძეები.

ერთი ერთგან იწევდა, მეორე—მეორეგან, მესამე სულ სხვა საითკენლაც... მაგრამ ერთმანეთს რადგან მაინცა ჰგავდნენ, ერთხელაც, შეიკრიბნენ. დათქმულ ადგილას, მთაზე მდგარ ფუნიკულიორის ზედა სადგურთან ერთდროულად ავიდნენ, მიუხედავად იმისა, რომ გრიშა საბაგირო გზით ამაღლდა ლეგენდარული ზღვის დონიდან, ვასიკო — ტრამვავით, შალვა კი ფეხით. მათგან უფროსმა, შალვამ, თქვა:

— ისრების ამბავი ხომ გაგიგონიათ?

— რომელი ისრების?

— აი, ცალ-ცალკე რომ გადატეხეს და ერთად კი ვერა გამარჯობათ.

— გაგიმარჯოს.

— გაუმარჯოს.

— ხოდა, ჩვენც ერთად უნდა ვიყვნეთ.

პატარა ხნით დადუმდნენ, რადგან ლამაზმა ქალმა, ანუ როგორც გრიშა უწოდებდა, „კარგმა ადამიანმა“ მიაჩრა,

თვალსაზრისო ქალი მხედველობის არეს რომ გასცდა, ვა-სიკომ იკითხა:

— ერთად არა ვართ?

— ახლა, იცოცხლე, კი, მაგრამ მაინც ვერა ვართ ერთად.

— ეს როგორ... — იკითხა ვასიკომ და გაკვირვების მითი ქვედა ტუჩზე დაასკუბდა.

— სამივენი, ცალ-ცალკე დავბოდიალობთ და ბევრად აჯობებს...

— მე არსადაც არ დავბოდიალობ, — შეაწყვეტინა ვასიკომ — სულ ატელიეში ვზივარ.

— ბიჭოს, — ხელი მხარზე დაირტყა შალვამ, — შენ დაბოდიალობთ თუ დაბოდიალობ.

— სწორი ხარ, — აღიარა ვასიკომ, რადგან მას ლიტერატურა ძლიერ უყვარდა, ისე კი მხატვრული ფოტოგრაფი იყო.

— იმას ვამბობდი... — თქვა შალვამ და შეჩერდა. თუმცა

ძმები იყვნენ, ერთმანეთში უჭირდათ ლაპარაკი. და აი, რატომ:

ცალ-ცალკე, გაგისარიათ, იმათ შეეძლოთ სიტყვების ფრქვევა — სხვადასხვანაირ ადამიანებსა თუ საზოგადოებაში. მაგრამ ახლა, რადგან მშვენივრად მოეხსენებოდათ ერთიმეორის ვრცელი შესაძლებლობანი, თან, ამხსრივი პროფესიული თვალსაზრისით პატივსაც სცემდნენ ერთურთს, უნებურად ფრთხილობდნენ რაიმე უმნიშვნელო არ დასცდნოდათ; ეს ეგრეთ წოდებულ საწყის დაზვერვასა ჰგავდა, გამოჩენილ მოკრივეთა თუ ფეხბურთელთა გუნდების არ იყოს. მათგან ყველაზე მეტად სიტყვათმფრქვეველი, გრიშა, განსაკუთრებით დამაბული იყო, ნებისმიერმა ძმამ კარგად იცოდა ძმათა ფასი. მაგრამ ჰაერში, როგორც იტყვიან, დენთის სუნი ტრიალებდა. გეკამათებინა კეჟერაძეები და, ჰეიჰო, რას არ გადასწვდებოდნენ. მაგრამაც ახლა, მათთვის შეუსაბამო სიჩუმე იდგა, და, კიდევ კარგი, იმ თვალთ შესანიშნავმა ქალმა ისევ ჩამოიარა, შორიასლოს შეჩერდა, გულდასმით აათვალიერა სამივე და, მიეფარა ისევ სადგურის ფრთას.

— კაცო, ეს ქალი მოგზავნილი ზომ არაა? — იკითხა შალვაში.

— არა, აჰ, — უარყო ძმის თვალსაზრისი გრიშამ.

— რატომ, მაინც.

— ასეთი ლამაზი და, მოგზავნილი? რა ძალა ადგა...

— რა, მატა ხარი ნაკლები იყო? — ჩაერთო ვასილი.

— სად გინახავს მაინც... — გაღიზიანდა გრიშა.

— გადმოცემით ვიცი.

— ვინ გადმოგცა მაინც...

— ჯაშუშებზეა წიგნი.

— მხატვრული, ზიტო?

— კმარა, გეყოფათ, — გაშველებს მანდილივით ჩაერიათ შალვა, — თუკი მომისმენთ, ერთ ღირებულ რამეს შემოგთავაზებთ.

ორი ძმა ადგილზე სდუმდა, მესამე, შალვა, მოკლე ბოლთასა სცემდა, ორ-სამ ნაბიჯით მიმოდიოდა და, სდუმდა ასე.

ჩენისი იდგა, ასადულებელი ზაფხულის მეწინავე თვე.

შეჩერდა, შალვა:

— აი რაშია, მეგობრებო, საქმე. ჩვენ აქამდე თუმც შეჩვეულნი ვიყავით ცალ-ცალკე წანწალს, ახლა, კეთილი უნდა ვინებოთ და, შევერთდეთ უნდა. შენ არ გეწყინოს, ჩვენო გრიშა და, შენი დიდი დამსახურების მიუხედავად, რომ ძალიან გსურს შენი ხელშეწყობით ადამიანები გახდნენ უკეთესები, გიდრე არიან, ზოგიერთი ქარაფშუტად გთვლის... — არ გამაწყვეტინო! — აკი მეც ხომ მშვენივრად ვიცი, არაა ეს სწორი. შენ, ვასიკო-სხვარამისავ, რადგან ძირითადად წარმოდგენებით ცხოვრობ, უტოპისტადაც კი მიაჩნისარ ზოგს, მაგრამ არ დაიჯერო, კაცმა არ იცის, ვინ-ვინაა და სად, შემოგვიერთდე უნდა, რადგან საქმე საქმეზე თუ მიდგა, გამოცდილება გაქვს დაგროვილი ისეთი, მტერ-მოყვარესაც შეშურდება. რაც შემეხება თქვენს შალვას, მე, ისეთი რამის გაღვივებასა და დანთებას ვცდილობ, დაფარვა რომ სჭირდება, და აი, მოდიოთ, ჩავჭიდოთ ერთმანეთს ძმურ-ძმური ხელი და რომელიმე სოფელს მივადგეთ, ოღონდ ასეთი შეუნიღბავეები კი არა, არამედ ხელოვნების ერთ-ერთი კუთხით, ერთ-ერთი სახეობით უნდა აღვიჭურვოთ, დიდხანს ვიფიქრე და, ხელოვნებათაგან, ამოვირჩიე უმწიკველოესი.

— რაა ასეთი... — იკითხა სუნთქვაშეკრულმა გრიშამ, ვასიკოს ძლიერ გადაჰკრა ფერმა. ზღაპარ იყო, ზღაპარ იყო და, რაღაც გამჭვირვალე, თხელმა, სათუთად ვარდისფერმა ქსოვილმა — ზედ მამაც თავზე გადაუფრინათ.

— ნუ მაწყვეტინებ. შემოინახე, გრიშიკო, თავი, შენი ძალა და სიმამაცე ახლო მომავალში დიასაც რომ გამოგვადგება. ჩვენ, ძმანნი სამმნი, — აღზევდა შალვა, — საქართველოს ერთ-ერთ სოფელში წავალთ, და ეს იქნება გამოკვეთილად ნამდვილი ქართული სოფელი, ჩვენი — ოდესღაც კოლხთა და იბერთა. მომცრო სოფელი იქნება ეს, მაგრამ სხვადასხვანაირ მკვიდრთა წყალობით, იქაურთა წვრილ-დიდ-პატარა, შრელა-ჭრულა მიზანსწრაფვებისა და მოსაზრებების აღსავსეობისა გამო, და განსხვავებულ აზრ-მსჯელობათა გამოისობით. მრავალმხრივად აბურდული და დაბურდული სოფელი იქნება ეს ქართველების, — ჩვენი, და როგორც ყველგან, იქნებაიან იქ კეთილნი სულნი და სულნიც. ბოროტნი, სხვადასხვანაირ-ტევადობიანი მატყუარები თუ პირში მთქმელები, კენტავია-

ნი დევებიცა და მიწყვი მუშაკნიც ეყოლებათ, აგრეთვე ანგე-  
ლოსებივით ბავშვები და გაჭინკებული ჯეილები, ეგებ  
მინდვრად გარუჯული მზეთუნახავებიც ერითო, და ერ-  
თადერთის, ჩვენი ხალხური ზღაპრებიდან, მზეჭაბუკი-  
სა შეეჭვება, მაგრამ რადგან მეცნიერულადაც კია დამტკი-  
ცებული, რომ ფეხმძიმე ქალბატონების დაუბადებელ ბავ-  
შვებს თურმე უკვე ესმით მუსიკისა და, საერთოდ, ხმები, ჩვენ,  
სამთავე ძმამ, ფეხმძიმე ქალებს მეტი ყურადღება უნდა მივაქ-  
ციოთ...

— ვაჟ-სამანიშვილისაგან განსხვავებით?

— ნუ მაწყვეტინებ, ვასილ. ჩვენ, სამთავე ძმამ, ვაჟ-სამა-  
ნიშვილისაგან განსხვავებით, ფეხმძიმე ქალებს მეტი ყურად-  
ღება უნდა მივაქციოთ, — ჩვენის მონდომებითა და რუდუნე-  
ბით, მზეჭაბუკი ჩამოყალიბდეს და დაიბადოს ცეცხ, — იქუხა,  
ცაზე, ღრუბლის ნაფლეთიც კი არსად მანდა, — რომელ ერს  
აწყენს და არ სჭირდება მზეჭაბუკი, გეთაყვანეთ, ჩვენ, ქარ-  
თველებს რომ გვაწყინოს და არ გავჭირდებოდეს, მაგრამ ისე  
არ გამოგოთ, რომ მხოლოდ ფეხმძიმე ქალებს მივადგეთ და  
გამოუშვედოთ ყურები — არა, გენაცვათ, მთელი სოფელი უნ-  
და ავიყოლიოთ ჩვენ-ჩვენი თემობრივი ნედლეულით, ხოლო  
ხალხმა რომ მოგვისმინოს და აგვეყვოს, როგორც აღვნიშნე, ხე-  
ლოვნების ერთ-ერთი კუთხით უნდა მივუდგეთ და, ბევრი  
ვიფიქრე ხან დღით, ხან ღამით, ხანდახან — წვიმდა, ამას არა  
აქვს მნიშვნელობა, და მოვიფიქრე! — ხელოვნებათგან, შეცარ-  
ჩიე უმწიკვლოესი, აუ, ეს რამდენი ვილაპარაკე.

კვლავაც მოახლოებულ-შეჩერებულმა თვალსაჩინო ქალ-  
მა კი ჰკითხათ:

— ბოდიშით, რაიმე ხომ არ მოგეძევებათ?

არაბერძნულად იკითხა ესა, რადგან კუჩერაძეები ქართვე-  
ლები იყვნენ.

ჯერ დაბნეულები შესცქეროდნენ, მერე გრიშამ იყოზაღა,  
არაბერძნულადვე მიუგო:

— რაიმეს მეტი რა მოგვეძევება.

— მართლა? — გაესარდა საიმისო ქალს; აშკარად მოეწო-  
ნა გრიშა და იმისი პასუხი, — აი, ვთქვათ, მაგალითად, თუ მო-  
გეძევებათ... მაინც რა და რა მოგვეძევებათ?

— რა და, გენაცვალე, — ერთგვარი გულტვივობით ჩაერია შალვა, — აუარება რამ გაგვანია — სელო და გულო, ომდენი რამ მოგვეძევა: ვაზი და ჩაი, სასარგებლო წიაღისეული, თქვენ ციტრუსები უფრო გიყვართ, მინერალური წყლები, დაფნის ფოთოლი იმდენი რომ, ყველას გვეყოფოდა გვირგვინისათვის, აგრეთვე დათოვლილი ქედები და იმისთანა ზღვაა...

— ჩვენთანაც კია ზღვა, — დარდიანად აღნუსხა ქალმა, — ოღონდ ბრრ...

— რა, ძლიერ ცივია? — დეკოლტისაკენ დაეკითხა გრიშა.

— ცივი წყალია განსაკუთრებით ძალიან.

— კლიტემნესტრას ჰგავს, შეჩვენებული, — ქართულად აღნიშნა ვასილმა.

— ჰოდა თქვენც აიღეთ და თბილად ჩაიცვით, გენაცვალე, — ალაღად ურჩია გრიშამ.

— და იაპონური ქოლგებიც ხომ არ გექნებათ?

ავი სიჩუმე ჩამოწვა.

— თქვენ მისამართი შეგეშალათ, — მკაცრად წარმოსთქვა მერე შალვამ.

— მართლა? — სულაც არ შემცბარა ქალი, — რა ვიცი, ასე დამარიგეს, თუკი უსაქმოდ დგანანო...

ძმებმა ერთმანეთს გადახედეს.

— თქვენ დარწმუნებული ხართ რომ, უსაქმოდ ვდგავართ? — სუსხიანად იკითხა შალვამ.

— აბა რა ვიცი, — და გაჭირვებით დააყოლა, — გენაცვალე... მართლა, გენაცვალე არაქართულად როგორ იქნება?

— სულიქო. — გესლიანად მიახალა გრიშამ.

— მშვიდობით. — გადაჭრით უთხრა შალვამ, ხოლო როდესაც ქალი გაეცალათ, ვასილმ კვლავაც აღნიშნა: — კლიტემნესტრას ჰგავდა, შეჩვენებული.

— ჩვენ ვისლა მიგვამგვანა? — ნაღვლიანად იკითხა გრიშამ.

— გადამყიდველებს? ჰაიი, გიდი... — ხმა გაბზარვოდა მდგარ შალვას.

„ახლა თათბირი არა გვქონდეს, მე ვიცი შენთვის ერთი ისეთი ქოლგაა...“ — ქალს მიადევნა ფიქრი გრიშამ.

პატარა ხანს გულდათუთქულნი იდგნენ, მერმე გრიშამ ფხა გამოიჩინა:

— მერედა, თქვე კარგი დედმამიშვილებო, რომ დავმდგარვართ აქ და დაგვიღია პირი, აქვე არაა რესტორანი? შევიდეთ, დავსხდეთ ადამიანურად და, ვილაპარაკოთ. ჰა, ვასიკო?

— მართლაცდა, არ აღგვენიშნა ჩვენი შესვედრა ორიოდე ჭიქით?

— კარგი კი იქნებოდა, — შეფიქრიანდა შალვა და ერთბაშად გამოერკვა, — მაგრამ არა, არა, არავითარ შემთხვევაში რესტორნის ფული სადა გვაქვს...

— როგორ არა მაქვს, სარესტორნო თანხა, — თავი გამოიდო გრიშამ.

— მაქვს მეც, — ჯიბეზე ხელი გაიკრა ვასილმა.

— არაფერი შეგეშალოთ, — გამკაცრდა შალვა, — თქვენ რომ ფული გაქვთ, ის სამომავლო ფულია, რადგან ჩემი ღონისძიებისათვის ძალიან დაგვჭირდება.

— მართლა?

— დიახ. მანამდე კი, სისულელეებში რომ არ დაგვეხარჯოს, უნდა ვიყოთ ძუნწები, ისეთები, ისეთები რომ... აი როგორც... აი...

— ჰობსეკი, პორთოსის საყვარლის ქმარი, პოშეხონელი დედაკაცი, ჭაბუკობისდროინდელი მეჯღანუაშვილი... — შეაშველა ვასიკომ.

— დიახ. მაგრამ გამოსავალი მუდამ არსებობს, შეგვიძლია იაფად გადარჩინა.

— როგორ?

— როგორ და, აქვე, ანუ ცოტათი მოშორებით, კარგი ბუნქები შევარჩიოთ და გასტრონომში ნაყიდი პურმარილიანა ჩავედეთ.

— მერედა, სადაა აქ გასტრონომი?

— მე ჩავეფრინდები და ამოვფრინდები ხელად, მფრინავი საკნითი — წამოიძახა გრიშამ, ზღაპარ იყო... — არც რიგია და არც არაფერი.

— ძალიან კარგი. დრო რომ არ დავკარგოთ, მე წავალ და ბუნქებს შევარჩევ. ვასიკო აქ დარჩება, შტაბივით, — სხარტად, საქმიანად ალაპარაკდა შალვა, — მერე ვასიკოსთან შევიკრებოთ. ორმოცი წუთი გეყოფა?

— კი კაცო.

— კონსერვის გასახსნელი ჯაყვა ზედ მაქვს. რესტორნის  
წული დაგვეზოგება. პურ-მარილში ღვინო არ დაგავიწყდეს.

— რა დამავიწყებს, — გაიბადრა გრიშა, — ღვინო პურ-მა-  
რილში მთავარია.

— ჰო, — აღნიშნა ვასიკომაც, — პურმარილი მართლ პური  
და მარილი კი არაა. გადატანითი მნიშვნელობის გამონათქვა-  
ბია, რადგან...

— ღვინო რომელი ამოვიტანო.

— ერთი ნაგავია ყველა. მაგრამ ტიბაანი ამოიტანე.

— თუ იქნა. აბა, წავედი, აქა ვარ დროზე, ზუსტად ორმოც  
წუთში გვინვიჩის დროით.

როგორც დათქვეს, ისე მოიქცნენ. გრიშა მფრინავი საკნით  
დროზე ამოფრინდა კარგა გაძიძგინებულ ხურჯინიანა, შალვამ  
ისეთი ბუჩქები შეარჩია, ავ თვალს არ დაენახებოდა, ვას-  
იკომ თვალის დახამხამებაში იქაურება მიაწყვრილა, ისეთი  
გაზეთ-სუფრა გაიშალა, ჩიტის რძეც კი არ აკლდათ — ძეხვი,  
კონსერვი, ვაფლი და რამე... ღმერთს ჩვენთვის კარგი ბედი  
ურგუნებიაო, გაიფიქრეს, დახსნეს ბოთლები, დახვდათ შიგ  
ღვინო, დაგლიჯეს პური, ხელმწიფის ქალის გამომცხვარსა  
ჰგავდა, გრიშას მარილი დავიწყნოდა, „შენ კი რა გითხარიო“,  
მოსჭრა ვასიკომ თავი, მაგრამ შალვამ რაღაც ბალახ-ბულახი  
იპოვა, მიუსვ-მოუსვა და გააცოცხლა: „რა მოხდა მერე, მარილ-  
მა აკი დავიწყება იცისო“, მაღიანად შეექცნენ ნატვრის სუფ-  
რას, ისეთი კონსერვები იყო, რომ ზღვასა და ხმელეთზე იმ-  
გვარი არსად იქნებოდა, მზე მალლა იდგა, ისე მძლავრი და  
ისეთი ლამაზი, რომ კაცს თვალს ვერ გაუსწორებდა, ქართულ  
ბუჩქებში ჩამსხდარიყვნენ, მიაშ. თამადად შალვა დააყენეს,  
თუ დასჭირდებოდა, იმას სმა შეეძლო? — სხვა რომ ჭიქობით  
თვრებოდა, ის ორჭიქობით ვერა თვრებოდა, კარქა გაუძღვათ:  
უმძრახნი პურიჭამა ჩვენში აბა სად გაგონილა, და რაც ამ ძმე-  
ბმა ილაპარაკეს? აიმდენ სიტყვებს ზღვაში ქვიშად ვერ იპოვ-  
ნიდი, ქართული სიტყვები ჰხარჯეს, ჰხარჯეს და ვერ დახარ-  
ჯეს, ილაპარაკეს, სვეს, სვეს, ილაპარაკეს, იბაასეს, უმცროსი  
ძმა, გრიშა, მდეღვარებისაგან, შარვალს მუხლთან ხელისგუ-  
ლით ცრეცდა, დააღაგეს გეგმა, მოდით და, ძმებო, ასე და  
ასეო, ძირითად საკითხებში შეთანხმდნენ, მხოლოდ ერთ სა-

კითხს ძვერ ვერ უყვეს, მაინც კარგ ხასიათზე დადგნენ, გულზე მოეშვათ, და ერთხელაც რომ ასწიეს ხუთკაპიკიანი წყლის ავტომატიდან უბოროტოდ აწაპნილი ჭიქა, და ესრეთ ყოფაში რომ იყვნენ, ძრიალ უხაროდათ, მაგრამ ორი ცალსაჯა დევი ზეწამოადგათ და საზოგადოებრივი წესრიგის დარღვევისათვის იქაურ მაღლივ სადევოში წააბრძანეს, ცოტათი უფროს ორვარსკვლავიან დევს მიჰგვარეს იქა. გზად, გაქცევა არც ერთს არ უცდია, წიქარა სადღაც შორს ბალახობდა, იქ კი ორვარსკვლავიანმა ისეთი რაშეები მიახალათ? — ჰაი იმან პირადობის მოწმობებით, ჰაი იმან სახლთმმართველობის დევის დახასიათებებით, ჰაი იმან ვინ სადა ჰფლანგავთ დროსაო, ჰაი იმან ბუნქებში ჰლოთობთ და რესპუბლიკას არცხვენთო, ჰაი იმან თხუთმეტი სუტკა უკან დაგრჩებათო და, მოკლედ, იმან იმდენი ჰაი, და სამნი ძმანი იქამდე აყურყუტეს, სანამ ორ რესტორნობანას რომ ეყოფოდა, იმდენი ვერცხლი არ დააყრევინეს.

„ჩვენ-ჩვენი ბედი რა ვთქვი... — ყველას სახელით გაიფიქრა გრიშამ. მანამდე კი, გაშლილ პურ-მარხილთან, აი, რა როგორ იყო:

## 2

— ხელოვნება ერთმხრივ სახიფათო რამაცაა, — მეოთხე სადღეგრძელოს შემდეგ წამოიწყო ძირითადი სათქმელი ზაღვამ. — დიდად უცნაურია, მაგრამ კარგ გერქანელებს ხელოვნებაში ის ძალიან დიდი მიღწევები რომ არ ჰქონოდათ, ცუდი გერმანელები ვერც წამოიწყებდნენ ყველაზე საშინელ ომს. ისიცაა გასაკვირი, და თან არც არის, რომ გერმანელებში სწორედ ყველაზე უღირსებმა სხვებზე მაღლა წარმოიდგინეს ოხერი თავი, დიდ წინაპართა დამსახურებებით გაიბღინდნენ, როგორია, ჰა, ბახისა და ბეთჰოვენის შემკვიდრებად, გებელსი და ხიტლერი? შობელძაღვლები, ვაგნერის მარშებზე ვითომ საზეიმოდ დაატარებდნენ ყვეყმ ჯარისკაცთ, ხოლო ეს რომ თავის დროზე სცოდნოდა, ბატბის ფრთა ეგებ არც აელო საბრალო რიხარდს. კაციჭამიები!

— აბა? — თქვა გრიშამ და ძეხვი ხელიდან გაავდო.

— დიახ. პრესტიჟისათვის, შეუამხსანაგდნენ ხელოვნებაში საერთოდ დიდად წარმოჩინებულ იტალიელებს, მაგრამ იქაურ



მხოლოდ ცუდებს, თორემ ჩვენი ფორე მოსულიშვილი, ყვი-  
თელკანიანთა გვერდით კი არ იბრძოდა, იმას ვამბობდი, დიდ-  
მა ხელოვნებამ სწორედ უღირსები გააყოფოჩა-მეთქი, დისციპ-  
ლინაც არ აკლდათ, ნაგვებს, და ის კი არ იცოდნენ, ხელოვნე-  
ბა და სამხედროული დისციპლინა რომ შეუთავსებელია, რად-  
გან...

— მე მხოლოდ თვითდისციპლინა მწამს, აი, თუნდაც ისე-  
თი, ფლობერს გამოკვეთილად რომ ჰქონდა...

— აბა რა, სხვისგან თავს მოხვეული დისციპლინა შენს  
მტერს, მთავარა, საკუთარი ინტონაცია...

— დიას. იმას ვამბობდი, დიდ ხელოვნათა ნაწარმოებნი  
თავიანთ კუთვნილება-დამსახურებად მიიჩნიეს, და, ამის გა-  
მომც მსოფლიოს კანონიერ მფლობელებად შეირაცხეს ოხრუ-  
ლი ჭკუით გამოტენილი თავი—ადამიანის მხრების გარდა,  
სხვაგან საიდან ამოვა ასეთი რეგვენული კვახი, და თუმიც დიდ  
პატივსა ვცემთ—აბა, ვისი

— ბახს და გოეთეს, ბეთჰოვენსა და კრანახს, შილერს, დი-  
ურერს... შუბერტი, ბატონო, მოცარტიც გერმანულად ლაპარა-  
კობდა, კანტი...

— საკმარისია. ოღონდ ფილოსოფოსები არ გამოგონო. მას-  
ხდებიან ხოლმე თავ-თავისთვის, სადმე ბნელში და, აკვარახ-  
ჭინებენ—ეს ასე უნდა იყოს, ის ისე უნდა იყოს, ან—ეს ასე  
არ უნდა იყოს, ის ისე არ უნდა იყოს, არამედ უნდა იყოს ას-  
თე და ისთე, არ მომკლა ამდენმა უნდა-მ?, გამანებე, ვილა-  
ცა ხარ, თავი...

— ჰო, წადი რა, შენ გზაზე გაიარე...

— ხორცთშესხმა აკლიათ... ცუდი საკითხავები არიან...

— ისე, ეგენიც ადამიანთა შორის უკეთესი ურთიერთობი-  
სათვის ცდილობენ.

— მოაზროვნე ხალხია.

— მაინც ნულარ გამოგონებთ, მე საქმის ხალხი მირჩევ-  
ნია. ჩაიოასხი ერთიც.

ბოთლის ჭინკებმა ჯერ ჭიქაში გადაინაცვლეს, მერე ძმა-  
თა სხეულში, და წინ კიდევ გრძელი, ადვილი და გამოსაფიტი  
გზა ედოთ.

— აუცილებლად უნდა აღვნიშნო, რომ მე წინაპართა დამ-

სასურების ოხრულად გამოყენებაზე მოგახსენებთ მხოლოდ, თორემ იგივე ბეთჰოვენი დაპყრობილ ქვეყანაში მოღვაწეობდა...

— მეც არ გამიკვირდა? — ხელისგული ამოატრიალა ვასილმა, — თორემ თურქებს აბა რომელი გენიოსები ჰყავდათ. მაგრამ... სულ მაინც ხმაღზე ედოთ უანბანო ხელი...

— ერთი პოეტი გვყავდაო, მაგრამ ისიც სხვა ენაზე წერდა...

— აბა მაშინ იმათ რაღა ძალა ადგათ...

— კარგია, კმარა, — გააწყვეტინათ შალვამ, რადგან თემას არასასურველად გადაუსვიეს, — იმას მოგახსენებდით — ადამიანის სული რომ შესძრა, ხელოვნების ერთ-ერთი კუთხით უნდა მიუდგე, და ძალიან მაწვალებდა არჩევანი — მაინც რომელი კუთხით? აკი გითხარით, მუსიკა, პოეზია და ამისთანანი, დალოცვილები, საშიშია, რაიმეთი ცუდად რომ არ დაგვირგვინდეს... ბევრი ვიფიქრე, თანაც, ცოტათი მრცხვენოდა, სხვას რა ჭკუა უნდა ასწავლო, უცოდველი ხომ არავინა ვართ-მეთქი.

— ცოტათი მე ვარ, — წამოსცდა ვასიკოს.

— ცოტათი რა...

— უცოდველი, — თქვა ვასიკომ და იქვე გაწითლდა.

— კი, კი, აბა, — დაემანჭა გრიშა, — დამლამობით შენი ატეულია თუ რაღაცაა იმის გასაღებს რომ მაძლევ, არაა დარღვევა ეს?

— აქეთ მამადლი? — ჯერ გაოცდა. ოა გაბრაზდა მერე ვასილი. — აქეთ მამადლი ანგარებას? უ... ესო შენი.

— უსვინდისო ვარ, ამ შემთხვევაში, — ადვილად აღიარა გრიშამ და გაულიმა, — მოდი, გაკოცო.

— წვრილ-წვრილი ცოდვა ყველასა გვაქვს, — შეაჯამა მშვიდობიანად დამთავრებული მცირე შეხლა-შემოხლა კეჩერაძე შალვამ, — მაგრამ ბოროტები ნამდვილად არ ვართ.

— ეგლა გვაკლია...

— აჰ, აჰ, ღმერთმა დაგვიფაროს.

— პოდა, ხელოვნებათაგან, მეც ავიღე და, ავირჩიე უმწიკვლოესი.

— მაინც... რომელი... — მღელვარედ იკითხა გრიშამ.

— რომელი... მაინც... — კიდევ მეტად აღელდა ვასიკო.

— არ გადანცვიფრდეთ, ნელ-ნელა გეტყვით, — თქვა შალ-

ვამ და ზეზე წამოდგა, — ერთი... ორი დაა... რა და საცირკო ხელოვნება!

ერთი ცოლ-ქმარი იყო, ღარიბად ცხოვრობდნენ. ეს ცოლი მუდამ იმას უჩიჩინებდა, წადი, კაცო, მიდექ-მოდექი და რა-ღაცა გასამრჯელო მოიტანე... წავიდა კიკოლი, მიდგა, მოდგა და გასამრჯელო მოიტანა. ცოლს თვალში ისე ეცოტავა, ქოში უკუღმა ჰყარა, მიჰყო იმ თავის ქმარსა პირი და მთელი ქვეყნის ტალახი თავზე ჩამოასხა. რაღა ქნას ამ კიკოლიმ, ცუდადაა საქმე. ერთი ნატვრის თვალი კი ჰქონდა, მაგრამ მსხვილმანი — იმის ნატვრისთვალს მეფური საჭმელების მოგვრისა არა გაეგებოდა რა. სამაგიეროდ, ცაზედ მზე ამოჰყავდა და მიწიდან წყალი. გაუდგა გზას კიკოლი და, აკი იმ ნატვრის-თვალმაც არ უმტყუნა? აი, ზომ კარგი დარი ინატრა, მაგრამ გაავდრდა, გაავდრდა რომ — ხონთქარის ქალის კაპასობასა ჰგავდა. მიდის კიკოლი, ღამეა, წვიმს, სწყურია, ჰშია, სცივა. შემოხვდა გზად ერთი უპატრონო საფლავი და ჩამოჯდა იქვე, აწვიმს, აწვიმს რომ, აეს კიკოლიც ღრუბელივითაა, ჭირსაც წაუღია ჩემი თავი, რაც მომივა, მომივიდესო, გაიფიქრა, აღარა დგება, წვიმს. მაგრამ ქვემოდან ამოუძახეს — ეეჰ, კიკოლი, მანდ რაგინდ დიდი ავდარი იდგეს, იცოდე, მაინც კარგიაო. გამხნევდა ეს ჩვენი კიკოლი, გაუდგა ისევ თავის ბნელ გზას, ეგებ ჩემს ბედს მეც ვეწიოთ, აღარა სცივა, არა ჰშია, არცა სწყურია. გაიხედა და — რაღაცა ბჟუტავს.

— გაგიკვირდათ, ზომ? — დიდად აღფრთოვანდა შალვა, ბედნიერების წათელი ადგა, — ასეა, ასე, ყოველი ღირებულნი საქმე გაკვირვებით უნდა დაიწყოს და, პირველმა ნაბიჯმა რომ გამიშართლა, აეს უკვე რაღაცას ნიშნავს.

აღმაფრენისაგან თავრეტდასხმულსა ჰგავდა, მაგრამ გრიშამ თქვა:

— ის ბოლო ჭიქა არ უნდა დაგელია.

შალვამ გულიანად გაიცინა:

— შენ რა გითხარი... — და უცებ გისოსივით გამკაცრდა: — ეგრევე იჯექით! გაისუსეთ! თქვენი შერხევა არ ვნახო — და მაინც, მერე, რაღაც გაეხახუნა გისოსურ სიმტკიცეზე, ქლიბა ისდამაგვარი, რადგანაც თქვა: — დამიჯერეთ და არ წავაგებთ, ძმებო.

წავიდა, წავიდა კიკოლი, მიუახლოვდა, დააცქერდა და, რა სახედავს: ერთი კიკოლიზედ პატარა, იმაზედ საცოდავი, იმაზედ უბედური, რაღაცა ერთი ბეწო ციცინათელა წაქცეული ხის ფულუროში შეყუჟულა და იქიდან კვნესასავით დროდადრო ბუჟტავს. რა იყო, შე ბეჩავო, რა დაგმართნიაო, კიკოლიმ, იმანაც, რაო და, მცირეა, მშინ და მწყურია, ეგება რამე მიშველო და მერე მეც იქნებ გამოგადგეო. აბა, ჩემნაირ გაჭირვებულს რა შეუძლიანო, კიკოლიმ. იმან კი, სული ზომ მაინც გიდგაო. სულიო, კიო. ჰოდა, შთამბერეო. მერედა, სულიც რომ შენ შთაგბერო, მე რაღა დამრჩესო. სულს რომ შთამბერავ, შენც უფრო შეივსებიო. ეგ როგორღაო, კიკოლიმ. როგორ და, მეც გაგებები და შენც გაგათბობო, იმან.

— სიტყვა ცირკი ლათინური წარმოშობისაა და წრესა ნიშნავს, — როგორც წესი და რიგია, ძირფესვიანად წამთიწყო ახსნა-განმარტება შალვამ, — დიდი მრავალმხრივი დარგი კია, რაც მართალია, მართალია. რაღას არ შეიცავეს — ეს აკრობატიკაო, პანტომიმაო, კლოუნადაო, გიმნასტიკა, ცხენზედ თამაში, ეკვილიბრისტიკაო, ჟონგლიორობაო, მუსიკალური ექსცენტრიკა, ილუზიონიზმი და, ვინ მოთვლის, კიდევ რა. ეს — ახლა. მაგრამ ჯერ კიდევ უძველეს კრეტა-მიკენშიც, გამოქანებულ ხარს რქებში სტაცებდნენ ხელს და მაღაყით გადაეღებოდნენ თურმე, მერე, ძველ რომში, მოგვხსენებათ, გლადიატორობა ბრძოლებსა და ავ ნადირთან შეჭიდებასაც ცირკი რომ ერქვა. თანდათანობით კი, როგორც სდება, ძველი სახეობა-სანახაობანი მოიშალა და ახლებურები დამკვიდრდა, რომლებიც უკვე ჩამოვთვალე, მაგრამ ჩვენ, ძმებმა, ცირკისეული განშტოებებიდან ურთულესი, უმწიკვლოესი და ამამალღებელი უნდა ამოვირჩიოთ, თორემ მიდი და ახტუნავე აქეთ-იქით რაღაც მაიმუნი ძაღლი, აბა, ამაში რა ყრია?

— არაფერი, აჰ.

— ნუ მაწყვეტინებ, გრიგოლ. საცირ...  
 — შენ თვითონ არ დასვი შეკითხვა? ვერ გამიგია ამ...  
 — კარგი, გაჩერდი. იმას ვამბობდი, საცირკო ხელოვნების განშტოებათაგან კი, მეც ავიღე და, პირადად ჩვენთვის, შევარჩიე უპირველესი... უპირველესი... უპირ.. გამაწყვეტინეთ!

— რა!

— რა და, ვასიკო — არ შეგეშინდეთ — რა და, ძმებოჯან, —  
არსად გამექცეთი — რა-ა? — კლოუნადა!

სახტად დარჩენილი ორივე ძმა პირგაკვირვება-კატანაცემი  
ასცქეროდა მესამეს, იმან კი, უცებ არ გამოფხიზლდნენ, და  
მასხრად არ ამიგდონო, კვლავაც აკადემიურ ახსნა-საუბარს მი-  
მართა:

— სიტყვა კლოუნი თურმე ინგლისური წარმოშობისაა და  
ინგლისურ ხალხურ თეატრში, ძველად, ერთ-ერთ კომიკურ  
მოქმედ პირს ეწოდებოდა. მოგვიანებით, ასე, მეთოთხმეტე სა-  
უკუნეში, იმ პიესებშიც შეიპარა დარგობრივად მორალიტე  
რომ ერქვა. გსიამოვნებს ეს სახელწოდება, გრიგოლ?

— კი. იტალიურია?

— მაგრამ ფრანგული. — აუხსნა შალვამ. — მერწმუნეთ,  
ძმებო, ბედნიერებას მოგანიჭებთ აი ეს დარგი.

— ბედნიერება სადღა არის...

— როგორ არ არის, გრიგოლ!

— არა, კი არის, როგორ არ არის, მაგრამ ქუჩაში კი არ  
ყრია.

— ეგ კი, ეგ კი. მაგრამ საერთოდ ხომ მაინც არის, მაგრამ  
სადღაცას მაინც ხომ ხდება...

ერთი საწყალი გლეხი იყო, ისე ღარიბად ცხოვრობდა, შე-  
მწვარ-მოხრაკულის სუნი რა არი, ისიც არ იცოდა. აბა იმისი  
ცოლი და პატარა ქალი რანილა იქნებოდნენ — ღარიბებივე იყ-  
ვნენ, წილებზე იდგამდნენ ფეხს. ის პატარა ქალი ისე ჩამოკონ-  
კილი დაიარებოდა, მეტსახელად კონკიაჟლარუნა დაარქვეს.  
გავიდა რამდენიმე ხანი, მოუკვდა იმ გლეხს ცოლი, ესლა უფ-  
რო გაჭირვებაში ჩავარდა, ადგა და მეორე ცოლი მოიყვანა.  
იმას გერი დაჰხვდა, ძალღან ეწყინა. ის იყო და ის, დედინაც-  
ვალი კონკიაჟლარუნას მტრად გადაეკიდა. სულ იმას ცდილობ-  
და, როგორმე იმისი გული მოეკლა. გამოუხევედა ყოველდღე  
კალთაში კუტს, გააყოლებდა სხვის ძროხას და თან ასე დააბა-  
რებდა: აი ეს ერთი კუტი გქონდეს — ამვლელსაც აჭამე, ჩამ-  
ვლელსაც აჭამე, შენცა ჭამე და შინაც მთელი მოიტანეო. წა-  
ვიდოდა კონკიაჟლარუნაც და იყო ერთ დაღონებაში. ერთხე-  
ლაც ესე გულმოკლული იჯდა მინდორში და მწარედ სტირო-  
და. ჩამოიარა ხელმწიფის შვილმა, მოუვიდა თვალში, ჩაუვარ-

და გულში, შემოისვა ცხენზე, წაიყვანა სრა-სასახლეში და ისეთი ქორწილი ჰქნეს, ისეთი ქორწილი, რომ ქუდები სულ ჭერსა ჰკრეს.

— ერთი რამ კარგად უნდა გამიგოთ, — განაგრძო შალვაძე, — კლოუნადა, ეს, თავიდათავი — თავისუფლებაა, ლექსიკონშიც წერია რომ, ჭეშმარიტი კლოუნის გამონათქვამები სწორედ იმპროვიზებულად უნდა ფეთქდებოდეს, ხოლო ეს სიტყვა, გრიშა-ჩემო, მოგილოცავ და ისე გეტყვი, იტალიურია — იმპროვიზარე — და გაუთვალისწინებელს, სახელდახელოს, უეცარს ნიშნავს, ამა სიტყვაში ისე იქნები, როგორც თევზი წყალში, ასეა, აბა, გრიშა, რა უნდა იყოს ამაზე კარგი?! — როდესაც ჭრელი ხალხის წინ მხოლოდ საკუთარი ნიჭის ანაბარა რჩები...

„მე რაღაც ჩრდილში გამოვდივარ... — გულდაწყვეტით ვაიფიქრა ვასიკომ, — ეგებ მართლა გარიყული და უღოპისტი ვარ...“

— ჩამოვასხათ თითოც, ვასიკო-ჩემო, ჩემო ძვირფასო, — თითქოს მიუხვდა შალვა, — შენი ცოდნით და გამოცდილებით, დარწმუნებული ვარ ორივეს მიშენივრად გვაჯობებ, ეს ჩვენ გაგვიმარჯოს, ჩვენ-ჩვენს ბუნდოვან მომავალს, ხომ არ გგონიათ, ამ ცნობებს რომ გაწვდით, დიდადა ვარ ამ საკითხებში განსწავლული? არა, უბრალოდ, ორიოდ ლექსიკონი გადავათვალიერე, მომაწოდე ეგ პური, და გულმა მიგრძნო, რომ ამ საქმისათვის გამოვდგებით, მაგრამ იმ პირობით, თუკი ერთად ვიქნებით, ერთობაშია ჩვენი ძალა, ისრების ამბიდან ტყუილად კი არ წამოვიწყე ჩვენი შეხვედრა, ჩვენ სოფელ-სოფელ ვიაროთ უნდა, და არემარეს უნდა მოვედოთ, რადგან რომელიცამეტი მეტრი, ანუ თანამედროვე ცირკის კლასიკური დიამეტრი გვეყოფა საასპარეზოდ ჩვენ, სამ ძმა კეჟერაძეთ, გავიფართოვოთ უნდა წრეჩაზი, წრე, და აღვიჭურვოთ ისეთ-ისეთი დამხმარე იარაღითაც კი, როგორცაა ბუფონადა, ფარსი, და კომედია დელ არტეს — იტალიურია ესეც, გრიშა — მოქმედ პირებად გადავიქცეთ უნდა, და სხვადასხვაგვარი კლოუნობის საფარველქვეშ, ჩვენ-ჩვენი მისწრაფებები კომედია დელ არტეს ხერხებითა და საშუალებებით მოვახვიოთ ხალხს ცუდს გუზამთ ამით, თუ რა...

— კი მაგრამ, ვინ დაგვიჯერებს...

— რატომ... მაინც ზღაპრისათვის გაგვამწყეს და... — ჩაილაპარაკა გულდათუთქულმა ვასიკომ.

— დაგვიჯერებენ, მთელ ჩვენს ძალ-ღონეს თუ ამა საქმეში ჩავდებით... რა, არა გჯერათ? გინდაც არ გჯეროდეთ, ძმა არ ვარ თქვენი? — აიღეთ და დამითმეთ ერთი ღერი თვე, დიდი ამბავი... მე ის უფრო მადარდებს, სიტყვა კლოუნს ქართული შესატყვისი რომ ვერ მოვუძებნე, რაზე არ შევჩერდი — მასხარა, ჯამბაზი, ოინბაზი, ბერიკა — მაგრამ ჯერჯერობით ვერაფერი მივუსადაგე, დროებით ისევ საერთაშორისო ტერმინი — კლოუნი ვიხმართ. სიტყვა ძალიან გამიგრძელდა და, მთავარ რაღაცეებს ორიოდ სიტყვით გეტყვით, ალფაბეტურად გადმომგვიღებთ, ანაი — კლოუნი ძირითადად ოთხნაირია, მაგრამ მუსიკალურ კლოუნებად ვერ გამოვდგებით, ეეჰ, დედაჩვენო და მამაჩვენო, რად არ გვატარეთ მუსიკაზე ყურით, თუმცა სად გქონდათ ამის შესაძლებლობა და თავი... მომთვინიერებლობას ვერ ვიტანთ ვერაფერში, რალა დროს ჩვენი აკრობატიკაა და ნუგეზად გვრჩება მეთხეგვარი, ანუ პირველი და მთავარი — მოლაპარაკე კლოუნობა, სწორედ ამ დარგისა ვიქნებით დიახაც და ფრიად, ბანი — მხოლოდ ჩვენი ლაყაფისათვის არ შეგვიგროვდებიან და, გრიშა, ხომ გეგულება ვინმე ცირკის მსახიობი მეგობარი ქალი?

— რამდენიც გინდა, ესლა სწორედ შევებულება აქვთ.

— ძალიან კარგი. და მათგან თოკზე მოსიარულეც ხომ არ გყავს?

— კი, კაცო.

— ოო, შესანიშნავია, შესანიშნავი. ხომ წამოგყვება?

— სახალინზედაც.

— არა, შე კაცო, აქვე ავიყვანთ, სადმე, ზემო იმერეთში, ჩემო ბატონო. და ერთი ჟონგლიორი და-ქალიც წამოაყვანი-ნე.

— არის.

— კარგი ხარ, გრიშა, შილიფად გამოწყობილი ქალები ხალხს მოგვიზიდავენ და ჩვენც ვისარგებლებთ ამით, განაი — მოსამზადებლად მთელი თვე გვაქვს და, რამდენსაც კი შევძლებთ, იმდენი თანხა დავაგროვოთ უნდა.

— რაც თბილისსა და იმის შემოგარენში აშლილი და დან-  
ჯღრეული რთილ-პიანინოებია, ყველას საათივით ავაწყობ.

— აუარება სკოლა-უმალლესდამთავრებულთა ჯგუფურ და  
სოლო-ფოტოებს დავებჭდავ.

— ძალიან კარგი. მეც, სადმე კერძო მუშად ვიმუშავებ და  
ვიშრომებ, დონი..

და აი სწორედ აქ, ამ ყოფაში რომ იყენენ, წამოადგათ  
თავთ ორი მოულოდნელი დევი და, სამთავე, ბოთლებდამამ-  
ტკიცებელ-საბუთიანა, საზოგადოებრივი წესრიგის დარღვევი-  
სათვის, სადაც ჯერ არს, ესე იგი, იქაურ მალღივ სადევროში  
მიაბრძანეს. ეპ...

### 3.

საშუალო ბუხპალტიერ-ინტელიგენტი გაიოზ ჯაში, წელი-  
წადი-თერთმეტი თვე საქართველოს დედაქალაქ თბილისში  
ცხოვრობდა, ხოლო შვებულებას ატარებდა სოფლად.

აი, ხომ თითქოს ჩვეულებრივად უნდა მიდენილიყო მისი  
ცხოვრება — ზომიერი სმა-ჭამა, ძილი, გაღვიძება, ავტობუსი,  
ანგარიში, ოჯახი, დაძინება, რამე, მაგრამ გაიოზ ჯაშს ერთი  
უცნაური რამ ფრინველი სჭირდა. არავინ იცოდა იმა ფრთოს-  
ნის ასავალ-დასავალი, როდის რა მოეგუნებებოდა, ამისა ვე-  
რავინ უწყობდა რა. დაუბარებლად გამოვიცხადდებოდა: აი, ზის,  
ვთქვათ, მთელი დღის ანგარიშით თვალებაჭრელებული გა-  
იოზ ჯაში ტელევიზორთან და სასარგებლო გადაცემას უყუ-  
რებს; ან, ვთქვათ, არანაკლებ სასარგებლო გაზეთს კითხუ-  
ლობს, არა? — უეცრად, დააფრინდებოდა ზედ ქვეყნის წყეუ-  
ლი, აღარც კითხვას ანებებდა, აღარც ცქერას, თავიდან ნელი-  
ნელ, ჩუმჩუმელურად ჰკორტნიდა, აღარ და აღარ მოეშვებო-  
და, ხან ტაშიტუმს დასძახოდა, ხანაც ვაიმე-ვუიმეს, თავის  
ოთახში შეიპარებოდა გაიოზ ჯაში, მორცხვად ლუღლუ-  
ღებდა დამეხსენ, დამეხსენ, ქალაღდის მადღმა, აბა რო-  
მელი ჩემი საქმე შენა ხარო, იხეწებოდა. აბა... გაგი-  
გონია?.. ხვეწნა კი არა, ხმლით და მუგუზულით ვერ მოიშო-  
რებდი — უხილავი და აბეზარი იყო. თანაც, თვალთმაქტი —  
მასჩიჩინებდა: აი, აი დამიჯერე და აი ნახავ, თუ არ მოიგებ,



მიჯექ, მიჯექ მაგ მაგიდსთან, ეგრე, მიდი-მიდი მოიმარჯკე  
ევ ბატის ფრთა, ჩააწე, ბიჭო, სამელნეში, რა გეშინია, კი არ  
გიკბენს, მიდი ჰა, ეგრე, და აი ნახავ, თუ არ მოიგებ, და თუ  
არ მოიგებ, მანინც ხომ არას წააგებო... ვაჰ, წაგება არ იყო გა-  
ნა ის მიგდებული გაზეთი? ანდა, წაგება არ იყო, სხვებს რომ  
ტახტრეგანზე არხენიანდ უნდა ეკოტრიანათ, გაიოზ ჯაში მა-  
გიდასთან უნდა მჯდარიყო და სულ გიტმაყური სიტყვები ეპებ-  
ნა... წაგება იყო, მა რა ჯანდაბა, სხვები რომ დომინოს ატყა-  
პუნებდნენ და კარტაობდნენ, იმას იმ ანც-მანც სიტყვების  
ძებნაში სულ თავ-პირი უნდა ემტვრე... ისე, ეს, ცოტათი  
თვითონაც უნდოდა... შემოიჩვია, რაღა.

ლექსი იყო, პო. — :

ქორს შეუყვარდა ქორლი,  
უთხბა, მემი სარ, ტონლი...

აი, ხო ვითომ ვერაფერია, არა? აი, ხომ ვითომ დიდი ვე-  
რაფერიშვილია, არა? ვნახოთ.

ერთხელაც, აბა;

ქორს შეუყვარდა ქორლი,  
უთხბა, წენი სარ, ტონლი...

აი, ხო ისევ ვერაფერია, არა? რაღაცა მანინც არი. რა და,  
ცოტათი შორიდან მოვუაროთ, კარგი დედ-მამის შვილებო:

აგერ, ქვეყანა ხომ დილია, ქვეყანაზედ კი ადამიანები და-  
დიან — ერთი, ორი, ერთი, ორი, ჰაიდააა, მიდიო... მაგრამ ვის  
საით გაუწევია, ან რას აპირებს, ერთიმეორისა ნაკლებად  
უწყიან. ნით უმეტეს რომ, ზოგმა თავადაც არ იცის, საით მი-  
ჩინდრიკობს. მაგრამ სუყველას რაღაცა გვინდა... აი, ზოგ-  
ზოგებს რომ რაღაცები გვინდა, აის ცუდია, ზოგიერთებს რომ  
გვსურს — ის კიდე, კარგი. მაგრამ რა რაა და ვინ როგორი,  
მიდი, გაიგე... ლამის ძნელია. რაღაც-რულაცებს რადგან ძლი-  
ერ ესწრაფვიან, კარგი ჰგონიათ და შიგადაშიგ ისე არიან ფუჰ-  
კუდიანის ხელით დაქოქილ-გაფაციცებულნი, ქვეყნის საც-  
ქერლად დრო აღარ რჩებათ, მიაშ. ქვეყანა კი სავსეა,  
კარგი, სულ შენთვისა დვას, სხვები არას გიშლიან, ყვე-  
ლამ უცქირეო რამდენიც გინდათ, ვერ აიტანს თუ რა.

აბა, საქმეა — უშენოდ თენდება, უშენოდ ბინდდება, არაფერ შუაში ხარ; სულაც არ იცი და მამალი ჰყვივის, წვიმა სველია, სხვა არაფერი, აეს, საქმეა? ზოგნი არიან, არც დაიჯერებთ, სხვისა კარგი ჰშურთ და, სულ იმისი დარდი არ ექნებათ, როგორ ამოდის მარიხ-ვარსკვლავი? ან, მე რომ ვქაქანებ, განა მე ვიცი... ეგეთები ვაართ. ისე კი, გვეკუთვნის თუ არა, მაინც როსუ ხვავი და ბარაქა გვინდა? ვნატრობთ, ვნატრობთ და ვისურვილებთ კიდევ: ჭირი იქა, ლხინი აქა, ქათო იქა — ნეტავი სად იქა — ფქვილი აქა, მთას ურემი ავაგორე, წამოვიდა გორებითა, აქ სიცოცხლით გამოძეხით, საიქიოს — ცხონებითა, ვიში ტაშინილ ფანდურილი რამე... მერედა, ამას რით ვიმსახურებთ — წავიდა, მოვიდა, მოიტანა-თი? მაშინ მეც წავალ, მოვალ და მეც მოვიტან, თხა თხაზე ნაკლები რა ვთქვი, ის თუ წავიდა, მობრუნდა და მოიტანა, მე ველარ წავალ და ვერ მოვიტან? მაგრამ რას... აეგ ხანდახან არ ვიცით ხოლმე.

ჰოდა, მივდივართ, და სად მივდივართ, მოგვაქვს, მაგრამ რა, გვინდა, გვაქვს კიდევ და აბა სად არი; ერთი თაგვი იყო, ბევრი ოქროს ჰქონდა, ძლიერ მალავდა, ათასში ერთხელ ზუმჩუმად თუ ამთამზურებდა, ბრწყინვალზედ შიშინა სტკებობდა, მიწაში ღრმად, შიგნი-შიგან დამალავდა ისევ, ბოლოს სხვასავით მოკვდა და ოხრად დარჩა, მე თუკი მკითხავთ, სიცოცხლეში სულ ტყუილ-უბრალოდ ღელავდა ისა, ვწვალობთ, ვჯახირობთ, ნეტა, სწორნი ვართ? ეგებ თავს სულ მეტ-მეტობით ვიტკივებთ და, არ დაგვალონოს ამდენმა ფიქრმა; გამოსავალი? — საბრალო დედაბრისასაც კი, დიპლიპიტო. ადგილობრივები ვაართა. სხვა რაღა უნდა გვინდოდეს ნეტავი, ჰა? თრახი — ირგვლივ კედლები, ჭიშკარზედ შიგნიდან მსუყე ბოქლომი, მოხერხებულ თავზედ ჭერი, მუცელზედ ღიპი და თრახი — ჯიბეზედ თანხა, კაცოუ, კაცოვ, ეს მაინც რამდენს გადავახტით ნაკლულ თავზე, მაგრამ ერთი ეჭვი მაინც, მაინცა გვაქვს — რაგინდ გავდიდდეთ, გავიბეროთ და გავიბრინძოთ, ეგებ შემოდან ცოტათი უფრო პატარები მოვჩანვართ, ჰა? რა იცი, აბა, ქვეყნად რაები აღარა ხდება...

მაგრამ ხანდახან ისეთი სუსხი შეგვიპყრობს ხოლმე, განსაკუთრებით, სხვების მიმართ — რას დანალიჩობთ, აბა რას მიედ-მოედებით, ანდა რაში ჰყლანგავთ სულ სხვა რამისთვის

ბოძებულ გონებასა და დროს, ღირებულს რასმეს — სულაც არ უფრთხილდებით, სისულელეებს — დაჰკანკალებთ, არც სიზმრისა გწამთ და არც ცსადის, და რაგინდ არ უნდა ელოლოათ და გამოიკვებოთ ამტანმუცლიანი სხეული, ბოლოს, იცოდეთ, მაინც გვიმტყუნებს, რადგან ვცვეთთ და ვცვეთთ... ეთქვი მკც ახალი რამე, რაღა... მაგრამ რა ვუყოთ, ეს შესხენება ყველას გეჭირდება და, ბარაქალა შენ არცთუ ძალიან იშვიათო, მაგრამ მაინც გამონაკლისო, გაიოზ ჯაშო!

აკიხსნი, რატომც ბარაქალა შენ. —

გაიოზ ჯაშო,

სხვა რომ ოხრობას ჩაიფიქრებს და იყინება, შენ იმ დროს უცნაური შუქით გითბება კუმშვადი გული, თქვენ ლექსებსა მსწერთ. თანაც, მალვით,

პატივცემულო გაიოზ,

ვგონებ, არა აქვს გადამწყვეტი მნიშვნელობა იმას, თქვენი ლექსები ძლიერ კარგია, ნამეტურ სუსტი თუ მეტისმეტად საშუალო. მთავარი მაინც ისაა, ადამიანი სამეღნეს რომ შეავსებს, ახლოს მიიჩოჩებს და მოძიებულ ბატის ფრთასაც წამოავლებს ოდნავ, ცოტათი ათრთოლებულ ხელს, უკვე კარგია. რაღაცა ხდება არცთუ ისე ჩვეულებრივი,

გაიოზ ბატონო,

ეგ არაფერი, ბატის ფრთებით ჯუჯა დიდკაცებს ათასნაირ დადგენილება-ოხრულ-წესდებაზედ რომ მოუწერნიათ რეგენი ხელი, ეგ თქვენი საქმე და ბატის ფრთა ძალიან სხვაა, თქვენ სხვანაირი ფრთოსანი გიწიწკნით ლტოლვით შეძრულ სულს,

დიდად პატივცემულო გაიოზ,

თქვენივე სული გაჯანჯლარებთ და არ გასვენებთ, თქვენ სულის ქლიბით იცრეცთ და ებრძვით გისოსურ ნაღველს, საშეულს დაეძებთ. ლექსის კაცი ხართ, მაგრამ ეგებ სულაც არ იცით, თავისუფლება რომ ძლიერ გიყვართ, მაგრამ სადაა ასეთი ლექსი, თქვენ კიკოლივით ღამე-ბნელში დაბოდილობთ, და ცადაწვდილი კოცონის ნაცვლად მისუსტებულ ციციანათელას თუ წააწყდებით სადმე, ხომ მაინც კარგი,

ღრმად პატივსაცემო გაიოზ.

იმ ძიებაში თქვენი სულიდან ვიღაცა თითქოს ხის კოვზით

ხაპავს ყოველნაირ უწმინდურებას, ნათლით ივსებით; კაცო რომ ლექსებს წერს: რალაცა უყვარს, ანდა ვილაცა, ორთავ — კარგია,

ბატონო გაიოზ,

თქვენ სხვებსეუფ ეშმაკისაკენ ვერ გაგექცევათ შეყვარებული თვალი, რადგან კეთილი ტარტაროში დაგუფლებათ, იმ თქვენს საქმეში ტარტაროშიც კი შეიძლება კეთილი ბყოს, ლექსების წერისას რალა არ ხდება, და, სიყვარულის გამოისობით, თავად ბრძანდებით —

მცირე უფალი გაიოზ,

რა მოხდა მერე, სუსტ ლექსებს რომ წერთ, მთავარი მაინც ისაა, უცხო ნაკვერჩხლები რომ გიღვივით გულში, სულშთასაბერი; ისიც არაფერი, ხანდახან ჩუმად თავი რომ მოგაქვთ, დიდი ამბავი, ცოტ-ცოტას ყველანი ვიპრანჭებით, ეს პოეზიის და-ქალია — შიგადაშიგა არტისტიზმი, სამაგიეროდ ეჭვებიც ხომ გლრღნით, ეჭვებზე — შემდგომ, საქართველოში ძალზედ ძნელია ლექსების წერა, და მაინც, მაგრამ, რა უჭირს მერე, ხანდისხანობით,

ქორს შეუყვარდა ქორლი,  
უხხრა, იემი ხარ ტორი... — ს.

გაიოზ ჯაში ფარულ ლექსებს ქერდულად წერდა.

#### 4

გათენდა მშვიდობის დილა.

საქართველოს ერთ-ერთ რაიცენტრ საჩხერეში ჩამოდგა მატარებელი, გულის გამხარებელი და, სხვათა შორის, ჩამოიყვანა სამი ძმა კეჟერაძე — შალვა, ვასილი და გრიგოლ.

სხვათა შორის ცუდად არ დახვედრილან: ჩაპბერეს გაზირებმა ღოროტოტოებს და გამოიფინნენ ძმათა საპატივცემულად შირაზის ვარდებით მორთულ ბაქანზედ და შეეგებნენ ძვირფას სტუმრებს დიდი ხონთქარი თავისი ქალით და ჩრდილოთ ხელმწიფე, ზღვათა მეუფე თავისი სამთითათი და პლატიზის თევზი, საგანგებოდ გაკრეჭილ-გაპარსული ცხრათავიანი ბაყბაყდევი მუხლთაშ დაკრული ლეიკოპლასტირით, მთ-

ვინიერებული თოვლის ადამიანებიც რიდით წარუდგნენ, იქვე გასუსულიყვნენ ნახევარქათამა და ხანდახანუმაშვილი ოლეგ კოჩიას ძე, ბოთლიდან პატიოსანი სიტყვით ხანმოკლედ გამოშვებული კვამლ-ღვეობიძა და ქონდრისკაცების ზორბათბელადი, ერთი კუდიანი და ერთიც უკუდო დედაკაცი ფერხთით სულ ოქრო-ოქროებს უყრიდნენ, ვასიკოს გამორჩეულად მიართევს დიდი ვერცხლის ლანგრით თვით სტენდალისაგან (ანრი ბეილი) გამოგზავნილი წითელი და შავი ხიზილალა, დამხვდურთა შორის გაფანტულიყვნენ თვით ფადიშაჰი და იმისი მზეთუნახავები, მუქი სათვალე ეკეთათ, ჩულურეთელი დიპლიმატი და იმისი დასტა, გუნდი და გუნდი კინოვარსკვლავთა, ძველ რომაელთა საპატიო ყარაულ-კოპორტები და... და... აბა რას მივედ-მოვედებით, იმათ არავინაც არ დაჰხვედრიათ, ისე ჩავიდნენ; აბა ვინ უნდა დახვედროდათ აიძმებს იქა? ერთი ყმაწვილი წაკუზულიყო და ფეხსაცმელზე თასმას იკრავდა, და ვილაც ქალი ოხრაჩუმს ჰყიდდა, ეს იყო და ეს; მაგრამ არც უწვიმნია, არც უქუხნია და მზე მალლა იდგა — როგორცა ჩანდა, იქაურობამ მიიღო ქმები.

და თითქოს ამის სამადლობლად, მათგან საშუალომ თუმც უნებურად, მაგრამ მაინც მსხვერპლი შესწირა — დაიხედა ვასიკომ და, ერთ-ერთი ღილი აღარა ჰქონდა. ოღონდ პიჯაკზე.

მაგრამ არ იყო ვასილ ჯაბანი, „ერთი ღილის ოხერი ფოლაქის დედაც ვატირო,“ გაიფიქრა.

კარ-გია საქართველო, რა თქმა უნდა, სანხერცე. მიმოიხედ-აიხედეს და დაინახეს მთები, მთის დანახვას რა უნდა საქართველოში, არაფერი, თვალი, თუმც თვალი როგორ თუ არაფერი, თან მთები აქ რაღაცნაირად სხვა იყო, შემოიძერული სითბოთი გამსჭვალული, აქ რბილი იყო თითქოს ყოველივე, დამყოლი თავაზით გაჟღენთილი, ადამიანები, ცაც, და ერთი სული კი ჰქონდათ, დამდგარიყვნენ და ეცქირნათ, მაგრამ ურჩი სხეული რადგან თავისას ითხოვდა, გაიკითხეს და პირველსავე „კაფე-თესე“-ში შევიდნენ და ისაუზმეს და გადარჩნენ, არც დაწამლულან და არაფერი, მართლა ისე კი არაა საქმე, ბიძის რძესა და მამის ჩაივით შეერგოთ გულიაში და ქაბაბი.

მაგრამ ხელოვნება თუ რაღაც ამგვარიც რომ თავისას ითხოვს? იმათაც, სხვა რომ ვერაფერი შეიღრწიეს, აიღეს და კუნდ-

ტურისა და დასვენების პარკში შევიდნენ, ვეება ზურგჩანთები ახლალა მოიხსნეს, წინ დაილაგეს, მერხზე ჩამოსხდნენ, და თავიდან კეთილგანწყობით კი ათვალეებდნენ მოცემული ბალის ფლორას, მაგრამ გრიშამ ბოლოს მაინც ველარ მოითმინა:

— გამაგებინა ერთი, რატომ ქვია ამ პარკია თუ რაღაცას კულტურულიც, გამაგებინა და მომკლა შავი ხმლით მერე.

— აბა? — მსწრაფლ დაეთანხმა შალვა, — დასვენების რომაა, კი ბატონო, ვზივართ, მაგრამ კულტურა რა შუაშია...

— კულტურა სულ სხვა რამე არის, — მოიწყინა ვასიკომ.

— ჭადრაკს ვთამაშობთ, ბატონო, აქ, ისე კი არაა ის...

მიმოიხედეს, არავინ ჩანდა.

— პარკის ადგილის დედა იყო, — მეყსეულად მიხვდა შალვა.

— რამ გამადედავა, ბატონო — თქვა ციდან ჩამოვარდნილმა იქაურრკინიგზელმა. იმავე მერხზე იჯდა და უკიდურესობამდე გადაშლილ გაზეთს დაკვირვებით ჩაჩერებოდა, არც აუწყევია თავი, — აგერას, გაზეთსაც კი ვკითხულობთ. მშვენიერი და კარგად.

— რომელი კულტურა ჭადრაკის თამაშია, რაში გაგყავთ, თუ იცით, ძვირფასი დრო? — ზომიერად აღელდა ვასიკო.

— აბა, არ ვარგანა ჭადრაკი? — კვლავაც თავაულებლად იკითხა რკინიგზელმა, და თავადვე იპასუხა: — მოშაშებმამც კი შემოიარეს მსოფლიო და იჯექით აგერ ამ ბაღში თქვენ... — და ძმებს შიგ კაკალ გულში მოარტყა. — მაინც უფასოა და...

„ამისი წარმოსახვა რა ვთქვი... — მწარედ გაიფიქრა ვასიკომ, — ასეთებია, ლიტერატურას თავისი ჭკუით წყალს რომ უყენებენ... ნაღდი ურჩვენიათ, გენაცვალე, ნაღდი...“

— თუ შეიძლებოდა, თავაზიანად ილაპარაკეთ, — გაუმკაცრდა რკინიგზელს გრიშა.

— რა ვთქვი ახლა მე მაინცდამაინც ისეთი, — არ დაიხია კაცმა. ანდა სად უნდა დაეხია, ზურგიან მერხზე იჯდა, — კულტურაზე ჩამოვარდა ლაპარაკი და, მოგახსენეთ მეც ჩემი აზრი. კრიტიკა ადვილია, ბატონო, რას მათცივლით ამ თხერ ძვირფას ჭადრაკს... აბა და თუ კაი და მაგარი ბიჭები ხართ, გაზეთი რატომ ვერ ახსენეთ აუგად? — შეიცადა, — გეტყვი, — მალ-

და ასწია თითი, — კულტურული ცხოვრების ქორნიკებიცაა შით, და იმიტომ.

— განვედ, ო, განვედ, — ჩაილაპარაკა შალვა, მაგრამ კაცი არა შესწრებოდა: — ჭადრაკი არ ვარცაო, უიმი, უიმი, სულელი ყოფილა აბა ფედერაცია, ფიდემ რომ გაიგოს ეს, გადაირევა მთლად, ჩემთან კიდევ არა უშავს და, უცხოვთან არ წამოგცდეთ ეს თორემ მოგვეჭრება და ისაა ქართველებს მსოფლიოში თავი, კულტურა არ ვარგებულაო, რა გაიგონა ჩემმა ყურებმა, რა გავიგონე, რა გავიგონე ეს, — და გაქრა.

ზღაპარ იყო...

ამოსისუნთქეს და რაღვან შეცბუნების ნალექი არ უნელდებოდათ, სისხლისის მოპოვება სცადეს:

— როდის ჩამოვლენ ის ქალები?

— ზეგ, ზეგ ჩემო შალვა, — გამოცოცხლდა გრიშა, — მანამდე ალბათ დავბანაკდებით, მივეჩვიდით ამ სოფლად, მოვიხედოთ, მოვეწყოთ კოსტად, აბა ჩანამდე ტყუილად რატომ უნდა გავაწვალთ ქალები.

— აპ, ქალების ტყუილად წვალება არ შეიძლება, — თქვა რკინიგზელმა, ისევ იქ არ იჯდა, ოხერი? — ქალი რომ ტყვილა გააწვალო, ისეთს გაწვალდები აქეთ...

— კაცო, შენ მოგზავნილი ხომ არ ხარ? — სუსხიანად დაეკითხა შალვა.

— აბა რა ვარ, — გაიკვირვა კაცმა, — თქვენ მართლ თქვენი თავი გკონიათ საჭირო? — და, შეაპარა: — როგორ, ბატონო, თქვენი ამბისათვის სულ არ გჭირდებათ გაკვრითი პერსონაჟი?

„უყურე ამას, რაღაცები ამასაც სცოდნია,“ — კმაყოფილადაც კი გაიფიქრა ვასიკომ. მაგრამ რკინიგზელი ისევ ზედმეტად გაუშინაურდათ — მერე რა, რომ ზღაპარ იყო, ნამეტანი არც იქ ვარგა არაფერი:

— კაი ქალებია ის თქვენი ქალები?

აღშფოთებული გრიშა სანამ რაიმეს შეუძახებდა, მერხის მხორე კიდიდან შემოესმათ:

— კაი იქნებიან, აბა რატომ არ იქნებიან ვითომ კაი ქალები ამათი ქალები, ტანი ამათ არ აკლიათ და ფხვი.

გაკვირვებულებმა მიიხედეს: მერხის იქითურა კიდევ ად-

ვილობრივი ძალებიდან ვიღაც მეორე იჯდა, საყელოში ცხვირ-სასოცი ჩაეფინა, ფეხი არხეინად გადაეკვანტილებინა ფეხზე, გვარიან მუცელზე ითამაშებდა ცალი ხელის თითებს, მეორე — კეფაზე შემოედო, იყურებოდა წინ.

„გარემოცვაში ვართ,“ — გაიფიქრა გრიშამ.

— ნუ იცი შენ მასე ყველაფრის გადაჭრით თქმა, კოლია, — არ შეეპუა რკინიგზელი და ძმებმა ახლა იმისკენ იქციეს პირი, — ვითომ ჯერ არ მომხდარიყოს ისეც, მშვენიერი კარგი დედამამიშვილს გლახა ქალებთან რომ დაეჭიროს საქმე?

— სად გაგიგია მაინც...

— კიკოლამ რომ ქალი მოიყვანა — მოგწონს?

— რა უჭირს ვითომ...

— არაფერი უჭირს, არა? — დაანამუსა რკინიგზელმა, — შემომამხედუ თვალში.

ძმები ისე მალღიმალ აბრუნებდნენ თავს, გეგონებოდათ, ის მერსი თანამედროვე ზოგბურთის კორტებზე იდგა.

— მიდი მერე და უთხარი პირში.

— მამასხარავებ, კოლია?

— რა გამასხარავება შენ გინდა, მასხარა ხარ ისეც...

— რაო, რააიო...

— რაო და რომ დაყვები ქვეყნის რკინიგზას ზემოთ, ქვემოთ და იქით...

და გრიშამ უცებ იაზრა — დააძრო ჯიბიდან სავარცხელი, გადატეხა შუაზე, ერთი ნახევარი ერთისკენ მიაგდო და მეორე — ეგრეთ წოდებულ კოლიასაკენ; ამოიზარდა მაგრამ რას ამოიზარდა მშვენიერი მთებში... ჩამოეფარნენ ადგილობრივ ძალებს.

ახლა, ყოველთვის ნუ მათქმევინებთ, რომ ზღაპარ იყო...

— ბარაქალა, გრიშა, — მოუწონა საქციელი უფროსმა ძმამ, შალვამ, — ძალიან კარგი ვქენით, რომ მოვითმინეთ და არ ავეყვიოთ.

— ხომ მოვილაპარაკეთ და, — ისე თქვა გრიშამ, ვითღმც დიდი სიტყვის კაცი იყო, — აკი დავთქვით რომ, მთელ ღონეს იმ სოფლისათვის შემოვინახავდით და რატომ უნდა ავეყოლოდით გიდაც...



— ვიგინდარებხ?! — სადღაც შორიდან მოისმა რკინიგზელის ხმა.

— ძნელი ხალხია, ძალიან ძნელი, — აღნიშნა შალვამ, — მაგრამ ვენაცვალე.

ძალიან პატარა სახედარმა კარგა მოზრდილი, სურსათის ტომრებით სავსე ურიკა ჩამოატარა. საკვირველი ის იყო, არავინ მიერეკებოდა, ალბათ უპატრონოდაც მოეხსენებოდა თავისი საქმე და გზა-კვალი. ისეთი პატარა იყო, ერთის შეხედვით ჩოჩორი გეგონებოდათ, მაგრამ თვალებში ისეთი სევდა ედგა, მკაფიოდ ეტყობოდა, ცხოვრების აქამდეც გრძელი და მოსაწყენი ბილიკები რომ ჰქონდა განვლილი. მოსასვეცი კა აბა რისი მოსახვევია, მიეფარა თვალს.

— ჯამბაზებს შეშოვევლე და ვენაცვალე, უხს, — მთელის ეშხით აღნიშნა შალვამ, — ეგენი იყვნენ ჩვენთვის სანუკვარი კომედია დელ არტეს წინამორბედნი და საძირკველის ჩამყრელნი, და ახლა ჩვენც კი გვიდგას და გვათბობს იმათი შორეული სული! ნაწილა, ხოლო ერთი რაჲ ცოველთვის, მუდამ უნდა გვახსოვდეს!

— რა...

— რომ ჯამბაზები თავისუფლები იყვნენ.

— ნამდვილად იცი? — მორიდებით დაეჭვდა გრიშა, — თავისუფლება არცთუ ისე ხშირი ჩიტია...

— როგორ თუ ნამდვილად, — გაიკვირვა შალვამ, — აბა ტყუილად ვიკითხე იმოდენა დამხმარე ლიტერატურა? სუყველაფერი წარმომიდგა და, მოლით, აბა თქვენც, შეძლებისამებრ დაიძაბეთ და მეთერთმეტე საუკუნის იტალია წარმოიდგინეთ... ცხოვრება მხოლოდ ასლა კი არა, მაშინაც დულდა, ხოლო ქალაქის ფერადი გული მთავარ მოედანზე ღონივრად ფეოქავდა, ფეოქდა, რადგან სწორედ იქ ტარდებოდა დიდი ბაზრობა, და იქავ იყო ათასნაირი ქარვასლა-სახელოსნო, საიდანაც რომ კაკუნის, ქლიბვა-ხერხვისა და შრიალის ხმა მრავალფეროვნად გამოდიოდა, იდვა ზანზალაკების ერთი წკარუნი, დიდი ზარებიც — ჟღერდნენ, მაღალშადრევნიანი აუზის ირგვლივ დაიარებოდნენ ზოქალაქენი, სოფლელები და სასულიერო პირნი, გლეხები თავიანთ მარდახიან ურმებთან იდგნენ და ცინცხალ ჭირნახულს სთავაზობდნენ გამეღელ-გამომ-

ვლელთ, ჯერჯერობით სხვის, ჯერაც გაუყიდავ პირუტყვის-მონკენებითი გულგრილობით უტრიალებდნენ მამაკაცები, ქალებიცა და ქალწულებიც ერთნაირად სახეანთებულნი ჭკრეტდნენ ზღვისიქითიდან ჩამოზიდულ სამკაულსა და ტანსაცმელს, კოხტა, მსუბუქი თასები პირთამდე ივსებოდა და მძიმდებოდა ყოვლად უმაქრო ღვინით, სატკაცუნებლები იქაურობას იკლებდნენ, სახეს ცივი წყლით იამებდა გალახული დამწყები ჯიბგირი, ვერ იყო კარგ გუნებაზე, დიდგვაროვანის მორიგ მითითებას სულ ტყუილ-უბრალოდ გაპყვიროდა გულგრილად აღვზნებული ხელფასიანი მაცნე, აჰ, რია-რია და ორმეტრიალი იდგა ისეთი, გადასარევი, მაგრამ ერთგან, სადმე ჩრდილიანში, ყველაზე მეტი ხალხი ქურდებოდა, და სწორედ იქიდან მოისმოდა გულიანი სიცილი და ბედნიერი შეძახილები, იქ, მოყვარული ხალხის წინაშე, თავისუფალი მაწანწალა — თვით ჯამბაზი, გამოდიოდა.

შემალეებულზე უყვარდა დგომა... ჯერ ეს ერთი რომ, უკეთ მოჩანდა, დაა, მეორეც, ხელოვანთაგან გულის სიღრმეში ალბათ ყველამ იცის ღირსია ამალეებისა თუ არა, ზენი ჯამბაზიც კასრს, ან ცარიელა ყუთს რასმე შეირჩევდა და, კონტად შედგებოდა ზედ; ხალხის წინაშე ლალი სიტყვისა და ქცევის კაცი — შვებად მოარული ჯამბაზი იდგა, მოხდენილ სსეულზე მჭიდროდ შემოტმასნოდა ჭყეტელა სამოსი, ქუდში უცხო ფრინველთა მბზინავი ფრთები გაერჭო, ზურგზე გიტარა ირიბად ჩამოეკიდნა, მხარზედ კი პაწია მაიმუნის ეჯდა, რომელიც დიდის მონდომებით ემანჭებოდა ხალხს. ჭეშმარიტ ჯამბაზს რთული მაღაყებისა და ხტუნვა-თამაშის გარდა, სიმღერა, ცეკვა და დაკვრაც აუცილებლად უნდა სცოდნოდა — მაშინ ჯერ კიდევ სრულიად მარტოკინა იყო — და, რაც მთავარია — სიტყვა-პასუხი. იდგა იქ, კასრზე და ყოველნაირ მოულოდნელობას სხარტად, მახვილგონივრულად პასუხობდა, გაუჭირდებოდა თუ რა — თავისით ნიჭიერი იყო. სეკდაც იცოდა: ბოლოს გიტარას გადმოიღებდა, მაიმუნს ფეხზე მიიბამდა — მხარზე რალა ემაიმუნებოდა, რადგან გიტარის თანხლებით დამწუხრებული მღეროდა, თუ როგორ მოკვდა გმირი პექტორი.

— ვინ? პექტორი? — ძლიერ გამოცოცხლდა ვასიკო.

— აბა?! დამსმარე ლიტერატურაში წავიკითხე, რომ ერთი ჯამბაზი სიმღერით როგორც კი მიაღგებოდა იმ ადგილს, სადაც ჰექტორი იმქუსლიანმა უნდა მოჰკლას, თურმე ერთი ვენეციელი თითო თქროს უხდოდა ჯამბაზს მხოლოდ იმისთვის, რომ შეეწყვიტა სიმღერა.

— ეს ვითომ, რატომ?

— რატომ და, გრიშა, ერთი დღით კიდევ რომ გაეხანგრძლივებინა ჰექტორის სიცოცხლე... აი, ასე მძაფრად სჯეროდათ ჯამბაზის მონათხრობისა.

— შენ ხედავ, კაცო? მერე...

— მერედა, იქამდე იხადა თურმე ფული, სანამ მთლად ჯიბეგამოფხეცილი არ დარჩა. აბაა, ჩემო ვასიკო...

— და ჰექტორიც... მოკვდა?

— კიდევ იტყვი, თანხა საჭირო არააო? — წამოიძახა გრიშამ.

— მაგას ვინ ამბობს... — უთხრა შალვამ და ისევ ვასილს მიუბრუნდა, — რაღაცა მკითხე?

— და ჰექტორიც-მეთქი... მოკვდა?

— იმ ვენეციელისთვის, კი.

— ვენაცვალე, ვენაცვალე — ძლივს თავისებურად არ აღფრთოვანდა ვასიკო? — მკითხველი, აი მესმის! — ბედნიერებას ვეღარ მაღავდა: — სულ ჩემი გემოვნებისა არ ყოფილა, კაცო? მთელ ჰომეროსში ჰექტორი ჩემი ყველაზე მეტად საყვარელი გმირია, რადგან ოდისევსი კარგა გაქნილი და ცბიერი იყო, თავის დამცირებაც კობტად შეეძლო საჭიროების შემთხვევაში... აქილევსის გამირობებითაც არ ვარ მაინცდამაინც გადარეულ: — შე კაი კაცო, თუ მშვენივრად იცი, რომ ქუსლის გარდა სხვაგან არსად არაფერი წაგეკარება, გადაეშვები გულადურად, აბა რა იქნება, შუაგულ ომში... ახლა, მე რომ მითხრან, გადახტი, ვასიკო, ვენაცვალე, თერთმეტსართულიანიდან და ნამდვილად არაფერი დაგიშავდება, სალსალამათი, ნარნარად დაეშვებიო, და თუ ის მოქმედი ნაღდი სიტყვის კაცია, გადავხტები აბა რას ვიზამ და ხოხო, რა ვაჟკაცი ვიქნები, ბიჭო?! მერედა, იმ ცალ ქუსლსაც რომ ვერ მოუარა, ეს იყო საქმე? მაგრამ ჰექტორის ცოდვამ უწია... თანაც გაქანებულ ომში ვიღაც ქალის გულისთვის აიღო და გაიბუტა, წამო-

წვა სადღაც მსართეძოზე არხეინად, განზე. მაინცდამაინც პატროკლე უნდა მოეკლათ, რომ განრისხებულიყო? იფ... პატროკლესათვის წაეიდა თავიდან ომში? არა, აჰ... თუ იბრძვი, გენაცვალე, იბრძოლე, რას მიჩერებისხარ და ინაწილებ არჩევან-არადანზე სხვადასხვანაირი მონაცემების ქალებს... აი, ჰექტორი კი, ჰექტორი, — სიამაყით გაიბადრა კიდეც ვასიკო, — კანონიერი მეუღლის სანახავადაც კი ვერ იცლიდა, ნამდვილი ვმირი თუკი ვინმე იყო მთელ ტროას ომში, ვინ და, ვენაცვალე, ჰექტორი! ქარაფშუტა ძმის ვნებიანობისა გამო მუდამ პატროკლეს, აქილევის, ოდისეის, აგამემნონის კოტიკას სამართებელივით ალესილი ხმლის ქვეშ...

— კოტიკა ვიღაა... — დუნედ იკითხა გრიშამ.

— პარიკმახერია ჩემს გვერდით ერთი. იმას ვამბობდი, იმ ვეშაპების ხმლის ქვეშ ჰქონდა ნიადაგ თავი, და ერთხელ, როგორც იქნა და მოიცალა და ცოლ-შვილს დახედა, ისე იყო გადაღლილი, გატანჯული, სისხლსა და ტალახში ამოთხვრილი, ეს მოხდენილი ვაუკაცი ადამიანს აღარა ჰგავდა, და შვილი ხელში რომ აიტაცა, იმისმა შემხედვარემ, შეძრწუნებისაგან იტირა ბავშვმა რა ხასიათზე დადგებოდა?.. და ყველაფერი ეს — სხვისი გულისთვის!

— სხვა არის ბიჭო, ძმა? — გაიკვირვა გრიშამ და მერე სიცელქემ დარია ხელი, — ახლა, მე რომ ქალი მოვიტაცო და დიდი შეხლა-შემოხლა ატყდეს, ჩემთვის არ გამოიღებ ხელს?

— შენ ქალს არასოდეს მოიტაცებ, — ცივად წარმოსთქვა ვასიკომ; ნაწყენი იყო, აღფრთოვანება რომ გააწყვეტინეს, — ქალი ისეთი სულელია, შენისთანას თავისით გამოყვება.

ახლა გრიშა გაბრაზდა:

— როგორ თუ ჩემისთანას! როგორ გავიგოთ ეს...

— როგორც გენებოს, ისე გაიგე.

გრიშა აღელვებისაგან სულს ძლივს ითქვამდა:

— რა ძალიან მოგაქვს რომ მოგაქვს თავი დიდი ამბავი, მკითხველი თუ ხარ... შენ რომ ასე ძალიან იპრანჭები, მწერალმა რაღა ქნას ის თუ ვეფხვია, შენ კატა, კატა!

— ჯერ ეს ეგ ერთი, არ ვიპრანჭები, — მოულოდნელად დინჯად მიუგო ვასილმა, — მეორეც ის რომ, მწერალი ძალიან ბევრნაირად სხვადასხვანაირია, და, მესამეც რომ, მკითხველ-

თა წრიდანაა მუდამ გამოსული კარგი მწერალი, და რაგინდ დიდი ვეფხვი დადგეს, ვეფხვზე მაინც ამბობენ, კატის ოჯახიდანააო, დიას. — შეიცადა, — ხოლო ტროას ყველაზე ცნობილი გმირებიდან, აგამემნონიც, რბილად რომ ვთქვათ, ვერ იყო უბიწო კაცი.

გრიშა დაიბნა, და მერე ისიც შორეული აქილევსივით გაიბუტა ქალის გულისთვის.

— შენი ჭირიმე, ვასიკო, — გაბადრულიყო შალვა, — სწორედ შენთვისაა ზედგამოჭრილი კომედია დელ არტეს ოთხი მთავარი როლიდან ერთ-ერთი ყველაზე ძნელი. რომელი და, — სწავლული, ანუ დოქტორი. მართალია, შენც იმასავით სასაცილოდ უნდა აურიო ერთმანეთში ძირითადად ჰუმანიტარული ცოდნის ნაფლეთები, და ათასგვარი სიტყვრეებიც უნდა იძახო, მაგრამ ამას მაინც კარგი ჯანათლება უნდა, სწორედ ისეთი, შენ რომ თავისუფლად მოგეძევა. თანამად ვამბობ: გამოდგები, კი, და შენიც დიდადა მჯერა, ჩემო გრიგოლ, მაგრამ გამაჩერეთ, გამაჩერეთ, ისედაც ძალიან შევტოპე ახლა, კარგია, კმარა, აკი დაგპირდიო რომ, იმ სოფლამდე ჩვენს მომავალ საქმიანობაზე კრინტს არ დავძრავდი, დღევანდელი დღე აქ გავატაროთ როგორმე. ხვალ კი უთენია დავადგებით გზას, გათენებისას უნდა შევიდეთ იმ სოფლად, რომელიც მოგვეწონება და იქ დავბანაკდეთ, ხოლო წარმოდგენები მეზობელ სოფლად უნდა გავმართოთ, რადგან — მაყურებელთა გვერდით თუ დაიძინებ, გაიღვიძებ და სმა-ჭამას მოჰყვები, შეგიშინაურდება და შენსას აღარაფერს, განსაკუთრებით კი ხელლოვნებას აღარ დაგიჯერებენ, რა ვქნა, ასეა ხალხი მოწყობილი, გენაცვალე. ჯერჯერობით კი ნებისყოფიანად ჩავიკმინდოთ ხმა, ვისხდეთ წყნარად აქ და ამ საწყისი მიდამოთი დავტკბეთ და აკლიმატიზაცია რა ქართულია, შეგუება გავიაროთ.

...ავიღოთ საქართველო, კერძოდ, მისი საჩხერე, მოდივნასოთ იქაური ბაღი, ჩავდგათ მერსი შიგ, დავსვათ ზედ სამიღე ძმა კეჟერაძე და ვიყოთ პატარა ხანს ასე.

აი, ხომ წყნარად ყოფნა დათქვეს, არა? მაგრამ კაცი ბჭობდა, ღმერთს ეღიმებოდაო... დაუდგრომელი გრიშას გამოისობით, შემდეგნაირი ამბავი ჩატარდა და მოხდა:

ხომ არც ერთი არ იყო დიდი დალაგებული, მაგრამ გრიშა

მინც, უფრო კვიმატი გახლდათ. თან, ვითარებაცა და შემთხვევითობაც რომ უნებლიე დანაშაულისკენ უბიძგებდა და ხელს უწყობდა? დაისედა და, რას ხედავს — შურდული, კაცო. ეგერ ე, იქვე, ფეხებთან არ გდია? გაესარდა გრიშას, ბაღლობა გაასხენდა, აუჩქროლდა გული, დასწვდა შურდულს, შეათვალიერა — წესრიგზე იყო. მიმოიხედა, კონსერვის ცარიელა ქილას რა გამოლევს კულტურის პარკში, ხელად მოიძია გრიშამ ერთ-ერთი, კერძოდ — ნაშპროტალი და დადო კიდეც სასაზნედ ღობეზე. ძვეს გაღმით ცარიელა ქილა, დგას გამოღმით გრიშა, შუაში არც მდინარე წაუდით და არც არაფერი, მსოფლოდ სუფთა ჰაერია, გაჰკრა გრიშამ შურდული, მოარტყა კოხტად მიზანს, აისრულა საწადელი, ღობის იქით გაადენინა ცარიელა ქილას ბლუშპ-ი. გაეხარდა გრიშას წარმატება, გათამამდა, მოიძია ასლა უფრო რთული სამიზნე — პენიცილინის პაწაწკინტელა ბოთლი, დადგა ისიც ღობეზე, გაჰკრა შურდული მეორედ და, არ ააცილა? ეწყინა გრიშას წარუმატებლობა, მაგრამ რისი გრიშა იყო, ისტიბარი არ გაიტეხა, კენკის მცირეწონიანობას გადააბრალა ყველაფერი, შეიძინა თავისი მოსაწონი ქვა, მოათავსა კუთვნილ ალაგას, ძმებიც გაფაცოცებით შესცქეროდნენ, გაჰკრა ღონივრად გრიშამ მესამედაც შურდული და, აცდენას ვილა დაეძებდა — არ ჩამტვრია რომელიღაც დაწინაურებული დევის ორსართულიანი სახლის ბროლის შუშა?

აი, ხო ერთმა ძმამ დააშავა, არა? მაგრამ სამივენი ისე ვარბოდნენ როო? — ქუსლებს სულ ზურგჩანთაზე იბრაგუნებდნენ. მსწრაფლ გადაირბინეს საჩხერის მიმზიდველი სანახები, გადაასწრეს ჭიათურისკენ კუსავით მფრინავ სარაიცენტრთაშორისა ტროლეიბუსს, დროდადრო შიშით ისედებოდნენ, ვანთუ დევი მოკვდევსო; დევიც ეშაადებოდა, რაღა: ჩაიცვა კარგი სპორტული ფეხსაცმელები, ჩაისხა შიგ ბენზინი ერთში ცოტათი მეტი, რადგან იმ ფეხით ცოტათი ჰკოჭლობდა; დახვეტა, რაც კი რამ ჯარიმის ქვითრები და სასტიკი გამათრახების ორდერები ჰქონდა; ახალი ნასაუზმევი გახლდათ და ბარე ეზარებოდა კიდეც დევნა, მაგრამ დევი აბა რილასი დევია, რა შვილი იყო ვინმესთვის რამე შეერჩინა? თანაც იურიდიულად მართალი გახლდათ, შეისუნთქა ღიპი, ძლივას მოიკაკვა და

გამოაჩინა ტახტქვეშ საიდუმლოდ შენახული მფრინავი ხალხია, წვალებით გაიმართა და სიზარმაცემ ფარია ხელი, მაგრამ დამსხვრეული შუშა რომ დაინახა დეკურად გაბრაზდ. ისევე, გაიწია ღონივრად, გამოაღო წითელი როიალის თავსახურავებით აწყობილი ქერამდე კარი, მაგრამ შემოველი. თავთ ძმების მფარველი ანგელოზი, აბა რომელი მოსაფერებელი ის დევი გეყვანდა მაგრამ მოეფერა, დაუყვავა: აბა რაო გინდა, გენაცვალე, რო დაედევნო, გაუშვი, გენაცვალე, წავიდნენ თავიანთ გზაზე, ამ რაღაცა ერთი შუშის გულისთვის უნდა შეჰსწახდო? ხომ დამიჯერებ, ჩემი ბიჭი, დაეხსენ მაგ საქმეს, ბენზინის ფული უფრო მეტი დაგიჯდებაო. ის მე ვიცი, რაც დამიჯდებაო, გაიფიქრა დევმა, იმათ ყველაფერს ერთი-ათად ვაზღვევინებო, თქმით კი ასე თქვა: მაშ რად დამჩაგრეს, რათა, უსამართლობას ვერ ვიტან, მაჟრიალებს, სამართლიანი ვაარო. სამართლიანი კი არა, ქოფაკზედ ავი და ძუნწზე წუნკი იყო, დაავლო კეტს ხელი, დახვავდა იმ თავის ხალიჩაზე და აბაა, ჰაო — კინალამ დასძახა კიდევ და ვაი და ვუი პატარა ხანში იმ ჩვენი ძმების ბრალი, მაგრამ, ბედად, ცა მოიღრუბლა, წარბი შეიქრა, შავი ღრუბლების ზეწარი გადაიფარა, დაიქუხა, დაივრიალა, გააგრიალ-გამოაგრიალა თავისი რკინის ბურთები ცაზე და, კოკისპირულად დაუშვა წვიმაა. მოიქექა კინკრიხო დევმა, დაეზარა ფრენა იმ თავსხმაში, ვერ იყო მაინცდამაინც საფრენოსნო ამინდი, მთქნარებაც მოუვიდა, დაუზარელი კი ვაარ, მაგრამ ერთ შუშას ხომ ვერ გადავყვები, ერთი შუშის ოხერი პატრონი ჩემი მტრის სუყველაფერიცაო, აბლაუბდად გაიფიქრა, თქმით კი ასე თქვა: კეთილი ვაარო, შებრუნდა უცსოდ ძვირფას, მაგრამ თავისი გემოვნებით მორთულ კაბინეტში, გაგორდა ეს ქართული დევი რუმინულ ტახტზე და მაშინვე ისეთი ხვრინვა ამოუწვა, რომ თავით დადებული საამაყო წიგნი — ცრეჩაინდ ვაშალომიას მეოთხე ტომი პირველსავე მიხვრანვით 1739 გვერდზე გადაშალა.

ძმებმა კი ამეპისა არა უწყოდნენ რა, კისრისტებით დაეშვნენ დაღმართში, ეს შედარებით ადვილი იყო — დიდი ზურგჩანთა ბეჭებზე აწვებოდათ და მიარბენინებდათ, გაივაკეს მერე, გადაუსწრეს აავსხმაში ჩაფიქრებულად მიმავალ ბეჩავ

კიკოლის, გადასერეს მეორე რაიცენტრი — მრეწველობისაი-ვის სასარგებლო წიაღისეულით ცნობილი ჭიათურა და გააკვირვეს ქუჩა-ქუჩად აივნებქვეშ წვიმას თავშეფარებული რამდენიმე ათეული ჭიათურელი, აედევნენ მერე ნავარძეთისკენ ამაველ მტრისას იმისთანა აღმართს, ქოშინ-ქოშინით ააღწიეს მალლა, მაგრამ აღმართი არა ცხრებოდა, კაცხისკენ ისევ გამძაფრდა, თანაც ტალახში უწიათ სრბოლამ, რადგან დიდი გაბრაზებული ბრონტოზავრი სულ ხრიალ-ხრიალით თხრიდა მიწას და ვზაზე აპნევდა, მაგრამ რა შეაჩერებდა ძმებს, ექსკავატორის სათვალღიერებლად კი არა, კაცხის სვეტის ხილვისთვისაც არ ეცალათ, თვით შალვამაც კი მხოლოდ გაკვრით ააყოლა თვალი, გადაუხვიეს მერე მარჯვნივ, სწორზე სირბილით პატარათი მოითქვეს სული, და, ისევ აღმართი არ წამოიწყო? მაგრამ შეუპოვარი იყო შალვა და პირადი მაგალითით ძალას მატებდა სვითოსავით ძმებს, შეისუნთქეს ერთიც და ჩამოიტოვეს აღმართში სულ ცახ-ცახ-ხროტინით ამაველი სველი ავტობუსი, კვლავაც და კვლავაც აიჭრნენ მალლა და უბრალო, განბანილი, წვიმაში მორჩილად მდგარი მშობლიურივით სოფლის დანახვაზე მოეცათ გული, და რატომღაც პირველსავე არა და, მეორე მოსახლის ჭიშკარში შეცვივდნენ, სწრაფი ნაკვალევი დატოვეს პაწია მოლზე, კიბეზე აცვივდნენ და აუტყხეს წიფლის კარს ერთი რახარუსი.

გამოიხედა მასპინძელმა, კარგა დაბნეული ჩანდა, ბატის ფრთა შერჩენოდა მარჯვენა ხელში. სალამ-გამარჯობის თქმაც კი დაავიწყდა ორსავე მხარეს, რა იყო, რა მოხდაო, იმან, პარიქა, დევი მოგვდევს და ვერ შეგვიფარებო? — ამათ. ვინაო? — იმან. დევი, დევიო, ამათ. კი ბატონო, მობრძანდით, მაგრამ დევს რა უნდა ჩვენს დროში, მეოცე საუკუნის ბოლო მეოთხედშიო, გაკვირვებულმა, იმან. ოო, ეგრე ვიძახოთ და რომ ამოგვკამენ მთლად, მერე დავრწმუნდებით ყველანიო, შალვამ. მობრძანდით ბატონო, მოითქვით სულრო, იმან. ამ ჩვენმა ძმებმაც აიღეს და შევიდნენ, დადგნენ ოთახის შუაგულში, შემოივლეს ირგვლივ გუბეები, შეათვალღიერეს კარ-ფანჯარა, კედლები, ჭერი, სწორედ საიმათო ჩანდა სახლი — ხისა, უბრალო, დალოცვილი, ძველი. ამასობაში მასპინძელმაც თავისი ქნა — მაგიდაზე გაშლილი რაღაც ნაწერები შეაქუჩა, გაზეთი სწრაფად გადააფარა და ბატის ფრთაც ქვეშით მოაყოლა.



მერეღა გაასსენღა წესი და აღათი:

— გამარჯობათ, ჩემო ბატონო, — წარმოსთქვა შალვამ. — ხომ ვერ გაგვათეუინებღით აქ?

— გაგიმარჯოთ, მაგრამ მარტო ვარ მე აქ და...

— ძალიანაც კარგი. რამდენოთახიანია, პატივცემულო, ეს თქვენი ბინა?

— ორიანია.

— მთლად უკეთესი. მაშინ, მოგვაქირავეთ ერთი ოთახი, ძალიანა გთხოვთ, რა იქნება?!

— ქირა რად მინდა, პატივცემულო, მაგრამ ერთი ხელულოგინი მაქვს ჩემთვის მარტო, დროებითა ვარ.

— მაგისი დარდი ნუ გექნებათ, ზეწრებიანი საძილე ტომრებით ვართ წამოსული.

— მობრძანდით, ბატონო.

შალვამ ზურგჩანთა მიძიმედ ჩამოდო და თქვა:

— კეთილი იყოს ჩვენი ფეხი.

— იასშიოლ... ეე, — მადლობთ.

— ახლა, ნამეტანი კი მოგვდის, მაგრამ, ჩვენც ჩვენდათავად ორ სტუმარს ველით, და იმათ დავაბინავეთ თქვენგან ასე კეთილად ბოძებულ ოთახში და, ჩვენ აივანზეც კი მოვთავსდებით.

— რა საკადრისია, ყველანი მოვთავსდებით როგორმე.

— არა, გენაცვალე, ქალები არიან, რადგან თვალის სერიისათვის კომედია დელ არტეს მიმზიდველობაც უნდა ახლდეს და თანაც ერთი მანდილოსანი კარგად დადის თოკზე.

მასპინძელმა თუმცა ვერაფერი გაიგო, ზრდილობისათვის მაინც თქვა:

— აა.

გაეცნენ მერე ერთურთს, ჩამოყაჭეს თავ-თავიანთი მონაცემები.

ქოსს შეუყვარდა ქორილი.

უთხნა, ჩემი ხარ ტონოლი... —

გახსოვთ?

იმათი მასპინძელი გვარად თურმე ჯაში. იყო და გაიოზ ერქვა.

მოუკვიდა დასვენების რიგი, სწორედ იმხანად შევებულე-  
ბობლა იგი.

5

ზედიაზედ გათენდა კიდენ სამი მშვიდობის დილა.

რალაცები მოსდა:

ჯერ ის იყო და, მსოლოდ ერთი ქალი ჩამოუყვიდაა: გრაჰა  
ადრე ადგომასთან თუმც ძალიან უკაცრავად იყო, სხვა რა  
გზა ჰქონდა — კეთილინება და უთენია დასვდა რაციენტრ ჭა-  
თურის ქებულ სადგურზე, იმან კი დაქალისგან არაბერპნუ-  
ლად აი ასეთი ცუდი უსტარი გადასცა: „სიმაღლის შიში გამი-  
წნდა, თოკზე ველარ ვიზუშავებ, არტისტობის მერე ვერც გამ-  
ყიდველად და დარღაგებლად ვიზუშავებ, შენ მაინც არ იყავი  
ჩემი შემრთველი, არამედ ავიღე და ფულიანს გავყევი, სიყვა-  
რული არ არის, კ-----ა.“ თავმოყვარეობაშელახულმა გრიშამ  
მეორე ქალიც გაუშვა — მარტოს აქ რა გინდა, ცოდო სარო;  
ერთ-ერთ მიჯნურდაკარგულს, ჯერ ისე ეგონა, ცას და ქვეყა-  
ნას მიმოდალეწდა, მაგრამ ავტობუსში, ნავარბეთთან, უკვე  
„მოსევის ქალო თინაო“-ს ღიღინებდა. ცოტათი შალვას რიდი  
ჰქონდა, დანაპირები რომ ვერ შეუსრულა, მაგრამ შალვამ —  
ძალიანაც კარგი, ქალებით შეღავათი სულაც არ გვჭირდებაო.  
ასე ტყუილ-უბრალოდ და დაუნანებლად აწოწიალეს მატარებ-  
ლით დედაქალაქიდან რაციენტრამდე ის ერთი-ერთგული ქალი.  
ეეეს — ერთი.

მეორეც ის რომ, იმ თრლობეში ხშირად აივლ-ჩაივლიდა  
კიკოლი, ოლონდ იერს ძლიერ იცვლიდა. სხედან, ვთქვათ,  
ეს ჩვენი ძმები აივანზე გაიოზ ჯაშიანა, და შალვა  
თან ჰყვება და თან მოძრაობით ანსახიერებს, თუ რო-  
გორი იყო კომედია დელ არტეს ერთ-ერთი მთავარი გმი-  
რის — პანტალონეს იერსახე და ნიშანდობლიობანი — თურმე  
ქვრივი პანტალონე მეთექვსმეტე საუკუნის იტალიელია, ხან-  
შიშესული ძუნწი ვაჭარი, ვენეციურ კილოკავზე საუბრობს,  
წყალშეყენებულია: კოკლობს, ხვნეშის, სურდოიანია, ახვე-  
ლებს, აცემინებს, ბუზლუნაა, წუნუნაა, წელკავიანი, მაგრამ ქა-  
ლების მუსუსი გახლავთ, იზაბელლებს, კოლომბინებსა და  
ჯერალდინებს სულ კუდში დასდევს, და საქორწინოდ ემზადე-

ბა. დიდად ყოფილა თავდაჯერებული, მაგრამ ყოველთვის ბითურდებოდა. ძირითადად, ქალებისა გამო, რადგან იმას ძალიან კი მოსწონდა ქალები, მაგრამ ქალებს არ მოსწონდათ იგი, მაგრამ პანტალონე თავისას არ იშლიდა, მაგრამ ბოლოს გაქნილი მსასურები მშრალზე დასუამდნენ ხოლმე, მაგრამ პანტალონე მაინც ვითომ დარდიმანდობდა — წითელი პერანგი ეცვა, ჩაჩიც წითელი ეხურა, წითელივე პანტალონებიანი, დაგრეხილი ფეხები ყვითელ დიდბალთიან ფოსტლებში წაეყო, და შავი მოსასხამი ვითომ ყოჩაღად მოეგდო მხარზე...

ჰყვება ამას შალვა და, გაიხედავენ, რასა სედავენ:

მოდის ორლობეში ჩვენი კიკოლი, ძლიერ დაღვრემილია, ძლიერ. გადაუდგებოდნენ კეთილ-ყაჩაღებივით ეს ჩვენი ძმები გზაზედ, რა იყო, კიკოლი, რად დაღონებულხარო, ამათ. ის დრო სჯობდაო, კიკოლიმ, მიწაში იცქირებოდა, რომელია დროო, ამათ. რომელი და ერთხელ ჩვენს სოფელში დიდი შიმშილობა ჩამოვარდა, არც პური მოვიდა, არც ვაზმა მოიბა მარცვალნი და არც ხეს გამოუღია ყვავილიო, იმან. მერედა, ის დრო რითა სჯობდაო, ამათ. რითა და, მაშინ ერთმანეთი გვეცოდებოდაო. იმან. ხოლო ახლაო? — ამათ. ახლაო, კიკოლიმ, ერთიმეორისა გვშუურსო. თქვა ასე კიკოლიმ და განაგრძო ორლობეში თავისი ნაღვლიანი სელა, ჩაფიქრებულნი დასტოვა ძმები.

მაგრამ შალვას რა შეაჩერებდა. იგი ჰყვებოდა, თუ როგორი იყო კომედია დელ არტეს კიდევ ერთ-ერთი გმირი, სწავლულ-იურისტი დოქტორი გრაციანო.

რალა თქმა უნდა, ბოლონიელი გახლდათ, რადგან ბოლონიური უნივერსიტეტი უპველესი იყო ევროპაში, ხოლო იქაურ იურისტებს საქვეყნოდ გაუგდიათ სახელი იმით, რომ ძველი რომაული კანონმდებლობანი მოხერხებულად გადაუკეთებიათ და შეუხანძრიათ შუა საუკუნეებისათვის. მაგრამ მერე, როგორც ხდება ხოლმე, დრო და ვითარება შეცვლილა და ამ იურისტებს თანდათან დაუკარგავთ ცხოვრებასთან კავშირი, გასწყვეტიათ სასიცოცხლო ძაფი, გამოუსადეგარნი გამხდარან და მეთექვსმეტე საუკუნეში ძველი დიდების მკრთალი ნატამალილა შერჩენიათ, მაგრამ ისტიბარს მაინც არ იტებდნენ და მოაზროვნეებად დააბიჯებდნენ ხალხში. ხალხიც, იტანდათ, ხალხი რალას არ იტანს, მაგრამ ჩუმ-ჩუმად ეცინებოდათ, რად-

გან სელმოცარული დოქტორები წამდაუწუმ სისულელეებს აფრქვევდნენ თავზე, ყლურწვაც ჰყვარებიათ და თუმცა რაღაცები ბლომად იცოდნენ, ყოვლად უთავბოლოდ აკაკანებდნენ მოუწესრიგებელ ცნებებსა და სიბრძნეებს. მოდის, ვთქვათ ბოლონიელი დოქტორი ვენეციაში და მჭახე, ბოლონიური კილოკავით ამდაგვარ ცოდნას ამჟღავნებს: „ფლორენცია დედაქალაქია ტოსკანისა, ტოსკანაში შეიქმნა მჭევრმეტყველება, ხოლო მჭევრმეტყველების მეფე ციცერონი იყო, ციცერონი რომში სენატორობდა, რომს თორმეტი კეისარი ჰყავდა, თორმეტივე თვეა წელიწადში, წელიწადი კი, თავის მხრივ, ოთხად იყოფა, ოთხია აგრეთვე ბუნების სტიქია: ჰაერი, წყალი, ციციხლი და მიწა, რომელსაც ხარების მემეფობით ხნავენ, ხარებს აქვთ აგრეთვე ტყავი, ტყავისაგან კი ფეხსაცმელები იკერება, რომელთაც ფეხზე ვიცვამთ, ფეხები სიარულისთვისაა საჭირო, სიარულისას წაფეფორხილდი და მოვედი აქ, რათა მოგესალმით, — გამარჯობათ.“

ჰეი-ჰეი, გრაციანო... დოქტორი თურმე მხოლოდ ერთ კაცთან ამხანაგობდა, თუკი ამას ამხანაგობა ერქვა: ისა და პანტალონე ერთიმეორეს ვითომ ქალების შოვნაში ეხმარებოდნენ, მაგრამ ჩუმ-ჩუმად ერთმანეთს ატყუებდნენ და ბოლოს სხვათა, ძირითადად საკუთარი მსახურების წყალობით, ორთავენი მშრალზე, ანუ პუპლუცზე რჩებოდნენ. მაგრამ დოქტორი გრაციანო იხტიბარს მაინც არ იტყვდა, ისევ დაიარებოდა მოკირწყლულ ქუჩა-ქუჩად, შავად სჩვეოდა ჩაცმა: შავი კურტაკი ეცვა, შავივე მაღალყელიანი წინდები, შავივ პანტალონები, იმდროინდელი უზარმაზარი, ჭვარტლისფერი ქუდი მამოეკოსებინა და, რაც მთავარია, სწავლულის კუპრისფერი მანტიით მოჰქონდა თავი; ახლახან გაბითურებული, მაინც მხნედ გამოვიდოდა ქუჩაში, ამაყად შეივლიდა სადმე, გადაპკრავდა ერთ-ორ შუშას და, ცხვირაწიოლებული ჰყვებოდა: „ჰერკულესი რომ არა, ტყუილია, ისე ვერაფრით აიღებდნენ ტროას, ტროაში ხეოფსის პირამიდებს აგებდნენ ხისცხენიანი მაჰარაჯები, ხოლო იმათ კი ფადიშაჰად კეისარი ეჯდათ, ხოლო როდესაც კეისარი დაუნდობლად განგმირეს, მისი უკანასკნელი სიტყვები იყო: შენც, თეზევს?“ უამბობს ძმებს და გაიოზ ჯაშს ამაებს შალვა და, გაიხედავენ, რასა სედავენ:

მოდის ბეჩავი კიკოლი ორღობეში, საბრალოს, გული ამო-  
სჯდომია და ტირის, ტირის, ისეა გულამოსკენილ-ცრემლ-  
თაღვრით დაოსებული, შიგადაშიგ დუნედ თუ წაიშენს თაე-  
პირში ხელს... გადაუდგნენ ეს ჩვენი ძმები გზაზედ, რა იყო,  
შე ბეჩავო, რა მოგსვლიათ, ამათ. მეტი რაღა უნდა მომსვლო-  
და, თავი დაკვარგეო, იმან. აბა, შე კარგი დედ-მამის შვილო,  
მსრებზე რომ ვადევს, ის რაღააო, ამათ. ესაო, მარტო ჩარ-  
ჩაო, იმან. შეებრაღათ ძმებს, გადაუსკეს ჩარჩოზე ხელი, იტი-  
რე შე ბეჩავო, ეგება გულზედ მოგეშვასო. დვას ესრერიგად კი-  
კოლი და ტირის. აუზრუყდათ ამ ჩვენ ძმებსაც კეთილი გული,  
მოაწვათ იმათაც მარგალიტივით ცრემლი, გაუდექ, გაუდექ  
ისეუ გზას, კიკოლი, ეგებ შენს ბედს შენც ეწიოთ. ვითომო? —  
იმან, მოიწმინდა მჯიღით ცრემლები, დაადგა თავქვეს.

ამასობაში დროგამოჩხრეკილი გაიოზ ჯაში აივანზედ ძა-  
ლიან თავაწეული იდგა და ბულბულა სიტყვებს ერთიმეორეს  
უტოლებდა. ჩამოჯდებოდა საწყლად მერე, რადგანაც შალვა  
აღფრთოვანებული განაგრძობდა, რომ მსახურები — ეს კომე-  
დია დელ არტეს სული და გულია. ორივენი სოფლიდან იყ-  
ვნენ, კერძოდ, პროვინცია ბერგამოდან და, საშოვარზე ჩამო-  
სულებს, ვენეციელები დიდის ათვალწუნებით უყურებდნენ,  
რადგან, ქალაქელის აზრით, სოფლელი თუ სულელია, ზომ  
მთლად ყეყეჩია და თუ ქკვიანი, მაშინ — ქურდი, თაღლითი  
და გაიძვერა. „ჩვენში დარჩეს და, — ხმას დაუწია და ისე გა-  
აწყვეტინა კეთილმა გრიშამ, — ცოტათი ალბათ მართლა ასე...  
მაშინაც იყო“, შალვა კი განაგრძობდა, რომ, თერმე, საკვირ-  
ველია, მაგრამ მთიდან ჩამოსული ბერგამოელები საზრიანები  
ყოფილან, ბარელები კი — მთლად ჩურჩუტები, მაშინ, როდესაც  
მთელ რიგ ქვეყნებში აშკარად პირიქითაა, ხმ. და უეცრად  
ღიმილმოფენილმა განაცხადა, რომ მთიელ ბერგამოელს თურ-  
მე სახელად ბრიგელა ერქვა. დიდი მსხვილმანი ონავარი და  
ფრიად გაქნილი ყოფილა დიდად — ბრიგელა თავს მუდამ ისე  
მიიჩინევს, თითქოს საბრძოლო ავანპოსტზე მთავარსარდლად  
იმყოფებოდეს, მიაჩნია რომ, უიმისოდ არაფერი არ უნდა მო-  
ხდეს — ყველგან ცხვირსა ჰყოფს, ძალიან გრძელი ენა აბია,  
თავის გატლექილობას იმით ხსნის, ვითომ მამამისი მუნჯი  
იყო და მას უანდერძა თავისი გამოუყენებელი შესაძლებლო-

ბანი; დიდის დამსაშაველობის გრძნობით და ვითომც გულწრ-  
ული მონანიებით აიტანს გაწყვეტლას, მაგრამ ამას სამუდა-  
მოდ ჩაიმარხავს გულში, და არ შეიძლება, სამაგიეროს გადახ-  
და რამენაირად არ მოახერხოს; თუკი ჭორების დაყრა, ან არე-  
ულ-დარეულობისა და რია-რიას ატეხაა საჭირო, ამას ბრიგე-  
ლაზე უკეთ ვერავინ ასწავლებს; ბატონს ფცქვნის, ქალებთან  
— არხეინი ყბედა, მოხუცებთან — თავხედა, მშინშარას თუ წა-  
აწყდება, არავინაა ბრიგელასავით გულადი, მამაცს კი ფეხ-  
ქვეშ ეგება და თავის სამსახურს სთავაზობს. თავი ყოველნაირი  
სიანციით აქვს გამოტენილი, არც ღმერთისა სწამს და არც  
სატანის, რაღა თქმა უნდა, უყვარს თქრო, ღვინო, ქალები და,  
ოხერს, გიტარაზე დაკვრაც ემარჯვება. განსაკუთრებით ბაზ-  
რობაზე უყვარს წანწალი, ხამი ტილოს თეთრ შარვალ-პერან-  
გში გამოეწყობა, ქამარზე ქისა ჰკიდია, და ნებისმიერ გამყიდ-  
ველს სულერთია-რა საქონელზე ყოვლად უმიზნოდ ევაჭრება,  
ემასლაათება, ნელინელ უფრო და უფრო ამასხარავეებს და  
გულში ხითხითებს — ებაზრება, რაღა, და მეორენაირ მსა-  
ხურს, ბრიყვ არლეკინსაც თან დააპროწიალებს, რადგან სადმე  
კოვზი ნაცარში თუ ჩაუვარდება, თუ გაამელავნებენ და მის ირ-  
გვლივ მრისხანე აურზაური ატყდება, მაშინვე თავის ნაცვლად  
საბრალო არლეკინს ჩაჭურთავს აყალმაყალსა და დაკა-დაკა-  
ში, თვითონ კი განზე გადგება და შორიდან იცინის, იცინის,  
კვდება სიცილით ის ფინთი. მოწყენილობას ვერ იტანს, თუ  
სხვა საქმე და თავშესაქცევი არა აქვს რა, იპოვის სადმე დო-  
ქტორს და, თვალთმაქცურად აღელვებული ეკითხება ქვეყნისა  
თუ ბუნების იდუმალების არსზე, აღაფრთოვანებს, აამჭევრ-  
მეტყველებს და თვითონ კი წამოწევა მხარ-თებოზე და თავის-  
თვის კისკისებს. თუ პანტალონეს მსახურია, ხან ჩანს დაუმა-  
ლავს, ხანაც სათვალეს, ხან ლოგინს უსველებს, ხანაც ნამც-  
ხვარში წიწაკას შეუპარებს და, მოკლედ, მტრისას და მაწყე-  
ვარისას ასეთი მსახური. გაკვირვებული გაიოზ ჯაში, რომელ-  
საც რომ სულ სხვა სფეროებში აქვს საქმე, პირდაღებული მის-  
წერებია ღიმილმორეულ ძმებს, ვერაფერს ხედავს აქ სასაცი-  
ლოს, და თავისი დაბნეულობა რომ დაამარცხოს, ხალიბის  
რვალივით შეკირულ სიტყვებს იხსენებს და, შიგ გულში ჩუ-  
მად, მაგრამ მტკიცედ იმეორებს:

და გამარჯვებული გადახედავს ძმებს, მაგრამ ამჯერად ისინი დაბნეულან, ახლა ისინი იყურებიან პირდაპირნილნი სადღაც; თვალდაჭყეტილთა მზერას დაბინდულ თვალს გააყოლებს გაიოზ ჯაში, შეკრთება და, ოთხივენი, რასა ჰხედავენ: მოდის ეს ჩვენი ყოფილი ბეჩაეი კიკოლ ზედ სოფლის შუა გზაზედა, წოდება აზის მხარზედა, გაზულუქებულია, გაზულუქებული რომ, ავ თვალსაც კი დაენახება, ძრიალ უცნაურად აცვია: ჩოხა-ახაღუხზედ ევროპული ფრაკი თუ რაღაცა ჰქვია, ის წამოუსხამს, თავზედ მიზინავი ცილინდრი ადევს, თითებზედ ბეჭდები წამოუცვამს ისეთი, შუადღის მარსკვლაეები გეგონება, ყოველი ამაყი ნაბიჯის გადმოდგმისას ჯიბეში ოქროები უყლარუნებენ, მარცალიტებით მოოჭვილი ხელჯოხი სულ ტყუილად უჭირავს, არცა ჰკოჭლობს და არც არაფერი; ფესებზედ აზიაცკები ულაპლაპებს, მუცელზედ ღიბი უთიმთიმებს, ყელზედ — ლაბაბი, მოსდევენ მარდი მსახურები, მოაქვთ ავეჯი, ვერცხლეული, ნატვრის სუფრა, აგარაკი, ბროლი, რამე, საქონელს მოდენიან; გადმოხედა კიკოლმა ამ ჩვენს ძმებს, და ცნობით ალბათ იცნო, რადგან ოდნავ ასწივ-დასწია ჯმუხნი წარბები, ნაგრამ ეს ეგება რაღაც სხვა ნიშანიც იყო — საიდანღაც მაშინვე მოურბენინეს ცქვიტმა მსახურებმა ოქროს ბარძიმით რაღაცა თეთრი, ავე, რააო, კიკოლმა. ეგაო, დიდო ბატონო, ჩიტის რქეაო, იმათ. მოჰვა კიკოლმა; აიხედა, გაიხედა, გამოიხედა, დიდი ვერაფერიშვილი ყოფილა, სულ ტყუილად უქათო. მერე — დავიღალეო, კიკოლმა. მორათვეს რახსი, ხიზილალებიშფერი ცხენი, ასწიეს ეს დამძიმებული კიკოლ და დაუპირეს უნაგირზედ შესმა ისე ყოჩაღად, ისე-ისე ყოჩაღად, ცოტათი მეტიც მოუვიდათ და ცხენის იქითა მხარეს გაადინა კიკოლმა ზღართან. ავარდა მტვერი... აღარაფერი სჩანს. მტვერი ისევ რო ჩამომიწდა აიღო კიკოლმა ცილინდრგადავარდნილი თავი, აი თქვე ასეთებო და ისეთებო, სულ უწმანური სიტყვები იძახა, ასეთ-ისეთებო და კიდევ უფრო, უფროო, კიდევ კარგი რომ, ხმა ჩახლენილი ჰქონდა, მაგრამ თვალებს აბრიალებდა როო? —

ცის და ორღობის ელვასა ჰგვანდა. დაუფაცურდნენ მსახურები, წამოაყენეს, ამოგანგლულ ზურგ-საჯდომზე სულ ფარშავანგის ფრთები უსვეს, გაუწმინდეს ფრაკი, წელანდებურად აულაპლაპეს ცილინდრი, სუნთქვაშეკრულებმა შესვეს ისევ იმ რახს ცხენზე, დაუყენენ თავქვეებს.

მხოლოდ ერთი მსახური დარჩა, გამოთიშულიყოსავით, ჯდა მოწყენით ორღობისა პირსა; ხელმათრახიანი, ნამეტურ დაღვრემილი იყო.

მიუახლოვდნენ ძმები.

— რატომ ხარ მაინც ასე მოწყენილი?!—დაინტერესდა ცნობისწადილიანი გრიშა.

— მიყვარს. — თქვა იმან, მათრახი არ გახსენებია.

— ვინ გიყვარს.

— მოხვევის ქალი თინა.

ახედეს, დახედეს.

— ძალიან გიყვარს?

— კი, — ჰქ

— იმას უყვარხარ?

— რავი.

ალალი გრიშა დაეჭვდა:

— ქალი ძალიან როცა უყვართ, მარტო დაღვრემილობით ვერ ითხებენ გულს, ტირიან კიდევ.

— ვიტირო რა, — აგდებულად ამოხედა იმან, — ტარიელი კი არა მქვია.

— აბა რა გქვია.

— ავთო.

უფრო ახედ-დახედეს.

„ეგება მართლა უტოპისტი ვარ, — გაიფიქრა ჯიგარნამწვარმა ვასიკომ, ოთხი კედლიდან გამოსული, საუბარშიაც კი ვერ ვერევი.

— ეჰ, სიყვარული აღარ არის, — სიტყვიერად დანადვლიანდა მერე გრიშაც, — ეჰ, სიყვარულზედ აღარ სტირიან.

— როგორ თუ არ არის, — გამოცოცხლდა მოწყენით მჯდარი და გული მოიღედა, — მაშ აბა ეს რა არის.

გულზედ გარედან ეწერა — თინა.

— ეგ სულ ტყუილად გიქნია, სულ, — შეიჭმუნა გრიშა, —



რადგან ისე გატყობ ღმრთი, მაინცდამაინც არ გიყვარს ეგ ქალი და სხვა ვინმე რომ დაისვა ცოლად, ვთქვათ, ახმეტური პატარბალი, ანდა წყაროს გზის ზედმიწევნით მცოდნე თებრონე, ანდა კარკუჩით თუ გადმოიყვან ქალსა მაიკოს ლამაზთმიანსა, ველარ მათილის მაიკო შავი თვალების ბრიალსა, რადგან ეგ სვირინგი წამლადუწუმ ცუდ მოსაზრებებს აღუძრავს და სიცოცხლეს გაგიმწარებს.

— თქვენ თქვენ საქმეს მიხედეთ, კაცო, — თქვა საეჭვოდ შეყვარებულმა და ღილები შეიბნია.

— უი-პო, მართლა ჩვენი საქმე, — დაფაცურდა შალვა, — აივნისაკე-ენ... იართ!

აივანზედ კი გაიოზ ჯაში დახვდათ; გაიოზ ჯაში ზუმად იყო, ხმას არ იღებდა, მოგვიცდინება, კი, ხოლო შალვა ჰყვებოდა რომ, რომ არლეკინი სულელია კი არა, ბრიყვი კი არა, არც ხეპრე, არც რეგვენსი, არცა ბოთე და ტუტრუცანა, არც შტერი და დოყლაპია, არც გამოთაყვანებული, არცა ბენტერა და ცეტი, არც აბდალი ჯა ბითური, წარმოიდგინეთ, ჩერჩეტიც კი არ, — არამედ ყველაფერი ეს ერთად — ჩურჩუტი იყო. რაღა თქმა უნდა, ბრიგელასხელა არც ჭკუა ჰქონდა, არც საზრიანობა და სიძარჯვე, მაგრამ მაყურებლებს მაინც ძლიერ უყვარდათ იგი, რადგან მხიარული და გულუბრყვილო გახლდათ. და როგორც ჭეშმარიტ ბავშვს, ყოველთვის რომელიმე კოლომბინა უყვარდა. ამა ქვეყანას თითქოს არც ეკუთვნოდა, მუდამ ღრუბლებში ჰქონდა აყოფილი თავი. ბრიგელასგან განსხვავებით, არასოდეს დაგვემავდა, როგორ უნდა ვადაედგა პირველი ნაბიჯი, ეგრევე მეოთხე ნაბიჯს გადადგამდა ხოლმე და, რასაკვირველთა, თამამ განზრახვებში ჩაფლავდებოდა ხოლმე. არადა, უკვირდა — წინა ნაბიჯები ხომ ისე მშვენივრად წარსდგა ოცნებაში... სინამდვილე — ეს თავი და თავი მტერი იყო არლეკინისა, როდი შეეძლო რაიმესი აწონდაწონა, არამედ პირდაპირ, თრახ, მიდი, — და დღენიადავ აქოთაქებდნენ. მაგრამ იმისი უმწირობაც, რაღაცნაირად, მომსიბველელი იყო. ძალიან ცუდი მსმენელი გახლდათ, მუდამ თავისას ფიქრობდა; და იმ სასარგებლო რაღაც-რაღაცეებიდან, ბრიგელას რომ არაფრისდიდებით გამოეპარებოდა, ეს

არლეკინი ვერაფერს იღებდა, სარგებლიანობისა ვერა უწყობდა, მოგებას ვერსად ნახულობდა, გამორჩენაო, გამოტყუებაო — ამებისა არა იცოდა რა. მაგრამ ყოველივესი ერთგული იყო: ერთი ბატონი სურდა; ოცნებებში თითო ცოლი დედოფლად ესვა, თუმც სადედოფლოებს იმათივე უარყოფისა გამო ხშირად იცვლიდა — რა უნდა ამას ოცნებაში; არავის მოტყუებას განიზრახავდა, კეთილი იყო, მიმნდობი, და ცუდლუბ ბრიგელას წაბმული ჰყავდა, იმისა გამო წუხელ გალასულ არლეკინს, მარტივ სიცრუეთა წყალობით ისევ კეთილგანწყობდა, მერე ბრიგელა ბაზრობისკენ დაადებდა თავს და არლეკინსაც კუდში აიდევენებდა, სადამოთბით კი სსვაჯასხვა გზით ბრუნდებოდნენ, ბრიგელა — ქისადამინიებული, არლეკინი კი — უბებამოლურჯებული, დაღვრემილი ჩამოჯდებოდა პანტალონესა თუ დოქტორის სასლის კიბეზე და, უცუბ, მთლად ბავშვს, მთლად ბედნიერს, თავის თავზე გულიანი სიცოლი აუტყდებოდა და, როგორ უყვარდა მაცურებელს... არლეკინისთვის მთელი ქვეყანა ცისფერებითა და ვარდისფერებით იყო შემობურვილი, გამოსვეული, სიკეთისა და სიმართლის თუმცა მარტივად, მაგრამ ძალიან ღრმადა სწამდა, მაგრამ ბნელ ღამეობით ძილგამტყდარი, არ შეიძლებოდა სადმე ცივ ქვაზე არ ჩამომჯდარიყო და, თუ იმ დღეს განსაკუთრებით მძიმე ხელი მოხვდებოდა, დანაღვლიანებული, ალბათ ფიქრობდა რომ, რომ რატომაა ესე ქვეყანა ასე მოწყობილი, სხვებისათვის ხომ მუდამ მხოლოდ კარგი უნდოდა, ისინი — სცემდნენ, ქალი უყვარდა ისე ძლიერ რომ, იმისთვის არაფერი ემურებოდა, მაგრამ დასცინოდა ის, ნეტავ რადაა ძალიან ასე... ანდა, სხეულზე წამოსკუპებული აეს თავი ადამიანის ნეტა რა ისეთი განსხვავებული ნაწილია, რომ იმის წყალობით ზოგიერთნი ფუფუნებაში ცსოვრობენ, მას კი, არლეკინს, ძალიან ხშირად ხმელა პური და ხასვი ენატრება... ანდა, რატომაა რომ...

ჰყვება ამას შალვა და, გაიხედავენ, რასა ჰხედავენ:

მოდის ეს ჩვენი ბერავი კიკოლი, ძველი ღიდების ნიშანწყალიც არ შერჩენია, ამალის ნაცვლად ძაღლების ყფადა მოსდევს, ტიტლიკანა სხეულზე ჰირდაპირ ჯვალოს ტომარა შე-

მოუხვევია, ოქრო და ვერცხლი და თვალმარგალიტი კი არა, გახერტილი გროშიც აღარ მოეძებნება ალბათ, რადგან ტომარას აბა სადა აქვს ჯიბეები; დიდი საცოდავი შესახედი კია: საბრალოს, სიცოვე აკანკალებს, მოკუნტულა, შეტრუსულია, ცალ ფეხზე ბათინკა აცვია, მეორეზე — კალოში, თავზე ქუდად წიტიის ბუდე ადევს; რა იყო, კიკოლი, შე ბეჩავო, რა მოგსვლიაო ამათ. ეეჰო, იმან. რა იყო, რა ვერ გამოზომეო, ამათ. ეეჰ, ეჰო, ვერც გამოვზომე და დეკვაც წამართვაო, იმან. ახედეს, დახედეს, ხომ არა გშიანო? — ამათ. მშიან და, ეგრეთ? — იმან. გამოუტანეს პური, ღვინო, კვერცხი, მარილი, დიდი მადლობაო, კიკოლიმ, ჰოდა, წავიდა.

გააყოლეს ნაღვლიანი მზერა, მაგრამ კიკოლი გადააიწყდათ, როდესაც შაღვამ კვლავ განაგრძო კომედია დელ არტეს ამჟერად მეორეხარისხოვან გმირთა დახასიათება. ესენი იყვნენ: კოლომბინა — მხიარული და პატიოსანი შინამოსამსახურე ქალი, ვისი სახელიც მტრედიდან იყო წარმომდგარი, კოვიელო, პულჩინელა, ტრუფალდინო — მსახურთა ნაირსახეობანი, დიდად სასაცილო კაპიტანი სპავენტო, რაც თავზარდამცემ, შეძრწუნებთა კაპიტანს ნიშნავს. მეორენაირადაც იწოდებოდა — მატამოროსი — მავრთა მჟღეტავი, თავის თავს „ცეცხლსა და სისხლს“ ეძახდა, ხოლო მშობლებად მიწისძვრასა და ელვას მიიჩნევდა; ტარტარენ ტარასკონელის ეს შორეული წინაპარი, ცალი ხელით დოინჯემოყრილი, მეორეთი კი უღვაშის მსწორებელი, დაბოხებული ხმით ჰყვებოდა, რომ დედამიწის ზურგზე რაკი არ მოიძებნებოდა ისეთი ფათვი, რომელთანაც შეზმას იკადრებდა იგი — დიდად მძვინვარე კაპიტანი სპავენტო, ამიტომ აღიოდა ხოლმე მეშვიდე ცაზე, და იქ შვიდი ვარსკვლავისაგან შედგენილ დიდ დათვზე წარმატებით ნადირობდა, შემდეგ კი დედამიწაზე, თვით შუა კონსტანტინეპოლში დატყორცნილი, დიდ სულთანს თავის სახელგაყარდნილ პიროვნებას როცა ამყად გაუმჟღავნებდა, დიადი სულთანი კარგი ცხენიდან მსწრაფლ ჩამოქვეითდებოდა და კაპიტანს სულ ფეხებს უკოცნიდა, ამასვე სჩადიოდა ავკარგიან მთავარ ვაზირთა დასტა, და თავიოყვარე იანიჩართა საწაქებო მხედრიონი, კონსტანტინეპოლში სამუდამოდ დარჩენას სულ ყელის გაიოწიწკნით ევედრებოდნენ, მაგრამ კაპიტანი

მსოლოდ იქამდე რჩებოდა, სანამ დიდი სულთანის ოთხასივე თავაზიანი ცოლის სიყვარულს აბრეშუმებითა და დიბაატლასით გაწყობილ ტასტრევანზე არ იგებებდა, და მერელა ბრუნდებოდა ვენეციაში; იუდამ შესვდებოდიტ კომედიაში შეყვარებულებს — პანტალონეს ვაჟს, ორაციოსა და დოქტორის ქალიშვილს, იზაბელლას, მაგრამ ძუნწ პანტალონეს რძლად უფრო მდიდარი, უფრო მზითვიანი ქალი ნებავდა, ყოველნაირად ხელს უშლიდა ვაჟიშვილს, ათასგვარ დაბრკოლებას უქმნიდა, საბრალო შეყვარებულები, მაგრამ ბრიგელა იქვე არ იყო?.. თავად პანტალონეს კი ახალგაზრდა ფლამინია მოსწონდა, რომელსაც, ადრე დაობლებულს, ვითომც ალაღად შეურვეობდა და სინამდვილეში კი იმისი ცოლად შერთვა ძალიან სწადდა, არავის აჭაჭანებდა მის სიახლოვეს, ფლამინიას კი ვიწრო სარკმლიდან კაპიტან სპავენტოსაკენ მიუთრთოდა აჩქროლებული გული, რადგან მავრთამელეტის გმირობებისა უყოყმანოდ სწამდა, და პანტალონეს რაგინდ ფსიზლად სჭეროდა თვალი, იგივე ბრიგელა იქავ არ იყო?... ამასობაში, არლეკინი დიდად ოხრავდა ოლივეტაზე, და ღამდამობით მთვარეს კი უმზერდა, მაგრამ თითქოს მზეს აჰყურებდა, ცრემლები ისე სწვეთდა თვალთაგან...

ჰყვება ამაებს შალვა და, მოესმათ უცებ სახლის უკნიდან რაღაცა კვნესა, ოხვრა, ტყაპანი, მიწას სულ ბგაბბუგი გააქვს... ჩადიან ფრთხილად კიბეზე, შემკრთალან ოთხივენი, სუნთქვაშეკრულნი აისუსებინან კედელთან, გაიხედავენ, რასა ჰხედავენ; დაუჭერია სამთავიან დევს ეს ჩვენი კიკოლი და, რაღაცისთვის, რაღაცდარატომ, ბუბნის და ჰბუბნის, სულ ტკაცატკუსი გააქვთ ბეჩავი კიკოლის ძველებსა. მობეზრდება მერე დევს ამო გარჯა, რადგან კიკოლი ველარაფერსა გრძნობს, ხამხამნაჭამივით გდია, შეწურდება დევს იმისი ყოფა, წამოწვება არხეინად, სვრინავს, ეს კიკოლი კი ჯერ ისეთია, მკვდარი გეკონება, მაგრამ მოუვა მერე ცოტაოდენი ფერი, წაისვამს თურმანიძეების მალამოს, დაიდებს კარსანიძეებისა და გიორგაძეების არტაშანებს, ჩაიწვეთებს ცოტა ღვინოს პირში, მოლონიერდება თითქოს, მიუახლოვდება იმ ახვრინებულ დევს და, არ სტიკიყავს უცებ კარგა ჭახუნა სილას შიგ შუა ყბაში? გამოელვიძება დევსა, გაბრაზდება ძრიალ, დაიჭერს ისევ ამ ჩვენს

კიკოლის, დაუწყებს ბუბნას, ხან ისე აუწევს ყურებს, ზედ კინკრისოზე შეუტყუაებს, ხან ისეთ წკიპურტს დაჰკრავს, იმ აღგილიდან კიკოლის სულ წაპერწყლები სცვივა, ააგდებს მალ-ლა, აღარ დაიჭერს, დასწვდება ისევ, ჩააგდებს მერე ხაროში, მიწას დააყრის აბურდულ თმაზე, წამოწება მერე, დაიძინებს, ახვრინდება. როდის-როდის, მოეგება ისევ გონს კიკოლი, წა-ისვამს მაღამოს, დაიდებს არტაშანებს, ცოტათი მოჩიტიდება, მიივლ-მოივლის ხაროს, იპოვის რაღაც ღვინიან დოქს, მიი-ყუდება, ხასიათზე მოვა, სულ ჰარიარალეს დასძახის, მიმოი-ხედავს, ხაროს პირობაზე კარგა მოზრდილი ალაგი ჩანს, მი-დგება, მოდგება კიკოლი, მივა ღორთან, ყვავთან, კრუხთან, თავთან, კატასთან, ძროხასთან, იცოდვილებს, იცოდვილებს და გამოართმევს ბოლოს ღორსა ჯაგარსა, დაგრეხს თოქსა ბა-წარსა, მოაბამს კაუჭს, აისვრის ზევით, დამაგრდება კაუჭი, აჰ-ყვება ცოცვა-ცოცვით კიკოლი თოქსა, ხედავს, დევს სძინავს, და არ მიუახლოვდება ისევ? ისევ არ შემართავს ხელსა? ისევ არ მოუქნევს და იმ ჩვენს დევსა, აკი ისევ — ტყლა? გამოელ-ვიძება დევს, შალვა კი ჰყვებოდა, რომ კომედია დელ არტემ თავის მხრივ მშვენიერი როლი შეასრულა ისეთ დიდ შემო-ქმედთა ნაწარმოებებში, როგორებიც იყვნენ... და სახეგაბრწყინებულმა ჩამოთვალა ჯერ მხატვრები — კალლო და ვატო, მე-რე — ჩიმაროზა, მოცარტი, როსინი, მაგრამ აქ აღფრთოვანე-ბულმა გრიშამ, პიანინოების ამწყობმა, წაართვა სიტყვა, ლამის დასჭექა, რომ ჩვენს წყალობად არსებობენ ისეთი დი-დი ოპერები, როგორიცაა „ფიგაროს ქორწინება,“ „სევილიე-ლი დალაქი,“ და რომ იქ ასახული ბრიგელის მსგავსი მსახუ-რები და პანტალონეს კოპიო მეურვეები ნაღდად, ნამდვი-ლად კომედია დელ არტედანაა... აქ კი ვასიკომ, ლიტერატუ-რისმოყვარე და მცოდნე კაცმა, გააწყვეტინა, თავის მხრივ იმა-ნაც სახეგაბადრულმა ჩამოთვალა შექსპირისეული ლაღად და ორაზროვნად ალაპარაკებულნი მსახურები, ახსენა გოლდონი, ლოპე დე ვეგა, მოლიერი, დოდე, რასპე, და კიდევ ბევრს ვის-მე ჩამოთვლიდა, მაგრამ ახლა ისევ შალვამ დაიბრუნა სიტ-ყვა და, ჰოიი, რა თქვა: რომ იტალიურ კომედიას მოვლილი ჰქონდა ევროპის ბევრი ქვეყანა, და რომ კაპიტან სპავენტოს ისეთი მსახური ჰყავდა, ჯერაც დაუბადებულ სანჩო პანსასა-

ვით მორჩილად რომ იტანდა პატრონის მთელ რიგ დაუჯერებელ გამონათქვამებს, და ეგებ სანჩოსაც კი შეჰხებოდა ოდნავი სიო კომედია დელ არტეს მსახურთა მოუხეშავ-ემშაკური სიბრძნეებისა; და ასეთი თამამი აზრის გამგონენი, შეშინებულეები მიუყნდნენ, მერე კი უცებ ერთხმად დაასკვნეს, რომ ამ ორიოდ დღის განმავლობაში აუცილებელია გონებისა და სხეულის განუწყვეტელი დაძაბვა და ვარჯიში, რათა აქ, ზემო იპერეთშიც როგორმე დამაჯერებლად დაიდგას კომედია დელ არტეს ნაირსახეობა, და რომ ეს უნდა მოხდეს სულ რაღაც სამი კაკალი დღის შემდეგ, როდესაც მათთვის, ძმებკეფრატეებისათვის, მოვა და გათენდება მშვიდობის მთავარი დილა...

## 6

გათენდა მშვიდობის მთავარი დილა...

ოთხიდან, სამნი, ძალიან ღელაუდნენ, ერთადერთი შალვა იჯდა დაფიქრებული და ხანდახან ნაღვლიან მზერას გააპარებდა იმ სოფლისაკენ, სალამოხანს რომ უნდა ასულიყვნენ და იქაურ მღვიმე ხერგულა-კლდეში დაედგათ თავიანთი კომედია. გაიოზ ჯაში მერე ველარც კი ღელავდა, გაოგნებული იყო — მაინც როგორ უნდა წარმსდგარიყო ხალხის წინაშე სმამალალი სიტყვებით იგი, შენიღბული პოეტი, და, გამოუცდელობით, აბა ნეტა რის თქმას მოახერხებდა... დიდად ღელავდა ვასილიც, რადგან, მისი ღრმა რწმენით, დღეს, სწორედ დღეს უნდა დამტკიცებულიყო, გახლდათ თუ არა უტოპისტები... განსაკუთრებით კი, ღელავდა და შფოთავდა გრიშა, ადგილს ვერ პოულობდა, წრიალებდა, მაგრამ თურმე კომედიაში მონაწილეობა კი არ ადარდებდა, არამედ სულ სხვა რამ, რადგან ნასადილეეს ველარ მოიომინა და, თქვა:

- იმ შეჩვენებულმა, აქაც არ მოგვაგნოს.
- ვინ შეჩვენებულმა... — შეკრთა გაიოზ ჯაში.
- შენ ჯერ არ იცნობ... ერთი ტიპია, ჩვენზე დაწერა.
- რა...
- რა და, რაღაცა სისულელეები...
- პოემად?

— პოემა არაა... პოემას, გენაცვალე, ოსტატობა უნდა, ისე კი არაა ის. აბა, თუნდაც ჯონ-გრეის შემთხვეულია ეგ? უპასუხისმგებლო

გაიოზ ჯაში ისევ გაირიყა, ისე დაეჭვდა გრიშა:

— აქაც რომ მოგვაგნოს, ნამდვილად გადავირევი. დავხევი

— ნუ გეშინია, გრიშა-ჩემო, — დააიმედა შალვამ, — ზღაპარში აბა როგორ მოგვაგნებს...

— ზღაპარიც პროზის არაა? — ღუნედ გაიკვირვა ვასიკომ.

— შენ რა გენადვლება, რა — გაცხარდა გრიშა, — შენ დიდ განათლებულად და ენამოსწრებულად გამოგიყვანა, მე რას მერწოდა, შტერივით რომ დამაბზრიალა რაღაც სულელურ ხალხში! გააცინა მოცლილები, ხომ? რომელი სასაცილოები ჩვენა გვენახა!

— არა, უბრალოდ, ეგ ერთ-ერთი ხერხია ლიტერატურაში, — სცადა გრიშას დამშვიდება ვასიკომ. — თანაც, ძალიან ძველი — დიდი ხნის წინათაც კი, საბერძნეთში, კინიკოსი მწერლები მხიარულ, ზღაპრულ სამოსელში ასვეედნენ თავიანთ არცთუ მხიარულ ნააზრევს, რათა მკითხველებისთვის ამ გზით უფრო ადვილად მიეწოდებინათ ნაწარმოები.

— რააო? ზღაპრულ სამოსშიო? ისე გამოდის, აქაც უნდა მოგვაგნოს, ხომ!

— დაწყნარდი, კარგი...

— შენ შენი თავი დაიწყნარე! — აქ უფროს ძმასაც შეუწყრა გრიშა, — და, მეორეც რომ, ხომ არ გგონია, შენი საქმე კარგადაა — შენც კი აცუნდრუკებული გამოგიყვანა, ნუ გეშინია შენ! გამოექომაგე, გამოექომაგე! ეგრე გინდა შენ, ვენაცვალე ხელებში!

— ხელებში რა — შეშას კი არ აპობს, ცალი ხელით წერს, ცალი ხელი უნდა გეტქვა, — ველარ მითმინა ვასიკომ.

— ჯანდაბა იმის ხელსაც და თავსაც, რას აგვეკიდა, რას აგვეპროწიალა, ვეპატიუბოდით თუ?

— ჩვენ ვეპატიუბოდა ეს კაცი? — გაიოზ ჯაშისკენ გადააქნია თავი შალვამ, — მაგრამ მიგვიღო.

გრიშა განუმდა, ხოლო გაიოზ ჯაშს არაფერი გაუგია, გათიშული იჯდა.

მერე გრიშამ მაინც იძალა:

— ნკენ ამ კაცს ჩვენით მივადექით და, იმას რაღა ესაქმე-ბოდა?

— ეგებ იმასაც მივადექით, რა ქნას იმანაც, გრიშა-მემო...

აქ გრიშა კინაღამ გადაირია, ყოვლად დაუკავშირებელ წი-ნადადებებს იძახდა:

— მივადექი რა, ბიანინო აეშალა თუ რა?... უპასუხისმგე-ბლო ეგ!.. ერთხელ სოლოლაკში ანტიფსიზელი ვნახე!.. გამო-მივიდა სიტყვის ოსტატი!.. ხომ ამოვიდნენ იმის ოსტში!.. რა იცის მაგან მატარებელში სად გავიღვიძე!.. კანდიდატებზე ზე-მოთ ეგ ველარ ავა... სიმაღლეში რა ჭკუა ყრია!.. მე ვენაცვალე პატარ-პატარა პროფესორებს...

პარასკევი დღე იყო.

— კარგია, კმარა, — ხმას აუწია მედგარმა შალვამ, — დღეს მხოლოდ ჩვენი საქმით უნდა ვიყოთ...

— კი მაგრამ, ნამდვილად მოვა თუ იცი ხალხი? — იკითხა ერთბაშად გადასხვაფერებულმა გრიშამ.

— აბა რა... ნაცნობი მყავს ერთი იმ სოფლად, სევერიონე, კარგი კაცია სხვათა შორის ძალიან, ის შეგვიგროვებს ხალხს.

მართლაც, მოგროვდნენ, მაგრამ რას მოგროვდნენ... ჩამო-დიოდნენ დამრეც ფერდობზე ხერგულა-კლდისკენ დავითები, ბესარიონები, შალიკოები, გიორგ-გორები, საშიაები, სიმონ-ნიკები, კონსტანტინეები, მიშა, ვახტანგები, გივები, ფირუ-ზები და მარგალიტები, ქეთევანები, რუსუდანები, ვერიკოე-ბი, თინათინები, ვალია, დარეჯანები, მაცვალეები და ეკალ-ბარდებში მიიკვლევდნენ მღვიმისაკენ გზას, პატარათი გაი-ვაკებდნენ, მერე კი აღმართს ამოუყვებოდნენ და, ამოდიოდნენ ორბაქნიან ხერგულა-კლდეში... მაგრამ მეორე ზედა ბაქანი — ნურას უკაცრავად, აღარა მანდა, ლურჯად მბზინავი ფარდა რამ იყო გაჭიმული მღვიმის შუაში კილით კიდემდე, ფარდის წინ კი იდგა მეთაური ძმა — შალვა, და ხალხს თავაზიანად ეგებებოდა სულ „მობრძანდით“-ით, სულ „გეთაყვა“-თი, ხერ-გულა-კლდეში იქაურთაგან ვინ არ ყოფილა, მაგრამ ახლა, შე-ბინდებისას, ჩირადდნების სათუთ შუქზე, რაღაც სხვანაირად, ახლებურად აღიქვამდნენ მღვიმეს, და თუ იმასაც მავთვლით, რომ დიდი ხნის წინათ, ძალიან ადრე, ხერგულა-კლდე-



ში პირველყოფილი ადამიანი ბინადრობდა და იმდროინდელი გაყის მასალა და ნანადირევთა ძვლები არქეოლოგების მიერ აქ უხვად იყო აღმოჩენილი, იდუმალების მორუსო ხიბლი ემატებოდა იქაურობას, და ყოველივეს აძლიერებდა ჩვენთვის ყველასთვის ნეტარი — „აჰ, წარმოდგენა უნდა ვნახოთ,“ ქართველებიდან, რომელს არ გვიყვარს წარმოდგენა, წარმოსადგენის მეტი რა გვაქვს, კი; და, ვგროვებოდით, გაივსო მღვიმის ქვედა ბაქანი, ერთი პირდაპირ ყანიდანაც კი ამოვიდა, დაგვიანების შიშით კალოშების გამოცვლაც კი ვერ მოესწრო, და იმის გვერდით უცნაური სანახავი იყო მაღალ ქუსლებზე შემდგარი მსუბუქი ბუხჩალტერი ქალი, მაჰიდაშვილ-ბიძაშვილები იყვნენ.

ჯერ კარგა მორიდებულად იდგნენ, მაგრამ მერე და მერე, ცდაში, ამოძრავდნენ და ალაპარაკდნენ, ერთმა მკარეს თამბაქო სთხოვა, რატომ არ ამოხვედი წუხელით, გასძახა მესამემ მემშვიდეს, აქეთ — მიიკითხ-მოიკითხეს ერთმანეთა, ჩემი ჭუკები გარეკა ნეტა ბიჭმაო? — მეთურამეტემ და, ყ.ყ.ნში რომ არ გადაზრდილიყო იმათი მომლოდინე ყოფა, — ალბათ შეგროვდნენ უკვე ყველანი, ვინც მოსასვლელი იყო, უკვე მოვიდოდნენ და, ხელისგული შემართა შალვამ:

— ძლიერ პატივცემულო შემოიშერლებო!

დიდი მღვიმური სინუმე ჩამოვარდა, მეტი ფასი დაედოთ ჩირაღდნებს.

— თქვენ გაგიმარჯოთ, — აღნიშნა შალვამ.

— გაგიმარჯოთ, ჩემო ბატონო... სალამი და გამარჯვება... სალამი და გამარჯვება მოგვისსენებია...

— და ჩვენ სწორედ იმიტომ ამოვედით აქ, რადგან ზემო ომბრეთი, ჩემის ღრმა რწმენით, ყველაზე მეტად საქართველოა, ჩვენი, — თავი ამაყად შემართა შალვამ, — რადგან აქ, ქართლის ამოყოლებაზე, მშვენივრად ერწყმის ერთმანეთა ჩვენ-ჩვენი აღმოსავლური და დასავლური... იმას ვამბობდი, ჩვენ, სამიოა ძმათა და პატივცემულმა გაიოზ ჯამმა, გადავწყვიტეთ რომ, სწორედ თქვენთვის გვეჩვენებინა ის კომედია, რომელიც ჯერ კიდევ თქვენი პაპის პაპათა პაპების და კიდევ უფრო, დაბადებამდე, იდგმებოდა და ახლაც იდგმება მთელ რიგ

შორეულ ქვეყნებში და, რა დავაშავეთ ჩვენ, ახლომახლო ქარაყელუბმა — ჩვენც კი უნდა ვიგემოთ, თუ რა ხილია...

— აკაშენა ღმერთმა, — გულით წამოიძახა ერთ-ერთმა ბესარიონმა.

— ნუ აწყვეტინებ...

— პირიქით, პირიქით, ჩემო სევერიონ, — გაიბადრა შალვა, — როცა კი მოისურვებთ, მაშინვე შევიძლიათ ჩაერთოთ კომედიაში, ან შეგვისწორთ ის, რაც ჭკუაში არ დაგიჯდებათ, ყოელად თავისუფალი წარმოდგენა იქნება ეს... გულიან სიცილსაც აბა ვინ აგიკრძალავთ, დუშმანები კი არ ვართ, მაგრამ ერთი რამ უნდა გვაპატიოთ — რადგან ამ წარმოდგენაში ათამდე მოქმედი გმირია, ხოლო ჩვენ კი მხოლოდ ოთხნი ვართ, ხანდახან ერთ კაცს სამი როლის შესრულება მოგვიწევს და...

— რა უჭირს მერქი..

— ხომ ნებასა გვრთავთ? — გაიხარა შალვამ, — ძალიან კარგი. მით უმეტეს რომ, ნიღბებსა და ტანსაცმელს შევიცვლით ხოლმე და, და გავიადვილდებათ მისხვედრა, ვინ რომელი ვართ. მსახიობები სულ კაცები გახლავართ, მაგრამ ზოგიერთები, ბატონო, — გაუღიმა ხალხს შალვამ, — ქალებსაც კი განვსახიერებთ. ხომ დაგვიჯერებთ?

— კი დაგიჯერებთ, ბატონო, მაგრამ, — შეეპასუხა პატარა ღუმილის შემდეგ ერთ-ერთი დათიკო, — გესიამოვნებათ მერე მაგი თქვენ?

შალვამ გულიანად გაიცინა და:

— ძალიან კარგია — დიდად კმაყოფილმა წამოიძახა, — აი, სწორედ ასე მშვენივრად უნდა ჩავერთოთ ხოლმე, — და მალეა შექაროა მარჯვენა ხელი, — აბა, ვიწყებთ!

ოპო, ზეპოიმიერულ კოსტა მღვიმეში წარმოსადგენი კომედია დელ არტე... გაიხსნა ფარდა!

...ზემო ბაქანზე ვასილ კეჩერაძე იდგა, წითელცხვირიანი ნიღბით სახედაფარული, შავი მოსასხამით შემობურვილი; სხვები ჯერ არ ჩანდნენ, რადგან ბოლომდე გაუხსნელ ფარდას ამოსდგომოდნენ და შალვასაც იქით მიეშურებინა; ფერხით განელაგებინათ სხვადასხვანაირი ნიჭოები და ტანსაცმელი.

გამოჩენილი ვასიკო კი იდგა, დუმდა, ლელაედა.

— მიდი, ვასიკო, მიდი შენ გენაცვალე, — ხმადაბალი მღვ-  
ლვარებით შეუძასა შალვამ, — მიდი დაიწე, ძმო ვასილ! ერ-  
თი, ორი და სამი...

და ვასიკომაც, წამოიწყო:

— მე ვარ ბოლონიელი დოქტორი გრაციანო, ხოლო ფლო-  
რენცია დედაქალაქია ტოსკანისა, ტოსკანაში შეიქმნა მჭევრმე-  
ტყველება, ხოლო მჭევრმეტყველების მეფე ციცერონი იყო,  
ციცერონი რომში სენატორობდა, რომს თორმეტი კეისარი  
ჰყავდა, თორმეტივე თვეა წელიწადში, წელიწადი კი, თავის  
მსრივ, ოთხად იყოფა, ოთხია აგრეთვე ბუნების სტიქია: ჰა-  
ერი, წყალი, ცეცხლი და მიწა, რომელსაც ხარების მემკვობით  
ხნავენ, ხარებს აქვთ აგრეთვე ტყავი, ტყავისგან კი ფეხსაცმე-  
ლები იკერება, რომელთაც ფეხებზე ვიცვამთ, ფეხები სია-  
რულისთვისაა საჭირო, სიარულისას წავფორსილდი და მოვე-  
დი აქ, რათა მოგესალმით, — გამარჯობათ.

სამარისებური სიჩუმე იდგა.

„რას ბოდილობს აგი კაცი,“ — გაიფიქრა ერთ-ერთმა სა-  
შიამ, მაგრამ ხმაშალა არ უთქვამს ეს — იმერელები ხომ, ძი-  
რითადად ზრდილობიანი ხალხია.

„ცუდადაა საქმე, — გაიფიქრა შალვამ, რომელიც ნატყვია-  
რი ფარდიდან თან გაფაციცებით უჭვრიტინებდა ხალხს და  
თან პანტალონეს სამოსს ალაღბედზე ირგებდა, მაგრამ მაინც  
არ შედრკა, ისევ ხმადაბლა გასძახა: — არ დაიხიო, ვასილ, არ  
გავიტყდეს გული, შეუტიე, მიდი!..“

— ჰერკულესი რომ არა, — განაგრძო ხალხის მდუმარებით  
შეშინებულმა ვასიკომ, — ტყუილია, ისე ვერასდიდებით ვერ  
აიღებდნენ შეიდკარიან ტროას, ტროაში ხეოფსის პირამი-  
დებს აგებდნენ ხისცხენიანი მაჰარაჯეები, ხოლო იმათ კი ფა-  
დიშაჰად კეისარი ეჯდათ, ხოლო როცა კეისარი დაუნდობლად  
განგმირეს, იმისი უკანასკნელი სიტყვები იყო — შენც, თე-  
ზევს?

„რეებს ბჟუტურობს აგი კაცი,“ — გაიფიქრა ერთ-ერთმა ჟო-  
რიამ, მაგრამ არც იმას უთქვამს ხმაშალა ეს — იმერელები  
ხომ, სტუმრისადმი ძირითადად მომთმენი ხალხია.

მაგრამ წინდახედულმა სეკერიონემ, რომელიც ძმათა მას-

პინძლად თელიდა ამ სოფელში თავს, ყოველი შემთხვევისათვის ხალხს მოკლედ შეუძახა:

— სსუთ!

„უტოპისტი, ვარ?“ — მწარედ გაიფიქრა ვასილმა, ამ რაღაც ქვეური სინჯისგან ძლიერ დაიბნა, აღარ იცოდა რაღაც ეთქვა, რაღაც ექნა, და მაინც იპოვა გამოსავალი: — ოოო, ჩემი ძვირფასი მეგობარი, პანტალონეც, აკერ არ მოდის?

„ვაიმე!“ — ერთი კი გაიფიქრა შალვამ და, ორად მოხრილი, კოჭლობა-კოჭლობით გამოვიდა ავანბაქანზე.

„რამ დააკოჭლა ამ ორ წუთში,“ — გაიფიქრა ერთ-ერთმა კონსტანტინემ, უკვე ჩიტრულად განწყობილიყო.

შალვამ ავანბაქანზე ახველა, აცემინა, აცემინა, ახველა, თითქოს რაღაცის თქმას აპირებდა, მაგრამ ხველებისა გამო ვითომც ვერ ახერხებდა, და ბოლოს მაინც თქვა:

— მე ვარ ვაჭარი პანტალონე, და ფლამინია მიყვარს, გამარჯობათ. ააა-ფჩხიპქ!

მღვიმური კი არა და, აკლდამური სინჯე იდგა.

„უტოპისტი ვარ! — შეძრწუნებით გაიფიქრა ვასიკომ, — უტოპისტები ვართ ჩემი ძმებიც, მეც!“

— კაპიტანზე გადადი... — უჩურჩულა შალვამ.

მაგრამ ვასიკო ველარ იყო იმ ძველ გუნებაზე, და ესღა მოახერხა:

— მოდი, ბრიგელა!

პატარა ხანს არაფერი ისმოდა, მერე გრიმამ გამოსძახათ:

— ახლავე მოვალ, სენიორ, ჯერ პირს დავიბან და...

ცუდად იყო საქმე... გარეთ ბნელოდა.

— კაპიტანზე გადი-მეთქი, — ისევ უჩურჩულა შალვამ, — კაპიტანი ნამდვილად გასჭრის...

სხვა რა გზა იყო; ვასიკომ მოსასხამი დაადგო, ნილაბიც მოიცილა, სქელი ულვაში დაიკრა, პლასტიმასის ხმალი იშიშვლა და:

— მე ვარ კაპიტანი სპავენტო — რამდენადაც შეეძლო, ომანინანად წამოიწყო ვასიკომ, — მიწისძვრისა და ელვის პირმშო, მავრთამყლეტელი, მაგრამ რადგანაც არ მოიძევება დედამიწის ზურგზე ისეთი დათვი, რომელთანაც შებმას ვიკადრებ თვით მე, შეძრწუნებათა კაპიტანი, კაპიტანი სპავენტო —

ცეცხლი და სისხლი, ამიტომ სანადიროდ ავდივარ მეშვიდე ცაზე, რათა იქ მოვკლა ვარსკვლავებისგან შედგენილი დიდი დათვი და წარმატებით ვნადირობ იქ, ახლა კი მოვედი თქვენთან, გამარჯობათ.

— გავიგეთ, ბატონო, გავიგეთ, გაგიმარჯოთ, გამარჯობათ, გაგიმარჯოთ, სალამი, გამარჯობათ, — ველარ მოითმინა ერთ-ერთმა დათვიკომ, — გამარჯობათ! მერე?..

და იმსოფლელთაგან ყველაზე მეტად გულფიცხს, ვახტანგას ის-ის იყო უნდა წამოეძახა: „თქვენ-თქვენი თავი აიგდეთ მასხრად, ბატონო,“ რომ...

— მე ვარ მაიორი გრატიამვილი, — თქვა უცებ ვასიკომ და შალვას უცნაური რენხი უყო გულმა, — ვარ არტილერისტთა ქვეგანყოფილების სიამაყე, და ზარბაზნით მძალუძს გაფრენილი ბელურის ჩამოგდება, იქნება ეს ბელურა დედალი თუ მამალი, ჩერთვის სულ ერთია, და ამიტომაც, — უღვაშზე ამაყად გადაისვა ხელი. — და ამიტომაც მოვწონვარ ქალებს.

— დეიღუბე შენ, — უბოროტოდ წამოსცდა კალოშებიან მაყურებელს.

— მე, სრულიადმა მაიორმა გრატიამვილმა, ჩემში შეყვარებულ მრავალ ქალთაგან ამოვარჩიე ერთი, ვისი მშვენიერების და სიტურფის დიდი ამბავიც გავარდნილია ჭიათურიდან კაცხ-ზესტაფონის გავლით ადვილღვინიან სოფელ სვირამდე, და ამის გამო უამრავ ქალს დაეწყვიტე უმანკო გული, დაეწყვიტე კი არა, იმათ გულებში რომ დაუნთო, ფეროს ქარხანაში არ დანთებულა იმდენი ცეცხლი.

— აუიფ! — კმაყოფილად შეუძახა ერთ-ერთმა დათვიკომ.

— მაგრამ ერთი ოსერი ძალიან მიშლის ხელს, — და შალვას მიუბრუნდა, — ხოლო იმ ქალწულს რადგან თქვენ მეურვეობთ, მასზედ ქორწინების ნებართვას ვითხოვ თქვენგან, ჩემო... პანტელეიმონ!

— ვინ არი შენი ჩემი პანტელეიმონ! — ვითომც განრისხდა გასარებული შალვა, — როგორ მიბედავ... აზნაურიშვილი ვარ მე და, ვიღანა სარ შენ!

— მე კიდე — თავადი ვარ, — გაიჯგიმა ვასიკო.

— გრატიამვილი და თავადი, არ გამიგია მე.

— ვერც გაიგებდი, — არ დაიხია ვასიკომ. — რადგან კრატი-

აშუკული ჩუენი ნათესაობის ფსევდონიმია, ფსევდონიმი კი იმიტომ ავიღეთ, რომ პაპაჩემის ბიძამ, აღმასხან ორბელიანმა, ბატონი მოკლა კრული ღორივით და ფსევდონიმი შევირქვით, რათა ვერავის ვეცნეთ.

აქ პანტელეიმონი დაფიქრდა, ჩერე გაუნათდა სახე:

— თქვენი ბატონი რა გვარის კაცი იყო, ბოღიში? ორბელიანებმა ბატონი თუ მოკალით, თქვენი ბატონი თვით მეფე-ბაგრატიონი უნდა ყოფილიყო და რაღაც არ მახსოვს ისტორიიდან ეგ მე.

ატყდა სიცილი, ატყდა „სწორია, სწორია...“

მაგრამ ვასიკომ არ დაიხია:

— აღმასხან ორბელიანი მაშინ პრაქტიკაზე იყო შორეულ ას.ლ ზელანდიაში.

-- და იქაური მეფე მოკლა?

— აბა?! — დაეთანხმა გრატიამვილი, — ცალი ტეტეთი.

პანტელეიმონი დაფიქრდა და:

— სად იყო, ბიჭო, მაშინ ტეტე?

— სად იქნებოდა, — ხელში.

ხალხმა რატომღაც მატყუარა ვასიკოს მხარე დაიჭირა: — კარგი ხარ, კარგი... ხოლო შალვასკენ ზედიზედ გაისმა: — ჩაჯინება არ იყოს... ჩაჯინება არ იყოს...

— არაფერი არ ვიცი მე! — გაგულისდა პანტელეიმონი, — ფლამინიას... ეე, მარგალიტას აღზრდა-ვანათლება ოცი ათასი დამიჯდა მე ახალი ფულით და, თუ გადამიხდი, წაიყვანე და შენი იყოს. მშვიდობით.

— საიდან ვიშოვნო ოცი ათასი? — მწუხარედ წარმოსთქვა ვასიკომ.

— დაუხატე, დაუხატე! — ურჩია რომელიღაც სიმონმა და ატყდა ისევ სიცილი.

— როგორ დაუხატო, — დანაღვლიანდა ვასილ გრატიამვილი — ფანქრის ფულიც რომ აღარა მაქვს... სულ დამეხარჯა...

— რატომ, ჭირიმე... — დაინტერესდა კენტი მიშა.

— შემომეხარჯა გლახა ქალებში.

-- ვერ დაჯდებოდი შენთვის მერე? — შემოუძახა კალოშე-ბიანმა.

— ვერ დაჯდებოდი, — სევდიანად აღნიშნა ვასიკომ.

— რატომ, შე კაცო...

— მიყვარს ქალები და, რა ვქნა.

— დედულზე შენა — წამოიძახა მსუქანმა ბუხპალტერ-ქალმა და ჩაბუირდა, დიდი ფოსოები ჩაეკეცა წითელ ლოყებზე.

„მგონი არა ვარ უტოპისტი — ვაიფიქრა ბედნიერმა ვა-სილმა, — მგონი, არა ვარ...“

ამ დროს, სად იყო და სად არა, გამოვიდა ეს ჩვენი გრიშა, და, ოხერმა, მაშინვე მოიგო ხალხის გული — ვითომ უცაბე-დად წაიქცა და სულ ყირამალაზე გადაკოტრიალდა. ატყდა სი-ცილი, მაგრამ რას ატყდა, რადგანაც, ისე, საერთოდ, კეთი-ლები კი ვართ, მაგრამ რა ვქნათ, მაინც გვიხარია კაცის წაქ-ცევა, — ქართველები ვართა, ქართვე-ლები ვარ-თაააა, ტაშ..

და, დატრიალდა კომედია დელ-არტეს ეს მოქართულო ვარიანტი: მსახურმა გრიშამ ხმალი დასტყუა გრატიანოვილს, რადგან სამაგიეროდ მარგალიტას გულსა და ხელს შეჰპირდა; მერე ვასილი იქვე გადაიქცა დოქტორის ტურფა ასულად -- ხა-ლხის წინაშევე გადაიცვა კაბა, ვარდისფერი თავსაფარი შემო-ისვია და თუმც იმ იზაბელასავით ნაზად სუჰაედა და ასულდა თვალებს, ხალხი ძალიან იცინოდა, რადგან ვასიკოს ის სქე-ლი უღვაში განგებ თუ უნებურად, შერჩენოდა. აქ კი აიღო და გამოვიდა ფარული პოეტი ჯაში, ხალხისკენ პირით დადვა და, იმ ჩირაღდნების წრიალა შუქზე, პირველად გამოამზეუ-რა: „ქორს შეუყვარდა ქოროლი, უთხრა... — აქ ორსავე მუსლზე დაიჩოქა და ვასიკოსკენ აღაპყრო ხელები: — ჩემი ხარ, ტორო-ლი...“, და, ესიაჩონა ხალხს, ხალხს ძირითადად გვიყვარს პო-ეზია, და იმაო მხარეზე დადგა მამყურებელი, ხოლო საიდუმ-ლო თავშესაფრიდან გამოღწეულმა ვაიოზ ჯაშმა აიწყვიტა და პოეზიური თრთოლვით ამბობდა რომ „შენ ლურჯ წყალში დგაფუნებდი, თეთრი როგორი, გიყურებდი, ფარად მქონდა ლელვის ფოთოლი,“ და ვასიკოც ნაზად ანსახიერებდა დგაფ-უნსა და სიტურფეს, სახელოებაკაპიწებულ ხელებს ნაზად არ-ხევდა და მაჯებში ნამეტურ სტესდა, და, ერთდროულად, თან ვასიკოზე იცინოდა ხალხი და თანაც პოეზიაზედ — დელავდა; არ იღუღუებდი? — „რაც შენ გიხილე, შეგრაცხე მშვენიერების ღმერთად, მოდი, ვათიოთ ბევრი ღამე შენ და მე ერთად,“

იქით კი პანტელეიმონი დიდი მეცადინეობის მიუხედავად, ვერ იპართებოდა წელში და თან იძახდა: „ძნელი ყოფილა, ძალიან ძნელი...“ „წელკავი, ბატონო?“ — მხიარულად შეუძახა მთლად გაშინაურებულმა კალოშებიანმა. „არა, სიყვარული...“ — აღიარა პანტელეიმონმა, გამოგვიტყდა და, ეიცინოდით ჩვენ. გრიშამ კი, ვერაფრით რომ ველარ გააჩერა ამეტყველებული პოეტი-ყარდისფრად შეხამებულ სიტყვათა კონის მონა გაიოზ ჯაში, აიღო და უპწკინა, ესეც ძალიან გაგვებარდა ყველას, სოლო პანტელეიმონმა ხელები მალლა აღაპყრო, და გაიოზ ჯაშის ათრთოლებულ ტალღაზე დადგა, ასე შესძახა: „ისეთი ტანჯვის შესპელ მოგოსნვა რომ სულ ცრემლსა ვღვრი, ჩემო გოგონა,“ და ამჯერად მისმა დაცემინებამაც მშუენივრად გასჰრა — თხის კუდი, შე შეჩვენებულთო, დაუძახეს. მერე გამოვიდა ჩერჩული მსახური, გრიშა, სამკუთხა ნაკუნებით აჭრელებული არლეკინის სამოსი ეცვა, მიადგა ფარდას და, ჯერ წესიერად ბერტყავდა, მაგრამ როდესაც ნარნარად ჩაიარა კაბაგადაცმულმა შალვამ ზურგზე ცარცისმიერი წარწერით — „ტასია,“ გრიშამ თვალი გააყოლა და, აღელვებულად შეღიქრიანებულმა, იქვე მდგარ თავის სენიორს, ისევ წამოსასხამში გამოსხვეულ დოქტორ ვასიკოს უთავაზა ჯოხი. ეგრე არ უნდაო, ვასილმა და, დასცხო და დასცხო უსულგულო კეტი, სულ ბღღვირი ადინა. გაედევნა მერე ტასიას, დარჩა არლეკინი მარტო, ძლივს აითრია წელი, შეჭმუსხნილიყო, ფრთხილად მოისვა თითები ბეჭებზე, თავზე, გატრუნულიყო ხალხი, აკი ვითხარით, კეთილებიც რომ ვაართა, მერე კი ზედ ავანბაქანის კიდეზე ჩამოჯდა, ფეხები სპარსულად ძლივს მოირთხა, ნაღვლიანად შეაცქერდა ხალხს და, აუტყდა უცებ თავის თავზე ლალი სიცილი.. აჰყვა ხალხი და, მაგრამ რას აჰყვა, მაგრამ ეს რაღაც სხვაგვარი შეება იყო, უფრო კეთილი, უფრო ალალი, და რომ გეკითხათ, შეიძლება ვერც ეპასუხათ თუ რა იყო იმათი მხიარულების მიზეზი, მაგრამ რა ვუყოთ, კარგიცაა ალბათ, ხანდახან ისე ძალიან რომ მოგვინდება ხოლმე სიცილი... და ხარხარი კი მაშინ უნდა გენახათ, როცა გაქნილ მსახურად გადაქცეული შალვა დოქტორ ვასიკოსაც და იმის გრიშასაც ცალ-ცალკე რომ დაპირდა ტასიას შოვნას, ოღონდ იმ პირობით, თუ დოქტორი ქალად გამოეწყობოდა, რადგან ტასია მო-



ერიდებოდა საპაემნო სახლში მამაკაცის კვალდაკვალ შესვლას, გრიშა კი დაარწმუნა, რომ იმ სახლში მხოლოდ ქალად გადაცმულს შეუშვებდნენ, იქ კი ტასია დახვდებოდა ტახტზე წამოწოლილ-გამზადებული, დასცინცქლა ორთავ ბატონ-მსახურს ფული, და აი, ავან-ბაქანზე თავის თავთან აღგზნებული ლაპარაკ-ლაპარაკით გამოვიდა და წამოწვა დოქტორი ვასილ, მერე კი ფრთხილად შემოიძურწა ასევე-კაბიანი მსასური გრიშა, სერგულა-კლდეში ბინდბუნდი გახლდათ, მიუასლოვდნანქროლებული მსასური ანქროლებულსავე ბატონს, და ძლიერ გაინაზეს ერთურთისაკენ გაწვდილი ხელები და, ის-ის იყო, ერთიმეორას უნდა ჩახვეოდნენ, და არ შერჩათ უცებ ერთმანეთი? და ვხარხარებდით ჩვენ, ნეტარი მაყურებლები, გვიცახცახებდა უკან გადაგდებული თავი და ბედნიერებისგან მოგვმუშტვოდა თითები, ცრემლებს დაოსებულნი ვიწმინდდით და მუცელზე ვიტაცეთ ზოგ-ზოგებმა ხელი — „ვაიმე, დედა,“ ჩვენი ხარხარით ზანზარებდა გამოქვაბული, და ჩირაღდნებიც თითქოს ხტუნავდნენ, მაგრამ უეცრად ყველაფერი გადაფარა რაღაც სასტიკმა, საშინელმა, თავზარდამცემმა დაღრიალებამ:

— თქვე ქართველებოო!!!

გაბრუებულნი, გაოცებულნი ასცქეროდნენ ზედა ბაქანზე გადმომდგარ შალვას, და აღარავინ ხარხარებდა კი არა, არც იღიმებოდნენ კი არა, — თავრეტდასხმულნი, პირდაღებულნი მისჩერებოდნენ მრისხანე შალვას, და თუმც გაქვაგებულები იდგნენ, შალვამ ისეთივე შემადრწუნებელი სიძლიერით დასძახა:

— ქართველებოო, სდექ!!!

სად წავიდოდნენ, გახევებულნი იდგნენ, ოღონდ ძალიან მიჰკვროდნენ ერთურთს; ამ პირველყოფილ მღვიმეში, ჩირაღდნების მაცდურსა და წრიალა შუქზე, განრისხებული შალვათი დაშინებულებს, ძლიერ მოუნდათ ერთმანეთი და ის ორი დამდურებულებიც კი, აგერ უკვე ათი წელი ერთმანეთს ხმას რომ არ სცემდა, ისე შემჭიდროებულიყვნენ, თუმც ზღაპარ იყო, მაგრამ მაინც, საკვირველება, ერთ კაცად იქცნენ...

— სასაცილოდ გაქეთ, არა, საქმე? — გრგვინავდა შალვა, — ჩვენ, სამმა ღვიძლმა ძმამ, და კიდევ ერთმა, მომსიარულწვითა და დაგვით ამოგიტანეთ აქ, ამ სოფელში, შორს ამო-

სული თავისუფლების უცხო ყვაილი, თავად სილაღე, იტალიური კომედია დელ არტე, და რომ გაგეგოთ იმისი მადლი, სახელდასელოდ გადმოგიქართულეთ კიდევ და, მაგრამ, ზოდ-ნიში! — სიცილ-კისკისის მეტს ვერაფერს მიგაღწევინეთ, იმ სილაღეში, სასარხაროს გარდა, სხვა ვერაფერი შენიშნეთ, არა? — შევირცხვათ თავი!

ზღაპარ იყო, კი, და ერთიმეორეს ეჭლინთებოდნენ ვითომც სასეიროდ ამოსული მაყურებლები, ახლა — შემცბარი და გასაპარავად აძერწული ხალხი, მაგრამ ვინ გაუშვებდა, ვინ მოაცელებინებდათ ფეხს, და ერთმანეთს უნებურად ძლიერ რომ ეკვროდნენ, ალბათ არც ეს იყო სწორი — ისედაც მცირერიცხოვანნი, ცოტავდებოდნენ, სულ რამდენიმე კაციღა დარჩა, ისინიც ერთმანეთისკენ ჯერ მიმოჩნდნენ და მესუტდნენ მერე.

— ვინ ავიკრბალავთ ღიმილს და სიცილს! — დაძლიალებდა იმ რამდენიმეთ აღელვებული შალვა, — მაგრამ, უნდა იცოდეთ, რაზე იცინოთ და რაზედ — არა, ნუთუ ვერ შეგვნიშნეთ ის სილაღე და თავისუფლება, ყოველი თქვენგანისათვის საიცნებო რომ უნდა იყოს... არა, ცალყა სილაღე როგორ არა გაქვთ, მაგრამ ვგიჟდები — საიდან, როგორ!

ორი კაციღა დარჩენილიყო, და იმათაც მიაშურეს ერთსურთს.

— კოლხ-იბერებო! — დასჭექა შალვამ, — აბა, დაძაბეთ სმენა, თვალები...

ერთი კაციღა დარჩენილიყო, ისიც მობუზული, თავჩაქინდრული; ისე საცოდავად იდგა, შალვა ცოტათი მოლბა, ეველა ბაქანზე ჩასტა, ამფსონებიც ჩაჰყვნენ, მივიდა შალვა აიმ კაცთან, ამოსდო ნიკაპში ორი თითი, ააწევირა თავი, კარგა შესედეს და, რასა ჰხედავენ: ჩვენი კიკოლია.

კიკოსავით ღვას, ირველივ სხვა აღარავინ მოჩანს, მხოლოდ ცალი კალოშიღა გდია.

რა იყო, კიკოლი, რამ დაგაღონაო, შალვამ. რავიო, იმან. არა, არა, მაინც რამ დაგაღონაო, შალვამ. კომედიანზედ, ვიცი-ნოდი და აი ამან დამაღონაო, იმან. ბიჭოო, შალვამ, არ გირჩევირა, სხვებს რომ არ მოგვაჩერდე, შენიღა იპოვო გამოსავალიო, შალვამ. ჩემით როგორღა ვიპოვოო, კიკოლიმ. როგორ

და, წადი და მიიარე, მოიარე, ეგებ შენს ბედს შენც ეწიოა, შალვამ.

დააპირა შებრუნება კიკოლიმ, მაგრამ ჯერ დაიცაო, შალვამ. გახედა მერე იმ თავის კომედიელებს, აათვალიერა, ჩაათვალიერა, სულ ერთი წუთით მოაცილა კიკოლის თვალი, მაგრამ რომ მიუბრუნდა, რასა მხელავს: გადაჟღარათულა არსენიანად ეს ჩვენი კიკოლი მხარ-თეძოზე და, მოსვენებაშია.

გაბრანდაა, შალვა: ადექ, ადექ შე მცონარაო, უთხრა, რამ წამოგაწვინა ასე უცბადაო, უთხრა, ასე რამ გაგაზარმაცაო, უთხრა, როგორ არა გრცხვენიაო, უთხრა, რად წამოწევიო, ბოლოს ჰკითხა.

ესეა და ესე ჩემი საქმე, ზარმაცი ვაარო, იმან.

დაფიქრდა შალვა, კარგა დაფიქრდა, და, აიღო უცებ და, დაავლო ამ ჩვენს გრიშასა ხელი და, გამეტებით მიანარცხა კიკოლის. ეს ჩვენი გრიშა — ფაფუუ, მაგრამ სხვანაირად დააჭყიტა კიკოლიმ თვალები, ძალი და ღონე მიეცა, დაიწყო უცებ ცეკვა-თამაში, ისე ცეკვავს და ისე თამაშობს, სულ ფენის წვერზე დგებო... იმის ცეკვაზედ უკეთესს, რასა ნახავდა თვალი, მაგრამ გრიშას აკი სმენაც ხომ კარგი ჰქონდა და, დაალო კიკოლიმ პირი, ამოსდის და ამოსდის ცალი ხახიდან სულ ორ, სამ, და კიდევ უფრო მეტსმიანი სიმღერები, „ზამთარია“ გინდა, „ოდოია“, „კრიმანჭული“, „ბერი კაცი ვარ“, „ლილე“, რა გინდა, მოკლედ, სულ და გულ... მღერის და მღერის ჩვენი კიკოლი, საიდან, როგორ ამ კიკოლისა ამდენის თავი და ხახა...

კარგი ყოფილათ? — შალვამ. კიკოლი კი მღერას ვედარა სწყვეტდა, თავილა დაუქნია.

ეგრე არ უნდა თავის კანტურით, შალვამ, და აიღო ეს ჩვენი... რა გვარი იყო, სულ დამავიწყდა, აი, ტვიშივით გვარი რომ ჰქონდა... ჰო, აიღო შალვამ ეს ჩვენი გაიოზ ჯაში და შესტყორცნ-შეჭედინთა კიკოლის, მოკუმა იმანაც პირი, გაელმებული მზერა სადღაც შორს მიაპყრო, რაღაცას ეძებს, წვალებაშია, იცდის.

მიდი-მიდიო, შალვამ.

— ზღაპარ-იყო, ზღაპარ იყო, — სევდიანად წამოიწყო კიკოლიმ, — ჭალას ჩიტი მომკვდარიყო, დიდ ქვაბში ვერ ეტეოდა, პატარაში კარგად იყო...

— შენზეა, აი, — უთხრა შალვამ.

მაგრამ კიკოლი ველარ უსმენდა:

— ლექსო, ამოგთქომ, ოხერო, თორე იქნება ვკვდებო-  
ლე... — და შეაცქერდა: — კიდევ ვიტყვი, რაა?

— მიდი.

და კიკოლიც მივიდა:

— ბინდის ფერია სოფელი, უფრო და უფრო ბინდდება...

ველარ აგრძელებს, დადარდიანებულა, მხრები ჩამოუყ-  
რია...

ცოტა ამაყი რამეც კი შეგიძლია თქვაო, შალვამ.

მართლად? — გაიხარა კიკოლიმ, ვიტყვი, რატო არ ვიტ-  
ყვიო... და, თქვა:

შენ, ჩემო დიდო ინედო,  
კომკო, ნაგებო კირითა,  
ჩემო ცეცხლო და ნამგალო,  
ანღერებულნიო დიდითა,  
ტყეში მოჭრილო ისარო,  
ქაჯკს ნაღებო ინითა,  
ცისფერო მოვის პერანგო,  
შეიღვან შეკრულო დიდითა,  
უკვდავებისა წყარო,  
ნაღესო ოქროს მიდითა,  
თქვენთანამც ყოფნიოთ გამაძლო,  
სიფსინიშითა და ძიღითა...

გაამაყდა, წელში გაიმართა კიკოლი, ბეჭები გაშალა, დაი-  
ხედა მერე თითებზე, გაახსენდა:

— ტაძრის შენება და იმისი კედლების მოხატვაც შემოიძ-  
ლია. გაჩვენო, გინდა?

— მჯერა, კიკოლი.

ისევ სიტყვებმა წამოუარეს ამ ჩვენ კიკოლის, კიდევ უნდა  
რაღაც-რაღაცების თქმა, დაეძებს რაღაცებსა, ერთხელ სელ-  
მწიფის შვილი სანადიროდ გამობრძანდა, ნახა ერთ უდაბურ  
ტყეში ერთი მშვენიერი სასახლე, და იმ სასახლეში ერთი  
მზეთუნახავი ქალი, ხელმწიფის შვილს ერთის ნახვითვე გუ-  
ლი შეჰვარდა ამ ქალზე, უყურა, უყურა და ბოლოს შორით  
ყურებაც ველარ მოითმინა, ჰკრა ფრთებიან ცხენს დეზი, ახლო  
მივიდა, ახლოდან უფრო მეტად მოეწონა და უფრო მეტად გუ-

ლში ჩაეჭრა. გადმოხტა ცხენიდან... იქით კი ერთი თბოლი დედა მწარედ სტიროდა: ხელმწიფესთან რო მიეშურებოდნენ, დამი უღალატა — ეს რა კარგი ვაშლიაო, უთხრა, მე გიზურგულებ, ადი ამ ვაშლზე, დაკრიფეო... აიღო თბოლმაც და, შვილი დას მისცა, იმან უზურგულა, ავიდა თბოლი დედა ვაშლზე და, არ მიატოვეს? ვეღარ ჩამოდის... დედა ვაშლზე რომ დარჩა, იმდენი იტირა, იმდენი იტირა, სულ ცრემლად და სისხლად ჩამოიღვარა მიწაზე. სადაც იმისი სისხლი და ცრემლი მოხვდა, ისეთი ლერწამი ამოვიდა, როგორც ტყე. ათასნაირი ყვავილი და ბალახი გაიშალა. დაფიქრებულა ჩვენი კიკოლი, რამდენი ძნელი რამა აქვს მოსაკრეფი... თქვა:

იარებოდა დედა  
ტირილით ავადცემდინი:  
„ჩემს შვილს გზად ვეფხვი შეჰყრია  
გაჯავრებული...“

მოაწვა კიკოლის თვალეზზედ ცრემლი, დალაგებულად ვეღარ აერძელებს, სულ ნაწყვეტ-ნაწყვეტ იძახის: არც ვეფხვი იყო ჯაბანი... არც ჩემ შვილ მახვდა ჭკვიანი... შვილო, არ მახკვდი, შენ გძინავ, დაქანცული ხარ ჯაფითა... ერთი შვილ მაინც გავზარდე ვეფხვებთან მეთმარია... ხან იფიქრებდა, უღედოდ გაზრდა ვინა თქვა შვილისა, იქნება ვეფხვის დედაი ჩემებრ დღედაღამ სტირისა...

დასჩუმდა კიკოლი, ცრემლები მოსდის... შალვასაც, სულ დაბურძკლა, მაგრამ:

— მაგრამ სხვაც რომ უნდა იცოდე?

— რა... — შეერთა კიკოლი.

— რა და, — ვასილს ჩასჭიდა ხელი შალვამ, — აიი, ესა... და ისიც შესტყორცნა.

კიკოლიმ ჩაახველა და, თქვა:

— შესაძლოა კი არა, ალბათ უფრო დიდი მწერლები არიან სერვანტესი და ტოლსტოი, გეთაყვათ, მაგრამ ფლობერი ერთადერთი კაცია, ვინც ორი ჭეშმარიტად დიდი, უნაკლო რომანი დაწერა. თანაც, ერთი — თავის თანამედროვეებზე, მეორე კი — კართაგენში დაატრიალა. არა, მაინც რა ღვთის წყალობაა, ხალხნო, — აღფრთოვანდა კიკოლი, — ერთხელ და სამუ-

დ. კ. კ. რომ დაიბადნენ დანტე, სტენდალი, მერიმე, პუსკინი, ფ. ლენინი...

და აქ შალვამ მაჯაში ჩასჭიდა სელი...

— მაგრამ ჩემი შოთა, ჩემი ილია, ბარათაშვილი და გურამიძეები, აკაკი და ვაჟა, ვაჟა, — თავს მირჩვენია! — წამოიძახა აღელვებულმა კიკოლიმ, — ეს იმიტომ რომ, ძლიერ ჩემია... ძლიერ ჩემია და ერთი რამის სიყვარულიც სომე... — და შალვას მიუბრუნდა, მაგრამ, გაიხედა და, რასა ჰხედავს — სულმთლად მარტოა, აკი ის შალვაც არ შეჰქენთია?

რა ვუყო ახლა, ახლა რაღა ვქნაო, კიკოლიმ, გაიხედა გარეთ — ბნელაა, რას ბნელაა... თავიდან კი შეკრთა, მაგრამ რაღაც-რაღაცები შემატებოდა, არ გაიტეხა გული, გაიტეხა კი არა და, გამსწევდა, ეგებ ჩემს ბედს მეც ვეწიოო, დააღვა გზასა, წამოვიდა და დასცხო წვიმამ, მიდის კიკოლი მაინც, სწყურია, ჰშია, სცივა, მაგრამ გაიხედა და, რაღაცა ბეუტამს...

და, შემოგვეხარჯა აგერ ამბავი, მაგრამ თუ ზღაპარია, ზღაპარი იყოს, ზღაპრისებურად დავამთავროთ, კი:

ღზინიც აქა, ჭირიც აქა,  
შქვილიც აქა, ჯაჭოს აქა... —

ტაშვი

1983-84 წ.

## ბახვას ბუღბა რიჩხი უყო

(ციკლიდან „ქართული ხასიათები“)

### მონოლოგი

#### 1.

რეჩხი-მეჩხი ბახვამ საერთოდ არ იცოდა, თუ მშვიდად იყო, მშვიდად იყო, თუ გაბრაზდებოდა და, მტრისას — თრ ბაზარ ხალხს ისე გალახავდა, როგორც არაფერი, ოღონდ ქალების გამოკლებით — ქალებს პატივსა სცემდა.

აღვზნებადი იყო. ვიწრო-ადამიანური გაგებით, სამართლიანად — უსამართლობას ვერ იტანდა კი არა, თავფეხიანა აჟრიალებდა. თავად ბახვა ვინმეს რომ ვაებრაზებინა, კიდეც პო, მაგრამ სხვათა საქმეებში სჩვეოდა ცსვირის ჩაყოფა. უფრო სწორად, მუშტის ჩარევა — ასე მაგალითად, ერთხელ ბახვა ტროლეიბუსის მოლოდინში თავისთვის იღვა და იქვე ტაქსის გრძელი რიგი ოხრავდა, ძალიან დიდი სიცხე იყო; მივიდა იმ მისავათებულ რიგთან ვიღაც ჯანმრთელი ახვარი და იკითხა: „ვინაა პირველი!“ „მე“. — უპასუხა რიგის პირველმა. „ჩემ შემდეგ იქნები“, თქვა ახვარმა და ძალიან ამყად, ზურგით დაუდგა რიგს, ხოლო ამის გამგონე ბახვა სწრაფად მიეჭრა ახვარს და გაუქანა და ხია შიგ შუა ყბაში. ოთხი თვის მერე (ცოტათი ადრე გამოუშვეს), ცოლს რომ ეგონა ჭკუას ისწავლიდაო, ბახვა მონატრებულ ბნელ ქუჩებში სასერიწოდ გავიდა და, რასა ხედავს: წაუქცევია ვიღაც კაცს ვიღაცა ქალი და სულ ფეხებით ურტყამს. ასე არ უნდაო, ბახვამ, და თავისი ქნა, მაგრამ შემდგომ გაირკვა, მონინცინდენტენი ცემა-ტყეპაში გამოწრთობილი სტაჟიანი ცოლ-ქმარი ყოფილიყვენ და ქალია სასამართლოზე ქმარს მსარი (ქმარს მხარი ისევ თაბაშირში ჰქონდა) დაუჭირა, ბახვაზე, უსამართლოდ ღაგვესხაო, წინა ნასამართლობაც გაუხსენეს და სად ბახვა და სად ბნელი რეციდივისტი (იგი აკი სამართლიანობისა და სუსტთა დაუჩაგვრელობისთვის იბრძოდა), მაგრამ ორი წლის შემდეგ, ანკეტურად, რეციდივისტად გამოიკურებოდა. წარმოდგინეთ, იმ ამბის შემდეგ ქალებს მაინც პატივსა სცემდა — ქალია დედა და ყველაფრის თავი და თავიო, ტყუილად კი არ გვაქვს ქართულში „დედამიწა“, „დედაენა“, „დედაბოძი“; თანაც ნაზია, სუსტი ქალის დაჩაგვრას ვერ ავიტანო და ცოლი რომ აუჭაჭყანდა, რა შენი საქმე იყო, ვერ დაეტეოდი შერთვისო, ვინ გეკითხებოდაო და ამისთანები — ბახვამ მხოლოდ ერთი სიტყვა თქვა:

— ქაღლო.

მაგრამ ისე თქვა, მაშინვე დაჩუმდა ცოლი.

ახლა, არ გეგონოთ, რომ ძალ-ღონით დიდი ყარამანი და ამირანი იყო. დაწყნარებულზე, ამმხრივ საშუალო მონაცემები ჰქონდა, მაგრამ ოუ აღივზნებოდა, უპუპუ, მტრისას და მა-

წყევრისას — სამი ბაზარი ხალხის ძალა ჩაუდგებოდა ჯანში. ბაზარს რაღაცა ხშირად ვახსენებთ, ალბათ იმიტომ, ბახვას თბილისის გარეუბანში დედამამისერთა ცოლის მზითვად მოყოლილ ადგილზე დარჩენილი სათბურები ჰქონდა, კიტრი და პამიდორი მოჰყავდა და სხვას აყიდინებდა ბაზარში—ვაჭრობა რა ჩემი საქმეაო. ანგარებიანი მოხალისე ფულს შუაზე უყოფდა, საერთოდ კი ბახვა ერთ-ერთ ღია აუზში დარაჯ-მეხანძრედ მუშაობდა, თუმცა, რატომღაც, გეოგრაფიული ჰქონდა დამთავრებული; არ იყო თანამდებობებით უკმაყოფილო და, ხახვივით შემრჩა გეოგრაფიულიო, ამბობდა.

რა სჯობდა დარაჯობანას — სძინავს ღამით მზიურ დედაქალაქს, ხანდახან თუ ჩაივლის შეგვიანებული ფარდებიანი მანქანა, ძირითადად სიჩუმეა მშვენიერი კარგი, ხოლო ბახვა ლაღად ფართქუნობს და მიმოდაცურავს, საითაც უნდა. ბედნიერია ამ დროს, ხალისიანი, სულაც ვერ ხვდება, რომ ეს, რომელიღაც მუხლით, თანამდებობის ბოროტად გამოყენებაა, მაგრამ ერთხელ მაინც დაისაჯა — ტანსაცმლის დიდი ნაწილი მოჰპარეს. ვის რად უნდოდა იმისი შარვალ-ხალათი და ცალი ფესსაცმელი, ვერაფრით გაერკვა, ალბათ ხუმრობისა ან სანაპლეოს გამო დაზარალდა. კიდევ კარგი, რომ, იქვე, ცხოვრობდა და ნამეტანი უშუალოდ რომ მიაღვა ცოლს, იმან, ახლავე სახელიო! რა სახელიო, ბახვამ, თავიდან ვერც იაზრა, რომ იეჭვიანა ცოლმა. არ გაბრაზებულა, მერე და მერე ესაიროვნა კიდევ — ვყვარებივარო. კვლავაც ხალისით განაგრძობდა თავის შეთავსებულ საქმიანობას, მაგრამ ბახვა ხან ძველ და ხან ახალ და ხან საშუალო წყალს აქეთ რომ დარაჯობდა, იქით, სათბურიდან, კიტრს და პამიდორს ჰპარავდნენ უარყოფითი ადამიანები და ბახვამ თავის კარგ ამსანავს, ხნიერ ანდრადეს, თეორით წითელზე, ასეთი პლაკატ-გაფრთხილება რამ გაამზადებინა: „თუკი მთხოვთ, ჩემი თავი გენაცვალთ, ხოლო თუ მომპარავთ, გეტირებათ ყოფა“. თვითონ კი ძალიან მსხვილად მიაწერა: „ბახვა!“ წარწერის თავზე მილაკრვოლტიანი ნათურა დაჰკიდა, აბა, ვილა შებედავდა იქ, რომელი სულელი, ოხერი... გამოსწორდა საქმე, წინ წავიდა, წინ.

ხოლო ანდრადე ინტელიგენტი იყო, პალტო არ ჰქონდა სასთარში. ცხენზე ჯდომა და ლასსოს ხმარება სულ არ იცოდა,



მაგრამ კოვბოიკით გადადიოდა იოლს. ბასევს უყვარდა მარტოსეულა მეზობელი, იმისი უმწეობა ეცოდებოდა. ანდრადე კი თავისთვის, ჩუმად აფასებდა ბასევს; საერთოდ მოდუნებულს, იმისი უანგარობაც ღუნედ სიბლავდა, ხანდასან კი ბასევსთან ს შუა თმში გაშმაგებულად ხმალდატრიალებულს რომ წარმოიდგენდა, ალბათ, ასეთებმა შეგვიწინაწუნეს ასე თუ ისე სამშობლოო, კვლავაც ღუნედ ფიქრობდა. რეციდივისტად სახელდევარდნილი ბასევს შიშით ანდრადეს ვინ გაუბედავდა რამე, მაგრამ სიმთვრალე რისი სიმთვრალეა? — რატო არ გაქვს კაი სიგარეტი, შენ ხემ ჯინზე ეწევი მაგ სიმყრალესო, აუხირდა ერთხელ შუალამისას მთვრალი მეზობელი და ანდრადეს სულ გვარში გასათხოვარი აგინა. გვარში გასათხოვარი ანდრადეს თუმცა სულ არ ჰყავდა, ბასევამ მაინც დიდ შეურაცხყოფად მიიჩნია ეს, ორმაგი სამუშაოდან დილაადრიან მობრუნებულმა, ერთი კვიმატი მეზობლისგან ჩურჩულით შეიტყოს მომსდარი ამბავი და რაღვან მეზობელ-დამნაშავე მოკეთების მიერ სადღაც, კასპთან უკვე საიდუმლოდ იყო გადამალული, ბასევამ აღარ იცოდა ვისზე, ან რაზე ეყარა ჯავრი, ტრილებდა, წრიალებდა, ტანსაცმელს უმიზეზოდ იცვლიდა, ანდრადეს კი შურისძიებისდამაგვარი რამ არც მოსვლია აზრად: ისეთი კაცი იყო, ერთ ყბაში რომ გაგერტყათ, მეორეს არ მოგიშვერდათ — ხელ-მეორედ რატომ შევაწუსოთ, და — კარგი, გაჩერდი, დაწყნარდი, გაჩერდი, მერე რა, რა მოსდამო, ღუნე? ამშვიდებდა ანდრადე და ბასევა ამაზე უფრო ცოფდებოდა და, გადაჰყვებოდა კიდევ ჯავრს, მაგრამ მისდა სასიხარულოდ იმ მეზობლის ჭირისუფლებმა ორკაციანი დელეგაცია აწვიეს: ერთი ტანმომცრო ტკბილმოუბარი, კარგი საპალტოვეთი ილღიში და ერთიც გოლიათური აღნაგობის ქორებრ მზირალი კასპელი ექსსამბისტ-ფალავანი, რომელიც, გადავეუსწროთ მოვლენებს და, უიღბლო დესპანობის შემდეგ სამსახურიდან კინალამ დაითხოვეს — ექვს თვეზე მეტი ბიულეტენი არ შეიძლებაო. რა იყო, შე კაი ადამიანო, რას ერჩოდით, ანდრადემ, ადამიანის გალახვა როგორ შეიძლებაო, ადამიანს ტკივილით რომ შეაგნებინო რაიმე, რა წესიაო, ღუნედ საყვედურობდა, მერე კი მთლად მოფამფალებული იჯდა და იმ თავის ყველაზე იაფფასიან სიგარეტს თავისთვის აბოლებდა.

ასეთი გახლდათ ანდრადე, ასეთი გახლდათ ბახვა.  
მაგრამ ბახვა ბევრად უფროს ქარსველა იყო.

## 2

მაგრამ სისუსტე რომელს არა გვჭირს — ბახვას ერთი გამ-  
ხლარი, სიფრიფანა, წითური ბიჭი ჰყავდა.

იმას სასებზე რომ ჭორფლი ეყარა, ბახვას მთელ ვარსკვ-  
ლავებს ერჩია.

უცნაურია, არა, სიყვარული? — შვილისა განსაკუთრებით...  
აი, ხომ ვითომც არაფერია, არა? — ზის თავისთვის ბიჭი და სა-  
წინაო დავალებას ამზადებს, მაგრამ სუნთქვაშეკრული ბახ-  
ვა ფრთხილად, მზერითაც კი რომ არაფერი ატკინოს, ძალიან  
ღრმობილად მინერებია ზურგზე და ენუშუბა ტევადი გული.  
აი, ბავშვია და დიდი ამბავი, გაუკაწრია სადღაც ფეხი, მაგ-  
რამ აბა ბახვასთვისაც გეკითხათ — ბაცი ნაიარევის დანახვა-  
ზე, სულ ჯივარი ეწვოდა. არადა, სანდასან ისეთი ფერმკრთა-  
ლი ჰყავდა, ბახვას სულ გულ-მუცელი ეფლითებოდა და, გინ-  
დაც ფერმკრთალად არა ყოლოდა, ის სიყვარული გაუნე-  
ლებლად, მუდამ, ყოველთვის, ღონივრად ენათ შიგანში ბახ-  
ვას, აი, ეს მძლავრი, მოკრძალებული და გიზგიზა სისუსტე  
სძირდა.

## 3

გაიხედა ერთხელაც ბახვამ და, რასა ჰხედავს: დვას,  
მაგრამ რა დვას, ქალის უნახავს გაგხდის, ყელიც მოუღერე-  
ბია.

თუმც უნებური, თანდაყოლილი, ბუნებისმიერი, მაგრამ  
მსგავსი თავხედობა ჯერ არ ენილა ბახვას: კაი ბატონო, ლა-  
მაზი ხარ, კარგი, ნაშეტანი მშვენიერი, კი ბატონო, მაგრამ ასე  
დაუნდობლად? აჰ, არა, არა... როგორ შეიძლება.

არცა ჰქუხს, არცა წვიმს, მაგრამ კოკისპირულ მთაბეჭდი-  
ლებებშია ბახვა, რა იყო მაინც, ვინ ქალი იყო, ტანი მშვენიე-  
რი, ფეხი მშვენიერი, მხრები მშვენიერი, მკერდი — მთლად  
უარესო, მინერებია მთელი აუზის საზოგადოება, განზე გამთ-  
ნიბულა ფიზკულტურა და სპორტი, ველარავინ ცურავს, ბახვა

მშრალზე დგას, მშრალზევე დგას იქით წყველასავით ქალი, ყელიც — მოულერებია, და, თვალეზმოჭუტულს, თუმც მზისთვის მიუშვერია სახე, მ'ზეთუნარავია მაინც, გი'ზიდავს, გიზიდავს რომ... აი, როგორც... აი, ისე გიზიდავს როგორც... აი, როგორც რაღაცა. — შედარებისა და მეტაფორების თავი ჰქონდა ბახვას? არა; წარსდგა ბახვამ ერთი ხვადური ნაბიჯი, მეორე, მესამე, „სახე მაინც ექნებოდა ამ ოხერს გლახა“, ამასღა ებლაუჭებოდა, მაგრამ რომ მიაწერდა სახეში ქალს და, იმანაც, ზომიერად გაკვირვებულმა, ფართოდ რომ გაახილა ავლეეე, ისეთი თვალის, თვალ-სახე აღმოაჩნდა ოხერს იმგვარი, იმგვარი რომ, ბახვას სულ მიავიწყდა იმისი ფეხ-თეძო და იმისი სხეულის შვიდივე მთავარი ბორცვი, თუმც არა, არა, ტყუილი რა საჭიროა? — სულ კი არ მიავიწყდა, უბრალოდ, პატარა ხნით ჩრდილში აღმოჩნდა ქალის სხეულის სხვა ღირსშესანიშნაობანი, სხვა რამე, თუმც, რამე ეძახე და, კი არივდარია კაცი, არა, კი არ არია, პირიქით, შეკრა, არა, კი არ შეკრა, ნაბიჯები გადმოადგმევინა და მგონი, ავირიეთ ჩვენს და, მოკლედ რომ დავსძინოთ, ქალი იყო რაღაც მეტისმეტი. დგანან ა, ასე:

აღამიანთა დაბნევას მიჩვეული ქალი მკრთალად აბჟუტებული ღიმილით შესცქერის, ცალთვალმოჭუტულია, ბახვა კი პირდაღებული მიჩერებია ბრიყვივით და ქალს რა, ვითომ არაფერი, მაგრამ მაინც ქათინაურს ელის, აკი რამდენგზის აღვნიშნეთ რომ, ქალია და მეუთვალავეჯერაც ესიამოვნება პირში-მთქმელური შექება, თანაც მზის გულზე დგას, აუზიდან ახლახან ამოსული, ნედლი, სითბოთი ნელინელ იფურჩქნება და კარგ განწყობაზეა, ყელიც — მოულერებია და აღფრთოვანებული მამაკაციდანაც სიტყვიერ სითბოს მოელის, მაგრამ ბახვა თავისებურად აღეგზნო და ისეთი რამ წარმოსთქვა, ნამდვილად გაკვიკვირდება.

აი, წარმოსთქვა ასე:

— შენ, ვიღაცა ხარ, ქალო, სულმთლად დაკარგე სვინდის-ნამუსი?

და თუმც ბახვასმიერ გამონათქვამში რაღაცა კარგიც ბუნდოვნად იგრძნობოდა, ქალი ჯერ შეკრთა, მერე, ფართოდ თვალეზდახელილი, ძლიერ დაიბნა და მაგრა განრისხდა ბოლოს:

— როგორ თუ დავკარგე! როგორ თუ მიბედავთ!!

ბახვამ აქ თავი ჩაღუნა და ხმადაბლა იკითხა:

— აბა, შეიძლება ასეთი სილამაზე?

ისე უმწეოდ იკითხა ესა, ქალებს თუმც ძლიერები მოსწონთ, იმ თავდაპირველი უტიფრობის შემდეგ ბახვას ასეთმა გაუმწეოებამ ქალს იმდენად აუჩუყა გული, მოუნდა რომ, ბავშვივით თავჩაქინდრულისათვის კეფაზე გადაესვა ხელი, მაგრამ მაშინვე გადაიფიქრა — იყო ბახვაში კიდევ რაღაცა, რაღაც აშკარად მამაკაცური, ნამეტანს ვერ გაუშინაურდებოდი. ამან, თითქოსდა, ცოტათი დააფრთხო, მაგრამ საკმაოდ შეუთამამდა!

— ძალიან მოგეწონე?

— აბა, არ მომეწონე?—თ, — პატარა ხნით თვალი შეავლო ბახვამ.

დასჯილივით იდგა.

— მერედა, რა გიყო? — შეასვალე რა ქალმა, ბახვას თითქოს არა უშავდა რა, — ვერაფრით გიშველი.

— როგორ ვერ მიშველიო, — თქვა ბახვამ, შეხედა და ქალის განსარისხებლად მომზადებულ თვალებს რომ წააწყდა, სანქაროდ დაამატა, — დედის სულს გეფიცებით, რაიმე გლახა თუ მეღოს გულში, უბრალოდ, პატარა ხნით მაყურებინეთ თქვენთვის, შეგხედავთ კარგად, როგორც სილამაზეს, დაგიმახსოვრებთ სამუდამოდ და სხვა არაფერი არ მინდა მეტი.

აქ აის ქალიც დაგვიინტერესდა—არ ჰგავდა ბახვა ჩვეულებრივ მამაკაცს. აწონა, დაწონა...

— კი მაგრამ, ამ შუაგულ ხალხში უნდა მათვალეო?

— თქვენი ნებართვა თუ იქნება, დავსხდეთ იქით, სკამზე.

— კარგი, — თქვა ქალმა, ხანდახან რომელს არ გვიყვარს ცელქი გარემოებანი.

ბახვას ჯერ ეგონა თუ, რაღაც შეუძლებელს თხოვდა, და რომ მოჩვენებითი თანხმობით ემასხრებოდნენ, მაგრამ ქალი წავიდა, წავიდა, წავიდა და დაჯდა. ბახვაც, რასაკვირველია, მივიდა, მივიდა, მივიდა და იქვე დაუდგა, ერთადერთ ნაბიჯზე და, ოხერმა, მაინც გაიფიქრა, რომ ამდენი ნაბიჯით შედარებით ადვილად მიუახლოვდა და რაღა იქნებოდა ის ბოლო ფენის წარდგამაც, მაგრამ აჰ, არა, კილომეტრებიც რომ გამოეველო, ის ბოლო, შესაერთებელი ნაბიჯი მაინც ურთუ-

ლესი, სრულიად მატერიკთა გამყოფი და მსოფლიო ოცნებით წარმოსადგენი იყო.

...დაჩერებია, დაჩერებია ბახვა და, აღარ იცის, იაკვიდან და მეტისმეტად რა შეუთვალეიეროს, ქალს კი ერთი საუცხოო ფენი... „ნეტა ვინმე მუდრეგზე ცუდად გათხოვილია?“ — ერთი სა-უცხოო(1) ფენი მეორე საუცხოოზევე გადაუდია, გაშლილი ხელები მერსის საზურგეზე რაღაც მტაცებლურად უღევს, რადგან მწვანედ შეღებილ ხეს წვეტიანფრჩხილებიანი თითებით ჩაჰბლაუჭებია და, ხელებგაშლილს, ორი ისეთი მხრისთავი ამობურცვია, ერთიმეორეზე უკეთესი, მკერდს ჯერ ვერ უთვალეიერებს ბახვა, ერიდება, თუმც კარგად მთხსენება, რომ საამო იქნება საცქირლად, „დიაცის უბეჰავითა“, ყელი აქვს ისრერიგ ჩამოთლილიც და აჭიმულიც, ნულარ იკითხავო და, მხრისფსკერიტა მიდამოები? — აიშეებსაც ერთიმეორესღა თუ შევადარებთ, ვინ მოიგონა ეს არცთუ ისე ამოდ მოსასმენი სიტყვა „იღლია“, რომელიც ბახვამ გააწონასწორა ნახეირადნაცნობი სიტყვით „ფიანდაზისებრი“, ხოლო თქვენ, ძალიან მოწყალეთ აუზელო მკითხველო, უნდა დაგვიჯეროთ: „ხომ არ მეჩვენება ყოველივე ეს?“ — გაივლო აჩქროლებულ გულში დაუდგრომელმა ბახვამ და საკუთარ შუბლზე მოუნდა ხელის მოსმა, მაგრამ გახევედა, სახე ჰქონდა იმ ქალს იმეკარი.

აი, ხომ ვითომ ცნობილია რომ, თეთრად გადატკლექილი პირისკანი სუყოველნაირს სჯობია, არა? მაგრამ ქალს თალსი რამ ფერი, დანაწვიმარზე გარდასული შერუჯვის ალაგ მკრთალი და ალაგ — უფრო, ნაკვალევი დამწნეთდა და, ეგებ თიხოვანს, მეტად უხდებოდა. არადა, ისე აშკარად ერია თიხა, რომ ასფალტმისჯილი ბახვა მსოფლიო ფეხისგულებით კი არა, მთელის არსებით ნატრობდა მიწას, და ამ თიხნარიან ქალს აჩლა თვალეებში, შიგ თვალეებში ჩაჩერებოდა, სადაც რომ ბუნების სუყოველგვარად უხვი — მწვანე გინდა თუ, ლურჯი თუ, და ყვითელი, და წითელი, მონაცრისფერო და ასე, მთელი ყერები ძალიან ჭრელად ირეოდა და თავის ადრე წყნარსა და ახლა კი გამკვეთრებულ სოფელსა და იმის შემოგარენს გაძაფრებით აღიქვამდა ქალის თვალეებში თავადაც სრულად ჩაედგარი ბახვა, იმ თვალეებში კი მთელი ნეტარი სხეუ-

ლის დავეირვევინებად ჩანდა ბალახი, ტყე და მოშინაურებული ხეები, — ა, ნაყოფს რომ იძლეოდნენ და უნაყოფო ხეებიც ჩანდნენ, ვრცელწიქრიანებს, ქალის თვალელებში სისოვლედ რომ მოჰყავდათ წყალი, რა საოცრება იყო მაინც ეს, გაბრუებული, და თავს მიწადატეხილი ბახვა ვერ გრძნობდა, შურგზე რომ ფრთხილად უკაკუნებდნენ, და დამკაკუნებელს — ანდრადესაც დიდად უკვირდა, ასე ძალიან რამ გაახევა დანაწვიმარ მიწას ჩაჩერებული კაცი, და ბახვა უცებ რომ გამოერკვა, მიხედვისთანავე შეკრთა — ანდრადეს გამოშეტყველებისდამიხედვით, რაღაცა საქმე ვერ იყო კარგად.

— რა იყო, რა მოხდა... — იკითხა ზახვამ რა შეკრთვასაც გაანინა — თან კოვბოიკის საყელო კისერთან დაუბღუჯა.

— დაწყნარდი, ახლა კარგადაა, — ვითომ მსწედ უპასუხა ანდრადემ, შიშვამოვლილი ჩანდა, — ახლა რა უქირს, ხასიასზეც მოვიყვანეთ, ახლა კარგადაა, შენ არ იღელვო არაფერს, ახლა ყველაფერი უკანაა...

— რა ყველაფერია უკან... — გაშრა ბახვა.

— არ აღელდე ახლა — ბოლო სიმხნევეც მოიკრიფა და ცოტათი გაყოჩაღდა ანდრადე, — შენ ზიქს პატარა რაღაც ჯოხი წაარტყეს თავში და ახლა მშვენიერადაა, წყალიც დალია და ყველაფერი...

ბახვას გაცოფების წარმოდგენა თქვენთვის მომინდია, დამსმარეო მკითხველო, თქვენს მოწყალებას კი მხოლოდ ისღა შეიძლება დაემატოს, რომ შინისაკენ სირბილით გაჭრილ ბახვას კარგა საგრძნობლად ჩამორჩა ანდრადე, ხოლო ბახვას ცალ მომუშტულ ხელში უნებურად შერჩენილი მეგობრის კოვბოიკის საყელო უფრიალებდა.

#### 4.

ბახვას ლიფტით არ უსარგებელია — სულ ნახტომ-ნახტომ აიშრა მიექვსე სართულზე.

სანამ კარს შეგლიჯავდა, წამით რატომღაც თავისი უბიწო (ცოლების გამოისობისა შეძენილი და სერვანტში გამოსამზერებლად ტყვედქმნილი) გურგლეული დაუდგა თვალწინ — „დავქსხვრეი ყველაფერს!“, მაგრამ ოთახში რომ შეგრგვინდა,

სულ ფეხისწვერებზე შედგა — ლოჯიაში, ტახტთან, ექიმი იჯდა და რაღაც სათამაშო ჩაჭყლით იმის შვილს სინჯავდა. ბავშვისთვის საბანი გადაეხადათ, ძალიან გამსდარი იყო, „აასხ!“ და ღრობითი თანჯკავება ძვირად დაუჯდა ბახვას — სულ იდაყვებზე იკბინა. მერე ყურები გაიფაციცა, მაგრამ ლოჯიის ფართო კარი დაკეტილი იყო, მთლად გადაირია, ოღონდ ისევ სულგანაბულად, ექიმს ხომ ვერ შეუშლიდა ხელს. აქ ანდრადეც შემოქლიშინდა, და ბახვამ, ადამიანი რა დაინახა, კბილებში გასცრა: „შენი ბრალია, შენისთანების ბრალია ყველაფერი ეს...“ — და ახლალა შემჩნეული საყელო შიგ მკერდში სტყორცნა. ანდრადე დაიხარა, აიღო თავისი საყელო, ჯიბეში შეინახა. ასეა, ყოველთვის ინტელიგენტი უფრო იჩაგრება, მაგრამ ბახვას ახლა საერთოდ ადამიანი, როგორც ასეთი, ყოველნაირი, აცოფებდა და სძულდა, ოღონდაც, შვილის გაროკლებით. და, დერეფანში გამოსული ექიმის სიტყვები მოესმა: „არაფერია საშიში, რეფლექსები სრულიად ნორმალურია, მაინც, ყოველი შემთხვევისათვის, იწვეს ორი-სამი დღე და...“

ცოლმა ექიმი საშუალოდ რომ გაისტუმრა (№ %მანეთი), ბახვამ მიუღლეს (ამჟამად მეორე ნახევარი არა ისა) თვალები თვალებით ამოუბურღა და, იკითხა:

— ქალლო?

ენაგადაყლაპული ქალი ვერაფრის თქმას ვერ ახერხებდა, და აქ ანდრადემ გაიოიღო თავი:

— თურმე სკოლიდან მოდიოდა და...

— შენ ხმა გაკმინდე! ქალლო?

— სკოლიდან მოდიოდა ზურიკო და რაღაც მოსახვევთან...

— შენ ჩაიგდე ენა! — და ანდრადესკენ იქცია პირი, — მერე?

— და რაღაც მოსახვევთან ერთი კაცი ყოფილა დადარაჯებული და ზურიკო სხვაში შეშლია და ჩაურტყამს თავში ჯოხში.

— ვის დადარაჯებია?

— აბრაზებდნენ თურმე ბავშვები.

— რატომ!

— რა ვიცი...

— როგორ!

— რა როგორ...

— როგორ აბრაზებდნენ-მეთქი!

— აღისაბეზას ელხდნენ თურმე.

ბახვაც კი დაიბნა:

— რასს?

— აღის-აბეზას.

— ეგ რაღას ნიშნავს? — იკითხა ბახვამ და ჯობეში ჩაიყო.  
ჯელი.

— ქალაქია აფრიკაში ერთი.

იცოდა, როგორ არ იცოდა, აკი ყოფილი გეოგრაფი იყო, მაგრამ უცებ ვერ მისვდა.

— მერედა, — სმაღაბლა, მაგრამ რაღაც წარმოუდგენლად (იკითხველო, დამხმარეო მკითხველო) დაოკებულნი მრისსანე-ბით იკითხა ბახვამ და ცხვირბახოცი ჯობეშივე თითებით დაფ-ქითა, — იმ აფრიკაში რომ რაღაცა ქალაქი იყოს, ჩემ შვილს ჯონი უნდა ჩაარტყან თავში?

ქალმა თავი იბრუნა და თანაც ჩაქინდრა. ასევე — ანდრა-დეშ.

— მოვკლავ!! — დაიქუხა უცებ ბახვამ და კარისკენ გავარ-და, მაგრამ სახელურის სიგრილემ იყო თუ რამ, ერთბაშად გა-მოაფხიზლა — „კი მაგრამ, ვინ უნდა მოვკლა მანც“?

შემოგვიბრუნდა.

— ვინაა. — იკითხა მკაცრად. — იცით?

— ვიცით, — აღიარა ანდრადემ, — თუიღონ მოიყვანა ბავ-შვი.

— ვინაა. — ისევ იკითხა ბახვამ.

„რაც არის, არის“, გაიფიქრა ანდრადემ და:

— არა, ჩემო ბახვა, ჯერ ერთ რამეს გეტყვი და დანიგდო უნდა ყური. შენ რომ...

— ვინაა-მეთქი!!! — ერთი ისეთი დასჭექა ბახვამ, წესით სამთავენი უნდა წაქვეულებიყვნენ, ხელიც შემართა, მაგრამ სრულიად მოულოდნელად არ აღმოჩნდა ანდრადე ჯაბანი:

— მიდი, დამარტყი — წვრილი ხმით დაიძახა და ყბა შეუ-შვირა, — მიდი, მიტი სინდის-ნამუსი თუ არ გაქვს! მოდი, და-მასიე ბარემ ბოლომდე ეს კოვბოიკაა თუ რაღაც ჯანდაბა და ეგებ მაგეთვალოს ვაჟკაცობაში! მაინც რა გითხარი ისეთი, რომ დამდრიალებ თავზე ამ ხნის კაცს, ბოლოსდაბოლოს, მა-შად გეკუთვნი და ამხანაგი ვარ შენი!



და ბახვა უცებ მისვლა რომ, ანდრადეს ასე ბელალებით ვერ გაიშეტებდა, და ისიც იგრძნო რომ, წავილეს, წამოვიდეს — კეთილია.

მაგრამ არ იყო ადვილად დამთმობი და, ვერც წარმოიდგენთ, ვისზე იყარა ჯავრი:

— შენ, ბიჭო, რომ წამოპლაკულხარ მანდი — გამოთხვრიშა ლოჯიის კარი, — რას დაეთრევი აღმა და დაღმა!

— სკოლიდან მოვდიოდი, — ხმადაბლა თქვა ბიჭმა, წითური და ძალიან გამსდარი იყო.

ბახვას თუ გული არ ჩაეფლითებოდა, რას წარმოვიდგენდით, მოწყალეო მკითხველო, მაგრამ გაუძლო ამასაც და, დაძაბუნებულმა, ანდრადეს მხარზე დაადო ხელი:

— კარგი, მითხარი.

— ადამიანი ვარ მეც, — თქვა ანდრადემ და ჩამოჯდა.

სიჩუმე დიდხანს არ გაგრძელებულა, მაგრამ ორი რამ მკვეთრად შეიცვალა: ა — ანდრადეს გაბრაზება წელიწად გაქარწყლდა და ეს ხანმოკლე გაბრაზება წამით წამამდე შიშში გადადიოდა იმის გახსენებაზე, თუ რას გადაურჩა, და ბ — ბახვა კი თანდათან ცოფდებოდა, რადგან ნამდვილად დამნაშავე კაცი ჰყავდა სასწრაფოდ შურისსაძიებელი და დრო კი ასე ფუჭად გადის და გადის.

— კარგად დამიგდე, ჩემო ბახვა, ყური, კარგი მინდა შენი ოჯახისთვის და შენთვის, — რამდენადაც შეეძლო, მხნედ წამოიწყო ანდრადემ, როცა შიში საბოლოოდ დაეუფლა, — იმ კაცის მისამართს მხოლოდ იმიტომ გეტყვი, რომ მაინც გაიგებ და არ მინდა უჩემოდ რომ მიჰვარდე, მაგრამ სანამ სამაგიეროს გადაუხდი („შუაზე გადავტეხავ“, გაიფიქრა ბახვამ), ერთ რამეს გირჩევ.

— რას. — თქვა ბახვამ და განზე გაიხედა.

— რას და, ცოტათი შენს შვილზეც ხომ უნდა იფიქრო, — მტიციედ უთხრა ანდრადემ, გაჰქრომოდა შიში, — აბა, ერთი წუთით წარმოიდგინე, ხვალიდან შენ — ციხეში და ის კაცი — საავადმყოფოში. ნუ იზამ ჯერ მაგას, ნუ...

„საავადმყოფოში? — გაუკვირდა ბახვას, — საავადმყოფოში კი არა, შავ მიწას მოვანატრებ...“ — თქმით კი ასე თქვა:

— შებღბუე ვაკოცებ.

— არა, მაგას კი არ გეუბნები, არამედ წარმოიდგინე, ბავშვს ამ შემთხვევისგან რა შერჩება, რა გააჩყვება ცხოვრებაში. ხომ საბოლოოდ დაითრგუნება, ხომ ჩაეწყება უდანაშაულო გული. განა არ აჯობებს, ჯერ ის კაცი მოუფყვანოთ და, დარწმუნებული ვარ, გულწრფელად მოუბოდიშებს, დაუყვავებს, აუსსნის თავის შეცდომას; ბავშვიც მიხვდება, რომ ცხოვრება კი არაა ასეთი დაუნდობელი, არამედ რაღაც სულელური, ბრმა შემთხვევა. დავაჯეროთ ამაში ბავშვს... ამაში ბავშვს... ამაში ბავშვი და, იმ კაცს რაც გინდა ის უკავი მერე.

„სწორია, კეთილშობილი“, გაიფიქრა ბახვამ.

— წავალ მე და მოვიყვან, ისეა შეწყუბული, ნამდვილად გამომყვება, მაგრამ შენი ამბავი რომ ვიცო, იმის ბოდიშებამდე ნამდვილად ვერ მსოიხმენ და, რა ვქნათ? ენებ მეზობელსან გასკიდე სადმე... ისე, რომ იცოდე, იმას უკვე თავისი დაემართა, როცა გაიგო, ვისი შვილიცაა.

— ვინ.

— შურაკო, ვინ. არადა, თურმე იმ საწყალს ვიღაც აბეზრები წამლაუნუმი ჩააყვიროდნენ — ადისაბეზაა, ადისაბეზაა... სარდაფში ცხოვრობს.

— სადა...

— სარდაფში. და თან სულ — ადისაბეზაა — მაესმოდა.

— დიდი ამბავი.

„შენ მე ბახუნისადაც არ მამახებანებ“, კინალამ წამოსცდა ცოლს. იქ იყო. — კარგი. — თქვა ბახვამ. — აგრე იყოს.

და გაიფიქრა: „ჯერ ბავშვის წინაშე ბოდიშს მოვანდევინებ, მერე გამოვიყვან, მუხლზე დავირტყამ და შუაზე გადავტყებ“.

— შენ პირს შაქარი...

— ფიჰ... — ნიკაპი ჩამოეწია ბახვას, წიწაკა და ამისთანები უყვარდა, — მაგრამ მეც წამოვალ. სახლი მინდა ვიცოდე.

— გავიყდი, კაცო?

— არა, გზაში არ გადავტყესავ. მერე.

— რა უნდა გადატყებო... მერე...

— ის კაცი.

— არა, აჰ, არა, შენ ვერ წავიყვან.

— აბა აქ რა გამიანერებს! უსაქმოდ!! სომ გადავირიე!! —  
მგრამ, რაღაც მოიფიქრა, ხმას დაუწია, — პატარა ხანი მაცალე.  
ბახვა აივანზე რომ გავიდა, ანდრადემ დრო იხელთა და  
ქალს წასწურჩულა:

— მთავარია, რომ მაშინვე არ დაეძგერება... მერე კი, ღმე-  
რთია მოწყალე.

— ვაიმე, არა, ბიძია ანდრადე, არა, ნამდვილად გადატე-  
ხავს...

— არა.

— ვიცი მე მაგისი ხასიათი...

— მეც ვიცი. ჩუ!..

ბახვამ კი აივანიდან ორი ზომიერი თოკა გამოიტანა და  
თქვა:

— ა ბატონო, ისეთნაირად გაგეკოჭინები, რომ ველარც  
ხელს გავიქნევ და ველარც ფეხს. წამიყვანე.

## 5.

მსგავსი რამ ერთ ტაქსის მძღოლს ჯერ არ ეხილა: ხნიერ  
დამქირავებელს საყულოშემოგლეჯილი კოვბოიკა რომ ემოსა,  
ეს კიდევ არაფერი, თუმც ასეთი ზაცმულობის ხალხი იშვიათად  
ქირაობს ტაქსს; მერე სადარბაზოდან ძალიან მოკლე-მოკლე  
ნაბიჯებით გამოვიდა ვიღაც გაშეშებულხელებიანი მოქუფრუ-  
ლი კაცი, რომელსაც დამქირავებელმა წინა კარი გამოუღო და  
იმან კი ჯერ ზურგ-კეფა შემოჰყო მანქანაში, დაჯდა, მერე  
ფეხები ტყუპად ასწია და ასე შემოიტანა იგივე მანქანაში, გას-  
წორდა, კოვბოიკიანმა კარი მიუჯასუნა და თვითონ კი  
უკანა სავარძელზე მოკალათდა. აშკარა იყო, წინა მგზა-  
ვრს მუხლები და მკლავები შებოჭილი ჰქონდა, ოღონდ  
კრძელი ლაბადა ფარავდა ამას. მერე იყო და სულ  
რაღაც სამას მეტრში გააჩერებინეს ტაქსი, ბარგი რამ თუ  
ჰქონდათ გადმოსაზიდი, უკანა მგზავრი გადავიდა და სადღაც  
ეზოში ფეხაკრფით შევიდა, წინა მგზავრმა კი კბილები ძა-  
ლიან გააღრჭიალა. მერე ის ხანშიშესული გამოვიდა და ეზოს-  
თან დადგა, იმასთან კი მეორე ეზოდან გამოსული კაცი მივი-  
და და რაღაც ჰკითხა, ხოლო ხნიერმა წყენით გაიქნია თავი.  
„ვახ?“ — გაიფიქრა ტაქსის მძღოლმა.

(მცირე ასხნა: გვერდითა ეზოდან მანქანა ვერ გამოჰყავდა პატრონს, რადგან ზედ ჭიშკართან ვილაცას უშნოდ დაეყენებინა ტრანსპორტის სხვა სახეობა; მანქანის პატრონმა მიიხედ-მოიხედა და ქუჩაში კი იყო საკმარისად ხალხი, მაგრამ ჩაცმულობისდამიხედვით კოვბოიკიანი ადამიანი გამოარჩია, მიუახლოვდა და ჰკითხა:

— ბოდიში, ეს მატაციკლეტი თქვენია?

— არა, — თქვა ანდრადემ. იგი ინტელიგენტი იყო.

ხოლო ბახვას ხელ-ფეხი გაკოჭილი ჰქონდა).

მერე იყო და, ეზოდან გამოვიდა ვილაც ტანსაცმლიან-სასიანა ძალიან გაცრეცილი, ათრთოლებული ადამიანი, და იმას იუერი ედო? მტრისას... აი, იმას ფერი ედო? აი როგორც... (როგორც... აი... აი, გამწვანების ტრესტის სიმბოლურ თანამშრომელსა ჰგავდა.

მაგრამ იმის გამოჩენისთანავე დამუხრუჭებისდამაგვარი ისეთი ღრჭიალი გაისმა, პროფესიონალმა მძღოლმა მაშინვე ფანჯარაში ტუცა ინტერესებმომძალებული თავი, მაგრამ არანაირი მანქანა შორიასლოს არ ჩანდა და, მიხვდა — ეს ისევ იმ კაცის კბილთა ღრჭიალი იყო, წინ მჯდომი მგზავრის. „ვახ?“ — გაიფიქრა ისევ მძღოლმა.

სნიერი და ახლადშემომატებული უკანა სავარძელზე რომ დასხდნენ, მძღოლს მოეჩვენა, რომ მანქანას მილიციისაკენ წაყვანინებდნენ, მაგრამ აქაც დაიბნა, რადგან წინა მგზავრმა ბრძანა: „მოაბრუნე და ისევ ამ ქუჩას გაუყვივი“. — კაცო, თუ მილიციაში მიდიოდნენ, ეს, გაკოჭილი უნდა ყოფილიყო მბრძანებელი და, წამყვანები კი, ასეთ ფერზე? ვახ...

ხოლო როდესაც ისევ თავდაპირველ სადარბაზოსთან გააჩერებინეს ტაქსი და წინამ პირველ უკანას თავის ჯიბეზე ანიშნა და იმან რომ ორი თითით ამოულღო ხუთმანეთიანი და მძღოლისგან გამოერთმეული სამმანეთიანი წინას ისევ ჯიბეში რომ ჩაუდო, და კარი რომ გაუღეს და წინამ ისევ ტყუპად რომ ასწია ფეხები და მანქანიდან გადასდო, და თანამგზავრები მოკლე-მოკლე ნაბიჯებით სადარბაზოსკენ წინ რომ გაირეკა, — „ვახ?“ — მეოთხედაც გაიფიქრა მძღოლმა და მოუსვა.

თარს ფეხზე იყო ამდგარი.

— ეს, — თქვა ბახვამ და გადასატეხისკენ მოკლედ და მკვეთრად გაიქნია თავი, ანდრადეს უყურებდა, — ფეხით ამოვიდეს.

— ფეხით ამოვყვები მეც, — ითხოვა ნებარსვა ანდრადემ.

— კარგი. იცოდე, არ გაგექცეს. დააჭირე ხელი...

ანდრადემ მიადო თუ არა თითი გარეთა ღილაკს, ლიფტის კარი მშვენივრად, ნარნარად, თანაბარი სვლით გაიღო. ბახვა თავისებური ნაბიჯებით შევიდა ლიფტში, ანდრადემ წამით შეჰყო ხელი და მეექვსე სართულის ღილაკს რომ დააჭირა, კარი, გაღებისა არ იყოს, ასევე თანაბარი სვლითვე დაიხურა, ლიფტიც, ასევე ნარნარად წავიდა მალლა-მალლა, მაგრამ სადღაც შუა გზაში უცებ გაჩერდა და სინათლეც გამოიერთო, ბახვა აღმოჩნდა უძრავად და ბნელში.

არ ესიამოვნა.

ბახვას პატარა და კეხიანი ცხვირი ჰქონდა, ხელებშეკრულისათვის, სხვა რა გზა იყო, აიღო და რიგრიგობიან ნიაჭირა ცხვირი ღილაკებს, მაგრამ, გაგიჟონია? დგას ლიფტი ჯორივით...

— ანდრადე, ანდრადე! — იყვირა ბახვამ.

— აქა ვარ, გენაცვალე! — ჩამოსძახა ლიფტის კარის შუაგულზე პირმიდებულმა ამხანაგმა.

— რაშია საქმე, რა მოხდა! — ასძახა ბახვამ.

— ფუჭდება ასე ხანდახანი

„ოხ, მე მაგისი,“ — გაიფიქრა ბახვამ და მანც გასძახა: — რისი ბრალია ვითომ!

— ალბათ ტექნიკის, ბახვა!

ვილას ახსოვდა სანუკვარი დედა-მიწა, დედა-ენა და დედა-ბოძი — ოხ, მე ტექნიკის ჯედა, ოხ მე კი ტექნიკის პალალი დედაო, სულ ასე გაიძახოდა გულში ბახვა.

— წავალ მე სახლმმართველობაში და ვინმეს მოვიყვან.

— ის კაცი არ გაგეპაროს.

— ვინ კაცი

— გადასატეხი, ვინ!

— აქა ვარ, პატივცემულ ბახვა, — გაისმა მორიდებით, — არსად არ წავალ.

„მოდი, გავიქნის და ვურტყა ამ მუდრეც ლიფტს თავი?“ — სისულელე გაიფიქრა ბახვამ, რადგან ძალიან გაბრაზებული იყო.

ანდრადე მალე მობრუნდა, მაგრამ ცუდი ამბავი მოატანა:

— სანამ ტოპოლკაროევი არ მოვაო, ვერაფერს გიშველითო.

— ვინაა ტოპოლკაროევი...

— ითაგარი ხელოსანია ლიფტების.

„ტოპოლკაროევსაც მოვკლავ“, — გაიფიქრა ბახვამ.

— ბახვა, დამიკდე ყური — გაისმა მერე, — მანდ მაინც ტყვილა ხარ და, რომ არ დაგკარგოთ დრო, ავიყვან ამ ადამიანს ბავშვ... ბავშვ-თან და ბოდიშს მოვხდევინებ. მერე ისე დაწერილებით გიამბობ ყველაფერს, განდაც იქ ყოფილიყავი.

ბახვამ აწონ-დაწონა და თქვა:

— კარგი. თღონდ მერე არ გაგეპაროს.

იმათი ფეხის ხმა რომ მიწყდა, ბახვა ლიფტის კედელს მიეყრდნო, და პატარა ხანში დაიბნა — ისევ ის ქალი გაახსენდა, აუზში მოწვეწეპული, ყველაზე ვრცელი და ლამაზი, ყველაფრისა და ყველას გამზრდელი, რა ქალი იყო? სოფელში უურო მეტად ხარობდა...

იღვა ბახვა და იმ საოცრებას იქამდე იხსენებდა, სანამ ანდრადეს ხმა არ შემოესმა:

— კარგადაა, ბახვა, საქმე!

— რანაირად...

— ამ კაცმა ისეთი ტკბილი სიტყვები უთხრა ბავშვ... ზურიკოს, ისე კარგად აუხსნა საქმის ვითარება და თავისი შეცდომა, აქეთ ამ კაცს მოაწვა ცრემლები და იქით — ზურიკოს.

— მერე რა...

— მერე ამ კაცმა ზურიკოს მუსლზე აკოცა.

ბახვა არ მომბოლა, მაგრამ... — კი მაგრამ, ზურიკომ როგორ აკოცინა!

— მოულოდნელად მოხდა.

— მაინც გადავტეხავ. ხომ არ გაპარულა!

— არა, აქა ვარ, პატივცემულო ბახვა.

— მოვიდა, მოვიდა — იყვირა უცებ ანდრადემ.

— რა მოვიდა... — დუნედ იკითხა ბახვამ, რაღაც თავისას ფიქრობდა.

— ტოპოლკაროევი მოვადა!

— გული არ გაიტეხო ჯიგარო, სალუტ! — მხნედ ჩამოსძახა ლიფტის ჭუჭრუტანიდან ახალმა ადამიანმა.

— ჯიგარს ამოგიყვან მე შენ კბილებში, სად ეგდე ამდემ ხანს!

იმ კაცმა, როგორც ჩანს, იცოდა ბახვას ამბავი, მორიდებით უთხრა:

— სხვაც იყო ლიფტში გაჰედილი, უყროსო, თრმოცდამეხუთე ნომერში.

„მაინც ყოფას გიტირებ“, — გაიფიქრა ბახვამ, მაგრამ ამჯერად შედარებით უგულოდ, გული სხვაგანა ჰქონდა, ვერა და ვერ იცილებდა იმ დიადი ქალის, ხეები, ბალახი და ყვავილები რომ ამოჰყავდა, სახებას.

ლიფტი ძალიან წელა დაიძრა, მერე რომელიღაც სართულზე აცოცდა და, კარიც გაიღო.

გადასატეხი ადისაბება კედელთან ვითომ წყნარად ატუზულიყო, მაგრამ ფერი ედო ისეთი? აჰ...

— შემიხსენი, ანდრადე, ხელ-ფესი...

ადისაბება კი ასლოკინებდა. შიშისგან იყო თუ რა, მომეტებულად ასლოკინებდა და ძალიან ეუხერხულებოდა ეს.

ანდრადე ბახვას გამკოჭავ პირველ თოკს მუხლებთან ეწაღინა, შემოსხნა, მერე ლაბადა გახადა, კიბის სახელურზე გადაკიდა და ახლა ბახვას ზურგსუკან, მკლავიდან მკლავამდე გადაჭიმულ მეორე თოკს დაუწყო კირკიტი.

— შენც დამიცადე, ვაჟკაც, პატარა საქმე შენთანაცა მაქვს, — მიუგდო ბახვამ ტოპოლკაროევს. იმას მეზღვაურის განივზოლებიანი მაისური ეცვა და შლაპა ეხურა.

— მე აბა რა დამიშავებია, გენაცვალეთ, გამოძახებული ვიყავი სხვა გაჰედილთან, იმიტომ რომ...

მაგრამ ბახვა ყურს არ უგდებდა. იგი ათვალეერებდა სხვა კაცს, რომელიც უხერხულად უცდიდა მორიგ დასლოკინებას, და ვისაც სახეც გაცრეცილი ჰქონდა, გაცრეცილივე ჰქონდა პიჯაკი, შარვალი, პერანგი, რაღაც სულელურფერებიანი და გულისამაჩუყებლობამდე დაძველებული ქალსტუხი საწყლად ეკიდა, და, რაღაცნაირად, იმ დიადი ქალის თბოლ-შეილივით იყო.

„ამ ოხერს, ოცნავ საშუალოდ მაინც ეცვას“, — გაიფიქრა ბახვამ და მკაცრად ჰკითხა:

- რატომ გეძახიან მაინც ადისაბებს?
- არ ვიცი, — თქვა კაცმა და დაასლოკინა.
- რაღას ბრაზდები მაშინ?

კაცმა თავი ჩაღუნა და თქვა:

- სიხშირეშია, ბატონო, საქმე.

„და მაინც დამაინც ჩემი უდანაშაულო ბიჭისთვის უხდა დაგერტყა ჯოხი? — თავიდან გამწარდა ბახვა, მაგრამ ანდრადე ჯერ ვერა ხსნიდა ყულფს, — მაგ მუხლზე კოცნამ შენ ვერ გიშველოს, მეტი არაა ჩემი მტერი, მაინც გადაგტეხავ“, — გაიფიქრა ბახვამ, მაგრამ უცებ შიშითაც კი იგრძნო, რომ გულის კუნჭულში რაღაცა უკვე გამლხვარი ჰქონდა. მაინც იფეთქა:

— კი მაგრამ, ვერავინ დაგიცვა? ბატონი არ გყავს, შე უპატრონო?..

— აქ არავინ მყავს, პატივცემულო ბახვა, — ისევ, სლოკი — მუღლღე შარშან გარდამეცვალა, ქალიშვილი კი ნავარძეთშია გათხოვილი.

ბახვამ ისევ ასეღ-დახედა; რაღაცისათვის შემზადებული ჰქონდა გული.

— ის შენი სიძე პატარა ხნით ვერ მამოვა და ვერ დაიფრენს იმ ბავშვებს? ასეთი რა კაცია...

მალაროში მუწოობს მუშად. ქიათურაში... ნავარძეთიდან, ახლთა... სადა აქვს ჩემი თავი. ანდა, სირცხვილით როგორ ვუთხრა.

— და... ქალიშვილი?

— ქალიშვილი ბიბლითთეკაშია... პატარა ბოსტანიც აქვენ. ანდრადეს მეთრე გაუქმებული თოკიც ხელთ ეყარა.

კაცმა თავი ჩაღუნა, გახევებული იდგა, მაგრამ კვლავაც ერთი ისეთი დაასლოკინა, თითქოს შეხტა კიდეც, განზე გაიხედა და თქვა:

— რაც გინდათ, ის მიყავით, ბატონო, დამნაშავე ვარ... გამაბოროლტა, ალბათ, ცხოვრებამ, — და პირველად შეხედა თვალეპში, — ოღონდ ჯერ წყალს თუ დამალევიებთ...

და აი, სწორედ აქ, ბახვას გულმა რეჩხი უყო.



მიმოიხედა. ტოპოლკაროევიც, ესეც იქ იღვა და მაზუთი-  
ან ხელებს უხერხულად იფშვნეტდა.

— ავიღეთ პატარა ხანს ჩემთან, — თქვა ბახვამ და ახლალა  
შენიშნა ლიფტების ხელთნის განივზოლებიანი მაისური, —  
წამოდი, კონტრ-ადმირალო, შენც.

ოთხივენი ბახვას მშვენიერ, ერთნახევართახიან და ლო-  
ჯიიან ბინაში შევიდნენ, ცოლმა შიშით შეათვალიერა ხელ-  
ფეხ განთავისუფლებული ბახვა, გადასატეხი ადისაბება, მა-  
ზუთიანი ტოპოლკაროევი და უსაყულო ანდრადეზეც რომ გა-  
დაიტანა მზერა, ბახვამ, ამჯერად უკვე გამეორენახევრებული  
მეუღლის მისამართით, წარმოსთქვა:

— რას მოგვჩერებხარ რომ მოგვჩერებხარ... გაშალე, თა-  
მარა, სუფრა.

...ბახვას სიმთვრალეც კარგი ჰქონდა და ყველაფერი.

ნეტავი მართლა მარტივი იყო?

1984 წ.

### მსოლოდ ერთი კაცი

მთელ პლუტარქეში ერთი ადგილი ვგონებ ყველაზე მეტად  
უცნაური და საგულისხმოა. აღწერს რა თეზევსის წარმატე-  
ბულ გამირობებს, ავტორი ერთს ვისმე კაცს, ვინმე სკირონს,  
ასე და ამგვარად ახასიათებს:

„მეგარის საზღვარზე თეზევსმა მოკლა სკირონი. მან იგი  
კლდიდან გადააგდო. სკირონი, საყოველთაოდ გავრცელებული  
გადმოცემის თანახმად, გამვლელ-გამომვლელთ ძარცვავედაჲ  
ზოგიერთის სიტყვიით კი, უცხოელებს უტიფრად გაუშვერდა  
ხოლმე ფეხებს და, დამბანეთო, უბრძანებდა. იმ დროს, როცა  
უცხოელნი სკირონის ფეხების ბანას შეუდგებოდნენ, ქუსლს  
ჰკრავდა და შეუბრალებლად ზღვაში ჰყრიდა მათ. მეგარელი  
ისტორიკოსები არ ეთანხმებიან ამ გადმოცემას, სიმონიდეს

სიტყვით რომ ვთქვათ, ომს უცხადებენ ძველიაძველ ამბებს და ამბობენ: სკირონი არც ავაზაკი და არც ასეთი ურცხვი ვინმე იყო; პირიქით, იგი ყაჩაღთა დამსჯელი და კეთილშობილი ხალხის მოყვარე და მეგობარი გახლდათ. ეაკე ბერძენთა შორის უწმინდეს კაცად ითვლებოდა; სალამინელ კიქრევსს ლუთაბერივი პატივი აქვს აოცნელებში; სოლო პელევსისა და ტელამონის ვაჟკაცობა ყველასათვის ცნობილია. სკირონი კი იყო კიქრევსის სიძე, ევაკეს სიმამრი და პაპა პელევსისა და ტელამონისა, რომლებიც სკირონისა და ქარიკლოს ასულ ენდეიდისაგან წარმოიშვნენ. ყოვლად შეუძლებელია, წარჩინებული ვაჟკაცები გავარდნილ არამზადას დანათესაებოდნენ და მასთან გაეზიარებინათ ის, რაც ყველაფერზე წმინდა და ძვირფასია ადამიანისთვისო. თეზევსმა, როგორც მეგარელი ისტორიკოსები დაასკვნიან, სკირონი მაშინ კი არ მოკლა, როცა პირველად მიდიოდა ათენში, არამედ უფრო გვიან, მეგარელთა ხელში მყოფი ელევსინის აღების დროს, როცა არქონტი დიოკლე მოატყუა. აი, ისეთი წინააღმდეგობებია სკირონზე გადმოცემულ ამბებში".

## 1.

ყოვლად მოწყალეო ქალბატონო, თანაც შვებავ და თან თავს ვაებად დატყნობ, სიყვარული და დაფასება სად მოგკლებიათ, განსაკუთრებით თქვენს სამშობლოში, იტალიაში, და ერთი ქართველისაც ღრმა და მუდმივი რწმენით, მთელ დედამიწის ზურგზე არ დადიოდა თქვენისთანა ქალი, ვისი სახელიცა და გვარიც ცალ-ცალკე ვერ მოიხსენიება, რადგან საერთოდ, ყველაფერში, საოცრად მთლიანი და ერთიანი ბრძანდებოდით, დიდო სენიორა ანნა... მანიანი!

აიმ ქართველმა თავდაპირველად რომ შეგიყვართ, შვიდიოდე წლისა იქნებოდა მაშინ, და ყველაფერთან ერთად, რაღა თქმა უნდა, მოგესხენებათ, თუ როგორია ის ყოვლად დამბნევი სიყვარული, მხოლოდ ამ ასაკისას რომ შეიძლება ჩამოგვეწოდოს, კურთხევასავით მოხდეს, და „აი ია“-ს, „თონი“-ას და „ეს ნუში კუხეა“-სთანა სიტყვების ჩხრეკის ნაცვლად, სულ თქვენი სახე ედგა თვალწინ, დაბნეულიყო; რა მო-

სდიოდა, არ იცოდა და, არც „დედა ენა“-ში არსად ეწერა ძალიან ტევადი სიტყვა — „სიყვარული“, და სწორიც იყო ეს, რადგან ამ ყოველად დაუკითხავად თავსდატეხილ ბედნიერებას, კეთილჯინებოთ უნდა და, ჩვენ-ჩვენით მივხვდეთ:

\*

მთელი ჰაერი ჭარბი მზითა და ზღვის გემოთი გაჟღენთილიყო, და მაინც ისე ლაღად ისუნთქებოდა, როგორც მსოფლოდ აქ, მეგარის ასლოს.

აქ, კორინთოსკენ მიმავალ გზასთან, შემაღლებულზე, ცალ მუხლმოყრილი დიდი ყაჩაღი სკირონი ფართო მშვილდივით მორკალულიყო, წელსზევით შიშველს, ქვეური კუნთები ამობურცვოდა და თხასა სწველიდა. მაღალი კლდიდან ძალიან ქვემოთ, ზღვა მოჩანდა და ზევით კიდეც — ცა ჭანჭანებდა, რომელი იყო უფრო ლურჯი... ვერცხლისფერ კლდეზე კი ავად სასელგავარდნილი ყაჩაღი უშნოდ ჩალიჩობდა დედაკაცურს — რა ექნა იმასაც, აღამიანი იყო ისიც, საკვები უნდოდა. არადა, მთელ გრძელ სამ ცუდ დღეს მოგზაურთაგან არავის ჩაუვლია, სკირონის შიშით, ზღვით მიმოსეულას ამჯობინებდნენ.

როგორც იქნა და, გაიმართა, მსრები გაშალა.

ნამდვილი ელადელი იყო — მაღალი, კუნთებდასმული, ჩაღიქნილი. ამაყ კისერზე ყვითლად მბზინავი თმით შემობურვილი თავი ედგა, აუარება ოქროს ბეჭედივით ეყარა სკირონის მკვიდრად სვეული თმა და თვით ელადელთა პირობაზეც კი, უფრო მეტყველი, უფრო მბზინავი და შუქიანი, უფრო გამჭრიახი და მსნე, დიდი ცისფერი... არა, ცისფერი იქ ლურჯი იყო, თვალები ჰქონდა.

მოშიებული, პურს დანატრული, გზას გასცქეროდა.

არავინ ჩანდა.

არც ის ფრინველი, მოგზაურთა მოახლოებას რომ აუწყებდა ხოლმე.

თავშესაფრისკენ ნელა გაეპარა თვალი სკირონს — რძეს რომ დაღვედა, იქ შესულიყო? იქითურა კლდეს ორი დიდი და თანაბარი, მღვიმე რამ ჰქონდა, შესასვლელები თაღოვნად გადახურვოდათ და, ორი ნესტოთი სუნთქავდა თითქოს ეს

პირქუში კლდე, სკირონი ერთში ისეუცნებდა, მეორეში კი სა-  
ღამეობით თავის მცირერიცხოვან არვეს შედენიდა; მაგრამ  
ხანჯახან, დასვენებულზე თუ უწვეულო აღგზნებისას, კლდის  
სიღრმისაკენ სუნთქვაშეკრული მიემართებოდა, სადაც მღვი-  
მეთა გამყოფი ჩუმი კედელი თავდებოდა და შუაგულში კი  
ხერელი რამ იყო იდუმალი, სითხეგამოჟონილი, ნოტიო,  
კლდის ნესტოებშუა ციცაბო აღმართში ამავალი, ვიწრო, და  
სკირონი ბნელში მიხოსავდა ზევით, ხერელის შვერილებს  
კუშტფრანსილებიანი თითებით ებლაუჭებოდა, თვალთა სინათ-  
ლენართმეული, მთლად ბრმა ფეხისგულებს აბჯენდა ხერე-  
ლის გალიაულ კედლებს, წამებითა და უცნაური ჟინით მი-  
იწევდა ზევით, იქ კი მომცრო რამ ღრმული ეგულებოდა, მო-  
კუნტული თუ მოთავსდებოდა იქ, და იჯდა ასე, ნესტიან უკუ-  
ნეთში, გარს კი დალბილებული და ალბათ რატომღაც თეთ-  
რი რამ, შედედებულად დანაოჭებული წებოვანება ემოსა, პირ-  
ქუში კლდის რაღაცა ტვინისდამაგვარი, მაგრამ ისე მოკუნ-  
ტულიყო, დედის საშოში გატრუნულიყო თითქოს, და, კლდის  
ტვინიდან დასაბადებელს, ყოვლად მჭახე და უცნაური აზრები  
და წარმოდგენები მოსდიოდა იქ.

ფრინველთა ფრენის მეცნაური, ცას აპყურებდა ახლა, მაგ-  
რამ ის წერო — სხვა რომ იყო აქა, მიწაზე: რბილად გამოძერ-  
წილი ხაზებით ტან-ყულ ლამაზად დარკალული, მაგრამ მკვე-  
თრნისკარტა და უშნოფეხება, და მაინც რაღაცნაირი ამაყი  
სიმსუბუქით მიმომავალი; და სულ სხვა რომ იყო იქ,  
მალლა, ცაში: ერთ გრძელ და გამჭოლ ნისკარტად გა-  
დაქცეული, ისარივით რომ მიაპობდა ხოლმე ზემოთუ-  
რა ჰაერს, — აი ის წერო ჯერ არსად ჩანდა და პურსდაწატ-  
რულმა სკირონმა ხელისგულები შემოაჭდო რძიან ქოთანს,  
ზეზე წამოდგა, მიიყუდა და ჯერაც ქაფიან რძესა სვამდა; აქ,  
მღვიმის გარეთ, მერამდენედ დაბადებულს უკვე, რძითა და  
პურით უნდა ერჩინა ჟამი-ჟამ მოშიებული სტომაქი და თავი.  
მაგრამ სად ჰქონდა ახლა პური, რა ხანი იყო, აღარ ეგემნა...

სვამდა, სვამდა და, უეცრად შეკრთა, ნიკაპზე ჩამოედგარა  
რძე, ქოთნიანი ხელები სწრაფად ჩამოუშვა და, კვლავაც თავგა-  
დაწეული, ვერა გრძნობდა, რძის თეთრად დაკლაკნილი ხაზი  
როგორ ჩამოუცურდა მკერდამდე — სკირონმა მონატრული

შსუილის გაგონებისთანავე ხარბად მიაღიქცა თვალი ერთგულ მაცნეს და, იმანაც, ცაზე ღონივრად გარდამომავალმა, ჯერ ეს ამცნო:

„მოდინ, მოდიანნი!“

მერე კი, წრე შემთავლო თავზე და, მეტის იმედით აღავსო, სხვაგვარად შემოუქროლა:

„მოეშურებიაანი!“

და მიატოვა, ცაში განქარდა.

სკირონმა წამით ჩაიმუხლა და ქოთანი დადგა, იმის ნაცვლად კი სულ სხვანაირ ნივთს — იქვე მიგდებულ ბასრ და მოკლე მახვილს წამოავლო მრავალნაცადი ხელი, გაიმართა და, აიწურა, აიწურა. ძალიან ქვემოთ კი, თავბრუდამხვევად ქვემოთ, ზღვაში, ვეებერთელა, უზარმაზარი კუც აწრიალდა და, ეტყობა იმასაც ენიშნა რაღაც, გველური თავი გამოიძვრინა, ძლივსლა გამოჰყო ოთხივე გაფარჩხული, უხამსი ტორი, და კლდის შორეული კენწეროსაკენ აატრიალა ბლაგვი თვალეები, ასე, გარედან, ყოველივე უჭირდა თითქოს, მაგრამ ვინ იცის, ჯავშნებშუა მთელი შიგანი როგორ ეწვოდა — რა ხანი იყო აგერ უკვე, აღარ ეგემნა ადამიანის ხორცი, ენატრებოდა.

ჭაბუკი ვინმე გამოჩნდა გზაზე, ოღონდ მარტოკა.

„მოდიაანო, აკი?! — გულდაწყვეტით გაიფიქრა სკირონმა და ოდნავ მოეშვა, მოსასხვევისკენ კი მაინც ეჭვით მიეპყრა მზერა, — ეგებ, ჩამორჩნენ...“

აბა... აღარავინ ჩანდა. არადა, მძაფრი შერკინება მოსწყურებოდა სკირონს, მთელი სხეული ექავებოდა.

დამწყებ მოგზაურს კი მოსასხამს შიგნით მხარიღლივ გადაკიდებული სატევარი მოუჩანდა, აბგა არხეინად მოეგდო ზურგზე და, მოდიოდაა, ჰეს... — რა იცოდა თუ, რა აფთარო ილოდებოდა.

მზე მალლა იდგა, დიდი ჰელიოსი.

...ლოდი ზათქით ჩამოენარცხა ყმაწვილის ფეხებთან და, ბრმა იყო თუ რა, ეგებ ყრუც იყო, სულაც არ შემკრთალა, მაგრამ თვალეებში ალბათ ედგა სინათლე: რომ ამოხედა, ხელისგულით მოიჩრდილა სახე.

ზორბა ყაჩაღი გადმომდგარიყო მალლა, ბექობზე, კუშტად შეკრული, აგოროზებუი, ხელსატევრიანი, და მშვიდი რის-

ხვით გაქვდნითოდა ყოველი ნაკვთი, თავზარდამცემი ყაჩადი იყო და, რაღა თქმა უნდა, სიტყვა-პასუხიც ყაჩადისავე ჰქონდა. მოურიდებელი:

— ერთი აქეთ ამოდი.

მგზავრმა კი პატარა ხანს უყურა, უყურა და კვლავ გზა განაგრძო, ლოდს აუარა.

„ეს ყრუ ყოფილა, ვილაცაა!“ — ბრაზიანად გაიფიქრა სკირონმა და მეორე ლოდი, უფრო დიდი და უფრო გამსრესი, კვლავაც მგზავრის წინ რომ ჩამონარცხდა, მძლავრი ღრიალიც დაეტეხა თავს:

— ამოეთრიე-მეთქი!

მაგრამ იმას აღარც აუხედავს, და საკუთარი არარაობის ეჭვით გულდასერილი, ავარვარებული დიდი ყაჩადი გზისკენ დაეშვა, თავის ბექობს შემოურბინა და, მგზავრს წინ დაუდგა.

იმას კი უკვე მოემარჯვებინა მასვილი და, გამეტებით რომ მოუქნია, სკირონმა ერთი კი აუკრა თავისი სატევარი და, პატარა ხნის შემდეგ, ძალიან-ძალიან ქვემოთ, თავისთვის ყოვლად უმაქნის ნივთს რასმე, ფსკერზედაც კი მბზინავ მახვილს, ირიბად, ბლაგვად დააშტერდა ვეებერთელა კუ.

იმ მასინჯ პირზე მახინჯი ტუნიც რომ ჰქონოდა, ამერიზე-ბოდა.

ძალიან ზემოთ კი, განიარაღებულ თავხედს ავი ღიმილით ათვალიერებდა ყაჩადი, და ყაჩადურსვე შეუდგა საქმეს:

— აბგაში რა გაქვს.

— რა შენი საქმეა.

გული შეუკრთა სკირონს, ასლა სხვაგვარად შესცქეროდა, და მაინც, მოჩვენებითმა მძვინვარებამ დარია ხელი, ყმაწვილი მისი აბგიანა ილლიაში ამოიღო, და თუმცა ის ძალიან ას-ხმარტალებდა ფეხებს, დინჯად გაემურა ზედ გადასავარდნთან კლდეში ამოკვეთილი ღრმულისაკენ, თითქოს ყურადღე-ბასაც არ აქცევდა ნადავლს, მაგრამ სახიფათო გადასაძვრომ-თან თავში ერთი კი ჩააფარა და, დარეტიანებული, ფრთხილად გადაახოხა აღსასრულებლისკენ, თვითონაც გარაჰყვა და, ზედ კლდის ქიმზე შეაყენა მგზავრი, თავად კი ქვის სავარძელში მოკალწთდა, ჰკითხა:

— სიცოცხლე, გიყვარს?

— კი:

ძლივს არ უპასუხეს? მაგრამ შეიჭმუნა სკირონი:

— მაშინ ქვემოთ გადაიხედე.

რა მოჩანდა და? — მტრისას... — ჰაერით, ზღვისკენ, ქვა გაცვდებოდა გზაში.

— ყური დამიგდე, — უთხრა სკირონმა და; შემოუბრუნდნენ, — თუ ვინდა რომ, ცოცხალი დარჩე, ფეხები დამბანე და, წადი მერე საცა გინდა.

იქვე წინასწარ გამზადებული თიხის დოქი იდგა და, შეაჩეხა.

უძრავად იდგა მგზავრი.

— არ დამბან?

— არა.

— რატომ...

თვალეზი სიმწრით მოწყურვოდა ყმაწვილს და, დოქიანი ხელიც შიშისგან კი არა, რისხვით უცახცახებდა.

— რატომ... — გაუმეორა სკირონმა.

მგზავრმა ამაყად იქცია თავი, თქვა: .

— ელადელი ვარ.

— რა? შენისთანა ელადელეები გადამიგდია... — ქვის სავარძელში გაიჯვიმა სკირონი, კლდეს შიბოჯინა კეფა და, გაუშვირა ფეხი, — მიდი, შეუდექ...

და უცებ მკვეთრად გადაფერდდა; ღონიერი და ქედუხრელი; დიდი ყაჩაღი მკვირცხლი რამც იყო, იმისი სახის ადგილას კი, სწორედ ნასახარზე, სულ ნაკუნ-ნაკუნ მიმოიმსხვრა როდოსული დოქი.

სკირონი მზატედ წამოდგა და უთხრა:

— მე შენისთანებს არ ვიმეტებ. გთხოვ, რომ გამომყვე.

და კლდის შეერილზე გადმოფოფხდა.

ყმაწვილი სანამ გადაჰყვებოდა, მალუჯად ერთიც ჩაიხედა დაბლა.

„ნრაშია, აა, ნნენტავი, აა, ნსანქმე...“ — გაიფიქრა კუმ.

სკირონი უმაღ დაწინაურდა, და ახლავდა შიშატანილ მგზავრს ისიც ძალიან ეუხერხულა, უცნაურ ყაჩადს იმ დამსხვრეული დოქის წყალობით მთლად რომ დასველებოდა ზურგი. მაგრამ მზე მალლა იდგა, მწველთითება ვრცელი ჰელიოსი

გადაშლილიყო მიწაზეც, ცაზეც, და თავის მღვიმემდე გაშრა კიდევ ბრინჯაოსფრად ნაგები დიდი ყაჩაღი, იქ კი, მღვიმეში, სტუმრის პატივისცემით თეთრი ქიტონი გადაიცვა, მერე ძალიან მუქი, მძიმედ წითელი მოსასხამი მოიგდო მხრებზე, დაბალი ტაბლა გამოიტანა, შიშგადაყრილ სტუმარს დაჯდომა ანიშნა, ნელინელ გამოზიდა თიხის თასები, გაზავებული ღვინო, საფლი, ის ახალი რბეც, ყველეული და თხის დამარილებული სორცი — ერთი ეგ იყო, პური არა ჰქონდა.

ცოტათი რომ დანაყრდნენ.

— ძვირფასო ყრმაო, თვალსხივოსანი ათინა ყოფილიყოს შენი შემწე და მფარველი, — წამოიწყო ტკბილმოუბარმა სკირონმა და გაზავებულღვინიანი თასი მალლა ასწია, — დაე, ყოველ დღე-ცისმარეს საამოდ გაეღვიძებინე ვარდისფერთითება ეოსს, დაე, კეთილად გეველოს დედამიწის ზურგზე და ზღვაში თუ შესცურავ განიერფერდებიანი ხომალდით, მიწისმრყეველი პოსეიდონი არ დამდგარიყოს ხაფხმოვან გუნებაზე, მუდამ ზურგქარი ებოძებინოს და მშვიდობით დაებრუნებინე შინ. სკირონი ვარ მე, ავადარსახსენებელი მეგარაა ჩემი მშობლიური ქალაქი, სადაც არავის ესმის ჩემი და, ვეჭვ, მომავალშიც მიმიხვდნენ რამეს. შორს, ეგინაში, მხოლოდმობილი ქალიშვილი მივის, და ღვთაებრივი ეაკე სიძეა ჩემი. ახლა კი, გთხოვ შენი სახელი მამცნო, რადგან კაცთა წესისამებრ, დედის უუცლიდან შობილთ, ყველასა გვაქვს ჩვენი სახელი, რათა თვისტომთა შორის ავად თუ უკეთ გამოვიჩინეთ, შენ კი, გატყობ რომ, უკვალოდ არ დაიკარგები და გთხოვ სახელი მამცნო შენი, ძვირფასო ყრმაო.

და კეთილად გაზავებული ღვინო შესვა.

ძვირფასმა ყრმამაც ასწია თავი, მიმართა:

— ჰე, ღვთისსაღარო, მაღალ ოლიმპოს მკვიდრთა სწორფერო სკირონ, შორითსაჩინარო, ფიცხელკლდრჭანი ითაკაა ჩემი სამშობლო, დე ლაერტე ვარ მე, ითაკელი უფლისწული. უშფოთველად და სიამეში გადიოდა ჩემი წარსულად ადრეული ყრმობა, ველად გასული, ჯირითითა და ფრთამალი ისრების ტყორცნით ვირთობდე თავს, ხოლო კეთილად ნაგებ სასახლეში, უებრო ნელსაცხებლებით ტანდაზეულილს, ტკბილხმოვანი ფორმინგის დაკვრითა და მღერით მართობდა ღვთაებრივი ნი-



ჭით ცხებული, თვით ვერცხლისმშვილდოსანი აპოლონის მიერ  
შიმადლებული ნიჰით აღსავსე მომღერალი; აგრეთვე ტკბილ-  
მოუბრობაში მავარჯიშებდნენ მე ძალიან. მაგრამ ერთხელ  
თვით თვალსხივოსანი ათინა გამომეცხადა მწირის იერით მე,  
ხშირჯოგება ითაკის მომავალ განმგებელს, და მირჩია რომ,  
მრავალნაცადი უნდა იყოს მეფე, და გაფრინდა, მეც, ზებეკრი  
აღარ მიფიქრია, და, ნებართვა ავიღე ღმერთებისდარი მამი-  
საგან, მრავალნიშება ხომალდით შევცურე წყალმრავალ  
ზღვაში, რჩეული მეომრები მახლდნენ, და იმის ნაცვლად,  
დოვლათითა და თეთრად მკერდსავსე ტყვე-ქალებით ამევსო  
განიერფერდება ხომალდი და ისე დავბრუნებულეყავ ფიცხელ-  
კლდოვან, ზემორენახსენებ ითაკში,

(ოდნავ შეიჭმუნა სკირონი)

...ამისა ნაცვლად, ზუსტსწორედ მესუთე დღეს გავგაფრტკვია  
მთელი თავისი ანგარიშიუწვდომელი რისხვა მიწისმრყეველ-  
მა პოსეიდონმა, გრგვინვით აღსავსემ, ავადღრიალა გრიგალი  
დაატეხა ჩვენს დიდადუძლეველ ხომალდს, და, ზედშუა-გადა-  
ტეხილს, კეთილწყლოვანი ზღვის შავმა მორევემა უყო პირი და,  
მხოლოდ მე გადავრჩი, ნელსაცხებლიან კასრს ჩაბლაუჭებული...

ცრემლები მოერია ყრმას, ნიკაპიანი თავი ჩაქინდრა.

— ძვირფასო ყრმაო, ერთიც შესვი ეს ამოდსურნელოვანი  
ღვინო და, ეგ შავადნაგები მწუხარება უზწყლოვან ზღვაში  
ხელუკულმა ნასროლი ფერფლივით განგიქარდეს ეგებ, მაგრამ  
ვექვ და ვეჭვ, უბურკეთილოდ ამოდსაცქერი ყოფილიყოს ეს ჩე-  
მი მცირედნაგები ტაბლა, მოშიტევე რომ, არ მომეძევება ნე-  
ლინელ ცეცხლზე უზადოდ გამომცხვარი ახლოდსაჩინარი პუ-  
რი.

— აქ, ამ აბგაში, ნედლი ხორბალი მომეძევება, — თქვა ითა-  
კელმა და შესთავაზა, — ამოიღე და მიირთვი, აქაველთა შო-  
რის გამორჩეულს.

— ჯერ შენ მიირთვი...

— რა საკადრისია...

— შენ სტუმარი ხარ...

— როგორ გეკადრებათ, მიირთვით ჩემო ბატონო...

— აჰ, არა, არა, თვითონ ბატონო... სტუმარი ბრძანდები...

— ხორბლის მასპინძელი აკი მე ვარ...

— არა, მაინც ჯერ თქვენ მიირთვით...

— არა, ჯერ თქვენ, თქვენ...

— არა, ახლახან გეახელით...

— ნედლი ხორბალი?

— არა, უმი რძე...

ყმა ჩაფიქრდა და, წამოთქვა მერე:

— მაშინ, ტაბლაზე დავახვავებ და ორივემ თანავდროულად მივირთვათ, მოკედავთა შორის გამორჩეულად.

შექცეოდნენ, ნედლ ხორბალს.

კლდოვან თუ ფხვიერ მთელი დედამიწის ზურგზე, უპირველეს საკვებს საღი კბილებით ღეჭდნენ ყმაწვილი ლაერტი და გამობრძმედილი სკირონი.

და უცებ, ცაზე, სკირონის წერო ისრად აიჭრა, ძვირფას ყრმას არ მოუქცევია ყურადღება, სკირონს კი, ფრინველთა ფრენის მეცნაურს, მჭახედ წაესმა: „აკი გითხარ რომ, მოდიან, მოდიან... მოემშურებიან!..“

და ერთიანად აკრეფილ სკირონს, ნაწყვეტ-ნაწყვეტადლა ჩაესმოდა ყრმის აღელვებული მონაყოლი:

— ვრცელი ატლანტოსის... ნიმფა კალიფსომ შემიკედლა... მერე თითქოს თვალში მოვუვედი... მაგრამ მერე უბრალოდ გამომიშვა... გამოშვებამდე, ხერხემალზე ცბიერად დამისვა ხელისგული... მალღიკენწეროვანი ანძა...

— ძვირფასო ყრმაო, არ დაგიღამდეს, — უთხრა სკირონმა, მოეზაურები გამოჩნდნენ შორით, — და რადგან სატევარი ჩემის წყალობით დაკარგე, ჰა, შენი იყოს, — და თავისი კეთილდამთმავდინებელი მახვილი მხარიღლივ ჩამოჰკიდა.

— მერედა, შენ რაღას იზამ უამბახვილოდ, მსუნთქავთა შორის უმამაცესო, არ გამოგართმევ.

— მე სხვაც ბევრი მაქვს, — უთხრა სკირონმა, — მშვიდობით დაბრუნებულიყავ ფიცხელკლდოვან ითაკაში, მეფედ შერაცხილს, გათენებიდან მზის მიდრეკამდე ხალხზე გეზრუნოს, ხოლო ღამით კი... ეე... წვივებლამაზი, მშვენიერთმება და თეთრ-მკლავება ქალი დაგესვას ცოლად, და ღამით იმასთან ერთად გენებივროს ლამაზად მოჩუქურთმებულ საწოლზე.

ამო წარმოსახვანი აეშალა ითაკელ მეფისწულს, თვალი მილულა...

— შეილი კი გმირთაგმირი გეყოლება, ღიადრონ ქალაქთა შემშუსვრელი.

ყურები სცქვიტა ყმაწვილმა მოგზაურმა:

— მართლა? რა იცი...

— სასელიც ვიცი — ოდისევსი.

— რა იცი... — უმწეოდ გაიმეორა ითაკელმა და, უცებ შეკრთა და თვალუბრებულად მიაჩერდა, — თვალსხივოსანი ათინა ხომ არა ხარ შენ?

— არა, ჭაბუკო... სკირონი ვარ მე. — თვალში შეხედა, — ერთსა გთხოვ მხოლოდ — ჩემზე ნურც ავს იტყვი და ნურც კარვს. კარგი?

— აგრე ვიქმ, მოკვდავთა შო...

— კეთილად გეველოს.

რომ გაისტუმრა, მოსასხამი მხრების შერხევით იქვე მიადგოდო, მახვილისათვის მღვიმეში არც შეპრუნებულა, მაგრამ ორიოდ პეშვი ხორბალი ჩაიყარა ქიტონში. ზედ ღვიძლთან გრძნობდა.

თავის ბეჭობზე იდგა ისევ, ჩამოქნილი და აწურული.

## 2

ყოვლად დამპყრობელო ქალბატონო, დიდო სენიორა ანნა, მანიანი!..

აის ქართველი ცოტათი რომ მოგვიყვინჩილდა, რამდენი წლით გადაავიწყდით, წარმოგიდგენიათ? მაინც როგორ გაგიბედათ ეს, სრულიად იტალიის დედოფალსა და დამპყრობს, მფლობელს აიმ ქვეყნისა, რომელსაც რომ ისეთი პირმშოები ჰყავდაა... რომელი ას-ერთი.

ისევ შეგიდგათ, მერე.

არ გეგონოთ რომ, თავისი ქვეყნის, ანუ საქართველოს დიადი ქალები გადაავიწყდით, არა, ბატონო იმას სხვებსავით ეამაყებოდა თამარ მეფე და ბევრზე მეტად ეთაყვანებოდა ქეთევან წამებულს, იმას სულში ძლიერ ჩაპბეჭდვოდა ისევე როგორც მოყმის ამალღებულზე ამალღებული დედა, ვეფხვის დედასთან მისასამძიმრებლად მიმავალი, ასევე — კოსტად უბრალო გოვთ თებრონე, მხარკოკიანი... მაგრამ სახე და, რაც მთავარია, მოძ-

რაობები არ იცოდა მათი და, უფანტაზიოს, რა ექნა, საწყალს... — თქვენ შემოვიდგათ. მაგრამ ისე ძალიან რომ, ისე ძალიან, რომ განუყოფელ, ამადლებულ ნაწილად რასმეს გთვლიდათ თავისი თავისას, და ხანდახან კი ისე შეტოპავდა, თქვენზე თქმული რამ — პირში მიხლილ საკუთარ ქებადაც კი მიაჩნდა და, აი ეს — ისე, რომ როცა ერთმა დარბაზის წინ წარმსდგარ-მა კინოთმცოდნემ ერთ ძალიან გამოჩენილ კინოგარსკვლავზე თქვა „ის, რა თქმა უნდა, ვერაა ანნა მანიანი, მაგრამ უდიდესი მსახიობია“ — აიმ ქართველმა ასეთი პირშიმთქმელური შე-ქებისათვის, ერთი ისეთი დაირცხვინა? — გაწითლდა და თავი ჩადუნა. ხოლო მაშინ კი რა დაემართებოდა, როცა თვით კოს-მოსში, თავად კოსმოსში, სულ-სუ-პირველად სახელებიდან და გვარებიდან თქვენი სახელი და გვარი გაისმა, და ჩამოგ-ვეწოდა აქ, უერთლადკაცოდ ორიოდ საათით დარჩენილ ადამიანებს, რადგანაც თურმე იმ მართლა კაცმა, იმ უდიდესი გამოცდისა და განსაცდელისას, თავისი მომხიბვლელი ღიმილით გაიღიმა, და, შემოგვითვალა, თურმე: „დე, გაუმარჯოს მთელ კაცობრიობას, და ანნა მანიანის“. — | — როგორი იქნებოდა იმ ქართველისთვის ამის გაგება: იქით — მთელი კაცობრიობა და აქეთ — თქვენ, ყოვლის დამპყრობელს სენითრა, დიდო ქალბატონო ანნა, მანიანი, და რაღა გასაკვირი, კაცობრიობი-დან ერთი ქართველისაც შედგომილი გული რომ დაიპყარით, რომელი დიდრონი დასახლებები აღდგომიათ წინ, სად არ შეჭრილხართ თქვენი სახითა და, კიდევ უფრო, მოძრაობებით, მაგრამ ერთგან კი განსაკუთრებით დაივანეთ თქვენ, დამპყრო-ბელმა — აბა რომელი ბატები გადაარჩენდნენ თქვენგან თქვენს დედაქალაქს, რომს.

### 3

თავის ბექობზე იდგა ისევ, ჩამოქნილი და აწურული.

მოდოდნენ და, ქვაზე ფეხი რომ არ წამოეკრათ, ვიწრო, უსწორმასწორო გზას დასცქეროდნენ თავჩადუნული მგზავრე-ბი,

ძალიან ქვემოთ, დაბლისკენ, ზღვაში, თავი აღელო უზარ-მაზარ კუს, მოშიებული, ამოიყურებოდა.

სხვებზე მოუქნელად მოაბიჯებდა ძვირფასქიტონიანი მგზავრი, ყოველი ნაბიჯის წარდგმისას, ნაზი ფეხისგულები სტიკოდა, ვერა შეელოდა სქელი სანდლები. ისე კი, რაღაც ზონზროხად ჯანიანი ჩანდა, უზარმაზარი ლოდი რომ ჩამონარცხდა, შეკრთომისაგან, ძალიან დაებერა მსხვილი მკლავები, მსახურებივით, იმანაც შეცბუნებულმა აიხედა და, ბეჭობზე მდგარი რომ დაინახეს, სუყველას ენა ჩაუვარდათ, ერთი მსახურის თავზარდაცემულმა ხმამლა გაჰკვივია სალამოსპირის უმოძრაო, ბლანტი ჰაერი:

— სკირონი, სკირონი!

ტვირთი კი არა და, მახვილებიც გზაზე დაჰყარეს. ზურგ-გრიგალ-ჩამდგარნი, ვინ ვის უსწორებდა...

ერთილა დარჩა. შეპრწუნებისაგან, ცივი ოფლით უსველდებოდა ძვირფასი ქიტონი, და მთლად დამზრალი ასცქეროდა სკირონის ქანდაკს.

— აქეთ ამოდი.

ხმას ვერ იღებდა, ცდილობდა კია.

— ამოდი-მეთქი!

შიში ძალიან ბევრნაირია, ძლიეს ამოღერლა:

— ვერ შემიძ... — ყელი გაუშრა.

— მე მოვიდე მანდ?

და იგივე შიშმა კოსტად აამეტყველა:

— არა, ნუ მოხვალ, სასურველო! მაგრამ სკირონი წინ აღემართა; ის დამრეცი კლდე მოგზაურის მანამდე დაჭყეტილი თვალების ორიოდ დახამხამებაზე როგორ მსუბუქად ჩაირბინა მაინც...

— რა გქვია.

— ქთესიპე მქვია, ღმერთების ნებიერო.

— შენ რა იცი რომ, ღმერთების ნებიერი ვარ.

— ღვთაებრივ აღნაგობაზე გეტყობა, სათაყვანებელო.

— ეგ ნებიერი აღარ გამაგონო. ვაჭარი ხარ?

— პატივცემულო, კი.

ახედ-დახედა სკირონმა, გაქონილი სახე შეუთვალაიერა.

არა, არ იყო სიცოცხლის ღირსი.

მაინც დაეკითხა:

— შენ — ლაჩარი ხარ?

მოგზაური მთელი წუთით დაფიქრდა და, აწეწილი ტეინი-დან სასურველი პასუხი გამოიძებნა:

— კი, როგორ არა, დიას, დიას, პატივცემულო, ვარ, აბა არ ვარ? მკლავებმშვენიერო.

სკირონი ზიზღით შეიჭმუნა, უთხრა:

— რა მშვენიერი სატევარი გაქვს, ქეთსიპეე. სულ არა ხმარობ?

მგზავრმა აქაც იფიქრა, იფიქრა, იწვალა და მიუგო.

— არა, არც ისე...

— დიდებულა.

— რომ არა ვხმარობ?— შექებისგან, სიხარულით ათრთოლდა მგზავრი.

— არა, ეგ შენი სატევარი. აი მე, — ოდნავ გაშალა ხელე-ბი, — არ მაქვს.

მგზავრმა მყისვე ჩამოიგლიჯა იარაღი და, ტარით გაუწო-და: — აჰა, ინებე, ოღონდ გამომართვი და, ძალიანა გთხოვ, სა-თაყვანებელო...

სკირონმა გამოართვა და თქვა:

— მაინც ტყუილად დაათრევ და... სადაური ხარ?

მგზავრმა ამაყად შემართა თავი:

— შორითსაჩინარი პილოსია სამშობლო ჩემი, და მწვანედ აბიბინებულ ველებზე ფიცხელძროხებიანი ჯო...

— მუშტარს, ძლიერ ყვლეფ?

— როგორ...

— ყვლეფ-მეთქი, მუშტარს?

აქ მოგზაურმა სიტყვები ძალიან დააფაცურა: — აჰ, არა, არა, პატივცემულო, მე ისეთი ადამიანი კი არა ვარ, ზოგიერთივით, რომ ჩემი მუშტარი რატომ უნდა... — მაგრამ სკირონმა ვააწყ-ვეტინა:

— ყვლეფ.

ქეთსიპემ ძაან დახარა თავი, თქვა:

— ვყვლეფ.

— ამოალაგე.

ვაჭარი ახლა სხვანაირი შიშით თრთოდა, მაგრამ თავს სძლია, და გონივრული მხიარულებით მიმართა ყაჩაღს:

— აჰ, როგორ არა, როგორ არა, აქამდე როგორ ვერ მოვიფიქრე, პატივცემულო...

ნზე ჩასულიყო, დიდად შუქმფენი ჰელიოსი, მაგრამ იმ ბაც ჰაერშიც კი, მბზინავი თქრთს დრაჰკანები ამეტყველდნენ სკირონის ფერხთით.

— ხომ სასიამოვნოდ შემსუბუქდი?

მგზავრმა მიუგო:

— კიჰ.

და უცებ ყოვლად წარმოუდგენელი უცნაურობა ჰკითხა ყაჩაღმა:

— ქთესიპე, გიყვარვარ?

— როგორ?

— გიყვარვარ-მეთქი, ქთესიპევ?

— თჰ, ძლიერ, ძლიერ, ისე ძალიან მიყვარხარ რომ, — გამოცოცხლდა მგზავრი, — ბნელ დამეობით ვითარც მაშხალა, და როგორც...

— და სიყვარული რომ არ არის? — თავისთვის, მალეით დასვედიანდა, — როგორღა გიყვარვარ?

თავი დახარა მგზავრმა, გულაჩუყებით წარმოსთქვა:

— აბა რა ვიცი. მიყვარხარ და, მორჩა.

— და, სიყვარული, — მკაცრად შესცქეროდა, — რომ არ არის?

— როგორ არ არის, ფული იყოს და, — და თავის ყოფილ დრაჰკანთაგან ერთ-ერთს დაჩერებული, იქით დაეკითხა — აბა რატომ მიყვარხარ ასე ძალიან? — და წამოწითლდა, — როგორც ვაჟვაცი.

არა, არ იყო სიცოცხლის ღირსი.

— რაღად კანკალებ.

— ეე... აი, ეეე... სიყვარულისგან, სიყვარულისგან!

არ იყო, არა, სიცოცხლის ღირსი.

საყელოში ჩასჭიდა მარწუხებივით თითები, და ხელის ერთი მკვეთრი დაქნევით ძვირფასი ქიტონი ჩამოახია:

— ასე უფრო ძან გინდება. ხომ?

— რაღა თქმა უნდა, პატივცემულო, — ხომ.

— მაინც გიყვარვარ?

— უფრო ძალიან, სათაყვანებელო... და პატივსაც გცემ!

— და ყანალი რომ ვარ?

— რა უჭირს მერე... ერთი ცულის ტარბეო... ოღონდ გამიშვი, მერე.

არა, არ იყო სიცოცხლის ღირსი. და ერთიც პკითხა:

— იმ სხვებთან ერთად, რად არ გაიქეცი...

მოგზაურმა დაირცხვინა, თავი ჩაღუნა:

— ძალიან მტკივა ფეხისგულები.

აქ შეცბა კიდევ სკირონი, არა სჩვეოდა უსუსურთაკვლა. ასედა, დახედა... არ იყო, არა, სასიცოცხლო, მაგრამ ასეთ უმწეოს... და ზიზლით შეაქცია ზურგი:

— გამიშვიხარ. წადი.

იდგა, ფიქრობდა.

რალაცა სლიპი მოედო წვივზე. დაიხედა და, მკვეთრად შემობრუნდა — მადლობის ნიშნად, შეებამოგვრილი და მუხლ-მოყრილი მგზავრი ფეხზე პკოცნიდა! გონება აემღვრა სკირონს, ქეროში ჩაბლუჯა, წამოაყენა:

— აქეთ წამოდი.

აიმ თავისი, ცეცხლური რისხვით ავარვარებულს, კოჭლობა-კოჭლობით ასდევნებოდა მგზავრი. გადასაძვრომთან, ილ-ლიებში სელები ამოსდო ვაჭარს, იქით გადასვა, გადაჰყვა თვითონაც და, ქვის სავარძელში ჩაჯდა.

შეხედა.

სკირონისაკენ გადმოხრილიყო ზედ კლდის ქიმზე უნებურად შემდგარი მგზავრი, ქვემოთ ჩახედვას ვერა ბედავდა, იმან კი, ყანალმა, დოქს აზიზად წამოაელო ორი თითი, და ვაჭრის ოფლიანი ილლიებით გაბინძურებული ხელები რიგ-რიგობით გადაიბანა. მერე მოგზაურს გაუწოდა მძიმე ჭურჭელი, უთხრა:

— თუ გინდა, ქთესიბევ, ფეხები დამბანე.

— უჰ, როგორ არა, როგორა არა, აქამდე როგორ ვერ მოვიფიქრე, — და მძიმე დოქი ფერდზე იდაყვით მიიკრა, მუხლიც შეაშველა, ძალიან ფრთხილად გადმოხარა, საქმეს შეუდგა, და მალე ისე გაიტაცა ფეხების ბანვამ, რომ აღიღწნდა, აღიღინდა კიდევც, დოქიც — თანდათან მსუბუქდებოდა და, შეება-მოგვრილს, ეშხში შესულს, აღტაცებაც კი მოჰგვარა სკირონის



ფეხის თითებმა, დაჰლიღინებდა, მათ: რა კარგე-ბია-ააო, რა კარ-გები-ა-ააო, ჰეე... — ახხჰ!

სკირიანის ქუსლით მკერდშეღეწილი, ჯერ საზარელი კივილით მიჰქროდა დაბლა, და საღამოსკენ მიდრეკილ ჰაერს წივილით ჰკვეთდა მისი გაჩაჩხული ხელ-ფეხი, მერე კი, გზაში, ალბათ გონება დაჰკარგა, რადგან აღარაფერი ამოისმოდა, თუმცა, რაღა ხმა ამოაღწევდა იმსიშორიდან, ზღვისკენ დიდებოდა ვაჭრის სხეული, მაგრამ ზემოდან კი ისე ჩანდა, თითქოს ძალიან ნელა და ძალიან დინჯად პატარავდებოდა მისი ცრეტანი, მაგრამ სკირონს თვალი არ ჩაუყოლებია, ქვის სავარძელში იჯდა ისევ, დაფიქრებული; მერე მძიმედ წამოდგა, მღვიმისკენ შეჭმუხნილი გაეშურა, რაღაცა სურდა, და მიაგნო კიდეც: ქიტონში ჩაიყო განბანილი ხელი, იქ უმი შეება მოიძია, ნელა ისვამდა ხორბლიან პემუს შუბლზე, თვალებზე, გულზეც მიიღო, ძალიან ქვემოთ კი, ჩასაკარგავში, ვაჭრით გამოწვეული დიდი ტალღები რომ დაშოშმინდნენ, ნელა გამოსცურა და, კუჭამწვარმა, მაინც მისჯილი სიზანტით ჩაკბინა უიღბლო მოგზაურის თავი ვეებერთელა, უზარმაზარმა კუმ-თანაც, ლეჭვისას, ზევითკენ, მალლა, მადლიერებით აიხედა, — იცქირებოდა.

ელამი იყო.

#### 4.

ყოვლად მომქანცველო ქალბატონო, დიდო სენიორა ანსა, მანიანი...

რა იყო მაინც, იმ ერთ ქართველს როგორ ძალიან აედევნეთ კი არა, არამედ აიღეთ და პირდაპირ შუაგულ ოცნებებსა და წარმოსახვებში ჩაუსახლდით; ისე ძალიან რას ერჩოდით რომ, მთლად დაუყარით — რომელი ერთი ჩამოვთვალო — თვალი, გონება, გრძნობა, და ყური... ყველაზე მეტად სიტყვაფრქვევლებში, თვით იტალიელებშიც კი გამოირჩეოდით რაღაცა ზესწრაფ წინადადებათა მიფენ-მოფენით, და ამ სხაპასხუპითი ამძლავრებისას, ცამდე მართალი ბრძანდებოდით მუდამ, რადგან სხვა თუ სიცრუედ ამოთქვამდა რამეს, თქვენ ბაგეთაგან ივიც სიტყვები — სიმართლე იყო, ალბათ იმიტომ,

მთელი სხეულით რომ გზვეოდათ ამეტყველება, იტალიელთა სიქადულო, მათთ გამრიგევ, ანნა... მანიანი. ან დონინჯს როგორ შემოიყრიდი, ანდა — რანაირი იცოდით დგომა, არცერთმა ქალმა რომ ვერ იცოდა, სწორედ ისეთი; ანდაც, ვისმე დასაბნევს რომ მიაშვერდით ერთ ამოტრიალებულ ხელისგულს და მეთრქს კი ისე უზრუნველად დაარტყამდით სხეულზე სადმე, და თან ისეთი დარდნარცვად თალხი სიცელქე ჩავიდებოდათ მაგ ტანჯულ, ლამაზ, განაწამებ... — ემაგ თვალეებში, იმ უბედურსა და ცუდ ვარსკვლავზე დაბედებულს ბევრად ერჩია, ყვესქვეშ რომ მიწა გასკდომოდა, მაგრამ სად იყო...

თქვენი ვრცელ თვალეებზე — ცოტაოი შემდგომ.

\* \*

დიდი კლდის ტვინში იჯდა სკირთნი.

დიდი კლდის ტვინში იჯდა ყაჩალი სკირთნი, იმ კუნაპეტაში, მოკუნტულიყო და, მუხლებზე თავდაბჯენილი, წვივებზე ხელეშემოხვეული, ზურგმორკალული, მთლად დაგორგლილი, თავისას ფიქრობდა:

რომ სიყვარული არ იყო, არა.

გამწარებულს, იმ სიგრილეშიც აღმურამილებულს, წკვარამსა და უკუნეთში, შავად სტანჯავდა:

რატომ არ იყო.

მხოლოდ აქ ამომპვრალს, გაჭირვებით ამოფოფსებულს, სხეულდაკაწრულს, შეეძლო ამაზე ფიქრი, რადგან გარეთ ეულად დარჩენილი, ყველაფერს დალეწავდა და დაფშვნიდა აი ამ ერთად-ერთი სიტყვის, „სიყვარულის“, — გახსენებაზე, აქ კი, კლდით შებოჭილს, რა დარჩენოდა სხვა — ამორიყული, თავისთვის გლოვობდა. მაგრამ ტიროს ხატება, მთელი სხეული, იმისი სახე, შინც მოსჯილად მოტივტივებდა ჩუმი ნესტიდან, და სიმწრით კუნთებდაყრილ სხეულზე განაკაწრებო უფართოვდებოდა სკირთნს.

ტირო ქალი იყო; ტან, ფეხ, კოჭ, სახე, თმამშვენიერი, დეოთრად ჩკერდსავსი, ლამაზწვივება. მოკლე ტუნიკა ეცვა.

გათენებისას, როცა ვარდისფერთი თებად წოდებული ელახი ჟრუანტელს მოჰგვრიდა არეს, და მის კვალდაკვალ მძაბვლად ამოცურდებოდა. მაღლითმოარული ჰელიოსი, ტირო თამამად უსწორებდა მზეს ორთავე თვალს და, დილდილაობით, მონაცრისფრო თვალები ჰქონდა. იუ მზე მაღლა იდგა, მრავლისმნახველი ჰელიოსი, და თეთრად აბზინებდა კლდეთ, ტიროს თავი დაეხარა და, წამწამებით ჩრდილდაფენილი, მწვანეთვალეა იყო. ხოლო თუ შებინდების ჟამს, მოსალამოებულზე, ზღვას მიაპყრობდა სევდიანსა და ნელინელ თვალებს, მოიხფროდ მეტყველებდნენ მდუმარებაში ტიროს თვალები მაშინ, და აღარ იცოდა მეტრფემ იმისმა, სკირონმა, ტიროს ცვალებად თვალებთაგან რომელი ერთი რომელ ერთს სჯობდა... თვალთმაქცი იყო.

წელანდელივით, ახსოვს:

თექვსმეტი წლისას, უკვე გმირთა-გმირის სასელი ედო, თუ თმი იყო, თობდა და, თუ არა და, ნადირობდა ლოპებზე. გამარჯვებანი... რამდენი ჰქონდა, ვეღარც მოთვლიდა, რადგან ასლა ამისთანები არად უღირდა, მაშინ კი, აჰ, მაშინ, რა აჰო იყო ყმაწვილისათვის მამაკაცთა დამფასებლური და ქალებქალწულთა აღფრთოვანებული მზერის შესება, და გამოთქმები: „აქაველების სიამაყევ და სიქადულლო“, „არესის მსგავსო ვრცელმემოარო“, „დიდრონ ქალაქთა კეთილადმემუსვრელო“, „ზევის ნებიერო“ და სხვა, და სხვა. ელადელები სიტყვის მოსაძებნად ქიტონში არ ჩაიყოფდნენ ხელს.

თავდაპირველად, თავისი დროის შვილი იყო გმირი სკირონი, და ეთაყვანებოდა უზენაეს, შორით მაცქერალ, მეხთამტყორცნელ ზევსს; ხომალდზე შემდგარს, დიდი რიდი ჰქონდა მიწათმრყეველი, შავკულულებიანი პოსეიდონისა, რომელსაც რომ ზღვათა წიაღში დიდმშვენიერი სასახლეები ჰქონდა, მაინც საპატივსაცემო იყო ზევსის უთვალავზის მოტყუებული მეუღლე პერა, მძლავრი ქმრის სატრფოების დევნაში რომ მთელი თვე ისე გაუვიდოდა, თმის დავარცხნასაც ვეღარ ასწრებდა, —

— ამგვარ თანამდებობიანი, ისიც დიდ დაფასებას ითხოვდა, გადაგვიდებოდა სხვაფრივ; და გაზაფხულის ვერაკი ღმერთი, ქაფსის პირმშო ჭრელი ეროსი, ვისი აუცდენელი ისრე-

ბის წყალობითაც ძლიერ ეცვლებოდათ ადამიანებს ცხოვრება და ყოფა; რა შეედრებოდა არესის გრგვინვას შუაგულთში, რომელი ცეცხლი დაარღვევდა ჰეფესტოს დიდოსტატურ ნახელავს, ვინ გადაასწრებდა ხმელსა თუ ზღვაზე ფეხფრთოსანს პერმესს, ვინ იზმორებოდა მდინარეთა მფლობელ ენიპევსივით, დიდრონ ტყეებში ლალად დაფრენდა ქალწული არტემიდე, ვინ ჩამოთვლიდა ელადელ ღმერთებს, ანდა — ტკბილსარეცლოვან ლამაზ ნიმფებსა და ვერაგ სირინოზთ, მაგრამ, ერთხელაც, გმირმა სკირონმა აპოლონისა და აფროდიტეს, ამ თვალთმაქც ღმერთთა დაუნდობელი, ფრთხილი და ამო, სულის შემძვრელი და მატყინარი, შეხება იგრძნო.

ჯერ აპოლონმა მოახვია თავს რაღაც ბადე, სულ ოქრომკედლით ნაქსოვ-ნაქსოვი, და რაღაცა რამ მწვავედ მოსურდა ჭაბუკი გმირის ატკიებულ სულს, ბევრად დიადი, ვიდრე თვით იყო, გმირთაგმირი, და იმ დიდსა და სიდიადეს უბრალო ენით რომ პოეზია და მუსიკა ერქვა, არკი იცოდა, და რა ექნა, შეძრულს, რას მივარდნოდა, გადასარჩენად, ზეცას უმზერდა უმწიფო გმირი, ზღვას გაპყურებდა, ფეხქვეშ გამოცლილ მშობლიურ მიწას დაჩერებოდა აღელვებული სკირონი, საკუთარ თითებს, ახლა უსუსურთ, დასცქეროდა და, სხვა ელადელთაგან განსხვავებით, გულის სიღრმეში ცოტათი და ბუნდოვნად მიხვდა, რომ არ შეიძლებოდა ადამიანის, თუნდაც მტრის მოკვლა, ოღონდ მკაფიოდ ჯერ ვერ იცოდა ეს, მხოლოდ გულის შორეულსა და ფაქიზ კუნჭულში გრძნობდა, მაგრამ ხმლის ქნევის ნაცვლად, უნებურად მინდორ-მინდორ და კლდე-ღრეებში ხეტიალი დასჩემდა სკირონს, რა ექნა, ბედშავს, ლირაზე დაკვრა იმან არ იცოდა, გზიანი სიტყვები ვერ მოსდიოდა, მაგრამ შორიდან და განუცდელად ძალიან ძლიერ შთაებეჭდა ეს; ყოფილი გმირი, ფერად ველებზე ფეხარეული დააბიჯებდა და გვირილებისგან თეთრ-ყვითელ გვირგვინს, ამ ორ ყველაზე მეტად საშიშ ფერთაგან დაწნულ გვირგვინს ფაქიზად თხზავდა, დაფნისას ერჩია, თავზე იდებდა, ვერა შევლოდა და გადასარჩენად რას მივარდნოდა, აღარ იცოდა — მზეს, ზღვას, ან, მთვარეს? მაინც ვინ იყო ის გრძელთითება ბაცი ეოსი, გათენებისას დასასმარებლად რომ გაუწვდიდა ადამიანებს ვარდისფერ თითებს, ან როგორ უხვად გროვდებოდა ბოლოს

სიშავე, რად ბნელდებოდა, და, ყოვლისმომცველ, იმ, სი, ჩუ, მეში ვარსკვლავებილა ხმიანებდნენ დაფარულ ცაზე, სად იყვნენ ნეტავ ჰელიოსის ჟამს, — აშკარა დღისით...

მერე იყო და, თითქოს მშველელად დაადგა გაბრუებულ თავს ღმერთთაგან ყველაზე მეტად დაუნდობელი და სასურველი — აჰ, გარეგნობით, მართლაც ღმერთქალი, რა ტანიანი, რასახოვანი, როგორი მკვრივი, რბილიც — როგორი, რარიგტუჩება, მკერდიმნაირი? — ოჰ! — აფროდიტე, თანაც ზღვისქაფა, თან — დამძიმებულ ხორცებიანი, ხან რომ ისეთის ნაზის მზერით გიციქერდა ხოლმე, სულს ამოგწვავდა აის ოსერი, ხან კი, იგვარად? — განზე მზირალი გველის ცბიერი და ვერაგი და ვერმისახვდომი თვალები ჰქონდა, შეგპრავდა როგორ... ლბილი ეკლები გიკაწრავდნენ დამდურულ სულს, მოკლედ.

სიარული კი იმან არ იცოდა — ან სარეცელზე იწვა ვინმეს ქვეშ და მბრძანებლურად თავნებობდა, ან არადა, ფრენდა. და თავის გამორჩეულ შვილს, ბასრისრება ეროსს, ჰაერ-ჰაერ და-აპროწიალებდა ყველგან.

სხვებს კი მშვენივრად ასწავლიდა ცოდვილ მიწაზე კარდა-კარ წანწალს.

მას შედგომილნი, ორ აფროდიტეს განასხვავებდნენ იმ ერთ ღმერთქალში, და აფროდიტე ურანიასთვის, წმიდათა-წმიდა სიყვარულისთვის აბა სად ეცალა მოწიფულ სკირონს, და ეროსმაც აფროდიტე პანდემოსის ნერწყვმოცხებული, მკვრივიც და მყიფე, ავი ისარი ზედ ბეჭისთავზე მწვავედ ჩა-ასო.

ის აფროდიტე, პანდემოსი, დიდ ცეცხლს ანთებდა, ეს ხორციელი სიყვარულის მწველი, გიზგიზა კოცონი იყო, სწრაფად ჩნდებოდა, მაგრამ სწრაფადვე იფერფლებოდა, და სანამ დაცლილი გმირი გაიფიქრებდა რომ სიყვარული არ ყოფილა, არა, აის კოცონი ისევ და ისევ მოედებოდა, კვლავ მცხუნვარებდა, ჰეე, და თავის დროზე მრავალი და ბევრგვარად უხვი სხეული ეგემნა თავადაც ხვავრიელ სკირონს, უხილავ ნაიარევად დაატარებდა ბევრი ტანადი ელადელი ტუნიკოსანი სკირონის ცხელ ნატუჩარს ყელზე, ბორცვებზე, ყველაზე მეტად ტუჩებს ახსოვდათ დამლა იმისა, ვისაც რომ ერთნაირად ეხერხებოდა ლომების კვლა და მხურვალე

კოცნა, ოღონდ ძალიან გადავიწყნოდა გვირგვინების თხზვა, რადგან პანდემოსს შედგომილებს, ვეღარ ესმოდათ აპოლონისა, სკირონთან ყოფნით გაამაყებულ პირალმა ქალებს კი ყელი ეწვიადათ, და ჟრუანტელად ეღვრებოდათ პანდემოსისგან დაქრილი გპირის დანაფლეთებული ხორცი და სისხლი, — იკოცნებოდა, რიმ...

მერე მეთრე აყროდიტემ, ძალიან დიდად იშვიათმა, ცის ურანიამ, კეთილინება და მოუყვანა სხვადასხვაფერა თვალებიანი ფაქიზი ტარო, ფეხსა მოვიდნენ, მაჯაში ხელი ჩაეჭიდა ტიროსათვის ცის ურანიას და კლდოვან მიწაზე ასე მოჰყავდა შეუცნობელი ტკივილის ქალი, და ლელიანში რომ დაინახა იმ სუპირველად სკირონმა ტირო, რა იყო მაინც, როგორ დაიწყო მათი შესება, მაგრამ გახსენებების დრო აღარა ჰქონდა ახლა, იმ კუნაპეტში მწარე მუშტად შეკრული, ძალიან გრძნობდა მათის ფრინგელის უტყვ დაჟინებას: „მოდინ, მოდიან... მოეშურებიაან“, და ძლივს გამართა სწორი ფეხები სკირონმა, ცოტათი ქვემოთ ჩააჩოჩა, სხეული უკან გადახარა, სუნთქვაშეკრული, ფეხისგულების ბრძული ცეცებით ჩაუყვა ძნელ, კლდოვან თავქვეს, და ქვის იმა მრგვალი ბილიკით შემთხედული, იფხაჰნებოდა, ღამეზნელიდან სინათლისაკენ, აბრჭყვიანებული დედამიწისკენ მოლოლავდა ერთი ყაჩაღი, და ვინ იცის, როგორი მგზავრი შემოსვდებოდა, როგორი შიშის მოგზაური, კლდის მუქი ტვინიდან გაჭირვებით თავგამოღწეულს, ნეტავ რანაირი ბედის მაძიებელი შეენახებოდა იქ, დღის სინათლეში, სკირონის წილ ერთ პეშე მიწაზე, — მრავლისმნახველი ჰელიოსის შოთხით ჩამოწვდილ თავარა ხელისგულზე, შუქში, ვინ გადაწყდებოდა, ნეტავ...

## 5.

ყოვლად რომაელო ქალბატონო, დიდო სენიორა ანნა, მანინი

რა და რა იყო მაინც, იმ ერთ ქართველს რაც მოახვიეთ, როგორ შესძელით იმსიშორიდან მისი დაპყრობა, თუმც ვთქვო მეც რაღა, სულ მეტი დარდი არა გქონდათ რომ, ვინმე დაგე-

ბყროთ და მოგეხიბლათ? — არა, უბრალოდ, თავისუფალი ბრძანდებოდით. მაგრამ როგორი... უცნაურია და მეტი არა? — რა ბუნებრივად შეიმოსეთ თქვენი სამშობლოთი, თვით ატალიით, სადაც რომ ყველაზე მეტად მრავალრიცხოვნად ირეთდნენ გენიოსები, ზენიტეირნი კი ყოველ ნაბიჯზე ჯინჭკველებით დაფუსფუსებდნენ, და სწორედ აი იმ ქვეყნის, თქვენი ქვეყნის სახება გახდით, ოღონდ ქანდაკებასავით გოროზად შტყვი და გაქვავებული კი არა, არა, არამედ — სიტყვათმფრქვეველი, თვალნაპერწყლება და მოარული, შეიძლებოდა კია, რომ ერთ ადამიანს ეტარებინა მთელი სამშობლო, განსაკუთრებით — მარადიული ქალაქი რომი, და დედა რომას სიხარულითა და მოწიწებით გეძახოდნენ თქვენ, ქალბატონო, რომაელები, ხოლო იმ ქართველს, ვისაც სამშობლო, მთავორიანი საქართველო გლობუსს ერჩივნა, კარგად ესმოდა ამ მეტსახელის წონა და ფასი.

— არა, — მძიმედ წარმოსთქვა იფიტემ. ივი ამაყი იყო.

— ორიოდ გროშს გთხოვ მხოლოდ, — სუსტად გაუმეორა ბებერმა, — ორიოდ გროში რაა შენთვის, არაფერი, რარიგ ძვირფასად გაცვია, დიდი ქონების პატრონი ჩანხარ...

— ჩამომეცალე, შე გლახაკო, — ღირსეულად წარმოსთქვა იფიტემ. დიდად ზვიადი გახლდათ.

ბებერს ყავისფრად დალაქვოდა სახე, უშნოდ ჩამოძენძილი წვერიცა და თმაც გახუნებულზე გახუნებული, მონაცრისფროდან მომწვანოში გარდამავალი ფერისა ჰქონდა, შემჭვნარი ხავსი წამოზრდოდა თითქოს. თითქმის მიწამდე მორკალულს, დაკონკილი მოსასხამი უფარავდა ხელ-ფეხს და სხეულს, წელვერგამართულს, თვლები ზლივს ამოეპყრნა სამშვენიისებით დახუნძლული მოგზაურისკენ, იხვეწებოდა: „ორიოდ გროში გამოიმეტე...“, ის კი, გოროზი, მაძლარი და ძაღლონით სავსე, ვიწრო ბილიკზე გადამდგარ ბებერს ერთს თავზარდამცემად კი დაუღრიალებდა, მაგრამ ცოტათი ერიდებოდა ეს — სადღაც აქ, შეგარასთან შორიახლოს, დიდი ყანალი სკირონი ბუნაგობდა, თუმც, რას გაბედავდა იფიტეს თან-

მხლებ შვიდ საუკეთესო მეომართან შებმას, და თავად იფიტეც მთელს ელადაში სახელგანთქმული მუშტით შებრძოლი იყო.

— საჭმელი მაინც მიწყალობე, — შეევედრა ბებერი და მოდილო აბგებს მიაბჯინა მზერა, — მესამე დღეა, ლუკმა არ ჩამსვლია...

აქ ღირსეულმა იფიტემ გახუმრებამდეც კი დაიქვეითა თავი, ოღონდ ამაყად — წარმოსთქვა ასე:

— შენ ალბათ ჩქარა ქალსაც მომთხოვ, შე მათხოვარო.

კარგია, არა, კარგი ხუმრობა? — კუსტად შეკრული მეომრები იღიმებოდნენ. მაგრამ საჩქაროდ გადაიბეს წარბები.

— ეგ მოსასხამი სად შეიძინე, ალბათ მინოსის სასახლეში, — სიცელქის იშტამ ისეუ დარია მედიდურ მგზავრს ხელი, — ფრთხილად იყავი, არ გაგძარცვონ.

მეომრები კვლავ შეღიმილიანდნენ; სიამოვნებისაგან ერთმა წვერიც კი მოიქეჯა.

— განზე გადექი, — მძვინვარედ უთხრა უცებ იფიტემ, — ათორემ აგკუწავ. შენისთანები რაც ნაკლებად იველიან ქვეყნად, უკეთესია.

ბებერი წვალეებით გაფოფხდა განზე, მაგრამ იფიტეს თვალს არ ამოკრებდა.

დამშვიდობებად კი მოგზაურმა დიდსულოვნად მიუგდო:

— ხმა რომ გაგეცი, არ გიხარია? მე იფიტე ვარ.

— რა უნდა მიხაროდეს, — ნაღვლიანად ამოხედა ბებერმა, — არაფერი რომ არ მიწყალობე?

რატომღაც თეთრი და ჯანსაღი კბილები ჰქონდა.

— არა, შენთვის სიტყვა რომ გამოვიმეტე.

— რად არ მომკალი.

საკვირველება ჰკითხეს, მაგრამ იფიტეს წარბიც არ შეუხრია:

— შენც კი გექნება ცოტათდენი სისხლი, მატლო, და არ ღირხარ მერე მახვილის გასაწმენდად.

— რომ გადაგეგდე?

— ხელი ხომ უნდა წამეველო მაშინ, და მაგ შენ ზინტილიან მოსასხამს ხომ ვერ ავცდებოდდი.

ამაყად, ჩაუარეს, მაგრამ რვანივე გახევდნენ მერე, რადგან ღონიერი და თავისუფალი, მჭახე რამ ხმა მოესმათ:



— შენ ან ყოველად უფრო ძლიერი უნდა იყო, ბრიყვო, იფიტევ, ანდა ნაკლებად ქედმაღალი.

გაკვირვებულნი, შექოუბრუნდნენ, და გაოცებით შეაჩერდნენ ბრვე და შემართულ წელანდელ გლახაკს, რომელმაც ჯერ წყალმცენარეები მოიცილა თმიდან, სახიდან, მერე ყავისფერი მიწის ნამცეცებიც ხელისგულის ორი დასმით ჩამოიშორა; მოსასხამიდან ამოყოფილი მკლავი კქონდა? — ყოველადმღიერი.

აქ მოგზაურმა შიშით იკითხა:

— თვალთინათინა ათინა ხომ არა ხარ შენ?

— არა, იფიტევ, — ჩაელიმილა უცნაურ დამხვდურს, — თვალთინათინა ამ ზღვათა ბალახს სახეზე რატომ მიიკრავდა, ისედაც მშვენივრად შეუძლია იერის შეცვლა. სკირონი ვარ მე, შენი ყაჩაღი.

მხრები ერთი კი შეარხია, და ძირს დავარდა უბადრუკი მოსასხამი, და, ძვირფას ქიტონში ელადურ მზეზე თეთრად აბრჭყვივებული, მთელი თავისი ახოვანებით, იდგა, — სკირონი.

მახვილიც — ებყრა.

მაგრამ მხოლოდ ერთი ადამიანი, ანუ მხოლოდღა ერთი მოკვდავი არსება რამ, შემორჩენოდათ რადგან, ყიჟინ-ყიჟინით მიესივნენ ხელფიცხი მქომრები. მერე მიწაზე შვიდი მახვილი; ბევრი აბგა და ხელის ოთხი მტევანი დარჩა, და კიდევ ორიც — გარეგნულად საღსალამათი ადამიანი. ოღონდ, იმათგან ერთი აშკარად თრთოდა.

დანარჩენები კი ისე გარბოდნენ, შორითსაჩინარ მეგარა-შიაც ველარ შეჩერდებოდნენ, ალბათ.

— ახალს, რას იტყვი, — უთხრა სკირონმა.

— ყური დამიგდე, — მოულოდნელად მხნედ რომ მიმართა ყოფილმა მოგზაურმა, სკირონს სიამოვნებისგან შეუკრთა კიდევ გული — ეგებ, არ ედგა თვალწინ სიკვდილის ღირსი, — შენ თურმე მახვილს დიდმშვენიერად ხმარობ, მაგრამ უმაგმახვილოდ ალბათ ბევრი ვერაფერი შეგიძლია.

დაკვირვებით შესცქეროდა სკირონი.

— რა ვერ შემიძლია.

— აი, ვთქვათ... მუშტით ბრძოლა, ვთქვათ. მუშტით ბრძო-

ლაში ნამდვილ, უიარაღო ვაჟაკებს ვერ გაეჯიბრები. აი, თუნდაც მე.

— რატომ.

— მასვილი აღარ გექნება მაშინ. და წამსვე დაგცემ. თუ არა გჯერა, და თუ მართლა ვაჟაკი ხარ, მოდი, მუშტებით შემერკინე.

თეთრ და გამქრობად წრეებს მშვიდად ავლებდა ჰაერში წერო. ვერა ხედავდნენ.

— კარგი, — თქვა სკირონმა და მახვილი იქვე მიაგდო.

განზე გავიდნენ, მოსწორებული მცირე რამ ადგილი შეირჩიეს და, იფიტემ უცებ მახვილებიდან გზა გადაუჭრა, და ახლა უკვე ავი სიხარულით ათრთოლებულმა, მსნედ შეუძახა:

— ყეყეო, სკირონ! ფიცხელჭურჭლოვანი როდოსია სამშობლო ჩემი, მაგრამ სხვებსავე ამფორებსა და ლარნაკებს კი არ დავფუსფუსებ, არამედ მუშტით უებრო მელმარი ვარ ეს მე, იფიტე, და წასულია შენი საქმე — თავ-მკერდ და ყბათაშემ-მუსვრელი, სახელოვანი იფიტე გიდგას წინ, უგუნურო!

მაგრამ სკირონმა მსუბუქად და მშვიდად მიუგო:

— ვიცი.

— ეგ რომ გცოდნოდა, უდღეურო, მახვილს ხელიდან არ გააგდებდი. იმ მახვილივით მიგაწვენ აქვე!..

და, მართლაც, პატარა ხანში სკირონი იქვე გაწოლილიყო და ყოფილი მოგზაურის გონზე მოსვლას მოწმობდა ელოდებოდა.

კარგა დრომ განვლო, მაგრამ გულის გრძლად წასვლასაც ხომ აქვს თავისი ბოლო, და ცალი თვალიდა დაახილა იფიტემ, მეორე — ვერა, რადგან შელენილი მხარე ძალიან ცუდად აყვავებოდა. პლივას წამოჯდა, საღ ლოყაზე ხელი მიიღო, ზირი დააღო და ცხვირით მოიხოცა, ჟა მიწას რა უკვირს, ბრაფერი, კბილები მრავლად შეემატა.

— ახალს, რას მეტყვი. — უთხრა სკირონმა.

გაჭირვებით მიალულლულეს:

— ძალიან ბევრ სამკაულს მოგცემ.

— ისედაც ჩემია.

— არა, მარტო ესენი კი არა, — იფიტეს თქროს რვოლები შემოჭდობოდა იდაყვებთან, მიაჯებზე; თქროსავე სქელი ძეწკვი

ჩამოეკიდნა, თავთ დიადემა ედგა ოქროსი, ახლა კბილებზე  
მეტი ბეჭდებიც — ისევ და ისევ ოქროსი ჰქონდა და, მწვანე,  
ლურჯი და წითელი რალაც-რალაც კიაფობანიც კიდევ აძგვა-  
რი... — ესენი კი შენა, მაგრამ დიდ გამოსასყიდსაც ამოვატა-  
ნენებ.

— ახლა შენ უნდა დამიგდო ყური, — უთხრა სკირონმა,  
მძიმედ წამოდგა, და ვედრებით ამოჰყრობილ თვალებს ახლა  
ზემოდან დასცქეროდა, — ორი გროში რომ გამოგეშეტებინა,  
ამ დღეში აღარ ჩავარდებოდი. ორიოდ გროშად, ხომ კარგად  
მისმენ, ამპარტავანო, ორიოდ გროშად ღირდი დღეს და მეტი  
რა მექნა, უფრო იაფად როგორღა შემეფასებინე...

მიწას ჩააჩერდა ყოფილი გოროზი, მედიდური, ამაყი, დი-  
დგულა, ზვიადი, ამპარტავანი, ყუყუჩი, ქედმაღალი და სხვა,  
სინანულით გადააქნია თავი.

სკირონმა კი, ჩაფიქრებულმა, იქვე გაიარ-გამოიარა, რა-  
ლაც შეესო ფეხისგულში, დაიხედა და — კბილები იყო...  
„მაინც მიკბინა...“

დიდის ვედრებით ამოსცქეროდა ოქრო-იფიტე.

და აქ სკირონმა უკანასკნელად გამოსცადა:

— ფეხებს თუ დამბან?

უზარმაზარი კუს გასახარად, ისეთის შვებით წამოიძახა? —  
მუქი სისხლიც კი ამოაყოლა:

— აბა რას ვიზაჰი!..

იმა საქმეშიც, სკირონი უბრალო იყო — აიმ პასუხით, ყო-  
ფილმა ბლენძმა, თავად გადაიწყვიტა, — ბედი.

ყოვლად მფეთქებადო ქალბატონო, დიდო სენიორა ანნა,  
მანიანი..

მაინც რა ძალა გედგათ და გიდუღდათ ისეთი, თვით იტა-  
ლიელთათვისაც კი დიდად გასაკვირი — თქვენ, მეტსახელად,  
ვულკანი გერქვათ. თქვენი მოკლედ ჩალიმბაც კი ვულკანუ-  
რი იყო, ხოლო სიცილი, და განრისხება? — აჰ, მტრისას,  
მტრისას... თუმცა არა, აჰ — ჩვენსას, კი, ჩვენსას... თქვენი

ხელების მოპრობა, თავის შემართვა, ის სიარული — ჩავლილი გზა თან რომ მოგკონდათ, შუბლზე გრძნეული თითის გადასმა, მოქუფრულ წარბთა ჩამოზიდვა, ბაგის მოკუმევა, განრისხების წინ ამაყი, ცალფა დონინჯის შემოყრა, და ფართო კბილების თეთრზე თეთრი რამ ჯანყი, სუყველაფერი, რომელი ერთი — ვულკანისმიერი იყო, ხოლო ჩხუბი და აყალმაყალი და დაკა-დაკა შეგეძლოთ ერთი ისეთი რომ, რისი ვულკანი, თქვენი მჭახე და ნაზი სიტყვების კორიანტელთან — რაისი ლავა, მაგრამ თრი ყველაზე მეტად ღონიერი და მფრქვევადი რამ, ორი თანაბრად აბორგებული, ტყუპი ვეზუვი თვალეში გელგათ, ან რანაირად გიცემციმებდათ წყვილი ამბოსი, რა ნაპერწყლები გცვიოდათ ხოლმე, ანდა როგორი თვალთა სისოვლის მდულარება გჩვეოდათ მაინც, რას არ იტევდნენ ეგ თვალეები — თქვენი სამშობლოს ფარულ სევდასა და, ცრემლებს, სიანცეს, ნალველს, და რაკი მუდამ მართალი და ნამდვილი ბრძანდებოდით, იმ უცნაურად ამაყი განრისხებისას, მთლად გაანჩხლებულ იმ მკითხავსა ჰგავდით, რომ არ ეშლება არაფერი, მაგრამ ყოველთვის არ უჯერებენ, და თვალეებით კი ყველაზე მეტად — დედა იყავით, ყოვლის მჩხრეკელი, დამტუქსავი და მოყვარული, და რა შეედრებოდა მღრღნელ ეჭვს მაგ თქვენს თვალეებში — იმ ეჭვს დედისას...

რა უცნაური იყო მაინც: ყველგან, ყოველთვის, ვინც არ უნდა განგესახიერებინათ კი არა — ვინც მარად მართალი და ჭეშმარიტი ბრძანდებოდით, თქვენს მამაკაცებს თქვენი სახით მუდამ მფარველი და მხარშიმდგომი ესაჭიროებოდათ, თქვენს დედურ ძალას თუ გრძნობდნენ უნებურად... არადა, საკუთარმა დედამ სულ მთლად ჰატარა მიგატოვათ, და მასზე სევდამ თუ გაგხადათ თვით მარადიული ქალაქის, რომის დედადაც კი. და მაინც, ვულკანთან ერთად, მოსაფერებელ სახელს, „ნანეტა“-საც გეძახდათ მთელი ქალაქი, მაშინაც კი, როცა თქვენს კუბოს ატირებულნი მიაცილებდნენ; და ეგებ იმიტომ, სრულიად იტალიის დედა რომ გამხდარიყავით, თქვენც მიატოვეთ უძვირფასესი ადამიანი, თქვენი ერთადერთი ვაჟი, ლუკა, და შეიძლება იმიტომაც ჩაიდინეთ ეს, რომ თქვენი შვილი ყველაზე დიდ დარდს, ბავშვობაში ცოცხალი დედის უყოლობას, მერე, მამაკაცობაში, კაცად რომ ექცია.

შორიდან კი, რალა თქმა უნდა, სხვას არაფერს აკლებდით.

და, შესაძლოა, იმ ერთ ქართველში განსაკუთრებით იმიტომ დავიანეთ, რომ იმასაც, ბავშვობაში, ეგ თქვენი დარდი ადარდებდა, თქვენსავით, იმასაც ბებია ზრდიდა, და თავის გამოორჩეულ შვილს, თქვენი საყვარელი სახელი ჯერ რომ არც იცოდა, ისე დაარქვა, და იმავე სახელის გამორჩეულ კაციდანვე ჰქონდა შეზიარებული თავისი ყველაზე მეტად ვრცელი ამბავი, და ხანდახან იმას ვულკანს არა და, დენტს კი ხუმრობით ეძახდნენ ხოლმე.

თქვენს მძიმე ბედზე — ცოტათი შემდგომ...

## 6

დიდი კლდის ტვინის იმ კუნაპეტში მთლად მოკუნტული და დაკაწრული, მარადიული სიბნელის — ერებოსის წილხვედრ ამ მცირე კუნჭულშიც, იჯდა ხოლმე და ფიქრობდა სკირონი, დარდს ინათებდა.

ვიდრემდე ტირო მოუვიდოდა, დიდი სნით ადრე ის ქალი ჰყავდა, ვისი სახელის გახსენებაც აღარა სურდა. სკირონი თხუთმეტისა იყო მაშინ, ის ნათრევი ქალი — ცხრა წლით უფროსი. ჰელიოსის ჟამს, დღისით, ოღონდ ჩრდილში, მშვენიერი კარგი ლაპარაკი შეეძლო, თითქოს ლალად და ალალ-მართლად ჭიკჭიკებდა, მაგრამ ცბიერი, ბნელი გონებით სულ დაბლა-დაბლა დალოდავდა და, წელხამძიმიებული, მერცხლისა და გველის ნაჯვარსა ჰგავდა, ისე კი, უპირველესი რამ მოვლენის, ვრცელი ქაოსის პირდაპირი ჩამომავალი იყო, ქაოსისავე დეაწლი გახლდათ ვერაგი ეროსი, აფროდიტეს ძე, ვის წინაშეც ყრმა სკირონი კი არა, თავად ღმერთებიც უძლურები იყვნენ, და ის ქალი პირველად რომ შეეჭიკჭიკა სკირონს, ეროსმაც თავისი მშვილდი გადმოიღო და ბასრი ისარი ტვინში ჩაასო, და, თხუთმეტი წლისას, ეგონა რომ არავინ იყო მასზე ბედნიერი, რადგან ის ქალი შინ შეუღოლდა. შვილი კარგა ხანს არ ებღეოდათ, მაგრამ სკირონი ამას არად დაგიდევდათ: იმ თავისთვის პირველი, სხვათაგან კი მრავლად ნაჯიჯგინი იმ ქალით შეძრულს, საღამოობით იმის კალთაში უყვარდა

თავის ჩადება და უცნაურ ამბებს თვალგაფართოებელი, დამაბულად წამოწოლილი, რბილსასთუმლიანი, ისმენდა.

იმ ქალს სინათლე არ უყვარდა, მაგრამ მრავლისმნასველი პელიოსი მთელის არსებით სწყურებოდა ხოლმე, რადგან განმარტოებულად პირადმა მწოლარე, მზის გულზე შავად აციმციმებული, ცივ სისხლს ითბობდა, და შორით ჩამოწვდილ ნეტარებისაგან უსმად აკვნიესებული, ავი ზმორებით ღვივდებოდა გრილ, მისჯილ მიწაზე.

სალამობით კი, შებინდების ჟამს, შემთბარ, ამღვრეულ, ბევრსაფხეხურებიან გონებას ისევ ცივად დაილაგებდა და თავის ადვილ ბიჭს, მიმნდობ სკირონს, ბევრგვარ კეფათამნასველ კალთაზე მორჩილად თავდადებულს, ოქროსფრად ხვეულ თმაში შეუცურებდა ხოლმე გამოცდილ თითებს, და ვიდრე პქონდა იმაზე უკეთესი ხმით უყვებოდა, რომ...

რომ თურმე იმ ყოვლად საზიზღარი ქაოსის... აქ მოწიწებისგან ხელისგული შეუურთაალებოდა, განაბულ მსმენელს კი ეგონა, რომ თვით ის, სკირონი, უყვარდათ,

— იმ საზიზღარი ქაოსისგანაა ყოველგვარი მზაკვრობა, — ზურჩულებდა ის ქალი, როგორ ნელინელ ბნელდებოდა გარეთ და, მოუთმენელი, ჯერ ამ ჯაბრიყვებული სკირონისგან იკრებდა ძალას, თანაც, ვითომცდა ეფერებოდა, — იმისგან წარმოიშვნენ ცოდვილი გეა — ადამიანთა დამბადებელი...

ნეტავ რად იყო ცოდვილი გეა...

— და სამმაგად ბნელი ტარტაროსი, — კალთისმიერი თავი იმ ქალისაგან უთრთოდა სკირონს, — სპილენძის სამმაგი კედლითაა შემოზღუდული, აჰ, იქ მოხვედრა... — შეშინებული ამბობდა თითქოს, დაიხრებოდა, ყურში ჰკოცნიდა, და აქ მასავით გააჟრჟოლებდა ხოლმე სკირონს, მძლავრ ხელს კისერზე შემოხვევდა, მიწისკენ ხრიდა, შავი მოსასხამისა და შავი ტუნოკისაგან ამოფტქვნიდა, მაგრამ ბნელოდა უკვე, შავივე რჩებოდა ის ქალი, — და საზიზღარი ქაოსისგანვე, ნელა მეფერე, სად გვეჩქარება, წარმოიშვა ქალღმერთი ნიკტი, ღამის მეუფე, ახლა ჩვენია, ჩვენც — იმისნი ვართ, აქ, აქ მაკოცე, — ბნელ კერტზე ნაზად დაიდებდა შუათითს, ამოჰყურებდა, მერე იგივე თითს წარბზე ნაზად გადაუსვამდა, — ეგრე, ჰხოო, ეგრე, ზენ ხომ შვილი ხარ... — და შემკრთალ სკირონს კეფაზე თვრა-

მეტივე თითს დააჰდობდა, მრავალთითება იყო, — არ წამისვიდე, მკლავები მაგრად შემომხვიე, ნიკტი ჩვენია, როგორ მიყვარხარ, შენი ხელები ჩემი კეთილი ძიძებია, ჩვენც — ნიკტისი ვართ, ჩემი ბიჭი, ჩემო სიცოცხლე, მოდი, გაკოცო, — ხაბავდა როგორ, — უ რა კარგი ხარ... რა კარვი... კარვი...

ატლანტიდაში იზმორებოდა თავად გორგონა, ბნელის მეღუზა.

გვერდიგვერდ იყვნენ, ოღონდ ის ქალი შურგს შეაქცევდა, გატრუნულიყო ჯერ; ნაკლულად სავსე სკირონი იწვა, მაინც კიდევ რაღაცა სურდა და, როდის-როდის გადმოუტრიალდებოდა ის ქალი, და სკირონს აამებდა — ლოყას გულზე ადებდა, მკერდზე თითებით ეფერებოდა, და მხოლოდ ახლა, ძლიერ მცირე ხნით, ეგებ უყვარდა კიდევ სკირონი, ოღონდ — თავისთავის, მაგრამ მისჯილი სიცრუე შესაფერის სიტყვებს ითხოვდა:

— მე არასოდეს არავინ მყვარებია შენზე მეტად. მხოლოდ ერთი...

— ვინ!..

— შენ, ბავშვობაში...

იბადრებოდა, სკირონი.

— როგორ, მიცნობდი?

— მე შენთან ერთად დავიბადე. შენთვის. ნეტავი როდის გათენდება, არ მიყვარს ნიკტი. შემოუეველე.

სკირონი ძაან გატრუნულიყო და,

— უწმინდურია, — ამბობდა ის ქალი.

— იგი ძალიან უწმინდურია, — ამბობდა მერე, — სხვა ვერავინ იბოვა რომ, იმ თავის ძმასთან, წყეულ ერებოსთან არ გაება ყოვლად უწმინდური კავშირი? როგორ მიყვარხარ, ვრცელი ნიკტისა და ღვათაგბრივი ერებოსის სწორედ იმ უკანონო... მრცხვენთან, როგორ გითხრა, ჰო — იმ უკანონო საქციელისგან წარმოიშვა ტყუილი, სიბერე, ავი სიზმრები, ბორბობა, როგორ მიყვარხარ, მწუხარება და ბევრიც სხვა უბედურება, ტყუილად კი არაა ქაოსის შვილი, დღისით მიცვალებულთა სამეფოში დაძრწის, საღამოთი კი, ყველას მიჩვენებ, დასავლეთის ჭიშკრით გამოდის, უწმინდურია, აბა რაა, ნიკტი. — ბავეს აწვდიდა, — ერთიც მაკოცე.

ერთსაც ჰკოცნიდა.

— ერებოსისგან ტყუპები ჰყავს, — კვლავაც მკერდზე ყოფი-  
ქოს მიუყუნდებოდა ის ქალი, — მუდამ თან დაატარებს, ხელზე  
უზის ორთავე, — სიბინელეში, სრულებით არ ჩანდა სკირონის  
გულთან ასავესავებული ენა, — პირველი — დიდი თანატოსია,  
ქვეყნად მოვლენილ არსებათაგან ერთადერთი, ვისზეც არა  
სჭერის არავითარი საჩუქარი და ქრთამი. არც დაპირება და  
სვეწნა.

— ვინაა ეგეთი...

— სიკვდილის მეუფე. რომ იცოდე, რა ლამაზია — რკინის  
გული აქვს თანატოსს, არავინ ებრალება, მაგრამ ძალიან  
ეჯავრებათ ადამიანებს. როგორ მიყვარხარ. შავ ტანსაცმელში  
გასვეულია, ფრთოსანია, ცალ ხელში ხმალი უპყრია, მეორეში  
— ასლად ჩამქრალი ჩირაღდანი.

სკირონი დუმდა. — მეც მოვკვდები? — ამბობდა მერე.

აჭიკჭიკდებოდა, ის ქალი:

— არა, რას ამბობ, აჰ, არა, არა, — ახლა ხელებსაც ასავესა-  
ვებდა, — შენ არა, არა, რადგან ჩემი ხარ, მე ვის გავატან შენს  
ოქროსკულულებიან თავს, შენ, დიდი-დიდი, პიანოსი მოგე-  
რიოს, თანატოსის ტყუპისცალი, ძილით დამპყრობი, ისიც —  
მცირე ხნით, რადგან გამოიღვიძებ მერე — შენ მოერევი, მანა-  
მდე კი, თვალებზე დაგადებს იისფერ ხელისგულებს, რბილად  
დავარწვეს, სკირონ, სუნთქვას დაგიმშვიდებს, ბურანში წახ-  
ვალ, ერთი მსუბუქი გაურჯოლებით ძილში დაგყვინთავს მერე,  
სიბნელით შეპრულს, თავდასახსნელად კიდევ უფრო მძიმე  
სიზმრები დაგაწვება თავს, — წამოიწევდა, დასცქეროდა, კარ-  
გად სედავდა ყოველივეს ბნელში, — იძინე, ბრიყვო...

ეძინა, სკირონს, და ის ქალი ენას ყურთან უსავესავებდა:

— ერებოსისა უნდა გახდე, ერებოსისა, გამიგე, ბრიყვო?  
სიბნელე უნდა ჩაიდგა გულში, და ეგ ოქროს თმაც გაგიშავ-  
დება, აბა რად გინდა ოქროსფერი თმა, ქალი ხომ არ ხარ...  
— და თავის ავ-საცხებელს, ღამურას ტვინს უსვამდა შუბლზე,  
ძილში დათქმულ სკირონს კი ბუნდოვნად ეგონა რომ, ეფე-  
რებოდნენ, იმშუშნებოდა. — მიდი, იძინე, ჩემი ბიჭი, ერებო-  
სის ხარ, დედად გყავს ნიკტი, ძმად გამიხდები, ჩვენისთანებს  
გშობთ, ვის გაუგია ადამიანის... აჰ, რა სიტყვაა? — უბიწოება,



ბეჭ, და შენი დაბნელებული სისხლის შესანარჩუნებლად, სხვისა სისხლს დაღვრი, თანატოსის მახვილს ჩაბლუჯავ და, იქნევ და იქნევ...

თექვესმეტი წლისა, უკვე გმირთაგმირი იყო სკირონი, და თავისთანებს, ხმლით ჩეხავდა, შუბით ხვრეტდა, ისარს ასობდა, მაგრამ ხანდახან... დაფიქრება მოუნდებოდა. რაღაც ეწვოდა, მაგრამ მცირე ხნით — შებილწული ჰქონდა იმა ქალისგან შუბლი, ფიქრსა და ვაებას, ბრძოლასა და ბრძოლას შუა ნელსაცხებლებით მკვრივი ტანის ზელა და ამო გართობანი არ ერჩია? — ქალებს მოსწონდათ გმირთაგმირი, აიმ ქალზე ბევრად უკეთესებს, ამოლტილებს, თმაუხვთ, მკერდსაცხეთ, ჰელიოსის ჟამს იმათ წიაღში იძირებოდა ყმაწვილი გმირთაგმირი, მაგრამ მაინც ის ერთი ქალი უნდებოდა, იმასი ენა, მისი სიშავე — ალბათ, უყვარდა, და შვილიც ჰყავდათ უკვე, ოქროსდალალებიანი პატარა ქალი, ფეხაუდგმელი ჯერ, და სკირონი ერთხელაც რომ მობრუნდა იმ ორთაბრძოლიდან, მოწინააღმდეგე რომ პირველად დაინდო და არ მოჰკლა, მხოლოდ გააქცია, ქალმა ვერ იგრძნო მისი შესვლა იმ ბნელ ოთახში, ბავშვი რომ ეწვა, და იდუმალი სიტყვებით აჩურჩულელებული, კვლავ განაგრძობდა თავის საქმეს — ლამურას ფცქვნიდა, გაოგნებული იდგა სკირონი, და საკუთარ შვილს, საკუთარმა დედამ, ნიკტისეული სიყვარულის ამ მაინც ვარდისფერ ნაყოფს, შუბლთან რომ მიუტანა ბილწი შენათითსნი, სკირონმა უცებ დაიგრგვინა და იმ სიბნელებში ჰელიოსდატიხილი ქალი გამჟღავნდა, სიმწრით გაიკლაკნა და მორცხვად ამოხედა, ბავშვი ატირდა, ხმალშემართულ სკირონს კი შიშნარევი მიძლევარებით ამოსქეროდა ის წასწრებული ქალი, ელდანაკრავს, ენა შიგანში გადაყლაპვოდა და ველარ ამოისისინებდა იმ მაცდურ სიტყვებს, ცდილობდა კია, იგრჩებოდა, და მერე, გამოაშკარაებულმა, გამწარებულმა — თავად გველსაც კი არ შეეძლო ამდაგვარი რამ — კლაკვნით დაიხია და, გარეთ გადოლდა. ბოროტი, გაყიდულ, გადამტერებულ მშერას არ ამორებდა თან.

ის იყო და ის — ქალის იერით აღარ უნახავს სკირონს ის ქალი.

ეჭ, სიყვარული არ ყოფილა, არა.

და ველად გავიდა.

გველს აუ მოკლავდა, ახსენდებოდა, მაგრამ გველები ბეკრსი იყვნენ.

7

ყოველად ტანჯულო ქალბატონო, დიდო სენიორა ანნა, მანიანი...

თქვენ, მსახიობ ქალთაგან ალბათ ერთადერთმა, სახის შემლამაზებლებს ერთხელ ასეთი გაუგონარი რამ უთხარით: „ნუ დამიფარავთ ნაოქებს, ისინი მე ძალიან ძვირად მიღირდნენ...“ — ეს ალბათ იმიტომაც, რომ თქვენ მსახიობი და განმანსახიერებელი კი არა, თქვენ ნაღდი, ნამღვილი, ყოველად ნამღვილი ბრძანდებოდით, დიდო სენიორა ანნა, მანიანი, ვულკანოცავ და, ნანეტა. ვის შეეძლო რომ, თქვენსავით ერთობ ნამღვილი ყოყილიყო ვრცლად შემობურვილ სინაზესა და უსასრულო მრისხანებაში, ან ვის უდუღდა თქვენსავით ზიარ სიყვარულიცა და სიძულვილიც, და არც არავითარი შენიღბვა გკვირდებოდათ, რადგან სიმართლისა და რაღაც უცხოად აშარი პატიოსნების თავად ბრძანდებოდით განსახიერება, და სხვა რამ უკეთესი რაღა უნდა განგესახიერებინათ, გულადო, მხნევ და, სიყალბის მიწად დამაქცეველო, პირფერობათა მტერო და მასევ, რომაელების თავნება ქალო.

სანამ ოცდათვრამეტისა გახდებოდით — რა თავისუფლად შეიძლება თქვენს ასაკზე ლაპარაკი — თურმე ჯერ იყო და — თქვენი ქართველი ამას თუთიყუშივით იმეორებს — დიადი ელეონორა დუზეს — ვინ ელეონორა, რა დუზეა? — დრამატულ სკოლაში დაიარებოდით; მერე — პროვინციულ დასთან ერთად დაეხეტებოდით თქვენი სამშობლოს ხან შემხმარ და ხანაც ატალახებულ გზებზე, და ჭეშმარიტი გზის მოსაძებნად, დიდხანს გაწვიმდათ, გათოვდათ, ანნა, მაგრამ ჯერხნობით მკვირცხლ შინამოსამსახურებს თამაშობდით, ხოლო ტექსტად კი მხოლოდ აი ესა გქონდათ: „სადილი მზადაა, მადამ“ — სუბრეტკობისა გამო, ფრანგულობდითაც, მაშ.

მერე — თურმე ვარიეტეში აღმოჩნდით, სადაც სიმღერებსა მღეროდით და სკეტრებს სკეტრობდით. ხან აცინებდით და

ხან კი უნიჭონი მსუბუქ-სუმბუქ მაყურებლებს, დაჭიანებული სიტყვებით წვალობდით, წვალდებოდით, და თქვენს გვერდით ერთი კაციც ჯახირობდა თურმე, მეტსახელად — ტოტო.

იქასაც კარგა შორი გზა ელო.

მერე იყო და — რაღაც ნაგავ-ნუგავი მელოდრამული ფილმები, სადაც ძვირფასად გამოწყობილ სახემიბნედილ ბანოვნებს ღუნედ ასურათხატებდით, სარკმელთან მიმჯდარსა თუ ტახტზე კენტად წამოწოლილს, უნდა გეძახათ — „აჰ“, უნდა გეძახნათ — „ოჰჰ“, და ბრილიანტებთვლოვანი ძალიან გრძელი თითებით ლარნაკში ზარმაცად უნდა გაგეწყოთ სუმბულები და ოლეანდრები, და ისევ ფაფუკად დატენილ ტახტთან მისაკათებულ იყავით უნდა მერე, და ასე ნარნარად მთელ ათ წელიწადს მიმოირწეოდით სარკმელ-საჭკერეტიხიდან. მოსასვენებლამდე, ანდა, პირიქით, და უცებ ოცდაორი წლის განჯვლობაში დაგუბებულ, და აშვებულ ძალავე — ოცდათვრამეტისა, უცებ მეხვიით შეგრეცინდით გრძელრიგთან საპურეში თქვენ, შიმშილისაგან ატირებული ბავშვების გამწარებული დედა — დაუსრულებელი ზრუნვებისგან სახედაკმუჭქნილი, უთვალავჯერ დაკერებულკაბიანი, ჯღანფეხსაცმლიანი, მამაკაცის წინდებიანი გვეუბნები დედა -- ნამდვილი მანიანი — და შვილების გადასარჩენი ლუკმა-პურისთვის ისეთი ზრიალ-გრიალი დაათიეთ რომ, ხალხი წონაშიც დაპატარავდა, მაშ. ანდა, ვითომც გატრუნული, როგორ უცდიდით დაგვიანებულ შვილს — ვითომ მტკრისაგან სწმენდით უბადრუკ ავეჯს, დაბზარულ ნივთებს აქეთ-იქით აადგილებდით ვითომც მშვიდი და, რომ მოიძებნა? — ჰოჰოჰ, ვულკანი! — ლანძღვის ფრქვევებით ჯერ კარგა მიტყუებდა ერთ ადგილას და, ცრემლებიც, რისხვა, სახის დაკოცვნა მერე... რამდენმა ვინმემ დაინახა თავისა თავი თქვენში — ოღონდ ნებაზედ მიშვებული, მონატრებულ ამბოხს ხედავდნენ თქვენში, ნანეტა, მაგრამ არასდროს, არავის გულის მოგებას არ ითვალისწინებდით, თქვენ — თქვენ იყავით მხოლოდ, მაგრამ ისეთიი...

აბა, თქვენსავით ვის შეეძლო მთელ ორმოც წეთს მარტოდმარტოს ელაპარაკა ისე, რომ მაყურებელს ბეზრდებოდით კი არა, თქვენით ედგა სული და მალიმალ ასე ფიქრობ-

და: „ნეტა არ წაგვივიდეს...“, ანდა, თქვენსავით, ვის ძალუძდა ერთი კინკილა სიტყვის გარეშეც რომ გადმოეცა სუყველაფერი, განცდის შვილობილებს რაც გვაბადია, ხოლო თქვენით ბედნიერ სიტყვებსაც კაპასად თუ გაირეკავდით წინ? — უჰ... და, ამოქმედდით, მართლაცდა ფეხდაუდგამ გზებზე მუდამ გამარჯვებულ მოცნებევ, მართლაც ყველაზე ლამაზო, ანნა, მაგრამ ერთი ქალური ახირება თქვენც გაიჩინეთ — ბოლო მისხლამდე ულამაზესმა, აიღეთ და საკუთარი ცხვირი, ფეხები და გავა ამოიჩემეთ. — არ მივარგაო, განსაკუთრებით ცხვირს ჩააჯინდით და, ალბათ როგორი სანახავი ბრძანდებოდით მაშინ, ნანეტა, სარკეს რომ აღარ ენდობოდით და ცხვირზე მოკლედ დაიცქირებოდით, თვალბგაელამებული...

თქვენს პირველ ნაღდ ფილმს კი — „რომი ღია ქალაქია“ ერქვა. პირველს, აწყუეტილს — სათაურშივე მშობლიური რომი ერია... ცოტათი შემდგომ: თქვენი ლინდა და მადდალენა... მაგრამ, მერე იყო და, მაყურებელს ვაითუ. მობეზრებოდით, ვითომც გამწრიახმა რეჟისორებმა აიღეს და შელამაზება დაიწყეს თქვენი, თქვენს სილამაზეს რაღად უნდოდა მეკრდის გაღელვა დამატებოდა, ან თქვენს მძლავრ, მრავლისმეტყველ ნაოჭებს მიფუნჩეზება რად სჭირდებოდა, და რამდენიმე წელიწადს იმათი წყალობით ისევ გაჩახჩახებულ ღამე-ბნელში დაიარებოდით, ღამე კი ისევ ბნელი სჯობია, ნამდვილია უფრო, მერე კი საერთოდ აღარ გთავაზობდნენ ვითომც საქმიანი რეჟისორები აღარაფერს ეს თქვენ, მანიანის, მძიმე დღეები დაგიდგათ, ანნა, და მერე კი, თითქოს საკვირველია, მაგრამ რეჟისორის ნაცვლად მწერალმა, თანაც არაიტალიელმა, მოწყურებულმა გავიხსენათ და მხოლოდ და მხოლოდ თქვენთვის შექმნა ნაწარმოები; თქვენც, აიღეთ და, ოკეანეზე გადაფრინდით და პატარა ხანში უმაღლესი ჯილდო — „ოსკარი მიერთვით, ორმოცდაშვიდისა ბრძანდებოდით მაშინ, თქვენს იტალიაში დაბრუნდით მერე, და კვლავ მოსულელო რაღაც როლები და, შვიდი წლით ისევ — თქმა აღვილია — თქვენი ნამდვილი ნიჭის უმოქმედობა, მერე კი — კი, ისევ რომი — თქვენი მწვერვალი — „დედილო რომა...“

და ისევ, ისევ ბრიყვთაგან მოსჯილი უმოქმედობა, ამჯერად, მეტხანს, და სამოცს კარგა გადაბიჯებული, ცხრა წლით

უმოქმედო კინომსახიობი, ჩამოწერილია, რაღა თქმა უნდა... — და „სამი ქალი“ სამთავეში — ისევ ნაღდი, ისევ დიადი, ნამდვილი მანიანი!, და სანამ ტელევიზიით გადასცემდნენ იმ სამ სიცოცხლეს, ფილმი დაზვერეს, და იყო აუარება რეჟისორის მუხლმოყრილი თხოვნები და ყელის გამოწიწკვნანი, რომ მხოლოდ თქვენ, თქვენ ერთადერთს შეგეძლოთ მათი სასუკვარი ოცნების განსახიერება, და ნუ ეტყოდით უარს რაა, პირველ და მოწყალეო სენიორა, მაგრამ თქვენ უკვე სწრაფი კიბო გლრნიდათ... და იმ ფილმების გადმოცემამდე, თხუთმეტი წუთით ადრე, მისუსტებული, ტელევიზორის წინ შედარებით მოხერხებულად მოეწყვეთ ისეთ რბილ ბალიშებზე, ახალგაზრდული ხეტიანებისას ძლიერ რომ გაკლდათ, მაგრამ — რა უცნაური გამარჯვება — ფილმის დაწყება აღარ დაგცალდათ, თქვენ უნახავი დაგრჩათ თქვენი ერთ-ერთი... ერთ-ერთი რა... რომელი სიტყვა... „ნამუშევარი“ იყოს, და ახლად სამქალიანი მთელი ცრემლდადენილი რომი მიგაცილებდათ სამი დღის მერე, ქვითინსარევი ხმით მოგძახოდნენ: „მშვიდობით, ჩვენო, მშვიდობით, ნანეტია...“ — რომი ტიროდა, ეს.

დიდად, მუდამ და ყოველად ამაყო, ქალბატონო ანნა, მანიანი... როდესაც ერთხელ, თქვენი ბოლო უმოქმედობისას, თანამედროვეობის ალბათ ყველაზე დიდი რეჟისორი ნახევრად დოკუმენტურ ფილმს იღებდა რომზე, დიდსულოვნურად გაიხსენა რა თქვენი ძველი დამსახურებები, ეპიზოდოც კი შემოგთავაზათ — როგორ ბრუნდებით გვიანი ღამით შინ. და თქვენ, შორიდან ბნელით მოსილი, მართლაც გამოემშურეთ თქვენი სახლისაკენ, სადაც რომ მრავლად შეკრებილიყვნენ რეჟისორ-ოპერატორ-მხატვარ-ასისტენტები გამნათებლებიანად, და კარის სახელურს რომ ჩასჭიდეთ ხელი, იმ რეჟისორმა უცებ ასეთი იმპროვიზირებული, ანუ სახელდახელო რამ, ბრძანა: „უკვე გვიანია. აი, შინ ბრუნდება ქალი, რომელშიც ყველაზე მეტადაა გაუღენთილი მარადიული ქალაქის სული. ეს ანნა მანიანია. ანნა, გვითხარით რომზე რაიმე“. ქალმა კი მათკენ მიატრიალა ტანჯვებითა და ავადმყოფობით დადარული სახე, უთხრა: „წად-დაიძინე, ფედერიკო, უკვე გვიანია“.

და მიიხურა კარი.

ყოველად ტანჯულ, ძლევა მოსილო ქალბატონო, ანნა, მანიანი...

ველად გაქრილი იყო სკირონი.

ველად გაქრილიყო სკირონი და, სანამ ფრინველთა ფრენას შეცნაური გახდებოდა, უფრო უკირდა, არვეს მომწყემსვას ბევრი არაფერი უნდოდა რა, დრო-საფიქრალი ბევრი აქონდა და, დაბნეული, ცასა და მიწას შესცქეროდა, რაოდენი რამ იყო გამოუცნობი ქვეყნად, ნეტავი რატომ ბნელდებოდა, ყოფილიყო რა, მუდამ სინათლე, დღე, ან რატომ იყო ზღვის წყალი მლაშე, მღვიმეში წვრილად ჩამონაჟური კი, ამო, რად ვერ ეპოვნა ქარს თავისი გზა, ანდა, ყველა გზა იმისი იყო? — ნელინელ, ფიქრობდა ამგვარად და ასე, მაგრამ მაინც ვერ წაუვიდოდა ხოლმე მთავარ სადარდებელს, თავზე ერთბაშად დაატყდებოდა და, გამწარებულს, მახვილჩაბღუჯულს, მთელი შიგანი ეწვოდა — რომ სიყვარული არ იყო, არა... რატომ არ იყო, ნეტავი ხომ კარგი იყო და, რატომ ქრებოდა, რატომ ქრებოდა, რატომ არ იყო... მაგრამ დროდადრო, სატრფობი რომ ამოუვიდოდნენ ხოლმე მეტრფეს, სიახლოვისას, ხანდახან წამით გაუელვებდა: „არის, კი, არის!“, მაგრამ როდესაც წაუვიდოდნენ, ისევ, მტანჯველად — „არ იყო, არა...“ — თავიდან, ყმაწვილს, მხოლოდ თეთრწვევება ელადელი მხვართი ქალების გათავისება და თვალთა წიციანი ეგონა სიყვარული და, აღარ ახსოვდა, იქ, ხეგარაში, მკერდუსვა ქალს მიბარებულ თავის შვილს, გოგოს, როგორ დაზრუნავდა შორიდან — რაღაც უცსოდ შეძრული, აფორიაქებული, ყველსა და ხორცს მგზავრების ხელით უგზავნიდა, და სკირონისთვის ეს საქციელი მოვალეობა იყო მხოლოდ, მაგრამ უცნობი, ბუნდოვანი შევებაც ამა საქციელს ბედნიერებად ემოსა, და მაინც, სიყვარულისა ვერა გაეგო რა და, თავგზააბნეულს, ისევ ცისა და მიწის ცქერა ერჩივნა, ნეტავ რად იყო ზოგი ხე მსხმთიარე, ზოგი კი — არა, ან ღამეს სად ათევდა ნეტავ ჰელიოსი, ეგებ, სულაც, ზღვაში ღღვებოდა? — იქნებ ჰელიოსი ერთი კი არა, ყოველი დილით მორიგი და ახალთახალი იყო, ვინ აგზავნიდა...

ნუთუ, ღმერთები. თავისი დროის მბრძანებლები არ უყვარდა კი არა სკირონს, იმათზე ფიქრსაც ერიდებოდა, არც ერთ

მათგანთან არ ჰქონია არასდროს საქმე, მიუსხდავად იმისა რომ, იმათ ყველაფერში ცხვირის ჩაწრა ძლიერ უყვარდათ. ერთი, ღრიალა პოსეიდონის შავკულულება გააეებას თუ ხედავდა და, ხანდახან კი, უნებურად ახსენდებოდა რომ... მაინც როგორ დაითრიეს საუკეთესო სუყველაფერი — მაღალ ოლიმპოზე ედოთ ბინები, მრავალრაშიანი ეტლებით დაგრიანებდნენ, სადმე პირუტყვი თუ დაიკვლებოდა, საუკეთესო ნაჭრებს თითის გაუნძრევლად ითავისებდნენ; მოწყალების თვალთ რომ გადმოეხედათ, მსხვერპლსა სწირავდნენ რიგითი ადამიანები იმ ღმერთებს, რომლებშიაც რომ ვინ ვისი ქმარი და მამა იყო, რომელი რომლის დროებითი თანამეცხედრე, რას გაიგებდი, განსაკუთრებით ნერვებპაწილილი იყო იმდროინდელი უცნობი „მმაჩის“ ძალით გატარებული ზევსის ოფიციალური მეუღლე პატივმოყვარე ჰერა — აბა, თავმოყვარე და, დაქინმაჩება? ზევსი კი — მიდი, რას დაგიდევდათ: არჩევანიც — მას, არადანიც — მას, და სიწუწკეში მაინცდამაინც კი არ ჩამორჩებოდნენ პოსეიდონი, აფროდიტე პანდემოსი, არესი, ჰერმესი და ასე...

ეჰ, სიყვარული არ იყო, არა, მაგრამ, ერთხელაც, ერთმა ხნიერმა, უიარალო ბრძენმა ჩამოიარა.

— სკირონი ხართ შენ, ველად გაჭრილი?

— სკირონი ვარ მე. — ვერ იყო, რაღაც, ხასიათზე, — შენ ვიღანა ხარ?

თავი შემართა მოგზაურმა, თქვა:

— შორითსაჩინარი სალამინია სამშობლო ჩემი, და ფიცხელწარბებიანი კიქრევსი ვარ მე, სალამინელი მეფე, ბრძენი და გმირი.

— კიქრევს, ღვთაებრივო, კიქრევს, — გულზე ხელი მიიდო და თავი მიძიმედ დახარა სკირონმა, — მთელს ელადაში სახელგანთქმულ გმირო, მეფე და ბრძენო, — და წესისამებრ მიაცოლა, — დაე, მეხტ-ამტეხელი ყოფილიყოს შენი მფარველი შემწე.

— არის კიდევაც.

დუმდნენ.

ორთავე გრძნობდა, სალად რომ ვერ ალაპარაკდნენ. ეუხერხულათ, ეს.

— რად მოგიწყენია, ღმერთების სადარო, სკირონ.

სკირონმა წამით შეხედა, თავი ჩაღუნა, თქვა:

— ღმერთების სადარი არ ვარ.

— რატომ...

— არ მინდა, ვიყო.

— რატომ?

სკირონმა თავი შემართა, სახელგავარდნილ ბრძენს თვალი გაუყარა თვალში, უთხრა:

— ჩვენი ღმერთები კარგები რომ ყოფილიყვნენ...

— სსუ!.. — მიმოიხედა კიქრევსმა, — ცოტა ხმადაბლა ილაპარაკე, — და მიაჩურჩულა, — კარგები რომ ყოფილიყვნენ... მაშინ, რა?

— მაშინ სიყვარულიც იქნებოდა.

გაკვირვებული შესცქეროდა ბრძენი კიქრევსი.

— და რა — არ არის?

— არა.

— როგორ არ არის!

— სადაა, აბა...

იქვე მიიარ-მოიარა დაფიქრებულმა ბრძენმა, მერე შეჩერდა, შეხედა, უთხრა:

— ოქროს ზოდი მაქვს ერთგან ჩაფლული, შენ ეს იცი?

— არა.

— და, რადგან არ იცი — არ არის, არა?

რა ეპასუხნა...

— საით მივდივარ, რად არ მეკითხები.

— საით მიდიხარ...

მხრები ამაყად გაშალა კიქრევსმა:

— ფიცხელფილაქნიანი ელევსინია საბოლოო ქალაქ-მიზანი ჩემი, რადგან იქ, დემეტრას ტაძარში სამუდამოდ უნდა დავრჩე.

სკირონმა ცოტა დაიმორცხვა, ხმადაბლა იკითხა:

— დემეტრა, ვინაა?

— მიწათმოქმედებისა და ნაყოფიერების ქალღმერთია, სკირონ. არ იცოდი?

— არა. და მართლა სამუდამოდ უნდა დარჩე?

— ჰო. და არც გამოვალ ტაძრიდან არასოდეს.



— და... როგორ გასძლებ?

კიქრევსმა მკლავი გააზმორა, თქვა:

— ადამიანად რომ დაერჩე, მარალა გამიჭირდებოდა. მაგრამ უნდა გარდავისახო.

— რად...

— გველად.

— რადო!

— გველად.

მახვილისაკენ გაექცა ხელი, მაგრამ კიქრევსმა ღინჯად მიმართა:

— გველი მაშინაა საშიში, სკირონ, თუკი სხვა რამ სულიერი ურევია. მერცხალი, თუნდაც. ხომ?

მხრები ჩამოეყარა სკირონს, მოიკუნტა.

— უსხვარამისოდ, გველი ბრძენია.

რალაც ჩამოებურა ანაზღად სკირონს, რალაცადგვარი მძიმე სინათლე.

— ყური დამიგდე. შენ რომ გგონია, სიყვარული მხოლოდ ის არაა, მე რომ დემეტრას ერთგულ გველად უნდა შევუდგე, და სულ მიწაზე უნდა ვიღოლო, სიყვარულია, ისიც.

სულმთლად გაბრუვდა უცებ სკირონი რალაც ახალი, მანამდე ფარული ცოდნით — რა იცოდა თუ, თვალთინათინას მცირე მისხალი რომ ჩაესახლა:

— სიყვარული თუ, თაყვანისცემა...

— ორთავე ერთად. მიწას დახედე, კარგად დააცქერდი, სკირონ. როგორ ამოდის ხორბალი, იცი? — დემეტრას მადლით. რა ღმერთქალია... სასაწაულთმოქმედი. და გველიც მხოლოდ იმისია.

— ხეზეც რომ აღის?

— ხეც დემეტრასია, სკირონ. და მიწის მცურავი მიზნისკენ თუ წასრიალდება, შენსავით მხოლოდ ფეხისგულებით კი არ ეხება მიწას, მთელი სხეულით — იმისია. რა ღმერთქალია... უხვი, მოწყალე. თვით მრავლადკეთილი ზეუსის მკვიდრი და გახლავს.

კიქრევსსაც, იმდროინდელ ბრძენსაც, თვალთინათინას სხვა მარცვალი ამეტყველებდა.

— მაშინ ჰადესის დაც ყოფილა.

— რაღა თქმა უნდა. დიდი ქალღმერთი აქ, ზემოთ, კია, მაგრამ სიბნელიდან ამოჰყავს შორეული კვირტიც. და რა ერთგული ქალიშვილი ჰყავს, მცირესიღრმიანი მიწის მეუფე, როდესაც...

— ვინ, პერსეფონე?

რეებს ამბობდა, უცნობ რამეებს... შუბლი უხურდა.

— აღარ დამაცლი? — გაწყრა კიქრევსი.

— ბრძანე.

— დედა-დემეტრა უხვსხეულა პერსეფონეს არ იცილებდა, სკირონ, მაგრამ ჰადესი, მიწისქვეშეთის მბრძანებელი, რის ჰადესია, მოიტაცა და ცოლად დაისვა. ძალისძალათი გადააყლაპა ბროწეულის ტკბილ-მომჟავო მარცვლები — ურღვევი ცოლქმრობის ნიშანი. გამწარებული დედა-დემეტრა ცხრა დღესა და ცხრა ღამეს ამაოდ დაეძებდა თავის ერთადერთას, და მხოლოდ მეათე დღეს ყოვლისმნასველი ჰელიოსისგან, ახლაც რომ დაგვნათის, შეიტყო რომ მისი ქალიშვილი მიწისქვეშეთის მბრძანებელს ჰყავდა. განრისხებულმა დედა-დემეტრამ თავის ღეთაებრივ უფლებებზე მამინვე აიღო მსახვრელი ხელი, და მარცვლები ჩამოსცივდა ვაზს, ჯეჯილი შედგა, არ ღვიდებოდა აღარაფერი, და შემოძარცვულ ადამიანებს ხორცის ჭამის გარდა რაღა დარჩენოდათ, მაგრამ ბალახიც დამჭკნარიყო და სულთმობრძავი მოკვდავნი ველარ სწირავდნენ უკვდავებს მსხვერპლს და, მრავალმოწყალე ზევსის ბრძანებით ბნელმა ჰადესმა შავად მონაფერები პერსეფონე ისევ დაუბრუნა მაღალ ოლიმპოს, დემეტრაც — აღდგა, მრავალნაირი უხვი ნაყოფი ისევა გვაქვს ჩვენ, ახლოდსაჩინარ ადამიანებს, ოლონდ ჰადესის ერთი პირობა მაინც სრულდება — წელიწადის ერთ მოწყენილ დროს იმასთან უნდა იყოს დიდად ფერადი პერსეფონე, და მთელი ბუნებაც მაშინ იძინებს, ყოვლად ყეყეზი და უნაყოფო მარად მწვანე მცენარეების გარდა. ზამთარი არის ესე დრო, სკირონ. ყოვლადმოწყალე მეხთა-მტეხელი ყოფილიყოს ჩვენი მფარველი.

— ახლა, მეცა ვთქვა? — მთლად დაიძაბა უცებ სკირონი, აცახცახებდა.

— თქვი.

სკირონის თაჯზე ირაოს ირაოზე ჰკრავდა უცხო ფრინველი.

— ეგ შენი ზეკსიცა და დედა-დემეტრაც და-ძმისაგან წარ-  
მო-შენენ და, შენი კეკელუცო პერსეფონეც ზევსისა და დეიეტ-  
რას — ეა-ძმის შვილია, ხოლო იმისი ბროწეულმარცვლება  
ქმარი, ჰადესი — მკვიდრი ბიძია გახლავს ცოლისა, და რა და-  
ვუჯერო ამ... — აქ, საოცრებავ, დიდად უცნობი სასწაული რამ  
მოხდა — ნედლი მეცნაურობით შემობურვილმა სკირონმა  
ელადელთათვის ყოვლად ახალი სიტყვა წარმოსთქვა: — გარ-  
ყენილებსა!, და იმათ პირმშოს, რა დავუჯერო!

და ძლიერ ჩემად დაუმატა:

— თუკი ასეა.

და კიდევ უფრო ჩემად დაამატა:

— ეჰ, სიყვარული არ არსებობს.

— როგორ თუ არ არსებობს, სკირონ... და მრავლისმოწყა-  
ლე ზევსმა დემეტრა კვლავ რომ დაგვიბრუნა ადამიანებს, ეს  
სიყვარული არაა, განა?

— არა, არ არის! — ისევ იფეთქა, მეცნაურობა შეეყარა, და  
სჭარდა, — ჩვენზე ზრუნვით არ მოხვლია ეს, რადგან შენს  
ღმერთებს ადამიანები ისევ თავისთვის უნდათ, პატივისცემა  
რომ არ მოაკლდეთ და ზუარაკი.

დაფიქრებული შესცქეროდა ბრძენი კიქრევსი. უთხრა:

— კარგი, მე მოგცემ შენ სიყვარულს. ოღონდ, იცოდე...

— რა, შენც ღმერთი ხარ? — შეცბა სკირონი.

— აღარ დამაცლი? რა წესია წამდაუნუმ გაწყვეტინება!.. —  
მაგრამ უცებ დამშვიდდა, წყნარდა თქვა: — ღმერთთაგანი არ  
ვარ, მაგრამ ქალიშვილი მყავს ერთი, ტირო, და იმას მოგცემ.  
ლამაზია რომ? — როგორც არავინ. და სათნოცაა. და სიყვარუ-  
ლიც ერთბაშად მოგივა, დაიჯერებ სიყვარულს, სკირონ.  
ოღონდ, იცოდე, წყალი იქნება შენი ყველგან ჩასაფრე-  
ბული, გატრუნულად ვერავი მტერი, რადგან მიწათ-  
მრყეველი პოსეიდონის ვაჟი ვარ თავად მე, სალამინელი  
ბრძენი, მეფე და გმირი, და ჩემს ქალიშვილს, შენ რომ სიტყვა  
თქვი, გარყვნილებათ, გარყვნილებიდან უნებური ლტოლვა  
ექნება, რადგან პოსეიდონის სისხლის წვეთები იმაშიც ბრუ-  
ნავს. წყლისა და მიწის ჩამომავალია ჩემი ტირო და, რადგან  
მიწისაცაა, წყალი ხარბად მოენატრება. თვითონ — არ იცის  
არაფერი. და უნებური ლტოლვა უნდა შეუნდო, სკირონ — რა

ქნას იმანაც, ჩვენს დროში ცხოვრობს... მერე კი, მაგ შენმა სიყვარულმა თუ გიმტყუნა, ეგებ სხვაგვარიც მიმოიძებნო.

— მაინც, როგორი...

— დემეტრასი, ვთქვათ.

— არა მჭირდება. მე არვე მარჩენს.

— შენი არვე კი ბალასსა სძოვს. იცოდე, სკირონ, ჩვენს ღმერთებს მაინცდამაინც ნუ შეაგინებ, ხმამალა მაინც — ასეა თუ ისე, რანიც არ უნდა იყვენენ, იმათ ხელში ვართ.

— არა.

— გაჩუმდი, სკირონ. — და გაახსენდა: — შენც ვერაგი ხარ.

— რატომ...

— აკი დემეტრა არ ვიცო, თავიდან თქვი და, მეც დაგიჯერე და, იმისი მთელი ასავალ-დასავალი კი მშვენიერად გცოდნია.

— არა, ეს ისე...

— როგორ თუ ისე...

— არ ვიცი, რაღაც ჩამესახლა.

— უხლა?

— ახლახანს, კი.

კიქრევსმა მხარზე დაადო ხელი.

— კარგი, წავედი. ჭკუით იყავი. მაგრამ შენ რომ გინდა, ისეთ სიყვარულს ჭკუა განა მოეკითხება... კარგად იყავი.

— მშვიდობით გველოს. წარმატებით გადაგელახოს ქვიშა-მრავალი უდაბნოები და ფერდებგანიერი უხვად სანდო ხომალდით კეთილად გემგზავროს ღვინისფერ ზღვაზე, და მამა-შენიც ყოფილიყოს შენი მფარველი.

— ვმადლობ.

და აქ კი სუნთქვა შეეკრა სკირონს:

— მართლა მიბოძებ?..

— ჩემს ქალიშვილს? რა ვიცი, აბა...

ჭოჭმანებდა, კი.

ეგება, მართლა გადაიფიქრა, რადგან იმსახელიანი არავინ ზანდა. ისე კი, რანაირილა არ გადაყრია, მაგრამ ქალები მას-თან ყოფნით ოდნავ რომ მოიხსებდნენ სხეულს, პატარა ხან-

ში სხვაგან წაუვიდოდათ ხოლმე მოწადინებული გონება და გული — გმირთაგმირებზე გმირ თეზევსს თვალმიბნედილნი აქებდნენ ხოლმე. თურმე, აჰ, თურმე იმას მარათონის ხარი ცოცხლადაც კი შეუპყრია, თურმე იმას უდანაშაულო მგზავრთა რისხვა — ხელკომბლიანი ცნობილი პერიფიტე მოუკლავს, თურმე იმას მუდრეგი პიტიაკამპე თავისივე დრეკადი ფიჭვებით შუა-გაუსლენია, თურმე იმას კრომინიონის გარეული ღორი ფეა მოუშთვია, თუმც ზოგიერთი მოგზაურის აზრით ფეა ღორი კი არა კაციჭამია დედაკაცი იყო, თურმე იმას არკადიელი ბუმბერაზი კერკიონი მიუსიკვდილებია, თურმე აიმას სახელცუდადგავარდნილი პროკრუსტე მისსავე სარეცელზე მიუბრეღია, კიქრევსის ასული კი არა და არ ჩანდა.

მაგრამ თეზევსის ყველაზე წარმატებული გმირობა კრეტაზე ჩადენილა. თურმე, სადაც ჯერ თვით მძვინვარე ტავროსისთვისაც კი უჯობნია, რის გამოც ხრიკთამცოდნე არიადნეს შეჰყვარებია (მას ის, თეზევსი), მერე ყოფილა და, საშინელეზა რამ — ხარკაცა მინოტავრიც კი აუღელვებელის ხელით დაუკლავს, და ეგზომ შეყვარებული არიადნეს წყალობით ლაბირინთიდანაც კი გამოულწევია, მაგრამ მერე თმა და ყველაფერმშვენიერი არიადნეც მიუგდია; და ამ უმადურობას რატომღაც განსაკუთრებული სიამაყით აღნიშნავდნენ სკირონისგვერდა და მაინც სადღაც შორს, თეზევსთან თამამ-თამამი ოცნებით მყოფი ქალები, და სკირონმა, დროდადრო მეცნაურმა, იცოდა რომ იმჟამად, რამე ყოფილიყო, თეზევსი დაამარცხებდა მას.

ისე კი, ხშირად იყო მართო, და მიწას უფრო აკვირდებოდა, რადგან ჭახჭახა ელადური ცა თვალებსა სტკენდა. მიწა რა — ალაგ ფხვიერი და ალაგ ქვიანი იყო, ბზარები ჰქონდა, დანაწვიმარზე რბილდებოდა, იგლისებოდა, შრებოდა მერე — დიდი ამბავი. ხანდახან ხვლიკი თბებოდა მზეზე, მრავლისმნახველი ჰელიოსის მცხუნვარე გულზე ისიც სრუტავდა თავის არჩივს, და ამ თათებშემენილ სალამაშო გველს სკირონი თუკი უნებურად წაადგებოდა, დამფრთხადი ხვლიკი ყოჩაღად და წყვეტილ-წყვეტილ მისივსივებდა, საითკენ ჰქონდა ნეტავი გზა, და ერთხელაც, დიდი მოცლილობის ყამს, სკირონმა აიღო და ხვლიკს გაედევნა. იმასაც, თითქოს ეს უნდოდა

— თუკი საკმაოდ გაეცლებოდა, ხევდებოდა და გაჩაჩხულ თა-  
 თებს დაყრდნობილი, შემართულ წვრილ თავს მკვეთრად მიი-  
 ბრუნებდა და ამოტრიალებული ცალი თვალით გამოსცქერო-  
 და სკირონს. მერე ისევ — გზა, რამდენნაირი, რადარაგვარი,  
 და კარგა მოშორებით, ლელიანში, ტლაპო თუ წუმპე იყო რა-  
 ლაც, სწორედ იქითკენ წაცახცახდა სკირონის მსვლივი, და  
 ბავშვივით კვალდაკვალა სკირონს დაეზარა ფეხების დათხვრა,  
 შემობრუნდა კიდევ, მაგრამ უეცრად სუსტი რამ კვნესა შემო-  
 ესმა. მოეჩვენა თუ... არა, ისმოდა. იქით შებრუნდა, ხელიკი  
 აღარა ჩანდა, სადღაც დაინთქა, და უიმისოდ, დროლადროითი  
 კვნესისაკენ დროდადრო, წელანდელი მეგზურივით წყვეტილ  
 მიეშურებოდა ფეხისწვერებზე შემდგარი სკირონი, უფრო და  
 უფრო ახლოდან ისმოდა თითქოს, და მორიგ კვნესა-ნიშანს  
 გაფაციცებით მოელოდა. ტალახში როგორ შეაბიჯა, არც გაუ-  
 გია, საკვირველებავ, არავინ ჩანდა, იდგა, იცდიდა, და ახალი  
 კვნესა იქვე, თვალწინ რომ ამოესმა, დაიხედა და იქავ, ფერხ-  
 თით, ღონემიხდილი, ძლივსგაპობილი ბაგე იხილა, და ორი  
 თვალი, — ამოჰყურებდნენ, სხვა არაფერი არ მოჩანდა, გადაე-  
 ფარნა ტალახს. სკირონი თვალებს დასცქეროდა, სუნთქვა შე-  
 კვროდა, გული შეკუმშვოდა, და ერთხელაც რომ ამოაკვნესეს,  
 აქ დაიხარა და ჯერ სათუო ზურგი მოუძებნა, მერე — საეგები-  
 სო ფეხები, აიყვანა და, ტალახით მთლად შემოსილი რაღაც  
 არსება მსსნელი ზღვისაკენ წაატატა, რა, რა მიჰქონდა, ვინ  
 იყო ნეტავ, რა სულიერი, როგორ უნდოდა იმისი ნახვა, ძლი-  
 ერ ხელებზე მომაკვდავი ნიმფა ჰქონდა თუ, იქნებ, დაჭრილი  
 ამორძალი, ეგებ — ქალღმერთი იყო სულაც და, მკერდამდე  
 რომ შეტობა ზღვაში, ცალი ხელისგულით მაგრად მიიკრა,  
 მეორეთი კი ჯერ ღონივრად ბანდა, მაგრამ რაღაცა ჯილდო-  
 ნაკვთები უმზეურდებოდა ხელთ და, გაუნაზდა სკირონს ორ-  
 თავ ხელისგული, და მერე თავი ჩააყოფინა თბილ, ნეტარ  
 ზღვაში და იმისი სახეც რომ განბანა, ამოზიდა და, ქალი შერ-  
 ჩა, მაგრამ რა ქალი... როგორც არავინ, როგორც არასოდეს  
 ის კი ღიმილით შესცქეროდა, უღიმოდა მას, გადამჩენელს,  
 ეულ სკირონს, შეპლიმოდა მას, რამდენადაც დიდად სასომიხ-  
 დილს, შეეძლო ეს და, დაბნეულობაგადაყრილმა, გამხნევე-  
 ბელმა სკირონმა, უთხრა:

— მე სკირონი ვარ.

— პო. — სუსტად დაეთანხმა ქალი.

— და შენ... რა გქვია.

— მე კიდე — ტირო.

ასე მოვიდა.

სკირონი იდგა მკერდამდე წყალში, ტიროს კი ზღვა ყელამდე სწედებოდა, ტალახშემოცლილ უეცარ განძს მოხიბლული შესცქეროდა აქამდე ყველასთან მაინც მართობელა, კენტი და ცალი, ძლიერ ეული, და აწ კი დიდად გაზიდვებულა, ადამიანის სკირონი, და სიტყვები თუმც არ იცოდა, მთელს ბრვე სხეულში ბედნიერებად ერწეოდა რომ, რომ სიყვარული... არის, კი, არის, და მონაპოვრის ცალ თვალლოყაზე ჩამოშლილი მბზინავი ტევრი — განძის უხვი თმა, სადაც რომ ყოველი ღერი მაინც მკაფიოდ გამოირჩეოდა და თავისთავადობა აქონდა, თლილი ყელისკენ გადაუწია, მერე ისევ სველ ლოყაზე დაადო სველი, მადლიერი, ბგერებივდთ ამეტყველებული თითები, და მერე უცებ გაახსენდა — „წყალს მოარიდე“, და ნაპირისკენ მკვეთრად უბიძგა, იქ, კი, დაბნეულს, გაკვირვებულს, დამფრთხალსაც კი, ისე გაუღიმა, გადაავიწყა წელანდელი, მერე ძლიერი ხელი ჩასჭიდა ნატიფ ხელში და, ასე, ხელისეღრმადიებული, თავის მღვიმეში შეიყვანა და, ჯერ დაანაყრა.

ტირო ქალი იყო... ტირო ქალი იყო ტან, ფეხ, კოჭ, სახე, თამამივენიერი, თეთრად მკერდსავსე, ლამაზიყვება.

გათენებისას, როცა ვარდისფერთითებად წოდებული ეოსი ეწუანტელს მოჰგვრიდა არეს, და მის კვალდაკვალ როცა მძიმედ ამოცურდებოდა მალღითმთარული პელიოსი, ტირო თამამად უსწორებდა მზეს ორთავე თვალს, და, დილდღილობით, მონაცრისფრო თვალები აქონდა. თუ მზე მალა იდგა, მრავლისმწასველი პელიოსი, და თეთრად აბზინებდა კლდეთ, ტიროს თავი დაეხარა და, წამწამებით ჩრდილდაყენილი, მწვანეთვალეა იყო. ხოლო თუ შებინდების ჟამს, მოსადამოებულზე, ზღვას მიაპყრობდა სევდიანსა და ნელინელ თვალებს, მოიხსფეროდ მეტყველებდნენ მღუმარებაში ტიროს თვალები მაშინ, და აღარ იცოდა მეტრფემ იმისმა, სკირონმა, ტიროს

ცვალებად თვალებთან რომელი ერთი რომელ ერთს სჯობდა... თვალთმაქცი იყო?

რისი თვალთმაქცი... ისე იცოდა ტირომ მოლხენა, როგორც არავინ, წკრიალებდა და სკირონს, გმირთაგმირს, ბეკეოსასვით დაარბენინებდა ფერად მინდვრებზე, რადგან დაჭერობანას ლალად თამაში ძლიერ უყვარდა, წმინდა ხვითქი გადასდიოდა. ფეხმარდი იყო, და სკირონი ძლივას იჭერდა, და ქვედა ტუნზე, თვალებდასუჭულს, ორჯერ ჰკოცნიდა.

ტირო ტანადი ქალი იყო, თავად სკირონს ნიკაპამდეც კი სწვდებოდა. და მაინც — ანცი...

მამაკაცი და ჭაბუკი იყო სკირონი მაშინ, ნაპოვნი ტირო — ქალი და გოგო, და ერთმანეთი მუდამ უნდოდათ. მოუწველავი რჩებოდა არვე.

მოსდენილს, ტანადს, ხანდისხანობით თეთრი და მოკლე ტუნიკა ეცვა.

რალაც უნდოდა ასლა... ზაფხული იდგა ელადაში, და მხოლოდ მრავლისმნახველი პელიოსი მწველად კი ჩამოჰყურებდა იმის სიშიშვლეს, მაგრამ მალღითმოარულის მზაკვრობავის გაეგონა, სანდო იყო, კი, მაყურებლადაც — ღირდა, მაგრამ მგზავრი-ვინმე თუ ჩამოივლიდა, ჯერ შორიდანვე მოჩანდა ხოლმე, და მღვიმისაკენ მიანიშნებდა ხოლმე ტიროს ერთბაშად გამკაცრებული სკირონი, ტირო ბნელეთში შედიოდა და, მოუსვენრად იცდიდა, წრიალებდა, ხანდახან მაინც გამოსძახებდა:

— აღარ ჩაიარა?

— სსუ...

— რა, მოტყდა ფეხი?

დიდი დაუდგრომელი ქალი კი გახლდათ, მართლაც შესაყვარებელი: არაფრის თავი და ბოლო იმან არ იცოდა — სრბოლით გადაღლილი, აქოშინებული, სადმე ხის ჩრდილში, დღისით-მზისითაც კი, მოიძებნიდა ხოლმე ღამეულ ჰიპნოსს, მაგრამ მისი სიმუქე რას დააკლებდა — სახე ვარდისფრად უღვიოდა, თბილად სუნთქავდა, ნაკოცნი ბაგე ამობურცვოდა და, ხელისგულზე ლოყადადებულს, ისე ეძინა, ისე პატიოსნად ნარწარებდა, ვინ იფიქრებდა რომ პატარა ხნის აქეთ მთელ იქაურობას სულმთლად იკლებდა.



სკირონი კი იმის გაღვიძებამდე ადგილზე ეელარ ჩერდებოდა, და მინდორ-ველად დაიარებოდა გაბრუებული, გახარებული, ბედნიერებით პირთამდე სავსე, — რომ სიყვარული იყო, კი, იყო, და მაღალ ღმერთებს დამორცხვებულ თავყანსა სცემდა, ტირომდე ხომ აღარაფერი სწამდა მათი, მათ კი სცოდნიათ მწყალობლობა და შერე როგორი, და, მადლიერი, უცნაურ ძღვენს — ყვავილებსა და ბალახს სწირავდა მაღლით-მგრგვინავ ზევსს, და მართლაცდა ციურ ურანიას, და ღვთის ნაპერწყლის მომნიჭებელ მტანჯველ აპოლონს, და მირაღნიან არტემიდეს — შვილიერების მფარველ ქალწულ ღმერთს... მცენარეულიც, იმისი იყო.

და იქამდეც კი ბრუვდებოდა ხოლმე სკირონი, რომ ეს ყოფილი გმირთაგმირი ფერად-ფერადი ყვავილებისგან გვირგვინსა თხზავდა, თავზე იდებდა, და დამწყები მეცნაურისა აღარაფერი ეცხო — მხოლოდდამხოლოდ, თავისი ტირო, და იმის მომვლენთა თავყანისცემა ახსოვდა — ორთავე მუხლზე დაჩოქებულს, თვალებს აღარა სტკენდა ელადური ცა. ტირო კი, დღისით კარგა გამოძინებულ-მოსვენებული, შუალამობით იღვიძებდა და, კუნაპეტში, მოუსვენარი, გადაბრუნდებოდა, გადმობრუნდებოდა, ხან ხელს აიშვერდა მაღლა, ფეხს ფეხზე გადაიკვანტილებდა, თითებს აითამაშებდა ღაწვზე, მაგრამ ვერაფერი შველოდა, მაინც მოიწყენდა, მოთიიწყენდა და, ოჰ — იქვე არ ჰყავდა? — ჰიანოსის ბნელი მოსასხამით შემობურულ, რუხი მუუფით დამძიმებულ სკირონს მსუბუქად, თითისგულით უკაკუნებდა.

— რა იყო... ა... ვინ... — იშმუშნებოდა სკირონი.

— რალაც მინდა, სკირონ, გკითხო.

— ა... მიდი.

— ჯერ გადმობრუნდი.

გადმობრუნდებოდა.

— ესლა, ჯერ ჩამიხუტე.

იხუტებდა და, ესმოდა მერე:

— შენა, რა გქვია?

ემასხრებოდა, ემასხრებოდა, მაგრამ პატარა ხანში მასხრობისათვის სად ეცალა. ავხორცი კი სულაც არ იყო.

მაგრამ ხანდახან უცნაური მოწყენაც იცოდა. სხვაგან წა-

სული, დაფიქრებული იჯდა ხოლმე, სად სხვაგან წასული — თავადაც არ იცოდა, მაგრამ ზეზემდგარ სკირონს ჯერ შიშნარევ-დ ეკუმშებოდა მამაცი გული, მერე კი სკირონის გული რენისა შვრებოდა:

— რა იყო, ტირიო.

— რაღაცა მინდა.

— მაინც რა...

— არ ვიცი.

მერე კი, ბავშვიც იყო და, თავისით იტყუოდა:

— მეონი მწყურია.

არაფერს იმინევდა სკირონი

— აბა, მაკალო.

ტიროს კი ერთს ამოსედავდა და, უფრო სევედინდებოდა:

— ეგ რა წყალა.

პატარა ხანს უმძრახნად იყვნენ, მერე ცოტათი კაპასდებოდა ქალი, თავს ასწევდა და შორიახლოს მდგარს, დაგუბებულ სიტყვებს ტკივილნარევი საყვედურით მიახვავებდა:

— რად არ მასმევ წყალს, ვერ გამიგია, აჰ ხე რომ ხეა, იმასაც უნდა, და მე რატომ მსჯი, რა დავაშავე რომ...

— კარგი, დალიე.

დოქით აწვდიდა...

— ტუნს ნუ მიაღები

— რა დაგემართა...

— არაფერი.

— აბა, ისე როგორ დავლიო...

— კარგი, — ამბობდა სკირონი, მაგრამ ტიროს წყალს ისე ხარბად, ისეთის ნდობით სვამდა, გულამომწვარი შებრუნდებოდა. ესმოდა, მერე:

— ტანსაც დავიბან, კარგი?

მაგრამ ტანს არ აბანინებდა. ჭინჭებს უსველებდა, მაგრად გაუწურავდა ხოლმე და იმითი იხეხებოდა ფაქიზი ტიროს.

მაგრამ ერთხელ, უნებურად იყო თუ რა, დოქიდან ნიკაპზე ჩამოედვარა წყალი. ძალიან შეკრთა და შესამშრალეებლად წაიღო ხელი, მაგრამ გზაშივე შეაჩერა, ძან გახევდა, ვიწროდ მაცდურმა ზოლმა კი მისი თლილი ყელი რომ ჩაიარა, მკერდშუა ცოტათი შეყოვნდა და მერე, ქვემოთკენ ჯიუტად რომ

ჩაუყვია, სკირონმა სასწრაფოდ წამოაველო რაღაც ჭინჭს სედი და ისე მწარედ უხახუნა, სალუქი კანი მთლად გაუწითლა.

— რა დავემართა...

სკირონმა კი იმის თეთრ ტუნუკას დაავლო გამწარებული ხელი და, უთხრა:

— აჰა, ჩაიცვი.

— არა მცივა.

— ჩაიცვი-მეთქი.

წყალი მღვიმეშიც მოჟონაედა და, ნესტიდან შორს, ველად გაჰყავდა ხოლმე ტირო, მალღითსანდო ჰელიოსის თაკარა გულზე, მაგრამ, ერთხელ, ისეთ თავსხმაში მოხვდნენ... კვლავ მღვიმისაკენ გამოაქცუნა, ტირო ერთხანს კოსტად გარბოდა, მაგრამ მერე, უნებურად იყო თუ რა, წაიქცა ქალი... იქმესნებოდა, და კვნესოდა. ტკივილისგან თუ... ველარა დგებოდა. სკირონმა სწრაფად აიყვანა, ტიროიანა მირბოდა, და ქალს ნდობით კი შემოეხვია დაძარღვეულ კისერზე ხელი, მაგრამ აწვიმდა: მღვიმეში თუ შეამშრალეებდა, მაგრამ მღვიმეშივე შორი იყო, კვნესოდა ქალი.

ყოველთვის ერთკენ მიჰყავდა ხოლმე, რადგან მეორე მხარეს ბორცვი იყო, იმის გადაღმა კი... მაგრამ ტიროს მუდამ იქით მიუწევდა მზერა, გული და გრძლად ჩამოქნილი ფეხები; ეკითხებოდა:

— იმ ბორცვს, რა ქვია.

იმზირებოდა, კითხული,

— სკირონ, რა ქვია?

— ბორცვი ჰქვია.

— აა...

და სულ სხვა საითკენღაც მიჰყავდა, მაგრამ ტირო თავს მიიბრუნებდა ხოლმე.

— რა არის, იქით...?

— სად იქით...?

— ბორცვს იქით, სკირონ.

— არაფერი!

— და... ხმა რომ მესმის რაღაც?

ვერსახსენებელი მდინარე იყო იქით, და იმაში ბინადრობდა მდინარის ვერაგი ღმერთი — გრილი, ჯიუტი ენიპესი,

მოდროდა და მოდიოდა, რა გამოლევდა, ერახეულაც არ ასცდენია თავის ჩვეულ გზას, ერთი ეგ იყო, პატარავდებოდა და დიდდებოდა; არადა, ბრმა იყო. და თავის დიად ძმას, შავკულულებიან პოსეიდონს, მცირე ძალად ემატებოდა. კიდევ კარგი რომ, ზღვისაკენ აღარ იწევდა ტირო — რამდენჯერაც მიუახლოვდა, მაშინვე მისკენ გამოსცურა ვეებერთელა კუმ. სკირონი კი გუნებისმიერად დაცურავდა აღელვებულსა თუ ქაფმოსდილ ზღვაში, კუ ყოველთვის ერიდებოდა, განზე მიცურავდა, ეგებ, იცოდა, რომ მერე სკირონი გახდებოდა მისი მარინალი.

ტირო კი, მაინც ცელქი, მაინც თავნება, დროდადრო ცუდად დაღონდებოდა და, თხოვდა:

— ტანს დავიბან, რა?

ერთხელ, ამ თქმისთვის, ერთ წყეულ დღეს ნატიფ სახეში გვირგვინი ლეწა, დიდხანს ყლაპავდა ცრემლებს ქალი. ლამაზი იყო... ცელქსა და ბავშვურს, უცხო დედოფლის მბრძანებლური და მკაცრი ნაკვთები ჰქონდა. ტიროდა, ახლა... და სკირონიმა ველარ უყურა გულამომჯდარს, თავადაც გული დაეულითა და, ველად გავიდა, იქ კი პირქვე გაიშოტა და ღორღიან მიწას სულ სახე ურტყა. მერე კი, უცნაურია, რა საამისო დრო იყო მაგრამ, და ჩაეძინა...

...გაელვიძა კი არა და, ძილშივე წამოსტა, შეშფოთებული დაფართქუნებდა თავს რაღაცა ავის მომასწავებელი გრძნეული წერო.

ჯერ ღორღიან და მერე კი ფერადოვან ველზე თავზარდაცემული გარბოდა სკირონი, და მისი გამალებული ფეხების ბაგაბუგი ცარიელა მღვიმეს შორიდანვე მისწვდა. შეზავთდა და — არავინ იყო. უმაღ ზღვისაკენ გადაიხედა — არც რქა ჩანდა ადამიანთაგანი, ცალი მოშიებული კულა დატივტივებდა მხოლოდ. და ბოლოს, სულ ბოლოს, ყველაზე ბოლოს, ძლივს გაბედა და სწორედ იქითკენ გაიხედა, რისი ხილვაც რომ ძლიერ, ძალიან ეშინოდა და, აკი ზედ ბორცვის თავზე შემდგარიყო მაცნაური ფრინველი, წერო.

და ერთხელაც რომ შეიჭრა მღვიმეში, ორ ყველაზე ბასრ მახვილს დაავლო ხელი, მაგრამ ბორცვზე არ აურბენია, უბე-

დურებას თუ იზოგავდა, მძიმედ და დინჯად, რწევით ავიდა... ისე კი, თრთოდა.

...და იმ წყეულ დღეს, იქვე გატრუნულ წეროსთან ერთად, ვერაგ ენიპევსში ჩაწოლილი იხილა ტირო.

ფართო, თხელწყალა მდინარე იყო, მოკლედ აგორავებულ ზვირთებად ჩამოდოდა, ოლიმპოს მთაში ჰქონდა საწყისი. დღითა თუ ღამით, ნიკტისა თუ პელიოსის ჟამს, ჩამოდოდა, მოდიოდა, რა გამოლევდა, მოდიოდა და მოდიოდა, ახლა კი შეჩერებას ლამობდა თითქოს, რადგან წიაღში სალუქი ტირო, თავისი ქალი, პირადმა ეწვა და, ჯერ იმის თხემსა და შუბლზე გადმომდინარე, ქვედა ტუნს, ნასკირონალს, ზედაზე მეტად უკოცნიდა, მერე მისთვის უმაქნის ნიკაპიდან სწრაფად ჩაიღვრებოდა და თლილ ყელს ჟრუოლით ჩაუყვებოდა, მერე გრძელ, უხვ თმას, ზვირთებით მკერდზე ჩამოფენილს, მოურიდებლად გადაუწევდა და ნედლად მკვრივ საფერებლებს სველი შრიალით ეფერებოდა, ნატიფ მუცელზე რბილ ხელისგულს გაბმით ადებდა, მოხდენილ ფეხებს ჩაუყვებოდა და, მარადი იყო, ისევ და ისევ მოდიოდა, ისევ და ისევ, და თითებთაგან ყველაზე მეტად მგრძნობიარეებით — ბრმის თითებით უაღერსებდა და, კენესოდა ტირო, მდინარიან ხელს თავადაც წყალობად ისვამდა მკერდზე, მუცელზე იდებდა, მაგრამ ხარბ ენიპევსს ასეთი ტირო, დადმად დამჯერი, არა ჰყოფნიდა, ტიროში მთლად ვერ აღწევდა და, ეაღერსებოდა, ემუდარებოდა, ეფერებოდა, და, უფრო ჩუმად, სულ რომ არავის გაეგონა, მაგრამ უფრო მეტყველად აკენესდა გაყიდული ქალი, და ენიპევსის ურჩ ნებას დაჰყვა — სკირონი, თავზე მესდატეხილი, უყურებდა რომ, ტკივილნარევი სახით როგორ ნელინელ ტრიალდებოდა შორეული ოლიმპოსაკენ, სათავისაკენ, თავი და თავი ენიპევსისკენ მონაფერები, დამყოლი ტირო, დინებისაკენ შეტრიალდა და, მდინარემაც, ჯერ ფეხისგულები რომ დაუკოცნა, უღონო მუხლებისაკენ ნელა, ნაზად, მუხთლად დაიძრა, და სადღა იყო ქალი და ბავშვი, დედაკაცურად აგმინდა ტირო, და უბედურმა სკირონმაც აქ ისეთის ხაფი ხმით დაჰბლაელა რომ, იქითა ნაპირისკენ სწრაფად გაცოცდა წასწრებულნი ქალი, სკირონი კი, მდინარეში ზეკვად ჩაშლილი, ორთავე ბასრ მა-

სვილს ბრმა ენიპეუსს დაუნდობლად ურტყამდა, სცემდა, გონ-  
დაბინდულმა, მასვილები მოისროლა მერე და, დახრჩობაც კი  
მოუწადინა, მაგრამ სად იყო, სადა ჰქონდა ჩამავალსა და  
თხიერ ღმერთს სისხლი და ხორცი, წყალისა იყო მხოლოდ და  
მხოლოდ, წყალს, დაახრჩობდა? — ისევ ისევე მოდიოდა და  
მოდიოდა, უსხლტებოდა და, იყოც, არ იყოც და შურისძიება-  
ვერნასულმა უბრალო სკირონმა, ადამიანმა, უსუსურმა, თავი  
ჩაპყო და შიგ ამ მდინარეშივე ცხარედ იტირა, და გულქვა  
პოსეიდონს წვრილ-წვრილ ბზარებად მსუვიდა სკირონის ბე-  
ვრი და მდუღარე, აურაცხელი, მაგრამ სულ ერთი პეშვი ცრე-  
მლი. რას ეყოფოდა...

გააგდო, ტირო.

იჯდა, გლოვობდა... გლოვა და დარდი და გახრწნილება,  
მუხანათობა ბევრი იყო და, სიყვარული კი — არ იყო, არა!

## 9.

ყოველად კეთილთ ქალბატონო, დიდო სენიორა ანნა, მანი-  
ანი.

თქვენი სიკეთე, თავი და თავი, ალბათ რომ არა, ისე ძა-  
ლიან ეგება არც შეყვარებოდი იმ ერთ ქართველს... თქვენი  
სიკეთე — ისევ და ისევ თქვენებრ თავაშვებული, აწყვეტილი...  
ყოველ ნაბიჯზე... რომელი ერთი... თუნდაც: თქვენ ერთხელ,  
გაჭირვებისას კი არა, როდესაც კარგი საქციელით ბედისგან  
სამაგიერო ჯილდოს გამოელიან, არა, არამედ აღზევების  
უამს, როდესაც გრაფ ალტიერის ყოფილ სასახლეში ცხოვრობ-  
დით, თქვენს შორიასლოს ერთი ბერიკაცი, ბებერი კაცი ბი-  
ნადრობდა და მეზობლებსაც და იმასაც ერთმანეთი ძალიან  
სძულდათ. და შერეკილიც ეგონათ, რადგან იმას უადამიანე-  
ბო სიმართლე და ცხოველები ამოჩემებულად უყვარდა. ექვსი  
კატა ჰყავდა, მათგან ერთი — ცალთვალა. ის სხვებისთვის თუ  
ბებერი იყო, თქვენთვის — მოხუცი გახლდათ, და მოხუცი გე-  
ცოდებოდათ კი არა, გიყვარდათ, რადგან ცოტაღა დარჩენო-  
და. ერთხელ მოხუცი კიდევ უფრო ავად გახდა რაღაც ინფექ-  
ციური — ხომ კარგად გესმით—ინფექციური დაავადებით, და ეს

რომ გაიგო, დიდმა სენიორამ მაშინვე იმას მიაშურა. „ყური დამიგდეთ; — უთხრა, — საავადმყოფოში რად არა წვებით? კატებისა თუ გედარდებათ, მე მოუუელი“. თავიდან მომწყდით, — მიუგო მოხუცმა, — საავადმყოფოში რა ჭირი მინდა, ყველას ვპულეარ და, ამ ოთახიდან როგორც კი გავალ, მაშინვე სხვას მიაქირავებენ... თავიდან მომწყდით“, ძნელი ბებერი... რა შებედა ეს, ანნამ კი, მანიანიმ, ეს ვინ — ვულკანმა, შეურაცსყოფა არ შეიმჩნია და, პირდაპირ სახლის პატრონისაკენ დაადო თავი და ბერიკაცის ოთახის ქირა რამდენით და — აბა თუ მიხვდებით — მთელი ათი წლით გადაიხადა, მერე კი, ისევ მოხუცთან შებრუნდა, ხელშეკრულება წინ დაუდო და უთხრა: „ახლა კი შეგიძლიათ საავადმყოფოში მშვიდად დაწვეთ, ვერავინ გაბედავს თქვენი ოთახის დაკავებას“. თუმც მანიანისკენ თავი არ აუწევია, ალბათ მაინც გამლხვარმა მოხუცმა მუხლებზე კოხტად მოთავსებულ ცალთვალა კატას, აკრუტუნებულს, ისევ გადაუსვა ხელი და იმასვე ჰკითხა: „ტოტონნო, როგორ გგონია, დავწვე საავადმყოფოში? როგორ დაგტოვო, ჩემო საბრალო ტოტონნო, ვილა მოგივლის“. „მე მოუუელი“, — თქვა ანნა მანიანიმ. „ტოტონნო, — თავი არ აულია მოხუცს, — მაშინ შენს ძმებს შენ გაბარებ. წესიერად მოიქეცი. მე ჩქარა დავბრუნდები“. არც ერთი სიტყვა — მანიანის. მანიანიმ კი, ბერიკაცი საავადმყოფოში რომ დააწვინა, მუშები დაიქირავა და ბევრგან აყრილი იატაკი ხელახლა დააგებინა, კედლები შეაღებინა, გათბობა გაუყვანა. ახალი ქვეშაგებიც უყიდა, პირსაბანი დაუდგა. და გულმოდგინედ უვლიდა სხვისა კატებს მთელი ექვსი თვე ეს ვინ — იმჟამად აღზევებული ანნა მანიანი, მთელი ექვსი თვე — ნასევარი წელი, ასოთხმოცი დღე, ტოტონნოს კი მაინც განსაკუთრებით მზრუნველობდა, და მოხუცი საავადმყოფოდან რომ გამოიყვანა, და კიბეს აუყვანენ, მოხუცმა პირველად მხოლოდ მაშინ გასცა ხმა: „და, როგორ იქცეოდა ჩემი ტოტონნო? ვენატრებოდი?“ მანიანიმ კი მღელვარედ გაულო გაკოხტავებული ოთახის კარი — მოხუცის გაკვირვებისა და ბედნიერების მომლოდინეს, გული ახლა უფრო უცემდა — „როგორ მოგწონთ, პა?“ მოხუცი კი, კარგი ვინმე კი შეხვდა, აი, ახალ ლოგინზე დაუდევრად ჩამოჯდა და, უთხრა:

„ძველი პერსივნა, სენიორა. ის — ჩემი იყო“. და თუმცა ასეთი ჯიუტი ვინმე შეხვდა, მაგრამ ანნა მანიანიც არანაკლები ნიტი იყო, და აი, ჯერ რა გაიფიქრა და მერე რითი დააბოლოვა: „შეუძლებელია ვისიმე ცხოვრების გადაკეთება, არაფრის გადაკეთება არ შეიძლება. მაგრამ უნდა შეგეძლოს, რომ იყო შენ, მხოლოდ და მხოლოდ შენ — თვითონ შენ, და ამისათვის დიდი გამძლეობაა საჭირო, და არ უნდა შეიცვალო არაფერი ...“ — ასე გაიფიქრა, და მერე კი ამოჩემებულად მიაყოლა: „და მაინც, ჩემი ნება რომ იყოს, რამდენ რამეს გადავისხვა-ფერებდი... ჩემს ფეხებსა და ცხვირს, მაგალითად...“ რას ჩააცივდა ამ თავის ცხვირსა და ფეხებს, ვინ დადიოდა თქვენებრ მბრძანებლურად და ლაღად, ანდა, თქვენ რომ ცხვირი გქონდათ, რომელ არწივს გააჩნდა ისეთი ნისკარტი, ხუმრობაა ეს, ნუკი იწყენთ, დიდო, ლამაზო ქალბატონო, თუმცა წყენა თქვენ აბა სად შეგეძლოთ — განრისხებისკენ გარდამავალი ეს საფეხური სულაც არ გქონდათ, ძლიერ პირდაპირ მძვინვარებდით, და ერთადერთი თქვენი წყენა საკუთარ ცხვირ-ფეხს დაუკავშირეთ, თუ კარგი იყო, რატომ თქვენს თვალებსა და თმას არ ახსენებდით, ერთადერთხელა დაგცდათ: „თმა კი — კარგი მაქვს, რაც მართალია, მართალია...“ თმა კი არა და, რალაცა შეუად ხასხასა კორიანტელი გქონდათ, მაგრამ სხვა ჯილდოთ ამრეზილად უყურებდით, ჩუმად მაინც ყოფილიყავით, ის კი არა და, ერთხელ ცხენი რომ აჩუქეს, ახედ-დახედა და, სმამა-ღლა გამოაცხადა: „კარგია, მაგრამ ჩემსავით დიდი გავა აქვს“, რას გადაეკიდა ამ თავის გარეგნობას, თანაც უსამართლოდ, ძალად სულელი, უნებურად გენიოსი და, თავი და თავი მაინც ქალი და ქალი, ულამაზესო ქალბატონო, ყოვლად კეთილო სენიორა ანნა, მანიანი.

ნეტა ცალთვალა ტოტონნომ ცოტათი მაინც თუ იცოდა, ირგვლივ რაც მოხდა.

\*

მორიგი მსხვერპლი მაღალი კლდიდან რომ გადაადგო, მერე თავად დაიბანა ფეხები სკირონმა, იმ ქუსლს კი, მარჯვენას, გადამგდებს, უფრო დიდხანს უხახუნა ლორღი.



ქვის სავარძელში იჯდა ყაჩადი, ფიქრობდა. თუმცა ქვის გული ძალად ჩაედო განიერ მკერდში, დროდადრო მაინც ეჭვები ღრღნიდა.

...თუკი ღმერთები ზემოდან მართლა ყველაფერს ხედავდნენ, სად იყვნენ მაშინ, ანდა, არსენინად როგორღა იყვნენ თუ მაღალი ჯილდო, სიყვარული, არ იყო, არა, ჰეჰ, სიყვარული სულაც ფეხებზე არ ეკიდათ? — მაღალ თლიმპოზე ედოთ ვრცელი სავანეები, ნელსაცხებლები უღვევად ჰქონდათ, კეთილმოწყობილი მრავალცხენიანი ეტლებით აღმა-დაღმა დაგრიანებდნენ, ვერაგები და ხარბნი, ბოროტები, მომხვეჭელნი, გაუმბძლარნი... მაინც როგორ დაითრიეს საუკეთესო სუყველაფერი — აბჯარი გინდა, პური გინდა თუ ბასრი ხმალი და დიბა-ატლასი, წყალი გასურდა თუ, მიწა, ჰაერი, ან, სინათლე თუ ღამე გნებავდა, ოქრო-ვერცხლსა და თვალ-სამკაულს მოისურვებდი კი არა, დავარდნილი გროში აგელო, სუყველაფერი იმათი იყო, და ბუმბურაში ვითომ, მესხამატყოროცნელი გოროზი ზევსი, უდიადესი, ვრცელი მუფე, ბოლო-ბოლო ხომ, ერთი გაქნილი, ქალების წუწკი იყო და, თვალყურ ფხიზელი ჰერას გამოიხობით, იძულებული ხდებოდა თავი წამდაუწუმ და სხვადასხვაგვარად ემართლებინა — საქმეებით, მორიგება, დაჯილდოება, შურისძიება, სამართალიო და, ისა, ესა... არადა, ერთთავად ქალების მღევართ, ქალღმერთებს — კი — კარგადშემძლე მამაკაცების მოუღალავად მჩხრეკნელთ, დიდი ღონე და ჯანი მუდამ სჭირდებოდათ და, მოკვდავებისგან დღენიადგ, გაუთავებლად საკლავს ითხოვდნენ, დიდრონ ნაჭრებში აღმასის კბილებს ჩაასობდნენ და, ქონი ნიკაპზე მძიმედ ეღვენებოდათ, მაღალ თლიმპოზე ნიადაგ შემწვარ-მოხრაკულის სუნი იდგა, და ძალუმად იღეჭებოდნენ ხეავერიელ ნაჭრებს მჭრელი კბილებით ჩაფრენილი, ცხვირისწვეერ-გაქონილი მსუნაგი, ხარბი, ამოდმოწყობილი და დიდად პატივმოყვარე ღმერთები, და აფროდიტე პანდემოსი მსუყედ ძლებოდა; იმათთვის ხარის შესაწირად ისეთი ცვესლი უნდა დაგენტო, ცას შესწვდომოდა, სკირონს კი, ყაჩადს, ისეთი ღმერთი ენატრებოდა, ისეთი განმგებელი მოესურვილა ძალიან და უცებ, უზარმაზარი კოცონი კი არა და, ციცქნა სანთლისთვისა მოწყალებით რომ გადმოგხედავდა, და, სანთელსაც კი

არ ითხოვდა — ოღონდ მართალი ყოფილიყავი... მაგრამ სი-  
მართლე რა იყო, რა არა, ჯერ ვერ იცოდა, დაბნეულიყო  
სკირონი. ის, ერთი ღმერთი, ერთადერთი, სრულიად განმგე-  
ბელი, ნეტავ როგორი უნდა ყოფილიყო — ალბათ მაღალი, უხვი,  
მდაბალი, მოწყალეცა და მპატიებელი, ღმობიერი, მკაცრი...  
მაგრამ სად იყო არა, რომ იყო, კი ხვდებოდა, რაღაცაგვარად  
გრძნობდა ამას სკირონი, მაგრამ ეს მზაკვარი, თანადროული  
ღმერთები ადამიანებსა და იმას შუა ვერაგულად მოღვაწეობ-  
დნენ, თუმც, იმათშიც კი ერივნენ შედარებით პატიოსანნი,  
ქალღმერთთაგან ორნი კი, გონებით ვრცელი თვალსხივოსანი  
ათინა და სულით ჯანსაღი ტურფა არტემიდე, საოცრებაც და —  
იმ ავხორცებში ქალწულები იყვნენ, ნაზად ციციქნიდნენ სა-  
კვებს, არტემიდე კი, ნადირთმფარველი, ხორცს პირს სულაც  
არ აკარებდა... მაინც როგორი უნდა ყოფილიყო ის განმგებე-  
ლი, ძლიერ კი ცდილობდა, მაგრამ ბუნდოვანი წარ-  
მოსახვები მაინც გაურბოდა და ეცლებოდა სკირონს,  
რადგან მახვილ თვალს ხან რა უტაცებდა და ხან  
რა, ზღვის, ხმელისა და ცის შემყურეს, უძნელდებოდა ფიქრი,  
და უთავბოლოდ დაბორიალებდა და, გზაკვალაბნეულს, მისნე-  
ლად ისევ თავისი წერო მოევლინა, ერთგული მაცნაური —  
ერთხელაც იყო და, დადონებულს, მღვიმეში მხივილით შეუ-  
ფრინდა, სიბნელეში საითკენღაც გასწია და, სკირონიც მიჰ-  
ყვა.

რაღაცას აჰკვროდა ფრთებგაშლილი წერო, სიბნელეში  
რუს ლაქად ჩანდა, და სკირონი რომ მიუახლოვდა, ჩამოეცა-  
ლა: იმ ვეება კლდეც ორი დიდი და თანაბარი, მღვიმე ხომ  
ჰქონდა, შესასვლელები კი თაღოვნად გადახურვოდათ და,  
ორი ნესტოთი სუნთქავდა თითქოს ეს პირქუში კლდე, მის  
შიგანში კი, სადაც მღვიმეთა გამყოფი ზუმი კედელი თავდე-  
ბოდა, ხვრელი რამ ყოფილა იდუმალი, სითხეგამოჟონილი,  
ნოტიო, უბნელესი, კლდის ნესტოებშუა ციცაბო აღმართში  
ამავალა, ვიწრო, და სკირონის ძლივსდასანახად, გრძელი ნის-  
კარტი იქ შეჰყო მაცნაურმა, და გაიტრუნა... სკირონმა იდუ-  
მალი გზიდან ფრთხილად ჩამოიცილა წერო, ბნელ ხვრელს  
აუყვია, იმ სივიწროვეში, ძნელად მიხსოხავდა ზევით, ხვრელის  
შვერილებს კუშტფრჩხილებიანი თითებით ებლაუჭებოდა, თვა-

ლთა სინათლენარამეული, მთლად ბრმა უცხისგულეებს აბჯენ-  
და სვრელის გალიაჟულ კედლებს, წამებითა და უცნაური უი-  
ნიოჲ მიიწევდა მალლა, იქ კი, დაკაწრულს, სელისგელებ და  
ფეხისგულეებ დიდად ატკიებულს, მამცრო ღრმული დაუხვდა  
რალაც, და მოკუნტული ძლივს მოთავსდა იქ, და იჯდა ასე,  
ნესტაიანი უკუნეთით შემოზღუდული, გარს კი დაღბილებული  
და აღბათ თეთრი რამ, შედედებულად დანაოჭებული წებოვა-  
ნება ემოსა, იმ პირქუში კლდის რალაცაა ტვინისმაგვარი, და  
სისხლდადენილი განაკაწრებით უერიადებოდა რალაცის გონს  
უმი სკირონი, და ბრგე სხეულიც ისე მოკუნტვოდა, დედის  
საშოში გატრუნულიყო თითქოს, და უცებ იმ შედუღებულ  
კუნაბეტში, დასაბადებელს, რალაც სინათლემ ჯერ ირიბად  
გაჰკრა და გაჰკრა, და თავს დაადგა მერე — სკირონი, ბნელის  
მოგზაური, იმა განშგებელს, იკაწიწებდა!

იმას, ერთადერთს, უნდა ჰქონოდა დემეტრასი და პერსე-  
ფონეს გულუხვი ჯილდო, მაგრამ ვერავისგან შებილწული  
ნაყოფიერება, იმას, მწყალობელს, უნდა ჰქონოდა ათინას გო-  
ნი, ოღონდ უსაზომოდ განვრცობილი და მთელი სამყაროს  
ყოველ კუნტულს დაფენილი და, აიმას, მზრუნველს, შვილიე-  
რების მფარველ ქალწულ არტემიდესავით უნდა გამოეზარდა  
ცხოველებიც და უღევად ამოეყვანა ხეები, ვაზი, ხორბლისა  
და ქერის თავთავი, ყვავილები, თოთო ბალახი, სუყველაფერი  
შენი იყო, ოღონდ მოგველო და გეცქირნა; იმისა ვრცელი  
მოწყალებით, სულ შენი იყო ფერადოვნებით დახუნძლული  
მთელი ქვეყანა, თუკი მიიღებდი, და შეუდგებოდი კიდეც;  
შრომით მოღლილსა თუ დასვენებულს, ვთქვათ, შეურყვნელი  
რომ ყოფილიყო აი ისეთი აპოლონის მალლივ წყალობას —  
განშგებელ მუზას — მუსიკასა და პოეზიას, და კიდეც სხვა  
დარგთ, გარდმოგივლენდა, და სულით დუხჭირ ადამიანებს  
მიუსჯიდა უზენაეს მადლს, მართლაცდა ციურ აფროდიტეს —  
ცის ურანიას, და, შეყვარებულს, სულ სხვადასხვაგვარად და-  
გაწვიმდა და დაგათოვდა, ამალლებულნი შეიქმნებოდით მა-  
ნამდე ქვემოთ, ჯინტველებივით დაბლა მლოლავი ადამიანები,  
სულმთლად იმისი იქნებოდა და შენც იმისიც გექნებოდა მა-  
რადი განძი — მიწა, ჰაერი, წყალი, სინათლე, და ავით აური-  
ლებელი თანატოსიც კი, იმის ხელში, მხალლოდ ქვიანსა თუ

ფსიქიერ მიწაში კი არ ჩადებდა ადამიანებს, არა, მთლად უცხო მსარეთ მოგატარებდა; თუკი მანამდე, სითბომორეულ ადამიანებს, ნელინელ მოკვდავთ, ერთმანეთი ეყვარებოდათ... მაგრამ სად იყო!

ეგება, იყო... ეგება, გარეთ... და, ძლივს გამართა სწორი ფესები სკირონმა, ცოტათი ქვემთ ჩააჩოჩა, სხეული უკან გადახარა, სუნთქვაშეკრული, ფესისგულეების ბრმული ცეცებით ჩაუყვებნელ, კლდოვან თავქვეს, სინათლისაკენ მიცოცავდა ასალი სკირონი, მზედაფენილი სოფლის ნახვას ეშურებოდა, მაგრამ ქვის იმა მრგვალი ბილიკით შემოზღუდული, იფხაჭუნებოდა, ღამებნელიდან აბრჭყვინვებული დედამიწისკენ მოლოლავედა ერთი ეული, და, ჩამოიბადა, და, ჯერ რუსი და თანდათანობით განაცრისფერებული, და გადახსნილი მერე, აელვარებული მღვიმე რომ გამოიარა, უცხოოდ განახლებული, გამოვიდა და, ახალ-რალაცა შეძენილი, მრავლისმნახველი ჰელიოსის ვრცელ გულზე შედგა.

ღამაში იყო ყოველივე, სუყველაფერი.

იდგა, სუნთქავდა.

რა ღამაში და მშობლიური იყო ირგვლივ სუყველაფერი, იდგა, ტკბებოდა...

მზით და ღიმილით თვალმოჭუტული, იცქირებოდა...

და, შეიჭმუნხა:

მაგრამ ვრცელ ზღვაში შავკულულება პოსეიდონი ბუნაკობდა, დაუნდობელი და მჭახე... მაგრამ ხეთა ნაყოფში უწმინდურება ერია რალაც, სისხლის აღრევით შებილწული, და ალუბალი იყო ეს თუ ვაშლი, მეტის სიწითლით შეფერილი, მძიმედ ეკიდა... მაგრამ აპოლონს, მუზათა ღმერთს, დიდი ცოდვებიც დასდებოდა, სისხლით გათხვროდა ნატიფი ხელი... და აფროდიტე ურანიას მისჯილ თანამგზავრს, ავხორც დედაკაცს, საყოველთაო პანდემოსს, უხვი სხეული აწრიალებდა, არ ასვენებდა... და თუმც სხეული სრულებითაც არ აწუხებდა პატიოსნებისა და სამართლიანობის ქალღმერთს, ნიკტის ერთადერთ არაავხორც შთამომავალს, მკაცრ ნემესიდას, მაგრამ ერთხელაც ის ზევსი ძლიერ გადაეკიდა, ამოიჩემა და, იმისი ვნების განსარიდებლად ნემესიდა თუმც ბატადაც კი გარდაიხარა, მაგრამ ზევსი რა შვილი იყო? — გედად იქცა და, ძან

დააცხრა, და ნემესიდას, ნამუსახდილს, თუმც უდანაშაულო იყო, მაგრამ რაღაცნაირად ძველებურად ბოლომდე ვეღარ დაუჯერებდი... და ომშიმყოფან ომის ღმერთს, არესს, მშვიდობიანობისასაც მთელი სხეული უყიოდა... იგროვებდნენ, ქრთამს.

და, რაც ღმერთები, ადამიანებიც, — ის...

ოღონდ რაიმეთი გამოგეჩინა თავი და, იმ საქციელის აკვარგიანობაში არას დაგიღვედსენ, მთავარი იყო, თხელი ტვინები შეგეზანზარა. ვინ აგველო და, ძლევაშოსილი ატრევსი თუნდაც — დიდადა ჰქუსდა სკირთონობისას და შემდგომაც, იმისი დაფნითმოსილი სახელი, მის შთამომავალთ საამაყოფ უწოდებდნენ ატრევსიანებს, და რა დამსახურებით, აი: თურმე ატრევსმა და მისმა ღვიძლმა ძმამ თიესტემ თავიანთი მამით ნახევარი ძმა, უდანაშაულო ქრისიპოსი მოკლეს და იქვე იყო იმათი დედაც. ამ დებიუტის შემდეგ საბთავენი სწრაფად გაიქცნენ, მიკენის მეფეს შეაფარეს თავი და ომ მეფის საეჭვო სიკვდილის შემდეგ ატრევსი გამეფდა, ძმა-თიესტემ კი თეთრწვივება ცოლ-აეროპე შეუცდინა და შინაურული სატრფოს დახმარებით კეთილადმოჩუქურთმებული ტახტის ჩავიდებას ლამობდა. ატრევსმა გაიგო ალალეი ძმის განზრახვა და სამეფოდან განდევნა, მაგრამ თიესტე ასლა ატრევსის ვაჟს დაუძმაკაცდა შორიდან, შეთქმულება აქაც დაბეზლდა და ატრევსმა სინქარეში თავისი ვაჟიც უყურადღებობით ჩამოახრჩობინა. ეს კი ეწყინა და შესარიგობლად მიწვეულ თიესტეს იმისი ვაჟების ხორცი შეპარვით აჭამა, ცოლ-აეროპე კი ზღვაში ჩაძირა და პოსეიდონიც დაიბნეოდა, კი — იმანაც კარგად იხეირა. მერე ატრევსი სამისნოს დავალებით თიესტეს მოსაძებნად გაეშურა, მაგრამ იმის ნაცვლად მის ქალიშვილს, პელოპეიას გადაეყარა და ცოლად შეირთო, მაგრამ პელოპეა რამდენადმე ადრე მამამის თიესტესთან ყოფილა დაკავშირებული და რვა თვეში, არ კი იცოდნენ ვისგან იყო, მაგრამ რაღაც ეგისტე ნამდვილად გაჩნდა. ნაცნობ-უცნობი ის რაღაც ეგისტე რომ წამოიზარდა და დამშვენდა, მამობრივმა ატრევსმა იგი თავის დედმამიშვილ თუ სიმამრ თუ მძახალ თუ სხვა, თიესტეს მოსაკლავად გაგზავნა, მაგრამ თიესტემ თავისი ვაჟი თუ შვილიშვილი თუ ძმისშვილი და სხვა, იცნო და წარსული რომ დაფ-

ქვა, საიდუმლოებებიანმა პელოპეიამ ფიცხლადალესილი ხმლით თავი მოიკლა, და იმავე ხმლით კი იმ რაღაც ეგისტემ თავისი მამა თუ ბიძა თუ ორმაგი ბიძა თუ ქვისლ-მამლთაშორისი ატრევსი მოკლა, მოგვიანებით კი ბიძა იყო თუ გარე თუ ახლო ბიძაშვილი თუ ძმა და მეგობარი, ატრევსის ძე აგამემნონი განგვირავს, რადგან სანამ შორითსაჩინარ ტროაში აგამემნონი ფიცხელქარქაშიან ხმალს იქნევდა, რაღაც ეგისტე იმის ცოლს, რამეებიან კლიტემნესტრას ისე ძალიან დაუაძხანავდა, უკლიტემნესტროდ ვერ იძინებდა, და აგამემნონი ტყვე-ქალებში ღროს თუ არა ჰკარგავდა იქით, აქეთ კლიტემნესტრაც ბნელ ღამეობით ისე კარგა ფხიზლად იყო, მერე მთელი დღე ამთქნარებდა და დიდებით მობრუნებულ გამარჯვებულ ძღვევამოსილ ნაძარცვით დამძიმებულ აგამემნონს თავის გამორჩეულ საბრალლო ქალ-კასანდრიანა, იმან და იმ რაღაც ეგისტემ ბასრი ხმლები ურტყეს და ურტყეს, შემდგომ კი, აგამემნონის ვაჟმა ორესტემ დის ღახმარებით იმ რაღაც ეგისტესა და მშობელ დედას, კლიტემნესტარას, კეთილადმოსავადებული მახვილი დასცხო და დასცხო, ატრევსიანნი, ჰოჰი — დიდად ამაყად იწოდებოდნენ.

რა ექნა, სკირონს... ამა ქაოსის მომწესრიგებლის, დიდი ჯანმგებლის მოლოდინში, იმედინად დაჰყურებდა მიწას, რომელიც ატარებდა, და ვრცელ ზღვაზე უფრო ვრცელსა და უფრო ღრმა ცას რწმენით, იმედით ასცქეროდა. აღარა ტკენდა თვალებს, ეცრემლებოდა კი. და თუმც ვერაგი, დიდად მედროვე ხარბი ღმერთები ვითომცდა მყარად დაპატრონებოდნენ თვალთ ხილულ ყველაფერს, სკირონმა იცოდა, სკირონი გრძნობდა, სკირონს სწამდა რომ მოვიდოდა ის, ერთადერთი განმგებელი, და სუყოველივეს — ხილულსაცა და უხილავსაც, სათნოდ დაეპატრონებოდა და სკირონისა თუ ატრევსისა და მისთანანის მოწესრიგებას ადამიანთათვის მიუწვდომელი გონებით შეუდგებოდა. მაგრამ ისე ძალიან შორეული ჩანდა, იმდენი გრძელი საუკუნით, მისი შესწრების იმედი აღარცა ჰქონდა ნალვლიან სკირონს, მაგრამ იცოდა, რომ იმისათვის რაღაცა მაინც წინდაწინვე უნდა ეღონა, რაღაც ნაბიჯი მის შესახვედრად გადაედგა და, რაღაც ოსეთი ჩაედინა და ჩაედინა, რომ ეს ფერადოვანი და უხვი ქვეყანა მთლად ვერა და,

თუნდაც მხოლოდ თავისი წილი, იმ მღვთისწინა მცირე ფართობი, რამენაირად უყრთ ნაკლებად შეცდილწულიყო, და პირქუში კლდის ტვინში ხშირად იჯდა ხოლმე ეჭვებად და ფიქრად ქვეული ხელლი სკიროსი, იმ წუწკ ღმერთებსა და იმათ ხელში მოსიტებული ადამიანებს ერთიმეორეთ უდარებდა, და ვერაგ მმართველთა გამო, ადამიანები ქვეყნის სიკეთეთ ვერცა ხელავდნენ, იმ სინათლეში, ბუებსავით იყვნენ, და იმათი საცოდობით გულანვილებულ სკიროსს ბლაგვსულიერნი ისე ძალიან ეცოდებოდა, რომ იმასაც კი გაიფიქრებდა ხოლმე, რომ არამცთუ წყალმისჯილი ტირო, არამედ აი ის არსახსენებელი, მისთვის უსახელო ქალიც კი, მერცხლისა და გველის ნაჯვარი, თითქოს ისე ძალიან აღარ იყო დამსაშავე — იმა ღმერთების სურვილებსა და ხელში.

...იმიერიდან, თუმც უწვეულო სიკეთე ჩაებუდა, თავის კლდესავით გაპირქეშდაც, ადამიანებთან თუ იცვლიდა ზნეს. რადგან კიდევ ერთი რამ აღმოაჩინა, მოწოდებადაც კი გადაექცა ახალი რაღაც, და მანამდე თუ გაშვლელ-გამომვლელთ მხოლოდ ძარცვავდა, ამიერიდან ზოგიერთებს — ჰკლავდა კიდევ.

დამდაბლებულნი თუ იყვნენ სულით, ავისმოქმედ და წაბილწულ სხეულს განუშორებდა.

ერთ სტუმარსღა უთხრა ეს. წეროს არარა შეუტყობინებია, მეტად მზიანი დღე იყო, სტუმარი შუადღით მიუვიდა, ძალიან ცხელოდა და სკირონი შორიახლოდან დუნე გაკვირებით ადევნებდა თვალს, რადგან იქით ეძებდა ის კაცი შავად სახელგავარდნილ ყაჩაღს — მიიარა, მოიარა, ჩრდილში წამოწოლილს, თავთ დაადგა ბოლოს და, უთხრა:

— შორითსაჩინარი, ფიცხელჭიანჭველოვანი კუნძული ევინაა საბრძანებელი ჩემი, და ეაკოსი ვარ მე, ზევსთან მოუბარი.

— აჰ! — თქვა სკირონმა, ნელა წამოჯდა და აგდებულად ააცქერდა: — შორითსაჩინარი ევინაა საბრძანებელი შენი, და ეაკე ხარ შენ, ზევსთან მოუბარი?

— დიახ, — ამაყად თქვა კაცმა.

გადასაგდები ჩანდა.

— ზევსთან, ახლოს ხარ? — ჰკითხა სკირონმა.

— ძალიან ახლოს.

— რას მეუბნები... ძალიან ასლოს, პერაც არა ჰყავს. გინახავს კიდეც?

— აბა რა.

— თუ, შორიდან ებაასები.

— არა, რას ამბობ... როგორც ასლა შენ. იმან გამამეფა, მაღლითმგრგვინავმა.

— რატომ.

— როგორ და, უკაცრიელი კუნძული ეგინა ადამიანებით დამისახლა, გულმონწყალემ.

— რატომ გაგამეფა-მეთქი.

სტუმარმა კვლავაც ამაყად შემართა თავი:

— ეაკოსი ვარ მე, კეთილსინდისიერებითა და სამართლიანობით განთქმული, და ფერდებგანიერი სომალდით ღირსეულად დავცურავ ზღვებზე.

რალაც ამდაგვარი ვინმე ეაკეზე მართლაც გაეგონა სკირონს. წინ ედგა ასლა, ღირსეულად ამეტყველებული:

— და მრავლადმონწყალე მესთამტყორცნელმა უკაცრიელი ეგინა კარგი ადამიანებით დამისახლა.

მწარედ ჩაელიმა სკირონს:

— კი მაგრამ, სად გამოგიძებნა მთელი სამეფო კარგი ადამიანები...

— ჭიანჭველები ადამიანებად გადამიქცია.

— და შენ... იმათზე გაგამეფა?

— კი.

— და მათზე მბრძანებლობ?

— ერთპიროვნულად.

— ჭიანჭველებად დარჩენილან...

— არა. რადგან სამართლიანად ვმბრძანებლობ.

— როგორ ახერხებ. ამ ღმერთებთანაც კარგად იყო და...

— ეაკე ვარ მე, — მერამდენედ გაუმეორა სტუმარმა, — კეთილსინდისიერებითა და სამართლიანობით განთქმული.

დაკვირვებით შეათვალიერა სკირონმა. ეგებ, არ იყო სიკვდილის ღირსი...

— მერედა, ჩემგან რალა გინდა... ისედაც მშვენივრად აგიწყვია საქმე.



აქ სტუმარმა უთხრა:

— შენი ქალიშვილი ცოლად მინდა დავისვა, სკირონ.

— როგორ... — შეკრთა.

— მე შენი შვილის ცოლად შერთვა მსურს.

ეს რა ხდებოდა, ყანალი იქით განძარცვულიყო უნდა, თუ რმე. ერთხანს დაიბნა...

— იმას თუ სურსარ.

— კი.

• გაუშწოვდა. ნეტავი რატომ...

— შერედა, ჩემგან რაღა გინდათ.

ძლიერ შემართა თავი სტუმარმა.

— ეაკოსი ვარ მე, კეთილსინდისიერებით განთქმული, და ყანალის სიძე მე ვერ გავხდები.

რას უბედავდნენ... დაითმინა, მაინც.

— შენც, ნუ გახდები.

აქ კი სტუმარმა პირველად ჩაღუნა თავი.

— აბა რა ვქნა, — ძან ხმადაბლა ალაპარაკდა, — შენი ქალიშვილი ძალიან მიყვარს.

ამ ბოლო სიტყვამ დიდად განარისსა სკირონი. ზეზე წამოდგა, მთელი თავისი ახოვანებითა და ძალმოსილებით აესვეტა:

— იმდენად გიყვარს თუ რაღაცაა, რომ, ყოველი შეითხვევისათვის, ჩემს შესამოწმებლად ამოხვედი, არა?

— კი, — უთხრა ეაკემ, თვალებში უყურებდა.

— და რომ დამაზუსტო, ძალიან გინდა, არა?

— ძალიან.

— ეგებ არა ვარ ისეთი, ხალხი რომ ამბობს, არა?

— ჰო, ეგებ არა ხარ.

— აქეთ წამოდი.

იქით მიჰყავდა!..

ნაპირისაკენ გამოსცურა მოშიებულმა, ვეებერთელა კუმ. ძლივს ააცოცა მაღალი კლდის კენწეროსაკენ ელამი მზერა — ორნი იდგნენ იქ. და იმათ თავზე ფრთების მომეტებული ფართქუნით წრიალებდა უცნაური ფრინველი — წერო...

მეტად მზიანი დღე იყო და, ძალიან ბრწყვკვიალებდა ზღვა.

— ეს ყველაფერი, — ძლიერი ხელით ისეთი წრე შემოხაზა

სკირონმა, შიგ მოაქცია ცა, ზღვა და მიწა, — თუ მოგწონს, ეაკოს?

— კი.

— მე კი — ძალიან. და თუ იცი, რა მსურს?

— არა.

— ეს ყველაფერი, ძალიან მინდა, რომ შენარჩუნდეს.

მაღალი კლდის თავზე იდგნენ და, ეუბნებოდა:

— ეს ყველაფერი, ეაკოს, ჩვენთვისაა, და იუ ოდესმე დაიქცევა, ისევე ჩვენი, ადამიანების წყალობით. ამა ქვეყანას თუ როდესმე რამე დააქცევს და -- მლიქვნელობა, პატრიმონიუვარეობა და, წარმოიდგინე, შიში. და ასეთები ჩემს მცირე ფართობზე თუ ჩაივლიან, აი აქედან ვაგდებ ხოლმე, და ასე განსაჯე, იმათთვისაც კი უკეთესია ეს — ნაკლები ცოდვის ჩადენას მოახსრებენ.

— მერედა, ვინ მოგცა ეს უფლება... — იოკრძალებით ჰკითხა სტუპარმა.

— არ ვიცი. მხოლოდ ის ვიცი, რომ ამ ყველაფერს, როცა იქნება, პატრიმონიუვარეობა, მლიქვნელობა და შიში წაბილწავს. და ისიც ვიცი, რომ ხე, რომელსაც ბოროტი ნაყოფი გასთაქვს, უნდა მოიჭრას და ცეცხლზე დაიდოს.

— და ვინც არაა მლიქვნელი და მშიშარა... იმათ?

— იმათ ვუშვებ ხოლმე.

გამომცდელად შესცქეროდა სუნთქვაშეკრული ეაკე, იმდროინდელი საიქიოს ერთ-ერთი მსაჯული.

— და გამვლელ-გამომვლელთ შენი ფესების დაბანვას სწორედ ამიტომ შესთავაზებ ხოლმე?

— სწორედ ამიტომ. გამოსაცდელად.

— და, გბანენ ხოლმე?

— უმეტესობა.

— და... ჭუჭყიანი გაქვს ხოლმე ფეხები?

— არა. არასდროს.

— და... არც გსიამოვნებს?

— რა.

— დაბანვა.

— არა. მათი შეხება გორგონას ლორწო მგონია ხოლმე.

— და ზოგს, რომელიც შეგეწინააღმდეგება, — უშვებ?

— ძღვენსაც ვთავაზობ, რაიმე თუ მომეძევება.

შუბლზე გადაისვა ხელი ეაკემ, გონი გაინათა, მაგრამ სკირონმა მკაცრად აჩვენა ხელისგული:

— ერთს მეცა გკითხავ — ახლა ვინაა თქვენში ყველაზე სახელოვანი გმირი.

— ვინ და — ომშიმყივანი თეზევსი.

— ამ ბოლო დროს რა ჩაიდინა.

— ამორძალების დედოფალი, თვით ანტიოპე მოიტაცა, და დედოფლის დასაბრუნებლად შეუპოვარი ამორძალები თავს დაესხნენ ატიკას, დიდად მრისხანე ომი ატყდა არეოპატთან, და თუმც ატიკელებმა თეზევსის წინამძღოლობით თვით ამორძალები დაამარცხეს, ომში ვაჟკაცურად დაეცა მკერდსავსე ანტიოპე.

— თეზევსმა დასცა?

— არა, ატიკელთა მსარეზე იბრძოდა მძვინვარე და წვივებმშვენიერი ანტიოპე.

— თავის დამხსნელთა წინააღმდეგ?

ეაკე დაფიქრდა, დაიბნა, თქვა:

— კი.

— დიდად გასაგები ომი კი ყოფილა, რაც მართალია, მართალია, — ჩაეღიმა სკირონს, და უცებ მოეღრუბლა სახე, — იმ თქვენმა სახელოვანმა გმირთაგმირმა უკვე გააუპატიურა მცირეწლოვანი ელენე?

— ვინ ელენეა...

მომეტებულად აფართქუნებდა დიდ, თეთრ, ლამაზ ფრთებს მაცნაური არსება — წერო.

— დაიბადება. და თქვენი გმირთაგმირი რომ შეაცდენს, მთლად ბავშვობიდან დაეჩვევა მამაკაცებს და მერე ქმარსაც უღალატებს რალა თქმა უნდა, და იმის გამო ტროელთა და აქაველთა სისხლი მძიმე მდინარედ ჩამოიღვრება. და თუმც თქვენს ღმერთებს დაბრალდებათ სუყველაფერი, ისიც იცოდე, ეაკოს, რომ თეზევსის ხელიც ერევა იმ უმაგალითო სისხლისღვრაში, რადგან უხილავი ქსელით ხართ გადაბმულნი ადამიანები, და ამიტომაც დიდად უღირსებს შეძლებისდაგვარად გაშორებთ ხოლმე, ჩვენ ყველასა გვაქვს ჩვენ-ჩვენი სამოქმედო ფართობი, და აქ ვიბრძვი მე, სკირონი, კენტად მემარნი.

გაოცებული შეჰყურებდა ეაკე და, რაღაც სინათლეს უმჩნევდა თვალში.

— ღვთაებრივო სკიროზ, წუთუ ის კაცი, ადამიანთა გამრჩევი კაცი — ხარა?

— შენვე თქვი.

მუხლი მოიყარა ეაკემ, მკლავები გაუშვირა, შეევედრა:

— მე დიდადა გთხოვ, გამჭირახო და ძალამოსილო, შენი პირმშო რომ მეუღლედ გამატანო.

მხარზე დაადო ხელი სკირონმა, უთხრა:

— გატან, ეაკოს. კეთილად გეველოთ.

და გადასვლაშიც მიეხმარა.

## 10.

ყოვლად ბავშვობის ქალბატონო, დიდო სენიორა ანნა, მანიანი...

თქვენ, ბავშვობაში, თურმე დიდად ანცი, მანცი და დაუდეგარი ყოფილხართ თურმე, დაბადებულხართ თქვენს ქალაქ რომში, კამპიდოგლიოს (არც ვიცით, რაა, მაგრამ კარგად ჟღერს) ახლოს, საიდანაც რომ თურმე მშვენივრად მოჩანდა პალატინი. ოჯახში რვანი ბრძანებულხართ: თქვენ, — ერთადერთი ბავშვი, ხუთი მამიდა, ერთი ბებია და ერთიც — ცალი მამაკაცი ოჯახში, ბიძათქვენი, რომელსაც, რაღა თქმა უნდა, რომანო ერქვა. დიდად საბრალო ბიძათქვენი — შვიდი სიტყვათმფრქვეველი ქალის ხელში... და თუმც იმასთან ქილიკი ყველას გჩვეოდათ, მაინც გამორჩეულად მიგაჩნდათ, და თქვენ, ოჯახის სასოებას, სადილობისას იმასა და ბებიას შორის გქონდათ მიკუთვნებული ყველაზე საპატიო ადგილი. ბავშვი, ნანეტტა... მხოლოდ ბებია გეძახდათ ანნას.

იტალიელები ხომ, ყველაზე მეტად მოლაპარაკენი ბრძანდებით, რომაელები — განსაკუთრებით, თქვენი ბებია კი, თურმე, აი იმ დარგში მთელ ნახევარ რომს ჯიბეში კოხტად ჩაისვამდა. როგორ გიყვარდათ ერთმანეთი... თქვენთვის ის იყო უპირველესი, თანავდროულად — „ანგელოსი, და ცეცხლის, სიკეთე“, „ლაიმაზი, პატარა, მთლად პაწაწინა და უზარმაზარი“,

მისი სიცილი ყველაფერს გიჯობდათ და, იმას კი თქვენი თმის ღერი ერჩია სუთივე ქალიშვილს ვაჟ-რომანოიანა, თქვენთან მარტოკას სწყუროდა ყოფნა და, განერიდებოდით სოლმე თურმე ოჯახს ყველაზე დიდი და ყველაზე პატარა, და დაიარებოდით, დაიარებოდით, დაიარებოდით რომში.

ქანდაკებები, და მერე ვისი, შადრევნები, კოლიზეუმი... სასახლეები და თალები, პანთეონები, ფორუმი, თურმე... ეკლესიები, და ტაძრები, რამდენი სანტა მარია, და სან პიეტრო, მიქელანჯელოს სელით მოხატული, თურმე... კრამიტი, ქვა და მარმარილო... ერთი სანთელი... წარსულიანი მოედნები... ქუჩები — სახსე იტალიელებით, მაგრამ, ერთმანეთს შერჩენილნი, ვის მიაქცევდით ყურადღებას, ბებია გთხოვდათ: „მიმღერე, ანნა...“ თქვენც, მისი ხათრით, მაშინვე პირს დააღებდით თურმე და ბებიას საყვარელი სიმღერის აღსრულებას შეუდგებოდით: „რეჯინელლა, რეჯინელლა, პიჩჩინა ადორატა...“ „ისევ მიმღერე, რა, ანნა...“ ისევ — მღეროდით, მერე — ბებიაც აგყვებოდათ, და მიაბიჯებდით თურმე ეს ასირებული ბებიაშვილიშვილი ქალაქ რომში და, მიიმღეროდით: „რეჯინელლა, რეჯინელლა...“ მერე კი თქვენით ამაყი ბებია ნამცხვრეულობასთან შეჩერდებოდა, ჩანთაში იქექებოდა და პატარა ხანში შუქმოსალებული თვალებით შემოგცქეროდათ, თუ როგორ მიირთმევდით რბილ და ტკბილ ნეტარებას თვალდახუჭული და ნამცხვარში ცხვირჩარგული...

ანნა, ნანეტა... მაგრამ ის დარდი, უჩვეულო სიმარტოვისა... ბნელ ღამეობით, მოკლე საწოლზე მოიწყენდით და, ვერა ხვდებოდით, რა დააშავეთ, რად არა გყავდათ გვერდით დედა... ის, ულამაზესი ეგვიპტელი, იტალიაში გემით მოვიდა, მანიანიზე დაქორწინდა და გშვათ თქვენ, როგორი ანნა, გაქვავებული პირამიდების იტალიურად ამამოძრავებელი, და ერთ ეგვიპტელს იტალიისთვის მეტი რა ექნა, მანიანისთან განქორწინდა, დიდ ფერად გემზე საღამოთი ავიდა ალბათ და ისევ სამშობლოში დაბრუნდა და ძალიან მდიდარს გაჰყვა, იქაც კი ჰყავდა ქალიშვილი, თლონდ ძალიან არათქვენებრი... ისე კი, ხშირად გიგზავნიდათ ფუმფუშა კაბებს. უდედლობით შეძრულთ, ნანეტა... ყველაფერზე მეტად, შორეული დედის სურათების თვალღერება გიყვარდათ, და ოცნებობდით, იმა-

სავით ლამაზი გამხდარიყავით, ჰეე, ალბათ მაშინ, ბავშვობი-  
დანვე შეიძულეთ თქვენი ფეხები და თქვენივე ცხვირი, და რა  
იცოდიოთ, პირველი ქალი თუ გახდებოდით, რა სწორი იყო —  
„დე, გაუმარჯოს მთელ კაცობრიობას, და ანნა მანიანის“ —  
ევევიტური პირამიდიდან სიკეთითა და რისხვით ამოსულო  
იტალიურთ ვულკანო, რომის მფლობელი, ანნა, მანიან-  
ნი...

ანნა, ნანეტა... თურმე არასდროს გყვარებიათ სკოლა  
და, სახელმძღვანელოები არც გადაგიშლიათ, არანაირ დავა-  
ლებებს არ ასრულებდით და, თავად გიკვირდათ, როგორ  
აიღეთ ატესტატი — კარგნიშნებიანი, თანაც... თქვენი მაესტ-  
რო, ბებიათქვენი, თურმე ერთხელაც არ დაინტერესებულა,  
სხვა ბავშვებივით გულმოდგინედ რად არ შეცადინებდით,  
ოღონდ კი რაღაც წაგემღერათ... და ისიც დიდად მოსწონდა  
თურმე, ისე ძალიან რომ გიყვარდათ ცხოველები და, ძალიანაც  
შეგაქოთ თურმე, დასაკლავ ქათამს ყველას უჩუმრად სა-  
წოლში რომ გაათეინეთ ღამე, შეხიზნულისთვის როგორა  
თრთოოდით, ქათამს კი, სულელს, გადაფარებულეი საბანი ძა-  
ლიან ესამუშებოდა... ანნა, ნანეტა, როცა ცხრა წლისას შო-  
რეული დედა ჩამოგივიდათ, გეფერათ ერთხანს, მერე კი შეძ-  
რწუნებულმა აღმოაჩინა, კარგად რომ ვერც ანგარიშობდით  
და ვერცა სწერდით, აღშფოთებულმა, ბებიას ტუჩაბზუების  
მიუხედავად, ისეთ კოლეჟში გაგამწესათ, საიდანაც იშვიათად-  
ლა თუ გამოგიშვებდნენ შინ, და თავად კი — ისევ ევევიტეში  
წავიდა. გამოკეტილი დარჩით კოლეჟში... თქვენივე თქმით,  
შავი აზრები გიტრიალებდათ შავთმიან თავში, ბებიაც ძლიერ  
ნაწყენი და გაბუტული იყო ევევიტელ რძალზე, რადგან ღრმად  
სწამდა, თქვენიისთანა ჩიტს გალია რომ არად არგებდა, და  
თქვენც, ნანეტა, დროს უბრალოდ არა ჰკარგავდით — ერთ-  
ხელ, მთელი კოლეჟი სასეირნოდ გასვლას რომ ეპირებოდა,  
საშხაპეში შეპარულხართ თურმე და ყველა ონკანი ბოლომ-  
დე მოგიშვიათ. ნასეირნალებს წყალუხვ აუზად დაგხვედრი-  
ათ მთელი კოლეჟი და, როგორც თქვენ თავად აღნიშნავდით,  
„პირველ ტურში“ გამარჯვება მოგიპოვებიათ. მეორე ტურში  
— სავალდებულო, მაღალფარდოვანი სპექტაკლის რეპეტიციი-  
სას მეტად თამაში პანტომიმა წარმოგიდგენიათ და ახლო-

მხედველი მასწავლებელი თუმცა ვერაფერს ხედავდა და მხოლოდ ის უკვირდა, რატომ იგუდებოდნენ სიცილით ბავშვები, სამაგიეროდ; თურმე კოლეჟის მთავარი წინამძღვარი, რომელსაც რომ თვალნი ქორებულ მხედავნი ჰქონდა, კარის ღრიჭოდან გითვალთვალებდათ თურმე, და მეორე ტური იზიო დამთავრდა, რომ გარკვეული ღროით შინ-გაშვება საერთოდ აგეკრძალათ და თქვენი ულუფიდანაც ნამცხვარი ამოიღეს. მაგრამ ეს დამარცხება კი არ გამოდგა თქვენი, არა, პირიქით, სწორედ ამით მიასლოებულხართ საწადელს — მესამე ტური თვით ბებიას მონაწილეობით დაგვირგვინებულა, რომელიც კოლეჟში მოსულა და წინამძღვრისთვის უთქვამს: „დღეს ჩემი ერთ-ერთი ქალიშვილი ჯვარს იწერს და გთხოვთ მცირე ხნით გამოუშვათ ანნა, ასეთ საზეიმო დღეს რომ დააკლდეს, ცოდოა ბავშვი...“ „არა, — მკაცრად მიუგია მკაცრ წინამძღვარს, — ანნა დასჯილია და ფეხს თუ გაადგამს აქედან, ნულარც მობრუნდება“. „ძალიანაც კარგი, — წამოუძახნია ბებიას, — აბა, ახლავე მოკრიფე შენი საბაკი და, პირდაპირ სახლში, ანნა...“ ასე გამოსულან მკაცრი კოლეჟიდან ბებია-შვილიშვილი და, შინისაკენ მხნედ მიმავლებს, გზაში, გამარჯვების ნიშნად „რეჯინელლა, რეჯინელლა“-ც დაუმღერებიათ, და ამჯერად ბებიას უფრო კარგად გამოსდიოდა. მღერა, რადგან ნანეტტა თან ნამცხვარსაც იღებდა.

მაგრამ იმ კოლეჟიდან რალაც სარგებელი მაინც წამოგიღიათ: ორიოდ თვეში, ფრანგული... — ნიჭი.

ყოველად ბავშვობის სენიორა, ნანეტტა, მანიანი... მაგრამ ყოველთვის ანცი, მანცი და დაუდეგარი კი არ ბრძანებულხართ, უდედობის გარდაც, ეჰ, ზოგიერთთათვის რა ღრმა სატანჯველი რამ გაწუხებდათ — იყო თუ არა ატლანტიდა... ხშირად და დიდხანს თურმე ფიქრობდით.

მერე დაგეწყით უთავბოლო ხეტიალები, მაგრამ იტალია-ში. და თქვენი დასიდან ორ მსახიობს ყოველად უღობღამო როლები გქონდათ — თქვენა და ტოტოს. სად და სადღა აღარ წარმოგიტქვამთ: „სადილი მზადაა, მადამ“, მაგრამ თქვენ, რკინიგზის მრავალ სადგურთა მნახველს, ერთ-ერთი მაინც განსაკუთრებით შთაგებეჭდათ — სადგური ტერმინი. სწორედ

იქიდან გაგაცილათ ერთხელაც ბებია, ზამთარი მდგარა, სუსხიანი დრო, ბაქანზე შემცივებული ხალხი ირეოდა, ორთქლმავლები გამჭოლად ხშიანებდნენ, ჩემოდნები გეჯახებოდათ, მერე კი, ვაგონში რომ აბრძანდით, პატარა, უზარმაზარ, მოკუნტულ ბებიას შუშის მიღმიდან დააცქერდით და, მიხვდით: ვეღარ ნახავდით მეტად. და, რამოდენიმე ხნის შემდეგ, სასწრაფოდ რომ დაბრუნდით რომში, და ძია რომანომ ხელი რომ დაგადოთ მხარზე, და გკითხათ: „დახედავ, ბებია?“ — უთხარით: „არა“. ასე იმიტომ მიუგეთ რომ, კარგად იცოდით თუნდაც სხვა და უკეთეს სამყაროში გადასული ბებიას სურვილი — იმას არ ენდოშებოდა, დაგმანსოვრებოდათ ისეთი, აქა რომ იყო; არამედ სურდა, მასზე თქვენი მოგონებები მუდამ რომ ყოფილიყო დაკავშირებული იმ სილალესთან, რომელსაც ერქვა „რეჯინელლა, რეჯინელლა“ — „პატარა დედოფალი...“

და თუმცა კიდევ კარგა ხანს უძახნია: „სადილი მზადაა, მაღაჲ“, მაინც სწორედ იმ დღეს დაბადებულა ნამდვილი ანწა მანიანი... ვულკანი, სიკეთე, რისხვა, და მარტოსული. „რა დასაძალაია, იყვნენ მამაკაცები ჩემს ცხოვრებაში, მაგრამ იმედის გაცრუების გარდა სხვა არაფერი მოუტანიათ...“ პიტროსულობით, ვაუთანაც კი გაშორიწორდა... დიდო ქალბატონო — ერთ აღმოსავლელ მხატვარს უთქვამს, რომ ადვილია ქაჯებისა და ჭინკების ხატვა, რადგან არავის უნახავს ისინი, და რომ სასაგაეროდ ძალიან ძნელია ცხენისა და ძაღლის ქაღალდსა თუ ტილოზე გადმოტანა, რადგან ყველამ ვიცით... ხალხლო თქვენი აღწერა, დიდო ქალბატონო, ვინც უშურველი უმეტესობა გადმოგვიბირეთ... უბრალოდ სჯობდა: დიდო, კეთილო, ნაზო, ლამაზო და რისხვავ, მოწყალეო, სამართლიანო, მოვლენილო, სხვებზე მეტად თავისუფალო, თან ვულკანო, თან მამაკაცთა ძიძად მფარველო, რომის ამღებო და, თანაც, ნანეტკავ... მაგრამ თქვენი ერთი ხატება, უკიდევანო სან პიტროში, სანთელით ხელში, ბებიას დაკრძალვის უმარალო დღეს... სან პიტროში, რომელიც რომ მიქელანჯელოს ხელითაა მიხატული, ერთი სანთლისგან წყვილი სანთელი გენათოთ თვალბში, და, სამებისას, ჩამოგესმოდათ: „რეჯინელლა, რეჯინელლა“ — „პატარა დედოფალი...“



დიდი კლდის ტვინში იჯდა სკირონი.

დიდი კლდის ტვინში მოკუნტული იჯდა სკირონი და საკვირველება რამ ხდებოდა — იქ, საფიქრებელში, ჩაეძინა. აბობლებამდე, ეგონა რომ ყველაფერს შეეჩვია, მაგრამ უეცრად მზის გულზე პირქვე დაეცა და, მიწას ძალიან ფხოჭნიდა — რომ სიყვარული არ იყო, არა, — ვერ შეეგუა. უცებ მკვეთრად შემართა თავი — წერო დამდგარიყო იქვე, ცალ წვრილ ფეხზე სამომხიმებულისყო, მეორეს კი მღვიმისკენ უშვერდა: „შედი...“

„რატომ?“ — გაიოცა სკირონმა.

წერომ კი ღონივრად აასავსავა გაშვერილი ფეხი და, ჯიუტად გაუმეორა:

„შედი-მეთქი, შედი...“

მღვიმეში როგორც კი შეაბიჯა, წერო ღონივრად მიაფრინდა ზურგზე, ფრთები აასხმარტალა, ხვრელისაკენ ისე გამალებული უბიძგებდა, უნისკარტებდა კიდევ: „იქაც შედი, შედი...“

ღაბნეული, მაცნაურის ნებას დაჰყვა, ხვრელში წვალებით აფორთხდა, დიდი კლდის ტვინში მთლად დაკაწრული შეიყუჟა და საფიქრალადაც მოემზადა, მაგრამ ლურჯად მოუბარმა პიპნოსმა დარია იღუმალი ხელი.

იქ, სიყვარული იყო თუ რა იყო, რაღაცა ამო კი დაესიზმრა: უცნობ შენობაში ტივტივებდა, ჩქრქალ ფერებში გამოსვეული, და ღრუბელი იყო თუ რა იყო, ბაცად წრიატებდნენ იმაში ციცქნა სინათლეები და რაღაც ტკივილნარევ მოწითალოსა და იისფერს მაინც შვებად გრძნობდა, ვრცელი სისუფთავე ჩამომდგარიყო, თავად კი ტალახშემხმარი და განსაბანი იყო. მცირედი წყალი ებოძა და ვერ მოარია ტალახს, მაინც განწმენდას ცდილობდა, მაგრამ შემხმარ მიწას კანის ნაფლეტებიც აჰყვა... ვიღაც — ზემოდან დასცქეროდა და მანვე შორიდან რომ დაადო ნედლი თიხა, ესიამოვნა, გაიტრუნა და იქვე ჩაესმა:

„არ გამოსვიდე!“

„რა...“ — შეკრთა სკირონი.

„არ გამოხვიდე-მეთქი!“

წერო ყოფილა, მაცნაური, გარედან აფრთხილებდა. მაცნაურის რჩევას მუდამ კი დაჰყევებოდა ხოლმე, მაგრამ აკრძალვას...

დუნედ გაფაციცებული, ხვრელს ჩაუყვა და ისევ იმ სიზმარში ფოფინებდა, არად აგდებდა განაკაწრებს, მღვიმე ფესბარეულმა გამოიარა და, შეკრთა: ზედ მღვიმის ზღურბლზე აღმართულიყო ფერმკრთალი თანატოსი, წვერ-ულვაშ ახლადშედერილი მარადი ჭაბუკი, თავით ფესებამდე შავი და განიერი შესამოსი მძიმედ ერწეოდა, ჩამქრალი ჩირაღდანი ეჭირა მალლა აწეულ ხელში, და რკინის გული გარედან ეკიდა. ლამაზი იყო? — მტრისას...

თუმცა კი კრთომით, მაგრამ მოწინებითაც შესცქეროდა სკირონი — ეს ერთადერთი ღმერთი იყო, ვისზედაც არ სჭრიდა არავითარი საჩუქარი და ქრთამი.

მშვიდად უმზერდა სკირონს; ჯერ დაკვირვებით შეათვალიერა და, მერე თვალებში მშვიდად, ღონივრად, უმუქაროდ, რალაც ფარული თანაგრძნობითაც კი, შეაცქერდა — იმისკენ იყო... სკირონისაკენ იყო იგი, ვის ხელშიაც რომ უნდა გაევილოთ ხეებს, ყვავილებს, ფრინველებს, ბალახს, ადამიანებს, თევზებს, ქვეწარმავალთ და, კიდევ, სიცოცხლეს...

მერე, უგანა.

ათრთოლებული სხეული დაიოკა ყაჩაღმა სკირონმა, იქვე მიდებულ მახვილს დასწედა, მხარიღლივ გადაიკიდა. მერე სანდლები მოირგო, ჩაიჩოქა, თასმები მჭიდროდ შემოიხვია წვივებზე, გაინასკვა, თეთრი ქიტონით შეიმოსა და, მღვიმიდან გავიდა.

გმირთაგმირი შემართულიყო იქ, სამკაულებით აბრჭყვიანლებული, ტანადი, ბრგე, მომხიბვლელი და იმდროინდელი ღმერთების ნებიერი. ოღონდ ცოტათი სიფრიფანა, ფსკერიანი თვალები ჰქონდა.

მახვილი იმასაც მხარიღლივ ჩამოეკიდა, ხელთ კი მუხის უზარმაზარი კომბალი ებყრა. ერთ ღროს თავზარდამცემი პერიფეტეს ნაქონი.

სიგრძით, სიგანით, ასაკითაც — ტოლები იყვნენ.

სკირონმა ახედ-დახედა, ჰკითხა:

— ვინ ხარ.

გმირთაგმირმა ამაყად შემართა თავი, წარმოთქვა:

— შორითსაჩინარი, ფიცხელზღუდებანი ტროიძენა სა-  
მშობლო ჩემი, და თეზევსი ვარ მე, ათენის მეფე და ატიკელი  
გმირთაგმირი, ეგეოსის ძე.

— მერედა, რა გინდა.

— სკირონს დავეძებ.

— რატომ.

— უნდა მოვკლა.

— მე ვარ.

თეზევსი ერთხანს გაკვირვებით მიაჩერდა თავზე ხელაღ-  
ბულს, მერე კი ღონივრად ჩაბლუჯა კომბალი, და ისე მოუქ-  
ნია, თვალსაწიერზე ფრინველი აღარ დარჩენილა მიწაზე, ერ-  
თი წეროს გარდა. ის შორეული თევზებიც კი, ფსკერისაკენ  
ჩაცურდნენ, მაგრამ სკირონმა ისე უეცრად ჩაიმუხლა და გაი-  
მართა, სანამ მიწაზე დაეცემოდა თეზევსს გაუელვა რომ, სკი-  
რონს სხეულში უმტკივნეულოდ გაუარა დიდმა კომბალმა;  
იმ მძლავრი მოქნევით თავად დანარცხებული და იდაყვებგა-  
დაყვლეფილი, შიშით წამოხტა და, შეაცქერდა:

— თვალთინათინა ათინა ხარ შენ?

— აკი გითხარი, სკირონი ვარ.

— თვალთინათინა თუ არა ხარ, წაქცეული, რად არ მომ-  
კალი...

ეჭვით უმზერდა.

— შენ აკი ყაჩაღებს იმათივე ხერხით ჰკლავ, თეზევს.

— კი.

— მერედა, ფეხები რატომ არ დამაბანინე.

— ვეღარ მოვითმინე.

— წამოდი.

გადასავარდნისაკენ, ასე მიდიოდნენ — ჯერ სკირონი, მე-  
რე თეზევსი და, სულ ბოლოს, წერო.

იქაც, შვერილთან, ჯერ სკირონი გადაფოფხდა, მერე თე-  
ზევსი და, მერე წეროშეცხდა ორჯერ დაიქნია ფრთები.

ქვის სავარძელზე მიუთითა:

— დაჯექ.

დაჯდა თეზესი.

სკირონი წყნარად უყურებდა, ჰკითხა:

— მაგდენ გმირობას რა გადენინებს...

— ქვეყნიერება ავაზაკებისაგან უნდა გავწმინდო, — თავი ამყადა შემართა გმირთაგმირმა, — ძლიერ მომრავლდით თქვენ.

— არა, — თქვა სკირონმა, — სხვა რამ დარდი გაქვს.

— მაინც...

— პერაკლეს ჰბაძავ. სასელი გინდა.

სისხლმა აასხა ტვინში თეზესს, მაგრამ მაინც არ შეწამო — სკირონი იდგა დაჯერებული, მშვიდი, თვალეში წყვილი და მშვიდად მოციაგე სანთელი ედგა, სიყვარულამდე, იცოდა რომ ვერ მიაღწევდა და, სიბრალულითაც კი შესცქეროდა იმდროინდელ ღმერთთა ნებიერს — დაე, ჰყოლოდათ... ჰკითხა:

— ფეხი, დაგბანო?

ეს გიჟი იყო, ვილაცა იყო, და ვაითუ, წინლნაკრავს, გმირთაგმირის ფესიც ჩაებლუჯა და თან გადაეყოლებინა, თეზესმა უთხრა:

— არა.

და თუმც სკირონს თვალეში ახლა დაცინვა ედგა, მაგრამ უცნაური — მართალი და მშვიდი. მაგრამ არ სურდა ეს სიმართლე და ეს სიმშვიდე, იმდროინდელი.

— გიცდი.

და, შეტრიალდა, გადასავარდნის ზედ წკიაზე შედგა, დაბლა ზღვა იყო, მრავლისმნახველი პელიოსით აბზინებული. იქვე, მის გვერდით მობუზულიყო ერთგული წერო, თეზესისაკენ ნაღვლიანად იყურებოდა, და, შიშნეულად რომ შემართა პატარა თავი, სკირონს გმირთაგმირის ფრთხილი, აკრეფილი ნაბიჯების ხმაც მოესმა და, სანამ ზურგზე ებგებებოდა მრისხანე ხელისგული, წყვილი ცრემლი მაინც წარმოსდინდა: ქვენასოფელი ცოტათი იმისიც იყო და, ენანებოდა.

ცაში შხივილით აიჭრა წერო, სხვისკენ გაფრინდა, პირქვე-სკირონი კი, ხელეზ და ფეხეზ ღონივრად გაშლილი, თავშემართული, გრძელი ვარდნისას არა ყვიროდა — იზმორებოდა.

პლუტარქე, ამბობს:

„მეგარის საზღვარზე თეზევსმა მოკლა სკირონი. მან იგი კლდიდან გადააგდო. სკირონი, საყოველთაოდ გავრცელებული გადმოცემის თანახმად, გამვლელ-გამომვლელთ ძარცვა-და; ზოგიერთის სიტყვით კი, უცხოელებს უტიფრად გაუშვერდა ხოლმე ფეხებს და, დამბანეთო, უბრძანებდა. იმ დროს, როცა უცხოელნი სკირონის ფეხების ბანას შეუდგებოდნენ, ქუსლს ჰკრავდა და შეუბრალებლად ზღვაში ჰყრიდა მათ. მეგარელი ისტორიკოსები არ ეთანხმებიან ამ გადმოცემას, სიმონიდეს სიტყვით რომ ვთქვათ, ომს უცხადებენ ძველ ამბებს და ამბობენ: სკირონი არც აუზაკი და არც ასეთი ურცხვი ვინმე იყო; პირიქით, იგი ყაჩაღთა დამსჯელი და კეთილშობილი ხალხის მოყვარე და მეგობარი გახლდათო. ეაკე ბერძენთა შორის უწმინდეს კაცად ითვლებოდა, სალამინელ კიქრევსს ღვთაებრივი პატივი აქვს ათენელებში; ხოლო პელევსისა და ტელამონის ვაჟკაცობა ყველასთვის ცნობილია. სკირონი კი იყო კიქრევსის სიძე, ეაკეს სიმამრი და პაპა პელევსისა და ტელამონისა, რომლებიც სკირონისა და ქარიკლოს ასულ ენდიდისაგან წარმოიშვნენ. ყოვლად შეუძლებელია, წარჩინებული ვაჟკაცები გავარდნილ არამზადას დანათესაებოდნენ და მასთან გაეზიარებინათ ის, რაც ყველაფერზე წმინდა და ძვირფასია ადამიანისათვისო. თეზევსმა, როგორც მეგარელი ისტორიკოსები დაასკვნიან, სკირონი მაშინ კი არ მოკლა, როცა პირველად მიდიოდა ათენში, არამედ უფრო გვიან, მეგარელთა ხელში მყოფი ელევსინის ალების დროს, როცა არქონტი დიოკლე მიატყუა. აი, ასეთი წინააღმდეგობებია სკირონზე გადმოცემულ ამბებში“.

სკირონი დიდ კუს არ უგემნია, პატარ-პატარა თევზებმა დალრღნეს.

ყოველად სასარგებლო ქალბატონო, დიდო სენიორა ანნა,  
მანიანი... —

სიყვარული არის.

1985 წ.

**ზღაპარი შედევრსა და იმის მასალაზე,  
ანუ**

**ჩ ვ ე ნ ი**

(ყმაწვილთათვის მოსათხრობი)

ჰკუა უხმარ არს ბრწყინათვის, ჰკუა  
ცოდნით მოიხმარების.

დავით გურამიშვილი

1

იყო და არა იყო რა, ღვთის უკეთესი რა იქნებოდა, იყო ერთი ჰკუა. თავისთვის იდო და იდო. აუვლიდნენ, ჩაუვლიდნენ, ვერცა ხედავდნენ, მაშ. იმასაც, შეუმჩნევლობისა დიდი დარდი არა ჰქონდა, მე ვარ და ჩემი ნაბადიო, ფიქრობდა. ნაბდად კი ერთი სქელი, დამრეცი, რეგვენისებრი შუბლი ჰქონდა, თავისი კეფითა. იდო ძველი და დაფლეთილი ჭილოფისეფ იმ თავის ტლანქ ციხე-სიმაგრეშია, აბა იმას ბროლის თლილ კოშკებს ვინ დაუხატავდა. უცაბედად თუ მიადგებოდნენ ჰკუას ხან აქედანა, ხან იქიდანა, აბაა გულის კარს ვის გაუღებდა, გულიცა ჰქონდა, დიდგულა იყო; თვალებიდან თუ გამოიხედებოდა, ისიც ძალიან ძვირად, თავის ნებაზედ ცქერა უყვარდა ჰკუასა, რასა ხედავდა და რას ვერა, ეგ სხვა ამბავია. სულ ეგონა რომ, მარტოკა იყო, არადა, თავისთანებში;

ყოველ ნაბიჯზე იდო. მოკლედ, ერთმანეთს სულ არა სცნობდნენ, რადგან ერთიმეორის მხოლოდ შუბლებსა ხედავდნენ ქვეები, თავთავიანთთვის იყვნენ, ზოგი ასეთი, ზოგიც ისეთი.

დროზე-დ იძახიან, ვერაფერი შეაჩერებსო, ალბათ მართალია. იდინა, იდინა ამ დროსა და, ამასა კიდევ, გამოკეტილს, მარტო ჭკვობა რას ეყოფოდა, აიღო და, მოსწყინდა. ისე მოსწყინდა, სუ დარდის ჭია ხრავს. გაიხედა ცოტათი გარეთა, თვალთ მიიარ-მოიარა რაღაცები და რულაცები, გახედა არესა, მარესა, ყურიც მიუგდო ვიღაცებსა, და აკი ზოგნი არ იძახიან? — ესა და ესა, შედევრიაო... აიშ შედევრებსა, არც წესი ჰქონიათ იმ ჭკვის დასკვნითა და, არც რიგი, ხან რო შედევრად ქვისა კაცია, მერე შედევრად ბუზიკა ისმის, ხან რო შედევრად ვარდქალები დაუხატნიათ, სხვები ყალამით გიშრის ტბაში იქექებიან, იმათგან ზოგნი ჩუმად არიან, ზოგნი კი ხმამალლა იძახიან გულდაგულ ლექსებსა. იდინა კიდე დროშა, იდინა და, ის ჭია მინამ სულ არ დახრავდა, გაიფიქრა ჭკვამ, მოდი, მეც ვიდენ და ეგებ შედევრის რამე მასალა მეც ვიშოვო, უმასალოთო, როგორ შეექმნიო, ქალამანი რომ ქალამანია, მასალა იმასაც უნდაო და, ამა სიტყვას, შედევრსა, როგორის წიწით ამბობენო, დროც ვერ წაშლისო, დროო, მოდი ერთი და, ეგებ იმის მასალას რასმე მეც გადავწყედე, მოდი ერთი და, მეც ვიდინო და ვიდინო. გამოძვრა გარეთ იმ თავისი შუბლ-სიმაგრიდანა, მზემ თვალი მოსჭრა, ველარაფერსა ხედავს, ისე კი ვრძნობს რომ დაპატარავდა, ერთი ბენოა, ციცქნა, სინედლე მაინც შერჩენია, აცეცებს და აცეცებს რაღაც საცეცებსა, ერთი ნაჭუჭიც ადგას სახლადა, სახლ-კარი აბა რომელს არ გვინდა, გადაიქცა, მოკლედ, ლოკოკინადა. მიდის და მიდის, ადგილზევეა. რისი მასალა, რა მასალა, თვალეში ველარ იხედება, რა დაინახოს, თუ მზე არის და, სულ თვალ-საცეცებსა სჭრის, თუ არ არის და, ბნელა. ვარაუდითლა, მაინც მიდის და, ადგილზევეა ისევ ისევ. აბა, სადამდის უნდა ეარნა, ერთხელაც იყო, დააბიჯა ვიღაცამ ფეხი. ნატვრის ძალა კი მაინცა შერჩა, ერთი ისეთი ჯავშანი მომცაო, ერთი ისეთიო, რომა... იმდენი ინატრა, იმდენი, მოკლედ, გადაიქცა კულა.

პატარა სული ამოითქვა, ლოკოკინასთან შედარებით, ფეხმალცი კია, მაინც ძლივსლა დაბაჯბაჯებს, უჭირს. კიდეე კარგი რომ, თვალთა სინათლე მაინც შერჩენია, მაგრამ რად გინდა, რა მასალას ეგ უნდა წააწყდეს, სულ ყოველ ჩქამზე სულ რაღაცები ელანდება, ჯავშანში წამიწამ თავს იმაღლავს, ზემოთ ახედვისა ეშინია, ეგრე ხო უფრო უნდა გამოთქვოს თავი, დაბლითურა გზაზე კი არაფერი გამოეპარება, ნელინელ მავალია. მაგრამ დაბლითურა გზაზე რა უნდა ნახო, ჰა, დიდი-დიდი, კენჭი? იჭმეინებოდეს მაინცა.

მასალის დარდი აღარ ჰქონდა, ბალახ-ბულახში თუ შეძვრებოდა, ის იყო შვება.

აბა, დიდხანს რა დაიმალება? წაადგნენ იმასაც შემალულ თავზე, აიღეს ხელში გადასცემენ ერთმანეთსა, სუ ხელიხელ საგოგმანები გახდა, ჟრიაშულით წაიღეს საღლაც, რა ეურიაშულეობდა, ძველი სახლივით გატრუნულიყო, შეიყვანეს რაღაც კეთილმოწყობილობაშია, სითბოც არი და ყველაფერი, ჯერ ვერაფერსა ხედავს, ჯავშნებშუა ჰყუნს, არის ერთი ჟივილი, ერთი ხივილი, არ ასვენებენ, აიღებენ, დაიღებენ, გადაატრიალებენ, ვაჰო, გადმოატრიალებენ, ვაჰო, გადააბრუნებენ ისეე ამობურცულ ზურგზედა, დააბზრიალებენ, თავს რეტი ესხმის, სულ აღარ იცის, საითკენა აქვს თავი, ვიღასკენა აქვს კული. ისეე, დამე დაილოცოს ჭკვისთვინა — რო შეეშვნენ და არხეინად მიწვ-მოწვნენ, ერთი ფრთხილობა იფრთხილა და, გამოაყიო მერე თავი, ხედავს რო კეთილმოწყობილობაშია, შემწვარ-მოსრაკულები უდევს, მაგრამ იმდენი გონი კი ეყო, ერთი ბაჯ, ორი ბაჯ, სამი ბაჯ და, სულ ბაჯბაჯით გამოიპარა. მიდის თათაკრეფით ეს ბეჩავი ჭკვა უცხო გზაზედა, ძლიერ ბნელა და, გაგებაში ვერ არი, ერთი იმითლა იმშვიდებს თავსა, რო თავისუფალია. რა-აო, რააო? თავის-უფალიო? თავისუფლებობანა კი არა, ბეჩავს, ბეჩავობაც აღარ აკმარეს, ბედშავი გახდა — დაეშვა ერთი წყევლისეფ არწივი, დააცხრა არწივისებრ, ჩასჭიდა ნალეს-ნალესი ჭანგები, აიტაცა მალლა და მალლა, თურმე უნდა რომ, ციდან გადმოაგდოს და ქვებზე დალენოს, ჯავშანშემომსხვრეული, გემოზედ მიირთვას მერე, იმსიდიდოზე აიტაცა, იმაზედ მალლა ატაცება სულერთი იყო. ახლა ჩვენთან, მიწაზედ, აღარ იკითხავთ რა ხდებოდა? გამო-



სულა ამ დილაადრიაშ სწავლული ვინმე თავის კოხტად შეკრეჭილ ბალშია, დაუსხამს ირგვლივ მონდომებული შევირდები, თავად ზეზე დგას, შუაგულშია, ჭკვას ირიგება, ასეო, ისეო, უფრო ასეო, არამცდაარამც უფრო ისეო, აუწონავ ჭკვას ირიგება დიდის რიხითა, ენით ისე მზეობს რო, სუ ხელებსა შლის, დიდ ამბავშია. მაგრამ იმ არწივსაც რო არა ჰქონია გამოზომილი ჭკვა? ლამის მარის-ვარსკვლავამდე რომ აიტაცა, შეუშვა მერე ჭანგები ამ ჩვენს ბედის მაძიებელსა და, ქვებისა ნაცვლად ეს ჩვენი ხვითო, სუ სივილ-შხივილით წამოსული, ზედ იმ ფილოსოფ არ დაეცა თავზედა? იმას ნულა იკითხავთ და, ამასაც აკი მართლა არ დაემსხვრა ის თავისი ნაქები საფარ-ჯავშანი? თანაც, ასხლტა და, შევარდა მერე თივის წოწოლა ზვინშია. იტრიალა, იტრიალა იმ ბეცმა არწივმაც შეშფოთებული შევირდების თავზე და, ხედავს, მიწაზე დიდი ამბავია, მირბი-მორბის ხალხი, იტრიალა კიდე, ჩაიქნია მერე ფრთა, სხვაგან გაფრინდა, ჯავშნებიან ჭკვას რა გამოლევსო, გაიფიქრა.

ეხლაა, ცოტათი დავისვენოთ.

## 2.

ჰოდა, გატრუნულია ეს ჩვენი საბრალლო ჭკვა თივის ზვინში, შედევერი და იმისი მასალა ვილასლა ახსოვს, დარდიან დღეშია. ჯავშნებშუა ხო კარგა იყო და, ახლა, უჯავშნოდ, უსაფარველოდა? — ეჰ... გავიდეს, სად წავიდეს, იმის შესანსვლ-შეხრამუნებას რა უნდა, ცარიელადა ჭკვაა. გატრუნულა და, არც იცის, დღეა, ღამეა, წვიმს? ადრე ეგენი სუ იცოდა, ადრე ამეებს მაინც არჩევდა და, ძრიალ მოუნდა ადრეობა, იხვეწება, იხვეწება როო, მაგრა: მოდი ერთი და, ვინცა ბრძანდები, მაქციე რაა, ისეე შუბლ-კეფის შორისი, მოდი რა, ჩემსა წილ მსრებზე მეც მატარეო, ჩამდე რა, ისეე, ადამიანში, ჩამდე რაა, რა იქნება ჰა, ერთი ეს შემისრულე და, შენი ჭირიმე, შენი სახელის კი ჭირიმეო. ისე იხვეწება რო, ისე გრძლად იხვეწიენება რომ, მოკლედ, სუ გაბმულ დაღადისშია. აბაა, არაფერი. მერე ერთი კი შეუცადა, მიაყურადა, ჩქამი არ ისმის, ეედარც დაღადებს და, ძლივი ლულლულით გაუფიქრა, აბა, რომელი არ შეემცდარვართო, მაპატივეო. აბაა, ისეე არაფერი,

ტიუილ-უქალოდ კი არ ვიძახით, არა, არ არიო. ჩაქინდრა ბედშავი თავი, მოიკუნტა, სდუმს, ველარცა წვალობს, აღსასრულს უცდის და შიგნი-შიგან ფინთად აზმორებს, ნელინელ ხმება. და სულ რომ გადაიწყვიტა ბედი, აკი მაშინ არ ჩამოესმა? — რა იყო, რა გინდაო. აკი ჰკვდებოდა? — ისე შეფრთხილდა, ზვინის კინკრიხოზე შემომჯღარი ბელურა სუ გულისხეთქვით სხვაგან გადაფრინდა, გაკვირვებულობაში მოვიდა, ამან კი, ჩვენმა, აი იმ ხმასა, რაოდა, შენი ჭირიძე, შენ გენაცვალე, ასე და ისეო, შამქმენ რა, ისევე, წუთისოფლის სტუმარ-ადამიანადო, რააო. ისევე გაიტრუნა, და პასუხი ჯერ ვერ კი ესმის, მაგრამ ხვდება რომ, გრძნობს, რო დასცქერიან, ათვალიერებენ, მოლოდინშია, ვედრებითა ჰყურს. იმან კი ალბათ იფიქრა, იფიქრა და, ორშაბათ დღესლა უთხრა, კეთილი, კარგიო, ოღონდ გრძელი გზა უნდა გამოიაროო. ისე გაეხარდა რო, მახლას, კარგიო, წამოუძახა. შეუწყურნენ, შესწყურნენ, გაგამახლასებო, შენს ენაზედ ილაპარაკეო. იკბინა ჭკვამაც თავის ზედმეტ ენაზე, შეცბა, მოიკუნტა, გატრუნულობაშია. რაღაცა ბრძნული ჩამოესმა, თაფლად ეღვრება, მაგრამ რად გინდა, იელისაა — ისეთი გრძელი გზა უნდა გამოგატარო, შენ და შენისთანა ჭკვებამა რო გამოიგონეთო, არ გინდოდათ არა, პირდაპირ ადამიანობა, ახლა მიდი და, შენივე ნებით იწვალეო... თხლაში — გადააქცია, მოკლედ, ცალუჯრედიანად.

...აი, რაღაცა კი არის, რაღაცას ვითომ კი წარმოადგენს, მაგრამ თავისი ნამცეცობით ვერა ხვდება თუ, ვინაა, რაა, სადღაცას კი არის და, არკი იცის, სადაა, რაში, აღარც ფიქრის თავი აქვს, აღარც განძრევის არაქათი, ძლივისლა იშმუშნება, მაგრამ იდინა, იდინა დრომა და, შეაწუხა ეს ჩვენი ცალფა უმოქმედობამ, უმოძრაობამ, ირგვლივ კი დიდი ამბებიია, რა აღარა ხდება ამ დალოცვილს ქვეყანაზედ, ერთგან რო ხმელი ყინული რბილდება და ლხვება, სხვა არე-მარეში ისეთი სუსხი ჩამონაცრისფრდება, სუ ალესილ-დალესილ ჭანგებიანი, ეს დედამიწა კიდე, ჩვენი, ბებერი, მაშინ თქვენსეფე ყმაწვილი იყო და, თანაც დიდი დაუდგრომელი — მთები ბოლავდნენ, მზე იკბინებოდა რო, როგორც რო ცეცხლის ჭინჭარი, სუყველადფერი ცვალებადობდა, ჰაერი კიდე, ხან ლურჯი იყო, ხანაც

შავი, სხვაგან წვენი და ალავ — წითელი, სანდისხანობით — თეთრი იყო და ააღა სულაც ველარა ჩანდა, ცას ვარსკვლავები გამოესხა? — იმსიდიდონი, როგორც რომ მუშტი, ზღვას კი სან გულის ძილით ეძინა ხოლმე, ხანაც ღმუთდა და თავის ჭურჭელში ვერ ეტეოდა, მოუნდა ამასაც, ცალჯად ბენავ ჩვენს წინაპარსა, ამოძრავება, ამოქმედება, გაიწლება, გამოიწელება, მიიკეცება, მოიკეცება, აბა, ისევ ისაა, უპაქნისი და ცოცქნი, უზინარი, ეული, კენტი, მაგრამ რაღაცა ჯადო-ძალა ამასაც ამოძრავებს, ბენავი, ბენავურად იღვწის, მაგრამ ტყუილად აბა რას ჩაუვლია, დაჯილდოვდა ცოტათი ესეც, გადაიქცა წყვილუჯრედიანადა, ახლა ორჯერ მეტი გასაქანი აქვს, წააწყდა რაღაც-რულაცებსა, თავის მსგავსებსა, მძებრებსა, შეითავისა, ხედავს რომ, უკვე ჰამებაა თუ რაღაცას ეძახიან, ისა, დიდ-დიდი ტანჯვა გამოიარა, ისეთი მიხვეულ-მოსვეული გზები, რომ უცაბედად ისევ უკანვე ბრუნდებოდა, ისევ ძველად აღვილას აღმოჩნდებოდა რაღაცის ნაწლიქარში, თავის გუბეში, ისევ ის საცოდავი, ძველებური; ბუნების ძალნიც სულ დაჰბლოდნენ, აბოლებული მთები სუ ცეცხლსა და ვაებას იტყორცნიებოდნენ, ქარი უბერავდა ისეთი რო, გაუკვალავში მთელი ქვეყანაც თან, გზად მიჰქონდა, ეს დედამიწაც, ყმაწვილისებრი, დაულაგებელი, აბორკებული, შიგან-შიგნიდან ტორტმანებდა, და სალი კლდეები იბზარებოდნენ, ავი გრუხუნით იშლებოდნენ, ტყე ზრიალებდა, ქვიშა იწვოდა, თოვლი თოვდა რო, რისი ფიფქი და რის ფანტელი — ცის კიდობნებზე აკი იძახიან, უძირთაო, ალბათ მართალია, დიდთოვლობისას, სადღაც მალლა, ძალიან ცაში, თეთრზე თეთრი ტყე ჭკნებოდა და სულ ზორბა ფურცლებად ჩამოდიოდა, წვიმა წვიმდა რო, მიწაში ჩაგიტანდა, თანაც გრგვინავდა, ელავდა, ქუხდა, და მაინც, მაგრამ, ესა, ჩვენი მომავალი ორფეხი, დღენიადაგ გაქრობისა და ალგვის შიშში, წვალება-წვალებით მაინც იგროვებდა რაღაცებსა, სად და სად აღარ დალოღავდა, და მიწამ ადამიანად გახდებოდა, რაც იმას გადახდა? — მტერ-კეთილისას, ადამიანისას, მოკლედ, მაგრამ იმასთან ერთად ჩვენ რად ვიწვალთ, ჩვენ ხო უკვე დაბადებული ადამიანები ვართ, ზოგი ასეთი, ზოგნიც ისეთნი და, არა სჯობიან, ცოტათი დავისვენოთ?

ცოტათი დავისვენოთ.

მაგრამ იმას რო დაესვენა არ ივარგებდა, რო დაშოშმინებულიყო, ჩვენამდე ველარ მოაღწევდა.

მოკლედ, ჯერ ვითომ ადამიანია, მაგრამ გაგებაში კარგად ვერ არი. მსრებზე თავი კი ადგას, მაგრამ კარგა ვერ შესდგამოსდის ჰაზრი. იმისი თავი და თავი და ჰაზრი საჭმელია, შედეგრი და იმისი მასალა ვილასლა ახსოვს, ტყეში ნაყოფებს დაეძებს, მდინარეში თევზსა, ფესვებსა ღრღნიან, იჩიჩქნებიან, ნადირ-ფრინველს ქვებს უშენენ, მოკლედ, დაარბეინებს კუჭი. მაგრამ დიდი სიფრთხილე კი ჰმართებს, ამას თუ საჭმელი უნდა, სხვებს შესაჭმელად ესა ჰსურთ — დააბოტებენ რალაცა დიდნი, დიდრონნი, ერთი ვაი-უშველებელნი, სახებს უმიზნებენ, გარბი-გამორბიან ესენი, ჩვენები, კიდევ კარგი რომ, მღვიმეები აქვთ, თავისი ჩამონაწურითა, რაიმე თუ დაედვენებათ, კლდის სახებში შევარდებიან, შეიყუებებიან იქა, კანკალებენ და შიათ, ცოტათი თუ დაიამებენ კუჭს, ერთიმორე მოუნდებათ, თანაც მსგავსი და თან განსხვავებული, ძუძუს დაეძებენ, ჩხავიან ბავშვები, აბა თავისით როგორ დაკაც-დაქალდებოდნენ, ალბათ მისჯილი გრძნობით უყვარდათ, ზრდიდნენ. დროზე-დ რომ იძახიან, მიედინება და ყველაფერი მიაქვსო, ცოტათი ტყუილია, რალაცებიც — მოაქვს, ისწავლეს ამათაც ცეცხლის დანთება, ნადირ-ფრინველის შეწვა, მეტის გემოთი ჭამენ, აღარ ეგლისებათ პირში ტახის ბალანი, ფრინველს პუტავენ და ისე სწვავენ, ამზადებენ ქვის დანებსა და საფხეკებსა, მახეებსა, შენიღბულ ორმოებსა, იგონებენ და იგონებენ ნადირისათვის ვაებებსა და თავიანთთვის — შევებებსა, ისეთი წვეტ-წვეტიანი რამეების გამოყვანა ისწავლეს, როგორც რო სიკვდილი, ახლა საჭმელი მეტი აქვთ და თავად კი შესაჭმელნი ნაკლებად არიან, იმ თავიანთი ყოჩაღ-ჭკვითა, სუ ერთნაირად გადააშენეს ის დიდნი, დიდრონნი, ერთი ვაიუშველებელნი, დღით წამოწოლის დროსაც კი შოულობენ და, აკი არ გაჰკრა მაშინ, პირველად, პაწუა შედევრმა? მიადგა მღვიმის კედელსა, ნახშირით ჰხატამს. ხარი არი თუ რა არი, უნდა რომ მუდამ ჰყვანდეს. ბეკეკოა თუ რა არი, ხანდახან ისე ნამღვილსა ჰგავს, ლამის კიკინებს, დედა-

კაცი თუ მოუკვდება და დაღვრემილობაშია, იმასა ძერწამს და იმას ჰხატამს, ვითომ აცოცხლებს, აკი იმ ძერწვამ არ ასწავლა თიხა? იმისი ფასი, თიხისა, აბა სხვა რა არი, გინდა, გრილია, თუგინდ — სითბოსაც შეგინახავს, რაც გინდა ჩააბარე და, მუდამ შენია. ამასობაში ხელკეტი და ქვა აღარა აწყობთ, გამოუგონიათ შუბი, მშვილდ-ისარი, იმათი შიშით ცაში ფრინველს ვერ გაუჭაჭანია და მიწაზე კიდევ — ცხოველსა, სთესავენ, იპკიან, მოიშინაურეს ფრთოსანნი და ოთხფეხნი, ართმევენ ცხვარ-ძროხას რძესა, ტყავსა, ზორცსა, ფუტკრებს — თაფლსა, ცხენს — სიჩქარესა, ფრინველებს — კვერცხსა, ბუმბულზედ სწვებიან, მოედინება ღრო, ვითომ ემატება ნაოჭები ჭკვასა, მაგრამ რათ გინდა, რომ მოიწყვეს კარგი ცხოვრება, უფრო არ დაერივნენ ერთმანეთსა? ჭკვაზედ ცოტათი აფრაკად არიან — განცხრომაში ხო იყვნენ და, მეტის განცხრომისათვის, ჩხუბს არა სტეხენ? აქეთ რომ ერთნი არიან, იქით — მეორენი, ზოგს მეტი აქვს და ზოგსა ნაკლები, რატომ იმას ისა და მე ისა არაო, ერთმანეთისა შურთ, რაკი პატარა ჭკვა დაიგულეს თავში, თავისი თავი ყველას სხვისა თავზე მეტი ჰგონია, აკი ბრინჯაოც უკვე იცინა, იქნევენ სჩლებსა, სხვას თუ დასცხებენ, სიხარულით აღარ არიან, სუ ბედნიერების ყიჟინას სტეხენ, თავად თუ მოხვდებათ, სტკივათ და არა ჰსიამოვნებთ, მაშ, იგონებენ ჯავშან-აბჯრებსა, მუზარადებსა, სამკლავეებს, საბარკულებსა, თავიანთი ჯოგი მოუწგელავი რჩებათ, სხვისას კი ბლომად მოედენიან, ოთხფად სწველიან და ცხრაპირ ტყავს აძრობენ, დაძლიერებულა ეს ჩვენი ძველი ჭკვა, ოღონდ ტანზედა, ჭკვის პირობაზე კი მეტად თხელია, განძლიერებულა ტანზედა და, მიადგება ვისიმე კარსა, აბრიალებს თვალსა, ჩამოჰგლეჯს სამკაულს სხვისა ქალსა, გამოივლის მოლსა, ჩამოჰკიდებს ცოლსა, მხლებლები რსეთს მორჩილებაში ჰყავს რომ, როგორც ჭიქაში წყალი, ამ ჩვენს ერთ-ერთ ჭკვას ვინ გაუბედავს რამესა, დღისით მზეს, ღამით მთვარესა, დიდრონ გულზეა, აზაყადა ჰქმენს და, გაიხედა და, აკი ტყვე არ არი? ვიღაცის მონა?

ცის კიდობნებისა არ იყოს, განცხრომაზედაც იძახიან, უძირაო, აკი იმის პატრონს, გამარჯვებებით გაპირქვევებულს, გადიდგულებულს, სულ მეტისმეტები არ მოჰსურებია?

წამოწოლილა ტახტრევანზე, დასტრიალებენ, შემწვარი გინ-  
და, მოხრაკული, მარილი, რამე, ამას კიდე შიან, ეწვის და  
ეწვის კუჭი, ფეხზე ძლივასა დგას, ნერწყვებსა ყლაპავს, ამას  
რო გუბის წყალი ენატრება, ის შარბათსა სომს, იმა პატრონის  
გულის მოგებას რო ყერად-ყერადი ქალები სუ ცეკვითა და  
სიმღერით ცდილობენ, ამას გონჯიც კი ზეფ არ უყურებს,  
არადა, ეს უფრო შესაჩედი და მოსულია, მაგრამ რათ გინდა.  
შეუჩქრებიათ ფარშევანგის ყრთა, იმას უჩიკებს, იმას აგრი-  
ლებს, სავად კი სცხელა, ისე ძლიერ შ.ლიმ.ლ უნდა უქნიოს,  
ჩამოწყვეტაზე აქვს მკლავი, მაგრამ ფარშევანგის ყრთას ვი-  
ლამ დააჯერა, ებღღარძუნია რაღაც თლილ ლოდებს, კარგად  
გამომწვარ აგურს აწყობ-ალაგებს ერთმანეთსედა, ორი მდი-  
ნარის შუა, მზის გულზეა და წურწურით დასდის ოფლი, ისე  
გამხდარა, ადამიანი კი არა და, ადამიანის ჩირია, და ვერა-  
ფერი შედავათია, იმასავით ძრალ სხვებიც რომ დაღონებუ-  
ლან, ძველი პატრონიც ამის გვერდითა წვალობს, გადმოუგ-  
დიით ფაფუკი ტახტრევანადან, თივა ენატრება წამოწოლა-  
დაც, შესაქმელადაცა, ახეც-დახედეს ერთმანეთსა, ესა, ჩვენი,  
უფრო გულზეა, მონობას უყრო შერვეული, და ამან, ჩვენმა,  
აილო და ჩააფარა თავში. ამის ქალები სხვებს უმღერენ და  
სხვისთვის ცეკვვენ, იგრეხენ წელსა, ნემსში ძვრებიან, ვი-  
ლაცებს ამაზე მეტი ჰკვა დაუგროვებიათ ქორთა თუ მოტვლე-  
პილ თავშია, თიხის ნედლ ფირფიტებზე რაღაც ჯადო-ნიშნები  
გამოჰყავთ, დიდის ამბით უჩვენებენ ერთმანეთსა, ამყად ჰმა-  
რცვლიან და ისე კითხულობენ, კომენტარ აკეთებენ, მუზაზედ  
არიან. აი, ხო საცოდავი და გაუგებარია ეს ჩვენი ესა, ჯაჭ-  
ვზე გამოზმული, ვერაფრის უზერში ვერ არი, და მიიცი, მაგ-  
რამ, გუმანით ხვდება რო, დიდ ქალაქშია, დასაფასებელში,  
შვიდ ბრძენს ჩაუყრია იმ ქალაქისთვის საფუძველი. ის ველუ-  
რები, წყალს ჯოგთან ერთად რომ ეწაფებოდნენ, მოუსოკნით  
და ამუშავებენ, აწვალებენ, იყენებენ რაღა, ლარივით სწორი  
ზღუდეები ამოუყვანიათ, ზედ მოუხატნით ლომკაცები და  
არწივქალები, სიმდიდრე აქვთ რო, მეტი არ იქნება, მაგრამ  
სიმდიდრის კიდობნებსაც აბა რა მასწვდება, გაიხედა და,  
თხლაშ, სულ სხვა მიდამოში არ არი? იქაც მონაა, იქაც უბი-  
რი, მაგრამ ზოგჯერ იმოდენა ოქრო და ვერცხლი დაუგ-

როვებით, სუ ოქროს ტახტრევანზედ ჯდებიან, ყვითლად უცვივლებათ ერთი ალაგი, განა თივა არა სჯობიან? მაგრამ თივისა რა იციან, ანდა იმისი სურნელისა, სუ ძვირფას-ძვირფასი ნელსაცხებლებით პყარან, შემოუხვევიათ დიბა-ატლასი, ფეხით სიარულს არა კადრულობენ, ამისეფ მონები მოჩუქერ-იმებული საკაცეებით სუ ციმციმ დაატარებენ, ეტლებიცა აქვთ ისეთი რო, სუ გრიალ-გრიალი გააქვთ, აბა ისეთურის პატრონს თითს დააკარებ კი არა, შეხედვისაც კი ეშინიათ, მზის შვილები ვართო, იბასიან, მზის შვილები არიანო, ერთხმად გაიძახიან ესენიცა, ხოდა, აბა, მიდი აბა და თუ ბიჭი ხარ, თვალი გაუსწორე მიწაზე ჩამობრძანებულ მზისმიერე-ბსა, იმათ კი, ცოტცოტებს, ისეთი ოქროები ჩამოუკიდნიათ, უფრო მეტად რო გაანათონ და, იჭიმებიან ნამდვილი მზის გულზედა. იმათი გულის საამებლად კი მიმსხდარ-მომსხდარან იმათ ქალაქში გრძნეულთითება ხელოსნები, მზე-განმ-გებლისთვის შედევრების შექმნას ცდილობენ, მეტის მონდო-მებით, იჩეჩქვავენ თითსა, იდრეკ-ილუნავენ ქედსა, იღამებენ თვალსა, მონდომებულობაში არიან, დააცქერდა ერთ უცხო სამაჯურს ესეცა, ჩვენი, ცოტათი შეუტოკდა ბურანში მძინებული ჭკვა, ლამის იყო და, გაახსენდა და მოუნდა იმასაც რაღაც-რაღაცები, პაწუა მუზამ იდაყვი გაჰკრა, რაღაც გაღ-მურად აფორიაქდა, უჩვეულოდა, მაგრამ ვინ დააცადა, გადაუტყლაშუნეს კბენია მათრახი. ჩასჭიდეს ქეჩოში ხელი, უბიძგეს, მიდი-მიდი შენი საქმე ნახეო, იმისი საქმე კი დუხ-ჭირებთან ერთად ლოდების თრევაა, წვალება, ვაება, ტანჯვა, აშენებენ და აშენებენ მზე-მბრძანებლისათვის სიკვდილის შემდეგაც განსაცხრომელსა, ისეთ ზორბა და ქვეურსა რამესა, დაბლა, მიწაზე რომ ძლიერად და ფართოდ გაბჟენი-ლა, შემოთკენ, ცაში, წვეტად აჩრილა, ძლივას აუწ-ვდენ მზერას. ჩამორიგებულან დიდ-დიდნი ქადაგნი, ჯერ ცას და იმის ჯილდო-ვარსკვლავთ აპყურებენ, უჭვრიტი-ნებენ ნამდვილ მზეს, ჭახჭახასა, მესხვადასხვიე ღრუბლებს, ეულ მთვარესა, მერე ამათ დასცქერიან მსუსხავის თვალითა, წინასწარმეტყველებენ ცვალებად ბედსა, აძრწოლებენ და ახა-რებენ დაბლითურებსა, პირშიმთქმელები არიან. მერე თავი-ანთ მდინარეს, ფართოს, ვეებას, ნოყიერს, შლამის უხვად ჩა-

მომტან ჰაპის მოწიწებით კი მიადგებიან, მაგრამ პირში აქე-  
 ბენ იმასაც, მაცოცხლებელს, ნაპირზე კრძალვით გამოსულან.  
 ეგ კარგი ჰქონდათ, ბუნების ძალთა პატივისცემა, მაგრამ გა-  
 ვიხედოთ და ხალხისთვისაც კი ზრუნავენ, აზრებსა ჰქმნი-  
 ან, თავიანთ ნამოღვაწარს ისლისებრ მცენარეზე ასურათხა-  
 ტებენ, სწერენ, ხალხზეც ზრუნავენ, მათ — იგონებენ და იგო-  
 ნებენ სულ-სუ ვარდისფერ კანონებსა, მაგრამ რათ გინდა, მაგ-  
 რამ იმდენი მოხელეები ჰყავთ, მინამ ის კანონი ხალხამდე ში-  
 ვა, იმოდენას ხელში გამოივლის, ლამის შევდება. ამას კი,  
 ჩვენსას, ვინ მოასვენებს, წამოიყვანეს ისევ აქეთა, ეგრე არ  
 უნდა პირამიდებ შენებაო, ისეთი გოდოლის წამოჭიშვია დაუპი-  
 რებით, ისეთისა, რო იმის მეშვეობით ღმერთსაც რო შეს-  
 წვდნენ, არიან დიდ-დიდ ამბებშია, მასალის მომარაგებაშია,  
 ტაბელ-უწყისის შედგენაშია, ხარჯთაღრიცხვაშია, გოდოლსა-  
 წევროების გადახდაშია, ანგარიშგებებში, თანამოსხენებებშია,  
 მაგრამ რამდენიც გინდა იწვალე, მიდი, რაგინდ დიდრონი  
 ამბები ასტეხო, ღმერთამდე, აბა რომელი ავმალლებულვართ,  
 ცოცხლებიდან მაინცა, ერთი იმანაც გადმოიხედა, რას ფუსფუ-  
 სებენ, რას მიედ-მოედებიანო, და ესენი რო შენებ-შენებით  
 სუ სიამაყის ყიჟინას სტეხენ, აილო იმან და, ეგრე არ უნ-  
 დაო და, განა თავს მესი დაატეხათ ან გინა ადრინდელი  
 წარღვნა, ან განა საძოვრები გადაახმო ერთგულ მზის ხელი-  
 თა, ან გინა ქარბორბალათი მიხვეტ-მოხვეტა ყველაფერი,  
 არა, უბრალოდ, ენები აურ-დაურია. მინამდე ხო ერთნაირად  
 პტიკტიკებდნენ, არა?, ესლა ჯერ გაოგნებულობაში არიან, ან-  
 გარიშგებებს რო სულაც თავი გავანებოთ, ერთმანეთს ველარც  
 კი ესალმებიან, ერთი რო ჰაუდუიდე-ს გაიძახის, მეორე ბა-  
 რევეს-ს აგებებს, მესამე რომ ჭ-ს ვერ ამბობს, მეოთხეს ჭი-  
 ჭიკო ჰქვიან, ვერა ესმით რა, ბრიყუბივით შესცქერიან ერ-  
 თმანეთსა. ერთიმეორე სუყველას გიჟი ჰგონია და, ლამის  
 არი, თავადაც დაგიჟდნენ, პნერვიულობენ, აღარც თქვენი გო-  
 დოლი გვინდა და არც არაფერიო, ვილუპებით და არიქა, ჰა-  
 რიქაო, ერთი კი დაჰკრეს ფეხი და, დაშინებულები, ვინ საითა  
 და ვინ საითა, ისე დაიქსაქსნენ, სულ კეფაზე ირტყამენ ქუს-  
 ლსა.

ნუ შევისვენებთ, რაა? — შესვენებამდის, ცოტაც მაცალეთ,



რაკი აქამდე გისმენ-ვითმენიათ, არ დაგჯარგოთ და შესვენე-  
 ბაზდის ძლიერ მოკლედ გაამბობთ ყველაფერსა — მოკლედ,  
 სანამ თავის ალაგას აღმოჩნდებოდა, რაც იმან იწვალა, მტერს  
 არ ვუსურვებ, მოკეთისათვის მინდა, ბევრმა არ ვიცით წვა-  
 ლების ყადრი, თუკი გავუძლებთ, უი ჰო, მართლა, მოკლედ  
 — ახალ-ახალ ცივილიზაციებ დაეძებდა და პოულობდა კი-  
 დეც, მაგრამ, უმეცარი, სხვების ქალაქებს იღებდა ათასნაირის  
 ხრიკით და ხერხითა, ხის ცხენშიაც კი მჯდარა, გატრუნული,  
 მრავალნიშბება ხომალდით დაცურავდა მოდიდო ზღვებზედ,  
 და ჭრელი ცოდვებიც თუმცა ბლომად ჩამოჰკიდნოდა მაღალ  
 კისერზედ, მაგრამ მარმარილოს შედევერებშუა დაიარებოდა,  
 კიდევ მოუნდა რაღაც თავისის შექმნა, აქაჟა ჭკვა და, ერთი  
 პირობა ქვისმთლელადაც დადგა, მაგრამ ვინ მოასვენებდა,  
 ვინ ტიალი და თხერი, ის გადაკიდებული ჩალმოსნები მაში-  
 ნაც, იქაც კი ებრძოდნენ, ურჯულოები რომ ყოფილიყვენენ,  
 კიდევ რა უშავდა, ავრჯულიანნი, მაინც რარიგ ბნელები იყ-  
 ვნენ, რა ღვთის წყევლა, და ესეც ებრძოდა, თავისუფლების  
 მოყვარული, უშიშარი, კუნთებდასხმული გმირი, ბრძოლაში  
 გმირი მერეც კი იყო, მარადიულ ქალაქში მოხვედრილი, მაგ-  
 რამ იქ, იმოდენა ფუფუნების შემყურეს, წყვეტილ-წყვეტი-  
 ლი მშვიდობიანობისას მეტი მზაკვრობაც შეერია, უფრო ქვე-  
 ბუდანი გახდა, თავისი ჭკუით აძალღება მოჰსურდა ყმაწვილს  
 და, იქ რო ერთი მოატყუა, იქ მეორეს ფეხი დაუდო, იქ მე-  
 სამეს ხამხამი ჩაუყარა, იქ მეშვიდეს გული მოიგო, იქ მეთეს  
 აამა, იქ მეთექვსმეტეს მეჩვიდმეტე მიუსია, იქ მერამდენიმე-  
 ლაცეს საჩუქარი მიართვა, საჩუქარი არაა, ჯანდაბა და დოზა-  
 ნა, უფრო ნამდვილი სიტყვით — ქრთამი, და, გავიხედოთ და,  
 სენატში არ გამოგვიმულა? იძახის და იძახის წონიან სიტყ-  
 ვებსა, ჭკვაში დასაჯდომ აზრებსა, ხან ვის მხარეზეა, ხან კი-  
 დეც ვისზედა, გააჩნია თუ, საიღამ უბერავს ქარი, მოკლე შეხე-  
 დვით, ყველაფერი აქვს, ქალი იმას არ აკლია და ჯიგრის ყა-  
 ურმა, შეუძენია ცოდნა-განათლებაცა, სიტყვები აბჯრად ახვე-  
 ვია, მახვილადაც და სანდღებადაცა, არც ტანთ აკლია და არც  
 ფეხზედა, მატერიალისტიცაა, ჰიდუალისტიცა, განცხრომაშია,  
 რაღა, ერთსიტყვით, ბნელ ღამეშია, მაგრამ ყივილ-ყივილით  
 ჩამოცვივდნენ, მაღალ მთებიდან აღიზნებულნი ველურები,

შენს სწავლა-განათლებას რას დაგიდევენ, დააცხრნენ იმათ ქონებას, დაეწაფნენ იმათ ქალებსა, იმათსას ჭამენ, იმათსას სვამენ, ძლივას აბრუნებენ თანხმოვნებიან ენასა, გაეცალა იქაურობას ესა, ჩვენი და, მიიარ-მოიარა სხვა ქვეყნებიც, ხან შავი იყო, ხანაც ყვითელი და თეთრი, მერე კი შედგა, შეჩერდა, გაყურდა, ფიქრობს.

ესლაა, ცოტათი დავისვენოთ.

#### 4.

აი, ბევრი რამ ხომ ადვილია, მაგრამ ნატვრისთანა ადვილი არაფერიც არ არი. იმედიც მოაქვს, წარმოდგენაცა, ნუგეშიცაა, და უფასოცა. აემას, ჩვენსას, შემდგარს, შეჩერებულს, გაყურებულს, რაღა დარჩენია, სდგასა და ჯერ ფიქრობს. რაგინდ გზები არ გამოეარნა, უთვალავი გზა მაინცა რჩება, უფრო კი ოთხი — ერთი პირდაპირ, მეორე უკან, მესამე და მეოთხე კი მარჯვნივ-მარცხნივა. მაგრამ აკი სუ წინ-წინ არა ვცდილობთ? დაადო ამანაც თავი, იარა, იარა, გაცვითა რკინის ქალამნები, აწვიმს და ათოვს, ხან ისე სცხელა, კანი ებზარება, ხან ისე სცივა, სუ გონება უჩამიჩდება, ჰშია, სწყურიან, დაოსებულა, ნატვრის თავი კი მაინცა აქვს, ადაპყრო ერთხელაც მზერა, ისვეწება თუ, მოდი რა, ერთი გადმომხედე, კარგი ქვეყანა მიმასწავლე, ერთ ისეთ კარგ ქვეყანაში დამსვი რა, რო საჭმელიც მქონდეს, სასმელიცა, რომ არ მომწყინდეს, ზაფხულიც მინდა, ზამთარიცა, ოღონდ რო ძაან არცა მცხელოდეს და არც გავითომოო, სახლ-კარი მომეც, ქვა შემომარტყი გალავნად, თიხა დამხურე თავზეო, ფიცრის იატაკზე მატარე, უი პო, ტყე ახლო მქონდეს, რო ზაფხულობით ჩრდილიან-გრილიანში მოვისვენო, ზამთრობით კი ბუხარში ცეცხლი მიგუზგუზებდესო, ხარ-კამეჩები დამიდიოდნენ, ნახირი და არვე და ფრინველთა დასტა უღევად მყავდეს, რძესა და იმაზე უკეთესს ვსვამდეო, ჭვავის პურსა და იმაზე უკეთესს ვჭამდეო, მთაც კი მინდა და ბარცაო, შენი ჭირიმე, შენი სახელის კი ჭირიმე, რა, ღმერთოო. მერედა, ეგეთი ქვეყნის შვილობა რომ ძნელი იქნებაო, ჩამოესმა. აიხედა და, მაგრამ ლამეა, ვერაფერს ხედავს. მაინც ასძახა, ძნელი აბა რად იქნებაო.

რადლო და, შენი ხვავისა და ბარაქის შორიასლოდან შემყურენი, დაგესევიან, დაგეხვევიან, შენც, შენი მიწით, იმისი პატრონი, ცოტაოდენი კუდაბზიკაც იქნები და, მოგერევიან, დაგეხვევიანო. დამეხვიონო, ხმალს თუ მომცემო: ხმალს როგო არ მოგცემ, მაგრამ ბევრნი იქნებიანო, იყვნენ რა, დიდი ამბავიო. აიი, უკვე თავი ქუდში გაქვსო, იცოდე, გაჭირვებისას შენსავით მუყაითი არავინ იქნება და უგაჭირვებოდ კი შენისთანა მცონარა არსად მიეცემა შენებრ განცხრომასაო, მთავარია რო, გაჭირვებისას არ გამცონარდეო. ესა კიდე, ყურს ველარც უგდებს, თავისას გაიძახის, წარმოდგენებშია, რად არ მექნება თავი ქუდშიაო, რაც მე სახნაჯი, სათესი, სათბობი, ფრინველი, ცხოველი, ხმალი, რამეო... ერთბაშად შეცბა, გაიტრუნა, აღარავინ ეხმიანება, არაფერიც სჩანს, ეს სად შევტოპეო, მოუნდა უცხო საუბრის გაგრძელება, გისმენ, გისმენო. აბაა, ჩქამიც არ ისმის. ეს ჯერ გულს არ იტეხს, რაკი ერთი დამხედა, ესე ბნელში როგორ დამაგდებსო, გისმენ, ბატონო, გისმენ, გისმენო, აბაა, ისევ და ისევ არაფერი. იმდენი იძახა, ლამის თავზე დაათენდა, სუ ცოტათი დაიბზარა ცა და, მაინც დაიძრა, მაინც იარა, ეგებ, ეგება, ეგების შემხვდესო.

ღმერთს კი ვერა და, გამთენიისას, ღვთისმშობელს შესვდა. ანათებს, ანათებს. დილის რიჟრაჟში გამოსულა, სპეტაკია რო, როგორც რო თვითონ. შეგვიცბა, ჩვენი, ხმას ველარ იღებს. ეუბნებიან წყნარის ხმითა, შვილო, რააო. მიშველე, დედი, ერთი ისეთი ქვეყანა მომე, რო სუ... გააწყვეტინეს ამო ხმითა, ჩემი წილხვედრი ქვეყანა გინდაო? როგო არ მინდაო, ლამის შეჰყვირა, სად, ან საითკენ წავიდეო. მანდვე დგეხარო, უთხრეს.

და, დააყივლა კიდეც მამალმა.

საქართველომდე რახან მოვედით, ესლა ხშირ-ხშირად დაგასვენებთ.

## 5.

ყვილ ვერე არ უნდაო, გამოდინდა და გამოდინდა სახლეშიდან ხალხი. ჯერ კარგა ვერ ჩანან, მაგრამ როგორც რო ყველგან, აქაც ზოგი ჯეილია, ზოგიც ხნიერი და საშუალო.

იფშენეტენ ნამძინარევ თვალებსა, პირზე წყალს ისხამენ, ფრუტუნებენ, ჯერაც ბინდ-ბუნდია, როგორც რომ მიწიდან, ისე ნელინელ იჩეკებიან და მკაფიოვდებიან კოსტა სახლები, უბრალო ხელით მოჩუქურთმებული აივნებითა, ძროხებს ედენებთან, ჰამო, ჰამო, მიბაჯბაჯებენ მწყობრი ბატები, მიძღვარა ერთი თვალდასუტული კამეჩი და, ღობეს ძლიერ ეხახუნება. რაღაცა ერთი ტყრუშული ღობეა, მაგრამ როგორღაც მშობლიური, და ძაან გულდაგულ შესწყრა კამეჩსა, ჰაი მე კი შენი შობელი პატრონი კი ჰაიასე და ისეო, აკი გინებაც არა სცოდნია? — გადაუჭირა იფნი სახრეი, ხელთ საიდანა ჰქონდა, ნეტა. დაღლილია რომ, ქუთუთობის დამაგრება უჭირს. რაც არი არიო, შევიდა იმღობიან ეზოში, მაგრამ რასა ხედავს, ნაგაზი წამომხტარა იმსიდიდო რომ, უცებ მოზვერი გეგონება. გამოქანდა ამისკენა და, ამას რომ გულმა ოფოფი უყო, არ მიელაქუცა რომელიღაც ფესზედა? ჰაი მე კი შენიო, იმასაცა, ამაან, მიაზილა მეორე ფესი, გაიძურწა ის ძაღლიც ძაღლისეფე, აჰანა კიდე, ისევ რაც არი არიო და, შევიდა სახლში.

შევიდა სახლში და, ისე იქცევა, ვითომც დიდი შინაურია — წაიძრო მთლად დაცვეთილი, ტყავად ქცეული რკინის ქალამნები, კუთხეში მიჰყარა. თვალეები თუმცა კი ებლანტება, მაგრამ ხედავს რომ, აქეთ დედაკაცი წევს, იქით კიდე ბაღლები, რვანი თუ ცხრანი არიან. დაახილა თვალეები ქალმა, ერთი კი შეხედა, გადაბრუნდა მერე ფიცრის კედლისკენ, მოიწყინა რომ, როგორც ატმის ხემ ზამთარში, ნიკაპი მკერდზე დაიბჯინა, გულდათუთქულმა სადღაც თავისი უბისკენ იკითხა, კიდე იმასთან იყაო? აბა რას ამბობ, ქალოო, შემასა ვჭრიდი, ტყეში დამიღამდა, ხეზედ მეძინაო. ვიცი, ვიცი მე შენი ხეო, ტახტის ხეზედაო, არაო? აბა, რას ამბობ, რას ამბობო, ისე იმეორებს ესა, ვითომც დიდ-დიდ სიტყვებს მიაგნო, თანაც ტანთ იხდის, ფოთლებიან ხეზედ მეძინა, აბა მგლებ ხო არ დავეგლეიჯინებოდო. ჰაი, ეგ სოფლის ჩამქრალი ნახშირ-მამხალა ეგაო, ქალმა. ვინ მამხალაო, რა მამხალაო, აბა რას ამბობო. ვინა და, ის შენი ყვაგ-ტურფა ფეფელოო. აბა რას ამბობ, გენაცვალეო, თბილა მიუწვა გვერდზედა, მაგრამ რილასი მაქნისია, ფერფური სუ ძილისკენ მისდის. გადმოაფოფხდა ის თავისი ქალი, ჩაიცვა ბველმანები, და მინამ გავიდოდა, მაშ

აბა შეშა სად არიო. ამანაც, ლულლუღითა, თავისი ჭკუით ვითომც იხუმრა, ხელი გაიშვირა და, მაშ აბა სუ შეშა არ არი იმოდენა ტყეო? და, ესა, ჩვენი, ქოქოლას ვიღამ დააჯერა, ხუმრობა ეგრე არ უნდაო, ქალმა და, ერთი ისეთი ჩააფარა, სუ ციმციმი ნაპერწკლები გააყრეინა, ამანა კიდე, მოქანცულმა, მუთაქაზე ხელის ზურგი დადო, ხელისგულზე კიდე — ლოყა და ჯერ რო ჩვილივით მიიძინა, მერე და მერე, ეშხში შესულმა, ისეთი ლაღი ძილი გამოაცხო, სუ სიხარულით ჰქმენდა და ჰქმენდა, მაგრამ აკი სიხარულმაც ხო იცის დაღლა? — შვებით მიყურდა და ისეთ გულის ძილს მიეცა, ისეთსა რომა, ლამის აღარა სუნთქავდა და, გაღვიძებამდე, ერთი-ორჯერ კინაღამ გაიპარა.

არც ჩვენ გვაწყენს რო, ცოტათი მოვისვენოთ, ოღონდაც ნურსად გავიპარებით.

## 6.

როგორც იყო და რო გაედვიძა, ხედავს, მზის ჩასვლას ბევრი აღარაფერი აკლია. უქმად რომ იწვა, ამისი ცოტათი კი რცხვენიან, მაგრამ ბურანიან თავ-ტვინში ჯერ მაინც აზმორებს და, ესეც იზმორება. გაუჭირდება თუ რა, ქართველია, განცხრომაშია, რაღა. მაგრამ უცებ ეგრევე წამოხტა, ისეთი შერცხვა. თან ტანთ იცვამს და, თანაც სარკმელში იხედება, ნეტა მაინც სადა ვარ, ნეტავი სადაური ვაარო. ახლა, ქართველია, ენასაცა ჰფლობს და სუყველაფერი. ოღონდ ჯერ კარგა არ იცის ესა და, ერთი სული აქვს, გარეთ გავიდეს და მზის სინათლეზე მიიხედ-მოიხედოს. მაგრამ ჯერ შიან. ჩაიხედა ჯამში, პურის წვენი დგას იქა, კიდევ კარგი რო, კონწოლი მაინც დაუტოვებიათო, შესვა, ეამა, გამოვიდა გარეთ, მიეფერა ძაღლსა, წავიდა, წავიდა და სოფლის განაპირას ერთ ბუჩქში შეიმალა, იქიდან იჭყიტება.

კვამლადენილი სოფელია, მშვიდადა ბოლავს. ხეები ამოსულა ისეთი რო, ნაყოფიანი. სახლებია ისეთი მადლიანი რო, ხორბლით ნაკვები გეგონება. დეღე ჩამოდის რო, გულისას ჩუხჩუხებს, წისკვილი ხმიანებს რო, უთქმელის ენით ლაპის ზღაპარსა ჰყვება, მდელო მოჩანს რო, რამდენიც გინდა ზედ

სიყვარულით იკოტრიალუ. სოფელია რო, სიცოცხლესავითა და, გასაფრთხილებელს, ალაგ-ალაგ აკი გუშავებვიით დასდგომიან წოწოლა ძნები. აღზევნის მხრიდან ჩოკინა მოდის, ძალიან მლაშედ დატვირთულია. ალაგ ქათმები იქექებიან, ალაგ — ცხენი სძოვს, ჭიხვინი ისმის. წყაროსკენ მიდის მხარკოკიანი გოგო-თებრონე, ზურგზე ნაწნავი აყრია, სიმსხო მოყმის მკლავისა, წარბებქვემოთ თვალები აქვს, საწერელი კალმისა, აქეთ-იქით ლოყები აქვს, საკბერები ვაშლისა, შაოსან დედას ფრთხილად ჩაუვლის, სამფეხა სკამზე დამჯდარა ქალი, თავისაზედ სდუმს.

სოფელია რო? — მზის გულზე კარგა გაფენილა, სოფელია რო, გული რეჩხს გიზამს, სოფელია რო, აჰ, ნეტავი ხატვა მამცაო, ინატრებ. ხატვა რად გინდა, ოხერ-ტიელო, ისედაც თვალწინ არა გაქვსო? არა, ეგების შეიცვალოსო; სოფელს რა შესცვლის, მარტო მტერი და დუშმანიო. დუშმანს რა უნდა ამ დალოცვილში, იმისი ადგილი დილეგშიაო. პოოო, პოო, ეგრე იძახე და, იძასაც ბლომად ნახავო. ეგ როდისაო. მემრეო. ჩქარა მემრეო? იჯექი, იჯექ, იყურე, იყურეო.

იყურება კი არა, წყვილ თვალად ქცეულა, არადა, დაღამებას ბევრი აღარაფერი უკლია, ჰაერი მდოვრდება, ლურჯად ბუქდება, შემოდინ და შემოდინ სოფლად გარე-გარე დაღლილნი, მხნენი, მსარზე ზოგს ბარი გაუდა, ზოგსაც ცელი და ნიჩაბი, ჭიშკრებს შეპბლავიან ძროხები, აკი თებრონეც არა ბრუნდება? ოლონდაც კოკა მხარზე აღარ აზის, ეტყობა სადღაც გასტეხია, აბა რა იმისი საქმეთუ რა, კოკების ზიდვა, წესით სუ მზეზე უნდა იდგეს და მრდილიანიდან უნდა უყურო, ლოყებ შუა ტუჩები აქვს, საკოცნელი თაფლისა, ტუჩებ შიგნით კბილები აქვს, ბროლისა და ნათლისა, მაგრამ იმათ შიგნით ენა აქვს რო, ჯეილთ გულის დარდისა, ისეთებს გეტყვის რო, გულში შავად კორიანტელი, ისე ადვილად ბინდდება, კოხტად, მაგრამ ბუნებისათვის ესა, ამის გულში კი ნალველი არი. სწველიან ცხვრებსა, ძროხებსა, თხებსა, ტყიდან სუ მგლები იმზირებიან, სოფლის კაცები ტაბლასთან მიმჯდარან, და სამი თითით ჯერ პირჯვარს იწერენ, მერე ისევ იმ სამი თითით ჯამიდან საჭმელს იღებენ და კუთვნილი ლუკმით ილუკმებიან, თაკარა მზეზე ოფლად დაღვრილ-

ნი და გამომშრალნი, ახალი დღისთვის ივსებთან და იტვირთებთან. ისეც გადაღლილნი, ტაბლის პირას დამძიმებულან, მაგრამ ჯერ მაინც არ ეძინებათ და, ყასიდად წვანან, და აკი ესეც არ წამოწოლილა, ჩვენი? ყველაზე ჩვილ ბაღს ითამაშებს გულზედა, უყვარს, უყვარს რო, ლამის შეყლაპოს, გალაღებულა, ძალიან კი ეაღერსება, მაგრამ რას ატყენს, თითები ისე განაზებია, როგორც ფაფუკი. მალულად კმაყოფილია ცოლი, ემ თავის ქმარ რო შვილები უყვარს, ოღონდ იმისებაც რო არიან, აღარა ახსოვს ესა, მარტო თავისები ჰგონიან, დედურადა, მაგრამ ბაღს უკვე თვალები ებლიტება, მივა და გამოართმევს ნაბოლარას, აიღებს და დადებს ცხვრის ტყავებზედა, ხელებს ჯერ გააყოლებს პატარა კბაზე ესა, ჩვენი და, მერე ხელისგულებზე გაკვირვებით დაიხედ-დაიცქირება, ნეტა საიდან ამოდენა კოჭრიო. მიყუჩებულა, წევსა და ქერში იცქირება, რას დაინახავს, ერთი სუსტი კვარილა წრიატებს, თავის თავსა სწავს, ისიცა ჰქრება. დაბლა დაძირულ სხვა სახლებშიაც, ირგვლივ, ამასავით დამძიმებულნი, უგულოდ წვანან უქმურს ტახტზედა, საარკმლებიდან კი ღამე ჩამოჰყურებთ, ისეთი ბნელი, ისეთი დარდღამფენი, მყარი, რო იმისი გაბზარვა მოგინდება, ისე ძალიან მოგინდება, მეტი რომ აღარ შეიძლება და მერე კი ისე უფრო, მინამ სუყველას დიდი გულები არ ამოუჯდებათ და პირველი დიპლიპიტო ამოყვინთავს გარეთ, შესაბრძოლებელ ღამებნელში და, ისე გამეტებით დასცხებს და დასცხებს იმ თავის ნაქებ დოლსა, გეგონებათ თუ, აიმ კუნაპეტს ცემითა ტუქსავს, გამოღის და გამოღის გარეთ გლესკაცობა, ხალხი, მოაქვთ მაშხალები, ჩირაღდნები, ტყისპირა მოლისკენ მიდიან, გრეხვით აწეწილ კოცონს ანთებენ შუაგულში, იქაურობა სუსტად მჟღავნდება, თანაც იმათი დიდი ჩრდილები ისე როკავენ და ფეთქდებიან, სუ ხიდან ხეზე და მალლა ხტიან, ესენი კი ერთ წრედ შეკრულან, კოცონს ირგვლივ სუ ფერხულს უვლიან, კაი ახლო-შინაურივით ჩამდგარა იმათში ესეცა, ჩვენი, ხალხსა და ჯამათში გარეულა, მხრებ-წელზე კოხტად მოურგია ცისფერი მოვის პერანგი, შვიდგან შეკრული ღილითა, თანაც ძალიან ითვალთვალება, და უფრო და უფრო რო ჩასცხო და ჩასცხო თავის დოლს დიპლიპიტომა, ჯგუფებად ჩამოდგნენ, უფრო ჩაუქნი დარჩნენ

თვალწინა და, იმათ ცეკვა და თამაში სცოდნიათ რო? არა, ძმო, არა, ამათსავით ვერსად ცეკვავენ სსვაგან, ისე სცეკვავენ და პათამაშობენ, სუ ფეხის ფრჩხილებზედ დგებიან, ფესებზედ თამაშს ვილა გაჯერებს, ტყუპ-ტყუპ მუხლებზე ბზრი-ლებენ რო, რომელია მაქო და რომელი ციბრუტი, სულ ვერ გაარჩევ, ცეცხლ იყრეინებიან, ესა — ვაჟები, ქალები კი ლამის არი ისე დანაზდნენ, ისე ინარნარებენ ტანსა, ისე ტურფად არხევენ მკლავებსა, ლამის მაჯებში გადასტყდნენ, მერე კი ორნი, ყველაზედ რჩეულნი, სხარტის გოგმანით ეცეკვებიან ერთმანეთსა ცანგალა და გოგონა, რანი ყოფილან, ეს რეები სცოდნიათ, კაცოუვ, და, ესა, ჩვენი, სულს ძლივსღა ითქვამს, თურმე ესეცა არ თამაშობდა? და, კიდევ უფრო გასაკვირველი — ახლა სიმღერებს აღარ იტყვი? დაუღიათ პირები და ამოსდით და ამოსდით შიგანშიგნიდან ერთ, ორ, სამ და კიდევ მეტმეტ ხმიანი სიმღერები, ისე მღერიან, ტანში დაგბურძმკლავს, მოუნდებათ და, შორეულ მთებს აზანზარებენ, ლილე, ლილეო, ისურვებენ და, მოლს ფიანდაზად ეფინებიან, წინწყარო გადმოვიარე, წინ შემხვდა ქალი ლამაზიო, ოო, ეეო, მოიწადინებენ და, ამ შუა ზაფხულში ისეთ ჭარბ ზამთარს მოგართმევენ სამხმიან მათლაფითა, ისე მღერიან — ზამთარია, ზამთარიააო, არ დაუჯერებ? — ისე დაუჯერებ რომ, კოსტად, ინებებენ და, სანადიროდაც კი წაგიყვანენ, სამლულიანის თოფითა, ისე გჯერა რო, ესეცა, ჩვენი, შვიდ გურჯანელში მესუთე კაცად წამდგარა, აიხირებენ ვინმესა და, იქ უნდა ნახო იმათი ენის სიმღერით ფხანა — ქუდი გვერდზე დაგიხურავს, ამპარტავანსა ჰგაძვხარო, მოკლედ, ისე დაგვიბნიეს აესა, ჩვენი, გაკვირვებისაგან სუ პირი დაუღია, მაგრამ ტყუილ-უბრალოდ კი არა — თურმე ესეცა მღერის, მოგუდულ ბანს ამბობს, და ახლა მთავარს, აიმათ არიგებულ-ჩარიგებულ სიტყვებს აღარ იკითხავთ? ენის კიდობნებზედ რომ იძახიან, უძირთაო, აღბათ მართალია — ლაპარაკი იციან რო, რისი ჯავშანი და რისა მახვილი, რაღას არ იტყვის იმათი ენა. მაღლა მთას მოდგა უცხო ფრინველიო, აქედანა და შენამდე, ვარდი მასხია ყელამდეო, ცალხელით დოლაბი მიაქვს, ცალხელით ნიაჭქარობდაო, იქა ზის ქალი ლამაზი, თავის თმისაგან ბნელიაო, ჭაღლას ჩიტი მამკვდარიყო, დიდ ქვაბში ვერ ეტეოდა, პატარა-



ში კარგად იყო, ნეტავი, გოგო, მე და შენ ერთმანეთს დავ-  
ვატოლო, პირიდან ცეცხლსა მენად ჰყრი, კლდეა ადნობ ბას-  
რი კლდისასაო, ლექსო, ამოგთქომ, ოხერო, თორე ვკება  
ვკედებოდეო, არ მაიშალა მაიკომ შავი თვალების ბრიალიო,  
ჰეჰ, ბეზავ გრატიაშვილოო, და ასე. ბაღლს თუ ეფერებთან,  
მეტის სიყვარულით სუ ძაღლო, ძაღლო, შე მფერებელდად-  
ლოო, ეუბნებიან, პირთ მარგალიტი ულაგიათ, თაფლად გად-  
მოსდით, ისე მოჰყვებიან ფერად ამბავს იმ თავისი ავურ-  
კრამიტა სიტყვებითა, აი შენ თვალწინ იმათ სიტყვებით სუ  
სასლი შენდება და მერე როგორი, თვალთ არა მანს შავრამ,  
დიდი ამბავი, საქმე საქმეზედ, ქვიტიკრია.

მიმდგარან ასლაც კოცონთან და ისე გემრიელად მას-  
ლაათობენ, ერთი სული აქვს, დაცქვეტილ ყურებად იცქის,  
მაგრამ ერთი ქალი წამიწამ თვალს უშერება. თვალს უშერება  
თუ, განზე გამოდით. ვინა ბრძანდება და, ციბრუტანთ ფეფ-  
ლო. აესა, ჩვენი, ჰატარათი ჭკვა, ჯერ ვითომ ვერაფერსაც  
იმჩნევს, ისე კი ერთი სული აქვს განზე თარეშისა, ჩვენსაზე  
სულ არა სჭრის მეზობლის ქალს ხელს ნუ ახლებ, ისიც ში-  
ნაურიაო. მეზობლობაც იცის ამისმა სოფელმა, პატიოსნად ერ-  
თგულებად და სუყველაფერი, ერთი ესა ჰყავთ ვერანი. და კი-  
დე ეღუპო. ელპო ამაზედ ოხერია და ქვეშქვეშა. მიღება, მოღ-  
ება და ქალებს უკანადამ ყურებში სუ მხაკვრობებს მასწუ-  
რულებს. აიი, ეხლაც, ამოსდგომია თავდახრილ ქალსა და, კო-  
ველავის თაფლი კი არ გადმოსდით მარგალიტიან პირიდანა,  
ახლა ეს ელპო ქალს კუბრს აწვეთებს, ქალაუ, შენ რო ქმარი  
გყავ, მე ხცხას გავთლი იხთასაო, ეუბნება. პიოკიანებს ქალა,  
მართლაც ვერა ჰყავს ისეთი კაცი, ფიცხელი რომ იყოს, ღუ-  
ნებზედ ღუნეა, ელპოზედ კი ჩუმი ხმა დადის, ცეცხლზე ცეკ-  
ხლიაო, ცეცხლი კი აბა ვიღას არ ეწადილება, თანაც, ღაქეშა,  
კოცონი ავალწინ დონივრად ახტუნავებია, ზურვიდან კი ისაო-  
ისეთებს მასწურჩულებენ, ყოყმანებს, ქალი, ელპო კიდე ცბე-  
ლის სიტყვებით ლამის ტყავიდან ძვრება, ამას კი, ჩვენსას,  
ელპოს შემყურეს, ეამაყება, რო თავი ქუდში აქვს, და ერთ-  
ხელაც რომ უყო თვალი ციბრუტანთ ქალმა, გან-გან განოჩ-  
და. მიიპარებიან წახრილნი, გულაძგერებულნი, ხელი ხელს  
წაუჭიდნიათ. მთელს ქვეყანაზედ ორნი არიან, მაგრამ ვითომ-

დაც ფასკუნჯს ემალებიან, ამ შუა ღამეზედ მალლა-მზისკე რო არ აიტაცოს და სააშკარაოზე არ გამოჰყინოს აი ესენი, ჩუმ-ჩუმელურად ცელქნი, ერთიმეორის ქურდები, კარგა შავბნელი ღამე კი ჩამომდგარა, მაგრამ მაინც ბუჩქებშუა უნდათ რომ ტუცონ გახურებული თავები, ფეხელო უკვე ბალახზეა, ყელმოლერებით გამზადებულა, ამან კი ერთიც გაიხედა თავის სოფლისკენ, თავისი წყნარი სახლისკენა და, რას ხედავს! სინათლე ბეუტავს...

ისე შეკრთა რო, გულმა მამალი ხოხობი უყო, ემანდ ფათერაკი არა იყოს რაო, ეგრევე შინისკენ გაეშურა, აბა ფეფელოს რა გაცილება უნდოდა, მთელი სოფლის ძაღლები კარგადა სცნობდნენ, ერთი სული აქვს, მალე გაიგოს თავის თავს თუ რა ამბავია, ვაითუ ისევ გვესტუმრნენ ბატონები და ვაითუ ისევ რომელიმე ბაღლი წაიყვანონო, უნდა, რომ ნაბიჯს აუჩქაროს, მაგრამ ფეხები უკანა რჩება, ისერივ ღელავს, ბრაზობს კიდევ, აბა რა მემღერებოდა, რა მათამაშებდაო. როგორც იქნა და, მიდგა ქოხთან და, შესვლას ჯერ ვერა ბედავს, ყური მიადო, ეჩვენება თუ რა არი, ამ შიშნაჭამზე სწორედ ის არ შემოესმა? — თუმც ყველაფერზე ტკბილი, ყველაზე მშობ-ლიური, მაგრამ ამ გვიანი ღამით საშიში, რომელიღაც შვილს აძინებს დედა, ნეტა ბატონებს ხომ არ შეუშფოთებიათო, აბა რამ გააღვიძათ ამ ბნელი ღამითაო, ღამის მუხლებში წაიკეცოს, ვაითუ იმ ავარვარებულ გოგო-ბიჭვივით ახლაც რომელიმე წაიყვანონო, მაგრამ მაინც ისეთი ძირტკბილი ღიღინია, იმედიანი, იმედიანი რო, ყველა დედისასა ჰგავს, ფრთხილად შევიდა შინა, მაინც დაირწა ჭრაქის შუქი, მოხველო, წამით გამოხედა ცოლმა, მშვიდი თვალები დაანახა, გულზე მალამო მოჰფინა და ისევ ჩააცქერდა გრძნულ ხელებში შეყუყულ სასობას, აის ნაბოლარა აკვნიდან ამოუსვამს, უფსკერო გულზე ცოცხალ ბროლად მიუხუტებია, ღამის არი თავზე დაადნეს და, იავ ნანა, ვარდო ნანა, იავ ნანინაო, დედურს აგრძელებს, ისევ მიხედა გატრუნულ ქმარსა, ნუ გემინიანო, ერთი კი გაუღიმა და მერე მაინც სუო, პირზე თითი ისე მიიღო, ნიკაპიდან ცხვირამდის ჯვარი დააჩნდა, მაგრამ ამ ჩვენსას რაღა გაფრთხილება ჰმართებს, ისედაც გატრუნული ისმენს და სდგასა, ისევ ჩამღერის იმისი ცოლი იმათ პატარას დაბა-

ლი ხმითა, შივ უწევთ ბატონიშვილი, იავ ნანიანო, უსხიათ  
 ოქროს ქოხორი, ვარდო ნანიანო, ატლასის საბანი ხურავს,  
 იავ ნანიანო. მეტის სიამით ეკუმშება და ეკუმშება ამასა, ჩეე-  
 ნსას, ჩიტვით გული, შვიდგანვე დავცით კარავი, იავ ნანი-  
 ნანო, მღერის, მღერის და თანაც ისევ აკვანში აწვენს მილუ-  
 ლულ სასობას, იავუნდის მარანშიაა, იიავ ნანიანაა, ო, არტა-  
 ხებს უჭერს, არწევს, ტოლტები აქვს ნაარგიზისა, ვაარდო ნა-  
 ნინაა, ო, ზედ ბუულბული შემოომჯდარა, იიავ, ნანიანაა, ოო,  
 არწევს. მიყუჩებულა ბაღლი, ცხრაპირ ძილში წასულა, ამობუ-  
 რცვია ტუჩები, ლოყები აპფუებია, ძილ-ტკბილაა რო, ამო სი-  
 ზმრებში თუ დაბაჯბაჯებს, ესა კი, ჩვენი, ისევ ისე დგას. გა-  
 მოხედაა, ცოლმა. ემანდ არაფერი შემატყოსო, ჩვენმა, ჩააქრო  
 ჭრაქი და, იმ სიბნელეში, ჩურჩულით იკითხა, რა იყო, რად  
 გაიღვიძა, რამ შეაწუხაო. აბა რა ვიცით, ცოტა ხნის უკან გაელ-  
 ვიძა და ისეთი ზარი მორთო, კინალამ სხვებიც დამიღვიძაო.  
 ხომ არა ჰხურსო. არა, გრილია, შემოვევლე, ნეტავი რა მო-  
 ელანდაო. კიდევ კარგი რო სიბნელეა, იცის ამანა, ჩვენმა,  
 ვინც დააშავა, ჰაი ფეფელო, ჰაი ის შენი ცალი თვალიო, ფი-  
 ქრობს. ბნელა და ბნელა, მივიდა მერე გუმანით იმ თავის  
 ცოლთანა და, მხარზე საგრძნობლად დაადო ხელი, თან კი  
 ნაზადა, უდევს ხელი და გრძნობს, როგორა ლხვება იმისი ქა-  
 ლი. მერე თითები ისე ფაქიზად აამოძრავა, ისე ნელინელ  
 ეფერება რო, მინამღე მსგავსიც არაფერი, საამოდ უკვირს გა-  
 ტრუნულ ქალსა, მერე გვერდით მიუჯდა აესა, ჩვენი, ნელის  
 ალერსით მიიზიდა და, ფერებაში თავად რო გაღვივდა, ქალიც  
 გააღვივა და ტახტზე რო გადაწინაურდნენ, პატარა ხანში ისე  
 უმწარ-უტკბილა იმ თავის ქალსა, სუ გენაცვა-ები ცხარედ  
 აჩურჩულებინა და უფრო მერე კი, დაღალულებმა, ზურგები  
 აქციეს ერთმანეთსა და ისე არხეინად მიიძინ-მოიძინეს, ვი-  
 თომც არაფერი.

## 7.

აბა ძილი ეგრე არ უნდაო, დასცხო და დასცხო ლურჯმა  
 მამალმა, ბნელში ამფრად ჩანს. აბა ყვილი აგრე არ უნდაო,  
 აჰყვნენ და აჰყვნენ სხვებიცა, იგრე ეჯიბრებიან ერთმანეთსა,

ლამის ჩაიბზარონ ყელი. ისთე ნამეტურ ყივიან რომა, ისეცა და ასთეცა, ზოგი ჯერ ნედლი ყვინნილაა, ზოგიც — ქვადა და რკინად ქცეული მამალი. აესა, ჩვენი, ჯერ თავს იტყუებს, ვითომდაც ძინამს, მაგრამ რიქრაჟი თვალეხში რო ჩაუდგა, ისე წამოსტა, მოწონებული. გაჰყო მუშტები სასელოებშია, კოსტად ჩაჯდა თავის კონკია შარვალშია, ტუცა ფეხები ქალამნებში, გამოვიდა გარეთ.

რიქრაჟია რო, ბზინავს.

მზე ჯერ შორსაა, მაგრამ დაძრულა, იმისი სულიბერვა ისმის, მზესუმზირები სუ იქითკე იყურებიან, ნელინელ იხვეტება სოფლიდან ბინდი, და გლეხიკაცები ჩამოსადგომ დღესა და იმის სინათლეს რო ფნიზლად დაუხვდნენ, გამოსულან ეზობეში, ცივი კოკისთვის შეუშვერიათ ჩაორმოებელი ხელისგულები და ისხამენ და ისხამენ წიწკნია წყალს პირისახეზე, კასერზედ, გულისპირზედა, სალად ფრუტუნებენ. გამართულა წელში ესეცა, პირდაბანილი, ჩვენი, სოფელს გაჰყურებს, აფუსფუსებულა მთელი იმისი მეზობლობა, ხალხი, მთელი ბუნება ნელ ყალყზე დგება, აი ქათმები რო ქათმებია, მთელი ღამე აკი მიმქრალ-მობუზულები იყვენენ, ახლა დიდ გულზედ არიან, ხო სუ იქექებიან და იქექებიან, ქექვაში არიან, რაღა, მაინც დროდადრო ისე შემართავენ თავსა და ისე იხედებიან, გინდაც ხონთქარი. ლესენ და ლესენ ნამგლებსა, ნამგალო, ჩემო რკინაო, დაძლიდინებენ ალაპლაპებულსა, მშობლიურს, ბზინვარესა, გამოსულან უკვე ორღობებეში, და ლუკმაპურის მოსახვეჭად ყანებისაკენ ეშურებიან, გამოსულან და გამოსულან ქოხმახებიდან დიპლიპიტო და ელპო, ცანგალა, ხალხი, და მინამ გულამდე თავთავში შეაბიჯებენ, სოფლის ყურ, პატარა საყდარში შეივლიან აუცილებლად, სამ დიდ გლეხურ თითს დამზერით შეიდულაბებენ და იწერენ ნუგეშინისცემის პირჯვარსა. აი, ხო მომცრო საყდარია, მაინც ისეთის დალოცვილის ხელბთაა მოხატულ-მოპირკეთებული, ჰსიამოვნებთ არა, მეტი — შვების ბუნდია.

ჩამდგარან პირველ მარჩენალში, ყანა არი რო, როგორიც ჯილდო. მიწის ოქროა, ოქროსფრად ბრჭყვინავს. იქნევს და იქნევს ესა, ჩვენი, მოუღლეულ მკლავსა, ბაჯაღლოს იპკის, ცოტათი იქით ცანგალა იღვწის, ცოტათი აქეთ დიპლიპიტო

კოხტად ტრიალებს, ცოტათი უკან ელპო ირჯება, გაბნეულები, ერთნი არიან, მისდევენ კვალდაკვალ თავიანთი ქალები, ბალები, უღობებს გრეხენ, თავთავს არ ტოვებენ მიწაზედა, ორიოდ მარცვალნი თუ გაებნევათ და, ალალი იყოს, პაწუა ჩიტები იქვე არ არიან? ყველასია ე მიწა, ყველასა ჰკვებავეს, ერთი იადონზე იძასიან, უსაჭმლოდ არიო, ეგებ მართალია.

მზესა აბა სხვა რა ძალი გააჩერებს, ამოდის და ამოდის, დასდგომიათ ზედ კინკრიხოებზე, ცხელა, ცხელა რო, მდნარი სვატია, მდლორე ჰაერი მძიმედ ლივლივებს, ჰაერსაც ცხელა, სულისტქმა უჭირთ, მაინც იქნევენ და იქნევენ დაცვარულ მკლავებსა, შუბლზე სუ ხვითქის წკურწკური გადასდით, მიწაცა და იმისი ჯილდოც კარგა ძნელია. მწარედ რო მოშუადღევდება, ჯალაბს შინისკე აგზავნიან, ცოდონი არაანო, კაცებიდა რჩებიან, გადაიღლებიან მერე ისენიცა, გადაიხსამენ თავზე წყალსა, პატარა ხნით მისხდებიან წოწოლა ძნის ჩრდილში, დაღალულები ილუემებიან, სველებია რო, გინდაც ღრუბელი, ცაზე კი ერთი ფთილაც არა ჩანს, ვერცხლისფრად ცხელა. მზეს აპყურებენ ამრეზილადა, ისიც თვალს დიდსანს ვის გაასწორებანებს, დახრიან ქოჩრებიან თავებსა, ელპო დაუდგრომელი პყავს ღმერთსა, და იმ ბერიკაცს მოუთმენლად გასძასებს, ძიაა, ძიოვ, ერთი საღი ნიავი როდისღა წამოუბერავსო. წამოაწევს ის ბერიკაცი, ძლივას აითრევს წელსა, მოტეხილა კია, მაგრამ ძველებურად ბუნების კარგა მცნობია, ლასლასით მივა ნალაფარში ჩაწოლილ ღორთან, დააცქერდება ბებრული თვალებით გაჩხიკინებულ წრიულა კუდზედა, ალღოიანია, არაფერი შეეშლება და, მცნობიც არი და, პირშიმთქმელიცა — კიდევას უფრო დასცხებაო. წამოიღრუბლებიან ესენი, წამგლიანები, ჩვენნი, ის ელპო კიდე, თეთრ კბილებშუა გამოსცრის, აბა, დავმწვარვართო, რაღას არ იტყვის იმისი ენა. იმ დევივით ძნის ჩრდილში ისე ჰყრიან რო, გევონება არაქათი მთლად გამოსცლიათო, მაგრამ პატარა ხანში ისე იქნევენ გრძელსა თუ მოკლე მკლავებსა, ნიავი მნდება.

რაც გინდა იყოს, შრომის ხალხია.

ბოლომდე რო ჩაიდვრებიან დედამიწაში, საღამოსპირიც მოდგება კარსა, სოფლისკე გადაღლილები მიეშურებიან, ერთი სული აქვთ, ჩრდილიანში გაწვენენ, მაგრამ მთელი სხეუ-

ლით ისე სწეურიათ, გადაუხვევენ ბილიკიდან, საით მიდიან და, ჭალაში ერთი მდინარეა, მდინარეში კი ორი მორევი, ერთი ამათებრ კაცებისა, მეორე კიდე ქალებისა, რამ ამოჰყარა იმოდენა ბუჩქი, ქალებისაკენ თვალს ვერ გაუძვრენ, იმათ ტიტველებს უყვართ ბანავი, დიდად ხმიანებენ, აის ფეფელოც ისე კისკისებს, გინდაც უბიწო. ცხოვრება არი თუ რა არი, რა ქნას ფეფელომ, ცხოვრებაში ყველაფერი იზიდავს, ყველა ხვაშიადს უნდა რო ჩასწედეს, მონდომებულაია. ესენი კიდე, ჩუმნი, ოფლით კონკიებშეკერილნი, ტანსაცმლიანა შედიან წყალში, გრილდებიან რო, — პიტნა. ელპო ოხერი ჰყავ ღმერთსა, ერთი კარგა რო განიბანება, წაკუზული მიიპარება ბუჩქნარში, დიდ ხეზე ქურდულად ადის, მსხვილ ტოტზე გაცოც, გაცოც, გაცოცდება, და, თვალებისათვის იღვწის — ზემოდან დასცქერის თეთრ-თეთრ გამოფენასა, ქალებ ითვალაიერებს.

ესენი კიდე, აქეთურა ტანსაცმლიანნი, შვების ნექტარში ღგანან და ღგანან, იჟღინთებიან, ნეტარებისგან ზეზეურ სვლეშენ, მაგრამ წივილ-კივილი ესმით ისეთი, ნაპირზე ფიცხლად ამიხტებიან, ფოლადა ხმალს ჩასჭიდებენ რკინის თითებსა, მიაკრამ თურმე რა: აკი ზედ ელპოს ტოტებქვეშ არ წამოწოლილა რომელიდაც ქალი, სველი ელპოსგან წვეთები დასცემია, გაზმორებულა, ძლივას არ მოწვიმო და, მადლიერებით რო აუხედნია ზემოთენა, აკი ეს თვალეზდაჭყეტილი ელპო არ შერჩენია ნანატრი ღრუბლის სანაცვლოდა? — მოკლეედ, ხელეზფარებულნი იკუნტებიან და ძლიერ წივიან. ეს ელპო კიდე, თვალებსა ხუჭავს, ვითომც ხის ტოტზე სძინამს, სუ მიფარებით და სხაპასხუპით იცვამენ ქალები ჩითებსა, მერდინებსა, ჩაცმულები კი, დიდ გულზე არიან, მაგარ-მაგარ ქვებს უშენენ ელპოსა, იმასაც, ვითომ ეღვიძება, თვალებს იფშენეტს, რა იყო, რამ დაგაწიოკათ, ქალებო. მაშ აბა ტოტზე რა გინდა, შე დასამიწებელო, შენაო, ერთმა. როგორ თუ რა მინდა, ნიძლავზედ მიძინაო. ისეც ისე გამავებულიყავ, მტკვარს ვერ გაერეცხოო, მაინც რაზე დანაძლევდიო, მეორემა, ქალებია და, ცნობისწადილიანები არიან. შენ სუყველასა ჯობნებიხარო, შენს კოცნაზედაო, კიდეც რო ოხუნჯობს ეს წაწრებული, პა? აი, მეხი კი დაგაწარეო, მესამემა. ქვემოდანიო?, გაიხარა ელპომა, ბარ: ქალა შენა, ქალო, შენც სუყველა-

სა ჯობნებიხარო, მიაჩუმა ისიცა. აბა თუ გეძინა და, მაინც რა იცი, რომელი რომელს ვჯობნებივართო, აუტეხეს ისევ დანარჩენებმა, შეუქებრებმა ბასრი კივილი. თქვე კაი ქალებო, როგორ თუ რა ვიცი, მე დილიდანვე კი მეძინა ამ ტოტზე, მაგრამ თქვენ აბა ძალით რად აჯღურტულდით, განა არ ვიცი თქვენი ოინები, რათ გამაღვიძეთ და ძალით რად დამანახეთ თქვენი, ვენაცვალე, ტანიო. ჰაიი, ისევ უშენენ და უშენენ ამ ცუდლუტს ქვებსა, ის კიდე, ზემოდან ვითომც ამხნეებს ქალებსა: ნეტაი რამ გაგაწიწმატათ, დიდი ამბავი თუ დაგინახეთ, მერე რა მოხდა, რამ აგაკივლათ, განა რამე შეგეცვალათო. ერთ-ორს ცოტათი ეღიმება, გაბზარულები არიან, აიი, შენს ენა იყოს შენსავე მუცელში, კუჭი მაინც გიხმებაო და, მეოთხემა. ვაჰ, შენა ხარ ესა, ფეფელოო? კი ვერ დაგინახე, შენც სუყველასა ჯობნებიხარო. აიი, ჩამიწ-დამიწდიო, ისევ ერთხმად ასძახიან, ერთილა არი უთქმელადა, მაგრამ იმის გულში რო ამბავია?, საკირეა და ეგ არი — იმას გული შეკვარდნია ელპოზედა, ხვავიანად სდუმს. გაიკრიფებიან ქალები, ელპო ერთ-ორ ჩამორჩენილს კიდე მიაძახებს, არა, შენ მართლა სუყველასა ჯობნებიხარო, ჩამოღის მერე ხიდან, გეგმებით დატვირთულა, ამოსულან იმისი სოფლის კაცები ნაპირზე, ტანსაცმლიანა შრებიან, კარგ გუნებაზე დამდგარან, ჩაჯდება ელპო სამთაშუა, ცანგალა და დიპლიპიტო ლხენით არიან, ამას კი, ჩვენსას, უცხო კოდალა უკირკიტებს, რაღაც შედეერი და იმისი რაღაც მასალა ბუნდოვნად ასხენდება, დაბნეულობის კიდობნებში წასულა და, ისეთ გუნება-განწყობაზეა, რუხი მგელი სჭამს, და უცებ განა რას იძახის: ჩვენა, ქართველებს, ნეტა რა და რა გვააქ კარგიო. ეგრევე მხნედ არ უპასუხებს? — შვიდი რამაო, დიპლიპიტოა. აბა რა და რაო, ცანგალა არი. მორიგეობით ჩამოვყვეთო, ამას ეს ამბობს, ჩვენი, გაფაციცებულია. რაო და, პირველიო, კარგი მღერაო, დიპლიპიტომა. კი, ეგა გვაქო, და მეორეო? მეეორეო, ცანგალამა, რა და — ფიცხლად თამაში და კოხტა ცეკვაო. აგრეა, აგრეაო, და აბა მესამეო? ენა გვააქ კარგიო, ელპო იძახის ამასა, ქვეყნად რა გინდა, ჩვენ რო მართლიანად ვერ გამოეთქვათო, რაგინდარა ლექსს აღარ იტყვის ჩვენი სოველი ენაო. სწორიააო, ამანა, ჩვენმა, ამისი რიგიც დამდგარა და, ერთი შედეერის

ერთი მასალა ამასაც უღვივდება, უელამდება თვალი, მეოთხე  
ისა გვააქ რო, აბა ჩვენი საყდარ-ტაძრები ნახე, თა-  
ვისით ხო არ აშენდებოდა, სხვისი ხელით ხო არ მო-  
ინატებოდაო. კიო, კიკიო, სწორიაო, დიპლიპიტომა, მაგ-  
რამ შვიდამდე ჩამოთვლა თანდათან უჭირთ. არა და, დიპლი-  
პიტოს ჯერია და, პატარა ხანს დუმს, მერე ფრთხილად იძა-  
ხის, მე მგონია რო, კარგა ოხრებიც თუმცა კი ვართ, მაგრამ  
გულსიგულში მაინც კეთილები და უხვნიც ვაართო. რავი,  
აბაჟ, შეფიქრიანებულან, ერიდებათ თავიანთი თავის ქება,  
მერე ხმადაბლა ამბობენ, აგრეა, აგრეაო. და აბა, ცანგალ,  
მეექვსეო? იმას კი უკვე მოუფიქრნია, გულადები და მებრ-  
ძოლნი ვაართო, სამშობლო გვიყვარს, ქუდზე კაცი ვაართო,  
აბა და ვინმე მოვიდეს ჩვენზედაო, სუ ყოფას ვუტირებთო,  
ისე გაიძახის ამასა, თვალეები უელავს, ზეზედ წამომხტარა,  
სუ ფეხის ფრჩხილებზედ სდგება. კარგი, დაჯექიო, და აბა,  
მეშვიდეო? ელპოს ჯერია, არადა უჭირს, თვალეებს ატრი-  
ალებს, წვალობს, თანაც ქოქოლადაყრილ კეფას იქეკავს,  
ძლივას წამოღერღავს, ალბათ, შრომაო. არ ეპიტნავათ, აბა  
შრომა რა სახსენებელიაო, დიპლიპიტომა, დიდ გულზე არი  
თავისი სათქმელი რახან მოუღეგია, ჯერ ეს ეგ ერთი, აბა  
შენ რომელი გამორჩეული მშრომელი ხაარ და, მეორეც, რო  
არ ვიშრომით, სხვა რა გზა დაგვრჩენია, პურს ვინ გვაჭმევსო.  
ახლა ცანგალამაც დაამატა, შრომა არა, ისაო, ეგ რა ჩასათვ-  
ლელიაო, ბარე ისიცა თქვი, შეშის დაპობა გვემარჯვებო.  
ელპოს უჭირს რო, კალმახი რო ხურჯინში ჩასვა, სიბნელე-  
შიცაა, სცხელაც. აბა მე რავიო, ეგება ისა, რო იძახიან, კარგი  
ტანადი და კარგი თვალადნი არიანო. აბა ეგ რა თქვი, ეგ ხო  
თავისითა გვააქო. შეწუხებულა ელპო, დაღონებულა, დაღრ-  
ნებულა რო, გინდაც დეკემბრის ვაზი, ჩაქინდრავს თავსა,  
დაიხედავს, და აკი რას იძახის, ოხერი? — რა და მეშვიდე ესა  
გვააქ კარგიო. რა ესაო, ჯერ ვერა ხვდებიან. ესაო, ესაო, თავ-  
დახრილი იძახის ელპო და ხელსაც იშველიებს. აიი, შენ კი  
ზედ მაგაზე კი დაგათხლიშე ქვა და მეხიო, ქალივით იძახის ეს  
ვაჟკაცი დიპლიპიტო, მაგამდე როგორ დახვედიო. როგორაო  
და, გათამამებულა ელპო, გორგალის წვერი უკვე ხელთა  
აქვს, თავი და თავი აი ეს არი, ტემპერმამენტი რო არა გვექონ-



დეს, ვერც ვიძღვრებდით, ვერც ვიცეკვებდით, ვეღარც ლექსს ავაწყობდით და ომშიც გულადნი ვერ ვიქნებოდითო. რა რო არა გვეტონდესო, ცანგალას უკვირს. ტემპერსამენტის, ტემპერ-მამენტის, ისეთი რიხით გაიძახის ამ უცხო სიტყვას ეს ჩვენი ელპო, გინდაც იყალთოს აკადემიის გრილი დარბაზები სუ სწავლა-ცოდნით მივლილ-მოვლილი პქონდეს. აი, შენ კი რა გითხარი, შენ კი რა გითხრაო, ადე, წამოდი, წამო, წავიდეთ, სუ დაღამებულაო. სოფლისაკენ მიდიან მაგრამ, ამასა, ჩვენ-სას, გულის რაღაცა ძარღვი უტოკავს, სხვებმა ორ-ორი კარგი რამა თქვეს, ამანა კიდე — მხოლოდღა ცალი. რამე შერვეც ძლიერ უნდა რომ გამოიგონოს, მაგრამ სადაა, ბილიკზე კი არა ჰყრია, ვინ მოგართმევს ვერცხლის ლანგრიტა, თანაც ელ-პოს სიტყვებზედ ეჭვი ეპარება, თუკი აგრეა, მაშ აბა ქალებ რაღა აცეკვებთ და ამღერებთო, და ცანგალას უცებ ჩაქინდრუ-ლი თავით ეჯახება. მაგრამ ის ვერცა გრძნობს, შეჩერებულან ელპოც, დიბლიპიტოცა, იქითიკე გაიხედება ჩვენიც. საბრალო დედაბრისას მიმდგარან, იმის შოუშკალ, ჩაწოლაძე მისულ ყანას გაყურებულნი შესცქერიან, საბრალო დედაბერი კი ბნე-ლში ქონიდან გამოსულა, ერთხანს იჯახმრავალი, ახლა უშვი-ლძირთღ დარჩომილი, მოკუნტული, ძრიალ მდუმარედ ხაშა-ვებულა და, ერთი ეგ არი, მთვარის ნათელი იმასაცა და იმის ყანასაც აბჟუტებულ სევდად გადასდის. რა თავში იხლის საბ-რალო დედაბერი ჭვავსა იუ ხორბალს, მაგრამ იმის ყანაში რო აღარავინ ტრიალებს, აი ესა ღრღნის. ჩამოუყრიათ ამა-თაც მხრები, მობუზულან რო, ლამის დედაბრის ყანასავით მიწას უწიონ, ერთიღა უკვირთ, სინდის-ნამუხის მოსამართლე და, ბნელში ასე უმძრახად მდგარი? მთელი ის ღამე, აღარც ცეკვა ახსოვთ და აღარც თამაში, უგემურად ვახშმოპენ, და-სიებული გულის წებებიან, ღამე არი რო, დაბზარული ნამუ-სივით აწვეთ შეჭირვებულ თავზედა, კრიჭაშეკრულებს, ცუ-დადა სძინავთ, მალიმალ ინაცვლებენ გვერდს, ეს ტიალი და ოხერი ნეტავი აღარ გათენდებათ? მამლის ყივილი ენტრე-ბათ მაგრამ სად არი, ბნელა, ბნელა რო, თვალები უაწკა-წებთ, მაგრამ ღამე რისი ღამეა, რო არ დაბუჟდეს და არ შე-რიჟრეჟდეს და არ გათენდეს ძლიერ ნელინელ, ქვეყნის ზო-მიერ, თანდათანობითა და, ხო არც მოულაპარაკებიათ არა?

ხო არც არაუერი უთქვამთ საბრძოლო არა? ხო არც გაუფიქრიათ რო მესუთე აკი ისა გვააქ კარგი, კეთი-  
ლები და უხვნი ვართო, მაგრამაც აი, უამებოდ გამოფენი-  
ლან დალოცვილ დილით, გამოსულან და...

## 8.

გამოსულან და აი იმ ყანას შესევინან, საბრალო დედაბრი-  
სა, მკლავები ისე გასდიდებიათ, მოუნდებათ და მოიქნევენ,  
გინდაც გრიგალი, მაგრამ პურის ყანას სიფრთხილე არი თუ  
მოწიწება არი თუ რა არი, ისიცა ჰმართებს, მკერდამდე თავ-  
თავში ჩამდგარან და ისე იღვწიან, მოწონებული, აი ეგ არი  
იმათი თავი და თავი გლუხკაცური საქმე, ხვნა და თესვა და  
მკა. თან, თუ დილის ირიბი მზეა და ცვარ-ნამს მშრალი ენით  
შორიდან ლოკავს, თან, თუ მოწეულ ყანას თვალგასახარად  
აბრჭყვიანებს მანათობელი, თან, თუ შენი მიწის მკვიდრი  
ხარ და იმის ზურგზე კუთვნილად დგახარ და, თუ ეს მიწა  
თავად ლეთისმშობლით ბოძებული საქართველოა ჩვენი, თა-  
ნაც, თუ კეთილ საქმეს ჩადიხარ და თვალნათლივ ხედავ, მთე-  
ლი სოფელიც რო დამდგარა ამ კეთილად მოსამკალ გზაზედა,  
და თუ მარილიან გულს სუ ჭრელ სიტყვებად ამოფრქვევის  
ლადი წყურვილიც შეუჩნდება, აფორიაქებული, თავს დაადებ  
და ადიხარ იქვე, მომცრო გორაკზე, მზინავ ყანასა და იმის  
მიწვივ მუშაკთ შემალლებულიდან დასცქერი და, შექრყოლე-  
ბული გულ-ჯიგარი გრძნეულ სიტყვებად გადმოგელვრება,  
თვალდასუჭული, მეტს რასმეს ჰხედავ, რა იდუმალი გორაკია  
ნეტავი ესე, ადრე არ ჩანდა, რაღაც სიმყარე კი მაინცა აქვს,  
რადგან დიპლიპიტო შემდგარა ზედა, აბა სიმყარე რო არა  
ჰქონდეს, დიპლიპიტოს ისე როგორღა დაიმაგრებდა, ის კი,  
კუთვნილი მიწით ამალლებული, თავის მიწაში უჩინარფესებ  
გადგმული, სიტყვის ნაყოფით ათრთოლებული, იძახის, მაგრამ  
რას იძახის — საბრალო დედაბრისასა, თავნი ყანასა მკიანო,  
ვაჰ, ესენი არიან თავნი? — ცანგალა, ელპო, ჩვენი და სხვები  
კიდე, ხალხი? — ჰეჰ, დიპლიპიტოვ, თავიც ხაარო და, სუ სი-  
ყვარულით შეუძახებენ, კარგა იციან გადატანილი სიტყვა და

იმისი ფასი, ის კი განაგრძობს, რაღაც შედეგის რაღაც მასა-  
 ლით ძალიან მწარედ დატვირთულია, დაცლა უნდა და, რომე-  
 ლიღაც უჩინარი მარსკვლავისაკენ თავაპყრობილი, ემ თავის  
 ხალხსაც ისე ძალიან ადიდებს რო? — ლომნი უგრესენ ულო-  
 სა, და ვეფხვნი შეუკვრიანო, აეს შენა ხარ ვეფხვი, ცანგალო?  
 ის კი, ცანგალა, სიტყვის მადლით ატაცებული, ისე შრომობს  
 რო, ისე ირჯება, აქაც კი, აქაც სუ ფეხის ფრჩხილებზე სდგე-  
 ბა, ბიჭი არი რო, რისი ციბრუტი, დიპლიიტიო კი, ყანა გინ-  
 დაც მოშვილი ჰქონდეს, იძახის, მაგრამ რას იძახის — დევნი  
 ურემსა აბიან, ირემნი ძნასა ჰყრიანო, რეებს ამბობს,  
 ვე, შევლნი კევრებში შებმულან, კალოს გარს დარ-  
 ბენიანო, ზედ ანგელოსნი უსხედან, წვრილ ხმაზედ და-  
 სძახიანო, რაღაც ფაქიზი, სათნო - სიმღერა მართლაცდა  
 ისმის, თავზე ეღვრებათ, თვალდახუჭულია დიპლიიტიო, თავ-  
 აპყრობილი, დადუმებულა და კარგად იცის, ეს სიტყვის საქმე  
 შვებად რომ დაძრულა, ისიც იცის რო, იმ მომწიფებულ სი-  
 ჩუმეში სხვებიც თავს რომ ვერ შეიკავენბენ და, აბა რა დიდი  
 მიხვედრა უნდა, პირველი ვინ აიტაცებს იმის ნართაულ სიტ-  
 ყვასა — ფეფელო არი, ანცი — ჭინკები მარდად უტევენ, ყანა-  
 სა გააფოცხიანო, აკი თავად არ უჭირავს ფოცხი? ამ ჩვენის  
 ქალი კი, გულზე ჩვილმისუტებული, ცოტათი განზე კი გამ-  
 დგარა, მაგრამ ჯერ თავის კაცს შეხედავს, მერე ფეფელოსა  
 და, თრივეს ნიშნს უეებს, ამბობს: ტახნი მისწევენ კალოსა,  
 მელეები კუდით ჰგვიანო, გადაუჭირა თუ ვერა სიტყვა, ამ და-  
 უდგრომელ ფეფელოსაც გულის კოვზი ისე აექავენა, სუ თვა-  
 ლები უელავს, მაგრამ ქათმების კრიახი ამ გამბულ შრომაში  
 ბზარად აბა ვის უნდა და, ელპო სასწრაფოდ მიმოავლებს  
 თვალსა, ერთ გაკნაჭულ და ერთსაც გავადაბალ ქალს რიგრი-  
 გობით შეათვალიერებს და, ამბობს — წერონნი უნიავენბენ, და  
 ბატნი დაჰკაზმიანო, იმათი ქმრები კი, ერთი დიდი და ზორ-  
 ბა, მეორე კიდე — თვალეებსაშიშა, ელპოსკენ ფინთად იყურე-  
 ბიან და ის კიდე, ელპო, აბა რილასი ოხერია, თუ გაჯავრე-  
 ბულნიც ვერ გააცინა — ჯერ ზორბას ახედავს, ამბობს: და-  
 თვეებს ჰკიდიათ ტომრები, ორმოში პურსა ჰყრიანო, მერე თვა-  
 ლებსაშიშას მოულაპუნებს მზერასა: მგლები წისქვილში გა-  
 გზავნეს, პურს მალე დაუფქვიანო, იცინის ხალხი, მადლი აშ-

რომებთ და თანაც იცინიან, კარგია ესა, რაღა, ის ორნიც ლამის სბორებად გადაქცეულან, უწყინარები გამხდარან ისე, და ის წეროსეივე ქალი კი დედაკაცთა საკრებულოს მოავლებს თვალსა, საკბილოს ირჩევს, სიტყვით ცელქია ისიცა — შაშვი ფქვილს მტკიცავს, გნოლი ჰბელს, კაჭკაჭნი ამოჰქნიანო, გულით უნდა რი, სხვებზედაც გააგრძელოს, მაგრამ ვინ აცლის, რასმე შედეგრის შეკოწიწებაში მარჯვედ ენაჭარტალაა ყველა, და ცანვალას ფეხმძიმე ცოლი, კრელი თავსაფარი რო შემოუსხვევია ჭორფლის გასანულებლად, დამორცხვებულა კია, მაგრამ მაინც აიტაცებს: ვარიები ამზადებენ, ისენი სუფრასა შლიანო, ერთი პატარა გოგო ჰყავთ სოფელში, ხმა აქვს ისეთი რო, როგორიც ბროლი და ნაალი, იმაზედ არ იძახიან? — ზეცას ტიროლა გაგზავნეს, სტუმრები მოჰკრიბიანო, და დედაკაცებს შედეგრისაკენ თავი ძან რო არ გაუვიდეთ, ეს ელპო, ვერანი, ჯერ იმ ქალისკენ გააპარებს თვალს, აი იქ, საბანაოზე, ძრეულ ხმამაღლა რო უგზავნიდა ქვემოდან ზემით ქოქილასა, მერე მზერას არიდებს და ვითომც დიპლიპიტოსკენ იძახის: შენს მადლსა, ჩხიკესნი ნუ გვინდა, სუფრასა აგვიშლიანო, მერე კი თეპრონეს გაუსწორებს თვალს: სილამაზითა სოხობი შუაში ჩაიპვიანო, ერთი ბიჭი ჰყავთ კიდე სოფელში, გონას შვილია, ხმააქ ისეთი, ადამიანისას ვერა ჰგამს, არა, რაღაც სხვა არი იმისი ხმა, სუ მირონისა და ნათლისა, სუ მადლის არტახებით ამოვიჭერს დანამულ სულსა და, აბა იმისი დავიწყება როგო იქნება — ბულბული გალობისათვის სუ თავსა დაისვიანო, ვილცა ერთი ჯეული კი უკვე დადღისლა, ჩრდილში მიწოლილა მაგრამ აბა ვინ გამოეპარებათ და, ის დაწეჟილ-მოსუნებული თუმც კი ჯეილია, მწუსარის სახით იძახის ელპო — საბრალ ბერი ქედანი ბოლოში მოიგდიანო, და დიპლიპიტო ბოლოსას ამბობს, ყველაფერსა აქვს თავისი რიგი — ერთად სმენ, სჭამენ, ლხინობენ, პარალეს დასძახიანო, და, გამოთ ბიჭებო, ლექსი გაამოთო რო უნდა გაიგონოს, ძალიან იცდის, მაგრამ ხალხი სდუმს და ეს დიპლიპიტო გაკვირვებული დაახელს თვალსა და, ეპ, რასა ხედავს, იმ მთაზე შემდგარი კოშკისკენ იყურებიან სუყველანი, კოშკი კი ზალავს...

დაძძიებულან, აბჯარში ჩამსსდარან, მსარზე მშვილდ-ის-რები ჰკიდიათ, შუადლეა რო, როგორც წყალობა, მზეა, სიმ-წვანე, ბალახი გინდა, ფოთოლი გინდა, ნაყოფი გინდა, სუყვე-ლაფერი სალად ხასხასებს, მაგრამ რათ გინდა, ამათ აკი სმალ-ხანჯლიანი ქამარი შემოურტყამთ; გზად ლელე მო-დის ისეთი რო, წამოწეკი და მიუგდე ყური, მაგრამაც ამათ ლაღად მედინი დელისათვის აბა სად სცხელათ, წვერწამახუ-ლი შუბი უპყრიათ ცალი ხელით, მეორეთი კი სადავე ჩაუბ-ლუჯავთ, ამხედრებულან. ჭრელ თავსაფარში გამოხვეული უბ-რალე საგზალი უნაგირზე ისე კონწიალობს, ვითომც არაფე-რი, ამათ კი, სულიერებმა, კარგა იციან, ვისკენაც მიდიან, რა სვავ-აფთრებთან ექნებათ საქმე. რა არი მაინც, რადარაგვარი ჯიშის მოდგმაა, მტერი ნიადაგ იმდენი ჰყავთ რო, გამოუღე-ვი, თანაც როგორი, უქმურები და დაბოლმილები, გაუცინარ-ნი, ჩაობებული ძმარივით სულვერგაუსინჯავი და მჭასე, სხვი-სი ადგილ-მამულისაკენ ისე გულდაგულ მოედინებიან რო, გინდაც წართმეულის აღდგენას ცდილობდნენ, უზომო ლაშ-ქრად იციან შეყრა, არამი ლუკმით გამრავლებულნი, იმდენი არიან რო, ვინ დათვალოს ზღვაში ქვიშა, და თითოული ისე-თია რო, სუ მიწას ჩასცქერს პირკუპრი, სახე აქვთ რკინის ფერიო, სულდამდაბლებულნი, ახოვნებითაც რომ ვერ უქნიათ იმ თავიანთ შემოქმედსა? — ტანად მცირეა, დაბალი, გაწყდო-მაზე აქვთ წელიო, მაგრამ ქოფაკებივით დაგროვებით რის-ხვადქცეული სიანჩხლე, ისე დასცქერიან შენს მიწას, როგორც წართმეულს, დაგზად ისე და ისე აფთრდებიან, გინდაც მარ-თლები იყვნენ, ჩხუბში ავნია რჯულძაღლნი, იარაღს უბევთ ხელიო, თუ შეებმები, ერიდე, ტყვია იციან ცხელიო, რამ გა-აცოფათ ეს სულძაღლები, რამ დაამწარათ, ისეთდაგვარად და-გეშილან რო, იარაღს ენით გაღლოკვენ, გახდება უფრო მჭრე-ლიო, და საშვილიშვილო მტრად მიაჩნიათ ესენი, ჩვენნი, და თავიანთ ნაშიერებსაც იმთავითვე ამათზე, ჩვენებზე, გეშავენ, ბალღი რო დაეზადებათ, უნდა შაუკრან წელიო, თოშიან წყალ-ში გაღბანენ, ჯანი ექნება მრთელიო, და ყველაფერი იმისათ-ვის რო, უყვარდეთ სხვისი ქონება, ჩხუბში — ხმალი და ცხე-

ნიო, ღონე და ჯანი იმისთვის უნდათ, აი ესენი, ეს ჩვენები რო ამოხოცონ და ჯაარბიონ, მაგრამ, ამათაც, ჩვენებს, ძალუმი სიტყვა — ქუდზე კაცი პქვიათ და თუ მუზარადი დაუხურათ, მაინც ქუდზე კაცი არიან და, თან, იციან რო, მართლა მართლები არიან და, რაა მართალთან გინდაც სამი იმდენი ცამდის მტყუანი, თანაც, ფიქრობენ, იცოცხლე კარქი იქნებოდა მთელი ქვეყანა რო საქართველო იყოს, მაგრამ მოლონიერებისასაც ხომ ვერ დაგეცალდა არავისათვის სამშობლოს წართმევით და, ჩვენც ნურვინ შეგვეცილებათ და, ისეთ დამხედურ ბრძოლასა სტეხენ, ისეთსა, ვინ იფიქრებს რომ სხვა დროს ისეთი წყნარი ტაძრების შენება და იმასი ისე მოხატვა შეუძლიათ, ან — სუ იავნანათი გაზრდილები რო არიან, ომი არი რო, ცარიელიდა რისხვა, აესა, ჩვენი, სუ ტუნთაკენებით იბრძვის, იქნევს და იქნევს მჭრელ, მბზინავ ხმალსა, გვერდით ცანგალა ისე ტრიალებს, მესხის კლაკენა და ღამის ცეცხლია, ერთგულა შუბი მოუმარჯვნია დიპლიმატოს, რაღაგინდნაირ აბჯროსანს არ შეუნგრევს იმ ბაღამიანი გულის ფიცარსა, ელპოსაც, საზრიანს, დიდი წვლილი შემოაქვს, მტრისთვის ზურგიდან ჩუმჩუმელურად შემოუვლია, დიდრონა ლოდს ამოფარებია და აიმ წყეულებს სუ ბეჭისთავზე ასობს და ასობს ცხელ-ცხელ ისარსა, იქვე იბრძვიან ამათებურნი, სხვა ჩვენებიცა, წყალობები და თევდორები, ღვთისო, ხარება, არსენები და მიტუაები, ფლოქეებიდან სუ ნაპერწკლებმფრქვევა ცხენებით შორიშორიდან ჩამოჭრილან ხოგაის მინდი და თორღვა, მაღალი მთების კუმტმა პირმშომ, ლაღმა მარტიამ, გაფრინდაულმა, გზა ჩაამტვრია ღამითა, და ახლა ამათ მხარდამხარ იბრძვის, ავზნიანებს სხეპს, ლისით გადმოფრენილა ყოჩალი ვაეი ბაჩუკა, დიდად მარგია, ეს რა ხალხია, კაცო, აი, ბრძოლაც კი თავთავის ქკვაზედ არა სცოდნიათ? ის გადარეული სირჩლა ბაბურაული თუ სუ ყივილ-ყიჟინით აქცევს იქაურობას, აეს დინჯები — სოლომან ბუტულაშვილი და ივანე კოტორაანთი, მითომ ნელინელ ირჯებიან, მაგრამ მომხედურთა ორლობეებს სტოვებენ თავთავიანთ დარბაისელს გზაზედა, ქართველებია, რა ქნან, იბრძვიან.

და, ბინდმა რომ არ გაპყაროს მებრძოლნი მტერნი, აეს

ჩვენები სუბოლო ძალსაც მოიკრებენ და ისე დასცხებენ, რისი საღამო და რაის მწუხარი, დღეს სუ კუპრისფრად უბნელებენ, სუ კუდით ქვას ასროლინებენ, სუ ბეჭებს აპანდურები-ნებენ ქუსლებითა, რადგანაც თავიანთ ვერან მიდაპოშა დარჩენია სულ ბოლო ძალა მტერსა, გარბის, მისდევენ, გაურბიან, ედვენებიან და, მოციქულობენ ისრები, შუბნი აქნევენ ენასა, და ხიდების ძებნის თავი აბა სადა აქვთ ახლა თავისი მწირი მიწის მონატრულებს, მდინარეში ჩაცვივდებიან და, ვისაც გვერდიგვერდ ძმა მოუკლეს, შვილი, მამა თუ მოკეთე, მკობელი, ხმალდახმალ გადააყვებიან და აბა მდინარეშ რა დააშავა, კლდის სიღრმეებიდან სპეტაკად ნაჟურს, გზადაგზა რუ და ღელეებშემოერთებულს, აბა რად უნდა იმასი წითლად მოშავო სისხლი, მაგრამ ანკარა ფერი ეცვლება.

მერე კი მართლა მწუხრის ბინდია. ილაჯგამოცლილნი, პირქვე წვანან და, შეგრძობულზე, გადარჩენილი მიწის სუნი უფრო ეღწევათ. არ ეკადრებათ ჩვენგან მაგრამ, მართლაცლა გდიან, მიმოფანტულად დაყრილან, დადუმებულან, ვიდასა აქვს საგზლის არაქათი, პირს ვერ გაუხსნით დანა. რო გაიმარჯვეს, სრულად ვერ გრძობენ, ისეთი დაღლილები არიან. ცოტას კი ჩათვლემს ესა, ჩვენი, მაგრამ ძილამდე ველარ ჩადის, სისხლის ლორწოც სცემს და ცუდ ბურანშია, რალაც შმუშვნებში ჩაფლულა და უცებ ვილაცის ტორსა გრძობს მხარზე, დაბალის ხმით ეკითხებიან — აი ესა და ესა, ანაგურელი ბიჭი ხომ არ გინახავსო. არა, არაო, ნაღვლიანად მიუგებს ჩვენი, თვალს გააყოლებს დამწუხრებულს, და უცნაურ რასმეს ხედავს — ვილაცეები, უფრო მამები, მოღუნულები დაიარებიან მთვარის შუქზედა, მოჩვენებებსა ჰგვანან, მერე უფრო მოიხრებიან, ჩაიჩოქებენ, მოკუნტულები, ძლივას არჩევენ მტერ-მოყვარესა; გაგიგონიათ? — თუმც შვილს, მაგრამ მოკლულს, მაინც გულდაგულ დაეძებენ, გალასლასდებიან მერე, ერთიმეორეს სუ ჩურჩულით ეკითხებიან, ჩემი ხარება ხო არ შეგხვედრია, ჩემი ფილოსთვის ხო არ მოგიკრავს თვალი, ჩემი წყალობა ხომ არ გინახავთო. არა, არაო, ისმის. და ერთიც კარგა ხნიერი გლესი, მუქად მოთხვრილი, ძილად მივარდნილ ჯეილებს ფრთხილად აღვიძებს და თრთის და ეკითხება: ძმისავ, ჰა, ძმისავ, ჩემი ცანგალა ხო არ ცანა-

სავით. ვაიმე ბიჭო, ცანგალას მამაა და ეგ არი აესა, ჩვენი, ელდისაგან ისე ძარდად წამოხტება, მიწაზე რჩება დაღლილობა და ოფლი, ერთად მიიწვევენ იმ დარდით დამყურე მთვარის შუქში, და დახოცილებს ჩაჩერებიან — ეს ხო არ არი ცანგალა და აი ეს ხო არაო. და განა მარტონი არიან, არაა, ბევრნი — ბეჩავებია, სუ შემცივნებულ სმაზედ კითხულობს ვიდაც, ხო არ იცით, ჩემს თევდორეს სადა სძინამსო, ჩემი შავლეგო მდინარეში ხო არ სუფთავდებოდაო, და შორიდანაც ბუნდოვნად აღწევს, ბიჭო გოგია, ხმა გამე ბიჭო, ვერა სედავრო, როგორ დაგეძებო, შენ კი აბა სად დაესეტები, ხმა გამე ბიჭო, გოგიააო. გათენებაძდის ფათურობენ დახოცილებში, კვარი უჭირავს ზოგსა, მთვარის შუქი და კვარის წრიატი სუ ერთმანეთში ირევა. ამას კი, ჩვენსას, თვალები ისე ებლიტება, ერთხელაც არი და, ვილაცას რო გადმოაბრუნებს, იქვე წაეწახება და ბალიშაღა აქვს იმისი გაციებული ბეჭი.

ჩაეწამის მურე, შენ, ბიჭო, შენ ბიჭო, ბიჭო, ჯერ ჰგონია თუ, კადე ვისმეზე ეკითხებიან, დაახელს თვალსა, მაგრამ მოსარტებით დამღვარა ვიდაც, დასჩერებია თავის სოფლელსა და, ამბავს — შენ, ბიჭო, შენ ბიჭო ანაგურელოო. შემფოთებელი წამოჯდება, უკვე დღეა და ისეთს რასმე დაინახავს იმისი უბეჭური თვლი, ძლივას აითრევს წელსა — სუ უპოვიათ თაიანათი მკვდარი, ერთად შეუქუსებიათ, და, მზეც არ ანათებს? მაგრამ აბა რაღა სითბო უშეკელია, ან ამეებს და ანდა იპათა, და ცანგალა-ბიჭიც თუმც მზის გულზე დაუსვენებიათ, ქართულა ცხვირი წაჰყინვია, აბა სადღა იმისი ლალი მოუსვენრობა, ცარიელაღა ღუმელია.

ამასა, ჩვენსას, ისეთ რეჩხს უყოფს დაღლილი გული, ისეთი ჭინჭრის გორგალს გაებჯინება ყელში, მიბრუნდება და, ცრემლებს შეებადა ყლაპავს. ერთი ცანგალას ჩია მამალა გაქვავებულა, თორემ ამათ სოფლელნი ცრემლით ილბობენ დაგვაღუღ სულსა, ცხარე დღეშია დიპლიპიტო, ტირის ელპოცა, მაგრამ ტირილი იქ უნდა ნახო...

ი კრამ ტარილი იქ უნდა ნახოთ, ცანგალა-ნაკლულ სოფელშია, ერთი პაწია გორაკიდან რო დაინახვენ უმხედრო



ლურჯას, შორიდანე იშპუელებს საღსი, ცანგალას ქალს კი, ჯერ რა ქალია, გოგო, ყოფილი ცანგალას დანახვაზე საღა გული შეუღონდება და ქალები იმას მიეხვევიან. წყალს დაასხამენ შეჭორფლილ სახეზე, კაკალქვეშ, ჩრდილში მოასულიერებენ და, ქმრისკე გაოგნებული იცქირება ისა, აბა სად ცანგალა და აბა სად იმისი აგრე ყოფნაო, და რო თაე-პირში უნდა წაიშინოს ხელი, ურთი საზრიანი დედაკაცი ასე ეუბნება: შენი ძლიერ ტირილი არ შეიძლება, ეცადე ნელინელ იტირო, ქმარი რომ მტერმა მოგიკლა, განა შენც უნდა მოუკლა შენ ქმარს შეილიო. თანაც, ხო ხედავ, ბიჭის მუცელი გააქო. გაიტრუნება ისა.

ცანგალა კი სუ ციმციმ შემოაქვთ, ცაცხვის გაუსხიპავ ტოტებზე დაუსვენებიათ და ამ ნედლ საკაცეზე მწვანე ჭოთლები ისე შარიშურობენ, ვინდაც ბლომად ნაცეკვი ცანგალას ხშირია სუნთქვა ხვდებოდეთ, მაგრამ სადღაა იმისი სუნთქვა. მთელი სოფელი იმას დაწყურებს, ბინდწაფენილ და ამაყად შორ სახეზე ისე გულდაგულ დასცქერიან, თითქოს უნდათ რო, აუმოძრაონ, მაგრამ ვის მზერას დაიტყობს ბიჭი, ძალიან, მეტად, თავის თავშია. რადაცა უნდათ რო იღონონ სოფლის კაცებმა და ვერა ხვდებიან, ქალის თვალი კი მაინც სწვა არი, და აკი ერთი არ დაინახავს? — უიმე, ცალი ქალამანი დაჰკარგვიაო. დასედავენ და, მართლაც. მერე ისე შეიძვრებიან, თითქოს დიდი რამ უნდა გამოასწორონო, არიქა, არიქათ, ჩქარა მაიტათ ახალთასალი ქალამნებო, და ჯერ რო მოთხვრილ პაჭიჭებს გამოუცვლიან, ახალ ქალამნებს ძალიან ფრთხილად მოარეებენ ფეხების ნაჯაფ წვერებზედა, ცანგალას პატარა დაი კი იმ ძველ ქალამანს სუ გულში იხუტებს.

წყაროს წყლით ჰბანენ ცანგალასა, ოღონდ ჯერ მზეზე შეუთბობენ, არ ეგრილოსო, კოხტად უვარცხნიან სველ, დამყოლ ქოჩორს, ამას კი, ჩვენსას, სული ეგრიხება, მაგრამ სხვასავით ფენმოუცვლელად დგას, სამშობლოსავით გაუერთიანებია სიკვდილს ზოგნიც უმძრახი მეზობლები, ყველაფერსა აქვს თავისი კარგი.

და ერთიც ზორბა ბერიკაცი დაჩიავებულ, გაქვავებულ კაცს მხარზე დაადებს დიდრონ ხელს და, ანუგეშებს: აბა, აქ რაა, აქ ერთი მოკლე წუთისოფელია და, ვინც აქ დიდხანს და-

ვრჩებით, ჩაჩანაკებად ჩავალთ სამუდამოში, იქაო, შენი ცანგალა კი იქაც სუ ცქვიტი, სუ ლალი და მარდი იქნებაო. არაფერს ამბობს მოკლულის მამა, სდუმს. იმის გულში რა ჩაიხედება.

ცანგალას ცალი ქალამანი კი მდინარის პირას კენტადა ძეკს.

იდება ასე, დიდხანს იდება, რადგანაც წყალი ვერა სწვდება, დააწვიმს, დაისეტყვება, დაათოვს, შემოადნება მერე თოვლი, მდინარეც ისე ადიდდება რომ, წამოუსვამს ცალ ტალღას და აატივტივებს, გზად წაიყოლებს. მიაქვს და მიაქვს მდინარესა ის ბეჩავი ცალი ქალამანი, სოფლები ხვდებათ, ზოგს შუადღისით ჩაუვლიან, ზოგსაც — უმთვარო ღამითა, დაბლითკე მიდის ცანგალას კენტი ქალამანი, მერე იკლებს მდინარე, მალღითურა მზით იხაპება, უწყლობით ღამის სულსა დაფავს, ეს ქალამანიც ძლივძლიობით მიღოღიალებს, მერე ქვებშუა გაეჭედება, უმძრახად არი, ახლა იქ აწვიმს, ახლა იქ ათოვს, მერე კი ისევ ადიდდება მესხუადასხვიე მდინარე, შეუნდება, შეუნდება ქალამანს, არ მოეშვება და ისევ ციმციმ აატივტივებს, ისევ წაიყოლებს დაბლითკე და იქამდისინ ატარებს, მინამ ძალიან მლაშე წყალში არ შეაცურებს და იქ კი ჩაძირავს, ძალიან უცხოოდ გაყურებულა ქვიშიან ფსკერზე ერთ დროს ქრელ ყვავილებში ნათამაშევი ქალამანი და, მარტილი ძლიერ ნელიანელ ლოღნის, ალხობს, ცეკვა-თამაში და გულდაგული მხიარულება აიქა, ზევით, სულ არ უკვირდა ქალამანსა, მიჩვევან იყო, ახლა კი, დიდი-დიდი, ბლანტმა თევზმა თუ ჩაუცუროს.

სუ უცაბედად წარმოუდგენია ამასა, ჩვენსას, აეს მასალა არი თუ მასალის მსგავსი რაღაცა არი და გული ეკუმშება, ცანგალას კენტი ქალამანი რო ცალი და კენტი ქალამანია, იმასაც კი დარდობს და, თავად ქალამნის ლალი პატრონი? — მკვდარია, წევსა. აბა რითილა შესძლებს ჩენი, გული ოღნავ მაინც რო მოიოხოს და, აკი თვითონვე არ მიჰყავო გადაღლილ ფეხებს? — აუყვება, აუყვება სოფელს, წყნარ ორღობეებს აივლის, სუცოტას გაივაკებს და, სოფლის განაპირას ერთი ჩამკქნარი მიწური როა, იმას მიაშურებს, იქაა სოფლის თავიც და ბოლოც, გააჩნია თუ, საიღამ მოღიხარ. იქ კი ქალი დგას შა-

ოსანი, ბლამად შვილები იმის დაბნობა, და ასევე ერთადერთი და დარჩენილი ნუგეზად, ესა კი, ჩვენი, ისე დარცხვენით უახლოვდება, თუგინდ სხვისი ბაღდი იყოს, ჯერ ასედავს და, მოხველ, შვილო, იმ ერთადერთი, იანანური სმით რომ ჰკითხავს ისა, დახრის ეს ჩვენი უნებური ცოდვით სავსე თავსა, მიწას დააბჯენს მზერას, მიწისკე ითხოვს, დედი, პური მაჭამეო. ახლავე, შვილო, დინჯად მიუგებენ, მაგრამ ეს მხოლოდ ყურისთვინ — დინჯად, თორე სუ გული უფრთხიალებს, ისე ძალიან უფრთხიალებს რო, აიმავე ღამით სახეზე კიდევ მეტად დაჭკნება, შვილებისგანა აქვს ნაოჭებიც და დიდრონ-დიდრონის თაღისფერი ლაქები ხელზე. პურის საჭმელად დაბალ ტაბლასთან დასვამს შვილსა, პურიჭმევა — ეს უბრალოდ ჰქვია, თორე, შოთებთან ერთად მარილიც გამოაქვს, მწნილიცა, გუდის ყველი და პრასი, ბოლოკი, ლობიოცა და, ერთიც პატარა ხელადა ღვინო, ვაშლის ქვეშა ზის აესა, ჩვენი, დაფიქრებული ილუკმება, დედა კი სუ თვალებითა სჭამს, ოღონდ ისე უჩუმრად, რო არ შეაწუხოს; დგას. გაუშემდება ერთხელაც ამას პირისკე წაღებული, მარილში ჩაწობილი დახვეულპრასიანი ხელი, ერთბაშად იმისი აუარება რამ ახსენდება, და ისე ჩაესმის, როგორც რო ლოცვა — დედას ვუყვარვართ შვილები... შემკრთალი, მაშინვე გახედავს, მაგრამ გულთამხილავია ისა, მანამდე მოარიდებს თვალს, ვითომც ჭილოფზე გაფენილი ხორბლისა და იმას დასეული ჩიტების დარდი აქვს, აქში, აქშიო... ამასა, ჩვენსას, ყელში პური ებჯინება, ისე ჯიუტად და ისე ცხადად ჩაესმის დედას ვუყვარვართ, დედას ვუყვარვართ შვილებიო, და, ყელში ლუკმაგაჩხერილი, ეჭვობს: დედა თუ ვუყვარს შვილებსაო?... აესა, ჩვენი, თუ კენჭია, სუ მაღლი-მაღალ, პიტალო კლდედ ქცეულაც, იყოც ეს დალეული, ნატანჯი ქალი, შვილი სად უნდა წაუვიდეს რო, ანკარა ლოცვა არ მიუწვდინოს, ჩვენი თვათონვე კი გააჩინა, მაგრამ თავადაც ამ ჩვენით უდგას ჯავრით დაღრღნილი სული, ამითი ცოცხლობს, ამის პურიჭამითვინა აქვს შერჩენილი ჯაფით დარღვეული და ჯაფითვე დაკემსილი სხეული, აესა კიდევ, ზამთრობით მაინც, თვე ისე გავა, არც დახედავს და არც მოიკითხავს, არც ასსოვს იმისი ძალიან ჩუმი, დედური ღვაწლი, რაღას არ ასწრებს აიმ დროში, ხეების მოჭრას, შეშის დაპობას, თივის

მოზიდვას, ცოლ-შვილს, ბუზიკას, ფეფელოსა, ელპოს, ძმაბი-  
 ჭებს, ჭიდაობას და ლახტის თამაშს, ოღონდ ეგ არი, დედის ამა-  
 გი აღარ ახსოვს და, უცებ თავის თავს გაშტერებული ჩაეკით-  
 ხება, დედა თუ გვიყვარს შვილებსაო. ისეთი სევდის კაეშანი  
 მოაწვება რო, ლამის იქავე ჩაიკეცოს და, მხარუკულმა იტყვის,  
 წავალ, გავივლი, გამოვივლი და ისევ მოვალო. ჩურჩულით  
 ესმის, აკი გითხარი, წადი, მიიარ-მოიარე და ისევ მოდიო.  
 კიდევ კარგი რო, კორომი მაინც ეფარება, და სუ არავინ რომ  
 არ დაინანოს, გადახნულ მიწაზე პირქვე წვება და, ორ დიდ  
 ბელტშუა თავნარგული, სუ დანანებით იმეორებს: დედას ვუყ-  
 ვარვართ შვილები, დედა არ გვიყვარს შვილებსაო... მერედა,  
 რათა, რათაო, გამწარებული ეკითხება საკუთარ გონსა, და ბა-  
 სუხის მოსაძებნად თავს რო წამოსწევს, დაიხედავს და, რასა  
 ხედავს, დასწერებია დედას, მიწას, მიწაა ზორბა, ნოყიერი,  
 მუქად ხასხასებს, აი ეგ არი თუ რაც არი, მარცვალს ჩაუვდებ  
 და, ოც იმტოლა თავთავს ისე ამოგაშველებს, როგორც რო  
 ვითომც არაფერი, ერთ გაჩხიკინებულ ნერგს მიაბარებ და,  
 პატარა ხანში ისეთი ხეა, სუ ბროწეული და ლეღვი სცვივა,  
 სუ შენთვინაა, და რომ ისა გშობს, აი ესეც კი აღარ გახსოვს  
 და მაინც ისაა სუბოლოს შენი წყნარად შემკედლებელი, აიქა-  
 მდე კი, ვრცელი გადია, დაუყვედრებლივ მიგიშვებსა და და-  
 გატარებს თავის უხვ გულზე, ერთი ეგ არი, ცოტათი უნდა მი-  
 ეხმარო წვიმა თუ ძაან მოენატრება, და აი ის წყალი უნდა  
 მიაშველო, ისევ იმისი იღუმალღი სიღრმეებიდან ამომდინარე  
 ჯა იმის გულმკერდზე გადავლილი, და აი ეს შვებაც ისევ  
 შენთვის, ადამიანისათვის, უნდა, მაგრამ უფრო ერთიმეო-  
 რის სისხლითა გაქვთ მორწყული და, აიმ ჯანდაბა და ოხრობა  
 ხმალსა და ენას რომ უღერებთ ერთმანეთს, რა, სხვისი გინ-  
 და?, შენი არ გყოფნის?, და, ვითომც ქართველი ამა საქმეში  
 გინდაც დიდი დამნაშავე იყოს, ცანგალას ახლად გაჭრილ  
 სამარესთან დგას და, შიგ ჩამხედვარეს, მასალა არი თუ რა  
 არი, ის აბუტბუტებს — დედას ვუყვარვართ შვილები, დედა  
 არ გვიყვარს შვილებსა, და მიტომ წუთისოფელი სულ მუდამ  
 გვაცოდვილებსა, ამოყრილ მიწას დაჩერებია, არც მოუცვლია  
 ომში ახლახან ნამყოფი ფენი, ბიჭი-ცანგალა კი ჯერ.სამ ფი-  
 ცარში სხვის ნებაზედ წევს, განსაკუთრებით ძვირფასია, და

იმისი უბელო ცხენიც, დამწუხრებული დიპლომატოს ხმამალალი თქმით, ისიც ძალიან ძვირფასია — ცანგალავ, გიორგას შვილო, შენი ცხენი ხვიოდაო, ლაგამსა და უნაგირსა მარკალიტი სცვიოდაო, და ამ სიტყვებზე ცოტათი მოუმჯობინდებთ დაჯიჯვნილი გული, და, მეოხსე ფიცარიც რო უნდა დახურონ, ვეღარ შეიკავენს კენტ თავს იმისი საბრალთ ცოლი, გავეშებული დასძახებს: შენი კაკორი უღვაში მიწამან შინახოსაო?! ბიჭით ყენმძიმე, გადაემსობა, მაგრამ ძალიძალა გააშორებენ, მობრუნდებიან, დაიხრებიან, ესეცა, ზვენი, მკვიდრი დედისას ერთ პეშვს შიაცურის, ხმა ამოდის რო — კუბოზე მიწის გრუხუნია, ეპ, სად ხმარობენ ყარათე ნიჩაბსა, სოფელს მდუღარე ცრემლი ჩამოსდის, მოელა სოფელი ზართია და ვიშით იოხებს ჩამოფხაჭნილ გულს, მაგრამ ის ზორბა, ხნიერი გლეხი ახლად ამოზრდილ გორაკს დაადებს დიდ, ფართო სულმთლად დაკოჭრილ ხელისგულს და ხოციერთათვის დიდად გაუგებარს რასმე, აძბობს:

— ცანგალა საყდარს შევიდა, ყურძენი შეიტანაო.

## 11.

ყურძენი, ვაზი... ყურძენია და ვაზი ამათი თავი და თავი.

ვაზი უყვართ რო, სად და სად აღარ ეჩვენებათ, ხან რო მამა და მარბენალია, ხანაც ქალწულად ეცხადებათ, და უყრის ხშირად კი ვაზო, შვილივით ნაზარდოო, ეფერებიან. ღვსანო ისე არ შეისმევა, არ დააყოლონ, ვაზს გაუმარჯოს, ბრუნდებირიანსაო.

უყვართ.

და რაღაც კიდე უფრო მეტი — თლონდ ვენახში დაამინე, არც მატყელი უნდათ ქვეშაგებად და არც ბუბბული, თივა ურჩევნიათ, მუშტზე დადებენ გაუპარსავ ლოყას და, ბნელშიც კი ფრახილად შესცქერიან. ხლართები აქვს რო, რომელს საითკენ გაუწევია, სულ ვერ გაიგებ, სუ დაყვავებიან უნდა შეხება და, ამას თითები უნაზდება? — რისი აბრეშუმი და კერტი.

სუყველგან ვაზი ელანდებთ, იმათ საყდრებსაც ქვის მტკვნები გამოუსხამთ, ისეთი რა უნდა იყოს რო, ავად თუ კარგად, ვაზს არ შეუღარონ — ჩამოადგება, ვთქვათ, ვინმე ბაქია,

ასტებს და ასტებს უკვივო ტრაბახსა, გააყრენს, გამოაფრენს და რო წავა, გააყოლებენ აესენი დაღვრეხილ თვალსა, არა, იმისი ოფოფები კი არ ედარდებათ, ნეტა ზემს ვენახს მაგისეფი ესხასო, ჰფიქრობენ.

როგო უვლიაან... მოწონებული. ვაზს რო რაც უნდა, ცხვარს არა აქვს იმდენი ბეწვი, სუმუდამ უნდა დასტრიალებდე, ხო ალერსით ზრდი, როგორ არწყულებ, მაგრამ წყალზე არანაკლებ სჭირდება თფლი. იმაზე ყველაყერი ალალია.

აი, ქალწული მამინაა, მტევნები რო დაუმშვენდება, მაგრამ შვილივით ნაზარდა, ხელს ვერ შეახებ და, უხვი რთვლობისას განზე გამდგარი, ქალებს და ბაღლებს მიუშვებ და, იმად აკრეფინებ. აღარც კი იცი, მტევნის მოწყვეტა გიხარიან თუ ეწყინს. მაგრამ მერე კი, ტანჯვითა და ალერსით ნაზარდს, კარგად გახეხილ-დაბანილი, მაგრამ დიდი გლებური ფეხისგულებით უნდა შედგე, ასეა წესი. ქალური ზვევით, დაგიმახსოვრებს, როცა იქნება, ისიც ფეხს დაგიდება და შეგაბარბაცებს, რაგინდ მოჭიდავე იყო, ერთხელაც იქნება და ბეჭებზე დაგცემს ძაან ნამეტანს თუ შეუჩნდება, ქალი არი და, ყუხით გაქეღვას არ გაპატიებს, თუმც, რაღა ქალი, ქვევრებში დგა და, ქაბუკია რო, დულს. ჯეილია და ცის კიდობნების წვდომა უნდა, მიიდი აბა და, დაჰხურე თავი, ქვევრს გაგიხეთქავს, მაგრამ მერე, რო დაშოშმინდება, თხელი შუშით ამოიღებთ და მზებზე რო გახედავთ, სუ სიხარულის ძვრას გიზამთ გული, მაგრამ დინჯები ხაართა, არა უშავრა მასალააო, დინჯადვე იტყვი.

ზამთრობით, როგო გატრუნულა... რა ხდება, კაცო, თოვლიც კი ადევს. მაგრამ იმის ნაყოფის წვენი მშობელ მიწაში ცოცხლად გიდგას და შენი ძმაცაა და მეგობარიც — ლხინი არი და, შენთანაა, თუ ჭირია და, ისევ შენთან არი. მაგრამ სიფრთხილით ძმობა ჰმართებს, ძალიან თუ გაუშინაურდები, იმან აფრაკი ხერხები იცის? — კისერსაც მოგტებს. ცოტ-ცოტაობით მეგობრობა უნდა.

უყვართ.

და, როგორია, მტერი თუ ძაან შემოგესევა და ძლიერ ბევრია, მთაზე ადუღებებულ სიმაგრეში სოფელთან ერთად უნდა შეიყურო და, თუ ვერ აგიღებს, ზემოდან დასცქერ, როგორ გიწვაგინ უბრალო სახლ-კარს და ევ კიდე მაინც არაფერი,

ქვევრებს გიბილწავენ, იმ ვენახებს გადაქელავენ და, ბევრ-  
ჯერ მომხდარა, აუჩუხიათც. შენს გულში მაშინ რაცა ხდება...

თუ აგიღო და... ვიცით.

მაგრამ მაინც ვაზის კაცი ხაარ და, მაინც ისევა ზრდი,  
ისევ ახარებ, სუ რიგებშია მიდი-მოდინხარ, წელში მოწაილი  
დაიარები, და განა მართო მოვლას აკმარებ, მეტისმეტობით,  
ხანდახან სულიც შეგიბერია.

როგო გადის დროო...

დრო როგო გადიის...

აი, წელან რო ჯეილი იყო აესა, ჩვენი, მერე ვაუკაცია, მე-  
რე, გავიხედოთ და, შელახული ქოჩორი ეჭირხლება. მაგრამ  
ელპო რისი ბიჭია, დროს რას დაიმჩნევს, ჯერჯერობით დანე-  
ბებისა არაფერი ეტყობა, აი, ზამთარი რო ზამთარია, მაშინაც  
კი გამოაცოცხლებს ხოლმე თვლემაში ჩათბუნებულ სოფელს  
— ვიღაცის ძალუმი ღრიალი გაისმის, დაიჭით, დაიჭითო...  
გაიხედავენ და, რასა ხედავენ, გაუკვალავ თოვლში მიფართხუ-  
ნებს ეს ჩვენი ელპო პერანგისა და იმისი ამხანაგის ამარა,  
ცალ ლოყაზე ფერუმარილი გადმოსდებია, უკან კი რომელიმე  
კაბოსანის ხელკეტიანი ძმა თუ გარე-ბიძაშვილი მისდევს და  
„დაიჭით, დაიჭით“-ს ისა ღრიალებს, ეს ელპო კიდე, რო იცის  
რო სოფელი შესცქერის, ისიც არა ჰყვირის? — „დაიჭით, დაი-  
ჭით“-ო, მითომც ეს ორნი ვიღაც მესამეს გაუკვალავ თოვლში  
მისდევენ.

დაუჯერებენ, როგორ არა, მიართმევენ, კი.

რა იქნებოდა ამათი ცხოვრება, შელავათები რომ არა ჰქო-  
ნდეთ, რა იქნებოდა და — ცარიელადა მუშაობა, ბრძოლა, დაგ-  
ვა, ტანჯვა და წვა. მაგრამ ზოგმა რო კოსტა ცეკვა-თამაში  
იცის, სხვებს ისეთი სიმღერა ამოსდით პირიდან, შენც დააღე  
პირი და ისე უსმინე, ზოგი რო ისეთ საყდარს აშენებს, იქიდან  
რო აღარ გამოისვლება, სხვა ისეთ ლექსს ამოთქომს რო, რა-  
გინდ სქელკანიანი იყო, ტანში დაგბურძგლავს, იქით კი ვი-  
ღაცას კარგად დათხვრილი ხელი მოუმარჯვებია და, თითე-  
ბით ჰხატამს ისეთებსა, ბრმას და მუნჯს დააყვირებს, მოკლედ,  
ხალხია რო, რაღაც სიტყვაა... უნიჭოები არ არიან, ჰო.

ახალგაზრდობის კიდობნებზე იძახიან, ნელინელ, მაგრამ  
იცლებათ, ალბათ მართალია, აბა სადღაა იმისი ძველი ჯანი,

ყანიდან ისეთი წელმოწყვეტილი ბრუნდება, აღარც ბუზიკა ეწადილება და აღარც სოფელგარეთ ცეკვა-თამაში. ერთი სული აქვს, შინ მიბრუნდეს და, ცოტა იჯანშმოს, მერე კი დამზრალი ფესები დაიბანოს და, დაწვეს, დაიძინოსა, ბოლო დროს მაინც, ხშირად სცივა, ძველებურად ველარ უბრუნავს სისხლი. ერთხელაც — აბა ეს უნდოდა? — გავისედოთ და, მოადის ბილიკზე ყოფილი ფეფელო, ერთს კი შეავლებს თვალს ჯერ შორიდან ესა, ჩენი, და ზაცმულსაც კი ატყობს, როგო დამჭნარა, აბა სადღაა იმისი ნედლი საფერებლები, არადა, ისე თამამად უახლოვდება ისა, ვითომდაც ძველი ფეფელოა, რისი ფეფელო, უფრო თავის დიდებასა ჰგავს, გამარჯობათ, გავიმარჯვოსო, დგანან. თვალეში მაინც ცუდლუტია, ვითომც გაკვირვებით ეკიახება, უიე, ეს რა დავმართნია, ბიჭო, როგო მოხრილხარ, მოკუზულხარ, ეგ მხრები როგორ ჩამოგყრია, რა იქნა შენი ნათლის კბილები, ანდა ის შენი სარეველასეფ უხვი ქოსორი რაღა იქნაო? ერთს კი ახედ-დახედავს ესა, ჩენი, და პირზე მოადგება, შენ რაღა დავმართნია, ქალო, გაკრეფილ ვენახს რი დამსგავსებინარო, მაგრამ გაცია დე, თავის დაჭერა ჰმართებს, სდუმს. ისა კიდე, ცბიერად რატრატებს, სხვა, ოჯახში როგორა მყევხარო, ის შენი პირშიმთქმელი ცოლი როგორ ბრძანდება, როგორა მყავსო. არა უშავ-რა, თქვენის ლოცვა-კურთხევითაო, ცბიერადვე მიუგებს ესა, მაგრამ მერე აღარ იციან რა თქვან, ყოფილ ფეფელოს თვალეში ცეცხლი უნავლდება, დაღერებოლები დგანან, სხვა დროა. გარქა იყავო, განზე ამბობს ფეფელო, კარგა იყავო, განზე ამბობს ესეცა, ჩენი, გვერდს ფრთხილად აუვლიან ერთმანეთს, თავ-თავისკე მიდიან.

ეპ.

მაგრამ იმ საღამოთი მაინც ვერ იძინებს, შორეულ ბუზიკას თვალდახუჭული უსმენს, უსმენს და, წამოდგება. იმ თავისი ცოლის რუხ თავშალს მოისხამს ბეჭებზე, დაციწვის ღარდი სულ არა აქვს, ოღონდ არ შესცივდეს. წავა, წავა და, სოფელგარეთ თავის ჯეილობას მიადგება — ისე უკრავენ და ისე მღერიან, სუ ცასა სწვდება ტაში, ერთი კი, მაინც, ისე ჰთამაშობს, სუ ფეხის ფრჩხილებზედ სდგება, მეორე კიდე ლექსებს იბახის ისეთსა რო, თუ გაგაგონა, საიქიოდან მოგაბრუნებს.



აი, ეგ ორნიო, ვიღაცას ეკითხება, ვისი და ვისი შვილიშვილები, ვინა და ვინ არიანო. ეგაო, ლექსებს რო იძახის, ცანგაღანთ ბიჭი არი და, ისა კიდე, კარგა რო თამაშობს, დიპლიპიტუნთიაო. დაფიქრდება ესა, ჩვენი, რამე ხო არ მეშლება, აკი პირიქით არ უნდა იყოსო? ამბობს, ამისი პაპა, ბიჭიცანგალა, კარგა თამაშობდა და ჩვენი დიპლიპიტო კი განაჭრელ ლექსებ არ იძახდაო? ეუბნებიან, აბა მე რავი და, აგრეაო. არა, პირიქით უნდა იყოსო, ამბობს. ეუბნებიან, ჰოდა, სწორედაც პირიქით არიო.

ვაპ.

ამასა, ჩვენსას, თავის შვილიშვილთაგან ერთის დარდი უფრო აქვს. იქამდე კარგა დალაგებული ყმაწვილი იყო და, უცებ ისე გადასხვაფერდა, მთელი ახლობლები სწუხან — სუ უმიზეზოდ გარბი-გამორბის მინდორ-ტყეშია, შირიდან ცეტი გეგონება, ახლო თუ მიხვალ და თუ შეგიჩერდა და სვალებში ჩახედავ, ლამის გიჟია და ეგ არი. თურმე ნუ იტყვიოთ და, რისი გიჟი და რისი ცეტი — ისე-უბრალოდ, შეყვარებულია. გადაჯვარედინებულ ხმლებსა და მწვანე რტოებქვეშ რო გაატარებენ იმას და იმისი გულის ტკარცალა რჩეულსა, ყმაწვილია რო, სუ პირმცინარი. ამაყიც არი — უკვე ქუდზე კაცი ყოველმხრივ ჰქვია. ორი თვის თაგზე ბრძოლაში ჰკლავენ.

ომში ყმაწვილის მოკვლა უფრო ცოდოა, ლხინიც ნაკლები გაუვლია, ჭირიცა, ჯერ წუთისოფელი რა არი რო და, მოწადინებულ გულიანებს, ისიც კი სანახევროდ ვერ უგემნიათ, დასდგომიან თავა-სანთლებდანთებულთ, გულმოკლულები, ეკითხებიან: ეგ შენი მჯიღა თვალები ველარას დაინახავსო? ახლა სხვას დაჰყურებენ, ცრემლმორეულები: ეგ შენი ბროლის კბილები ველარცვის გაუცინებსო? ერთ ჭიქას ამასაც მიაწვდინან, ჩვენსას, აკანკალებული ზელით გამოსცლის, დასჩერებია ახლად მოკლულსა და, ეშლება თუ თავისას ამბობს, ვიღა გაიგებს: ეეე, ცანგალ, რა ბიჭი იყაო?..

სხედან ესა და ელპო მომჩვარულები, სხედან, ელპო უფრო დაუღლია ცხოვრებას, ზამთრობით ბუნარს ეფიცებიან, გაზაფხულობით — მზესა, წინასწარ სცივათ. ძველ ამბებს ველარ იხსენებენ, და წუთისოფლით გადაქანცულ გონებაში ხანდახან თუ შეეჭყიტებათ წრიატა შუქი: შენა, კაცოო, — ძმაბიჭის სა-

სელი აღარ ახსოვს ჩვენსას, ოღონდ იცის რომ, ისაა, — გახსოვს, კაცო, ჯეილობაში ეგოებ რთ დავდევედითო? ელპოსაც შუქი შეჰქულებთია, უხალისდება დაგვალვული სახე, — როგო არ მახსოვს, მახსოვს, მახსოვსო, — და უცებ შეფიქრიანდება, — მაგრამ რითვიინ დავდევედით, ეგ აღარ მახსომსო. არც ამას ახსოვს და, ტყუილ-უბრალოდ ნეტაი რათ ვაწუხებდითო. უკვირთ და, სხედან. ერთი გამორჩეული შვილიშვილი თუ ბადიში ჰყავს, ფიდო, ბაღლი არი რო, ცეცხლი, და სუ ფიდოს დუნე ძებნაშია. ოღონდ ამ მაინც ჩვენსას მარტო იმისი მამის, გოგიას სახელი ახსოვს და, რამდენი ბაღლიც ჩაურბენს, სუყველას მიაძახებს, ბიჭო, ვისი ხარ მალხაზიო. მარტოკალა ზის თავის ჭიშკართან, და მზე რაგინდ მალლა იდგეს, ამისთვის მაინც ბინდისფერია სოფელი, უფრო და უფრო ბინდდება, მოჭუტავს, მოჭუტავს ეს ჩვენიც თვალსა, სუ ბინდბუნდშია რამდენიც გინდა იფხიზლოს და, რაღად იფხიზლოს, წავა წავა წავა და, ერთხელაც არი ძალიან მიიძინებს. კიდევ კარგი რომ, თავითთ მაინც არა სცივა, სანთელი უნთია ერთი. ძლივასლა აღარ მოისკენა? მაგრამ, რა ხდება, გავიხედოთ და, ისევ ბაღლია, თავისი ფიდო, ერთი სული აქვს ყურებზე აძვრეს, ტყისაკენ დასხლტეს, ორღობეები მოირბინოს, სოფლის ღელეში იჭყუმპალაოს, ლახტის თამაშს უცქიროს, ზიტის ბუდეები იპოვოს, მაგრამ აკვამლებულა ის საშიში მთა, წითის კაბაზე, დედის მუნხლთან ჩაუჭიდა პაწია ხელი, დედამისს კი ამაზე უფრო პატარეები ორი ბაღლი აუტაცნია და მალლა მიდიან, გავიხედოთ და, ყმაწვილი ფიდოა, მინამდე რო დალაგებული ეგონათ ყველას, ახლა კი სუ მინდორ-ტყედ დარბის, ჰქშენს, შორიდან რო შეხედო, ცეტი გეგონება, თუ შეგიჩერდა და თვალეპში ახლოდან ჩახედავ, ლამის გიყია და, ძლიერ დაღლილი სულს ძლივსლა ითქვამს, დაეგდება და, პატარა ხანში ისეთი სცხელა, მთელ ჭას დაისხამს ავარვარებულ თავზე, მაგრამ სადაა აბა წყალი, არადა, სწყურია, სწყურია რო, მარტო შეყვარებულობისას რო იცის, ბატის ბუმბულიც საიდამღაც გასჩრია თმაბურღულ თავში, და შეყვარებულობისავე ბრალია თუ რა, ისეთი განათებული ბურანი ჩამოადგება, აღარც კი იცის იმის ბეჩავ თავს წისქვილის რა ქვა ტრიალებს — რაც უნდა მოხდეს, ის ელანდება თუ, წარსულს იხსე-

ნებს, რა ღვთის რისხვაა — რაც უნდა მოხდეს აის წარმოუდგენია აალებულ თავში თუ, რაც უკვე მოხდა, რეებს აღარ შვრება აეს ოხერი სიყვარული, ერთი მარტო ის იცის რო, პირაღმა გდია და ძლიერ სწყურია, სუ ემშრალემა ხახა, აჰ, ერთი ახლა კაი ციე-ცივი კომპოტიო.

## 12.

მაგრამ წამოდგომა და მაცივართან მისკლა ეზარება. მიბლანტებულა, იუგოსლავიურ ტახტზე წამოწოლილა, უნგრულ საღეჭს სუ ტყუილად ღეჭს. ვინ დაიჯერებს, მაინც ჩენია. ადექ, ადექო. დანმაცადე რა ნკიდევ ცონტა ნხანიო, დაამთქნარა. გამოიღე ეგ სისულელე პირიდანაო. მაინც რატომო, ჩემი ჟუვანკაა და მინდა დავღეჭავ და მინდ არაო. გამოიღე-მეთქიო. აღარ აძინებენ, აჰა, კარგიო, საფერფლებზე გუშანით დადო. ახლა, ადექიო. მოიცადე რა ლოთიანად კიდევ ცოტა ხანიო, გაიზმორა. არა, ადექიო. ესლაა, გაბრაზდა, რა გინდა, რას გამიჩმახე საქმე, ერთი ხოში ხო შეგისრულე, თანაც ვინა ხარ რომ ჩემზე დირექტივებს იძლევიო. ვარო. საიდანა ხარ, რომელ სისტემაში მუშაობო. გრძნობს რომ ღიმილით ეუბნებიან, მზისაშიო. მზიურშიო? არა, უბრალოდ, ასტრონომიცი ვარო. მაშინ შემეშვი, მე კიდე გასტრ... უფრო ჩაეძინა; მოკლედ, ჰაი გიდი.

მაგრამ ზღაპარში კი არა, უარესშია, სუ ძილ-ღვიძილის სიზმრებში არი. ის მაინც აღარ გახსოვს, ერთხელ მკაფიოდ რაც გითხარიო. რა მითხარიო. რა და, გაჭირვებისას არ გამცონარდე-მეთქი. თვალეზდახუჭულს, გულიანად გაეღიმა, ჯიბესავით დაებურა ლოყები, ჯერ ეს ეგ ერთი, რამ გამიჭირვა და, მეორეც, ათასი ექსპერტ-კონტროლიორი, რამ გამამცონარაო, ფეხები უფრო გაჭიმა. ბოლომდე მაინც ვერაა გუნებაზე, იცის დასცქერია. ერთ დროს უკეთესი ბიჭი იყავიო. შეფიქრიანდა, მაინც როდისაო, ლამის დაახილოს ცალი თვალი. როდის და, აი, შედეგრი და იმისი მასალა როცა გენატრებოდაო. ფჰიიო, შედეგრი არა ტოროლაო, რაღადროს შედეგრია, ქვეყანა გაკეთდაო. კედლისკენ არხეინად გადაბრუნდა, მაგრამ აღსდექ, აღსდეგ, შე ოხერო და შე ტიელოო, დაულრიალეს.

ისე წამოსტა, მოწონებულნი. თურმე ჩაცმულია, ვენურ სარ-

კემი მოხანს, ისე აცვია, სულს და გულს, — თეთრი პიჯაკი და იმისი ამხანაგი, ნაინჯისფერი ფესსაცმელები, რამე, გაჭირ-  
ვებაშია, როგო არა, კი, გაჭირვებაში კი არა და, დატენილო-  
ბით, სუ კარადები უჭრიალებს. მაისც ჩვენია. ასლა დაჯექო.

ზის. ტელევიზიორს უყურებს, კარგა-კარგი სუ თეთრი ვო-  
გუები სუ პაერობიკულ ტანცებს ჰთამაშობენ იქა. ჯერ ჰვო-  
ნია თუ, ეს ყველაფერი მომეჩვენაო, ხასიათზედაც — მოდის,  
არა, ეგ გამორთე და რადიო ჩართეო. რადიოში რას დავინა-  
ხავო. მისი, ჩართეო. მივიდა, ჩართო, მეც, რეეგვენმა ჰატარ-  
ძალმაო, ესმის, რალაცა მოხედა იმის შემსიმებულ გულს.  
რალა რალაცა — მშობლიურია. მერე, ჩალუნა თავი. ვინდა, რთ  
გისხრა შენ ვინა ხარო, ოღონდაც მხოლოდ ცუდ-ცუდებს აღ-  
გინიშნავო. მიდი, ვისმენო, თვალეზიც დახარა. მიდგა და მიდ-  
გა, ჩამოუთვალა, რაც და რაც არის, ოღონდ მარტოკინ ცუ-  
დებს გაუსვა წითელი ხაზი. მეტად სადღა ჩალუნოს თავი, არა-  
და, უნდა, მაგრამ მოესმა, სულეელ, სულელ, მაინც მიყარ-  
ხარო. რათაო, ასედა. რათაო და, მაინც აღერხით დასცქერი-  
ან, შენსთანეზიც კი უფრო მოყვარან და, თანაც, შენი თოხისა  
წკრიალი ზემოთე ამომდიოდაო. ეგ რთვორღაო, თოხი ხელ-  
ში არა მჭერიაო. ადრე, ადრეო. ჰოლო, პოო, მშრომელი ხალ-  
ხი ვიყავითო, ცოტათიც ვაიჯგომა იმ საეის ნაქებ პიჯაკშია.  
უსებ, რა ესმის, თქვენა, ქართველებს, აბა რა და რა გააქვთ  
კარგიო. რაო, რაო და, თამამად არი, რაო ია ცეკვა-თამაშიო.  
ასლაცა გაქვთო? აბა!-ო. სადა, სცენაზეო? მამ აბა ქუჩაში ბომ  
არ ვისამაშებთო. კარგი, მეთრეო? მეეთრეო, რაო და, რაო  
და, ერთი რადიოს ჩაუწევო, უი ჰო მართლა, კარგად მღე-  
რაო, და შეერთხიალებულს, ახსენდება, გუშინ არ იყო? — მდი-  
ნარის პირას რომ იხსდნენ ოთხნი, რაო და, პირველიო, კარვი  
პლერაო, დიპლიპიტომა, კი, ეგა გვაქო, და მეთრეო? მეეთრეო,  
ცანგალა-ბიჭმა, რა და ფიცხლად თამაში და კოხტად ცეკვაო.  
აგრეა, აგრეაო, და აბა, გიგმაჟ, მესამეო? ენა გვააქ კარგიო,  
ელპო იძახის ამასა, ქვეყნად რა გინდა, ზენ რთ მარლიანად  
ვერ გამოეთქვათ, რალას არ იტყვის ჩვენი სოველი ენაო.  
ხწორიაო, ამანა, ჩვენმა, ამისი რიგიც დამდგარა და, ერთი შე-  
დევერის ერთი მასალა ამასაც უღვივდება, უელამდება თვალი,  
მესახე ისა გვააქ რთ, აბა ჩვენი საყდარ-ტაძრები ნახე, თავი-

სით ხო არ აშენდებოდა, სხვისი სელით ხო არ მოიხატებოდაო, კიო, კიკიო, სწორიაო, დიპლიპიტომა, მაგრამ ჩამოთვლა თანდათან უჭირთ, არადა, დიპლიპიტოს ჯერია და, პატარა ხანს სდუმს, მერე ფრთხილად იძახის, მე მგონია რა, კარგა ოხრებიც თუმცა კი ვართ, მაგრამ გულისგულში მაინც კეთილები და უხვნიც ვართო, რავი, აბათ, შეფიქრიანებულან, ერიდებათ თავიანთი თავის ქება, მერე სმადაბლა ამბობენ, აგრე, აგრეაო და აბა, ცანგალ, მეექვსეო, იმას კი უკვე მოუფიქრნია, გულადები და მებრძოლნი ვართო, სამშობლო გვიყვარს, გულადები და მებრძოლნი ვართო, აბ და ვინმე მოვიდეს ჩვენზედაო, სუ ყოფას ვუტირებთო, ისე გაიძახის ამასა, თვალები უელავს, ზეზედ წამომსტარა, სუ ფეხის ფრჩხილებზედ სდგება. კარგი, დაჯექიო, და აბა, მეშვიდეო? ელბოს ჯერია, არადა, უჭირს, თვალებს ატრიალებს, წვალობს, თანაც ქოქოლადაყრილ კეფას იქეპავს, ძლივს წამოღერღავს, ალბათ, შრომაო, არ ეპიტნავათ, აბა შრომა რა სახსენებელიაო, დიპლიპიტომა, დიდ გულზე არი თავისი სათქმელი რახან მოუღევია, ჯერ ეს ეგ ერთი, აბა შენ რომელი გამორჩეული მშრომელი ხაარ და, მეორეც, ბარე ისიცა თქვი, შეშის დაპობა გვემარჯვებოა. ელბოს უჭირს რო, კალმახი რო ხურჯინში ჩასვა, სიბნელეშიცაა, ცხხელაც. აბა მე რავიო, ეგება ისა, რო იძახიან კარგი ტანადნი და კარგი თვალადნი არიანო. აბა ეგ რა თქვი, ეგ ხო თავისითა გვააქო; შეწუხებულა ელბო, დაღონებულა, დაღონებულა რო, გინდაც დეკემბრის ვაზი, ჩაქინდრავს თავსა, დაინედავს და, აკო რას იძახის, ოხერი? — რა და მეშვიდე ესა გვააქ კარგიო. რა ესაო, ჯერ ვერა ხვდებიან, ესაო, ესაო, თავდახრილი იძახის ელბო და ხელსაც იშველიებს. აიი, შენ კი ზედ მაგაზე კი დაგათხლიშე ქვა და მეხიო, ქალივით იძახის ეს ვაჟკაცი დიპლიპიტო, მაგამდე როგორ დახველო, როგორაო და, გათამამებულა ელბო, გორგალის წვერი უკვე ხელთა აქვს, თავი და თავი აი ეს არი, ტემპერამენტი რომ არა გვექონდეს, ვერც ვიმღერებდით, ვერც ვიცეკვებდით, ველარც ლექსს ავანწყობდით და ომშიც გულადნი ვერ ვიქნებოდითო; რა რო არა გვექონდესო, ცანგალას უკვირს, ტემპერამენტი, ტემპერამენტიო, ისეთის რიხით გაიძახის ამ უცხო

სიტყვას ეს ჩვენი ელპო, გინდაც იყალთოს აკადემიის გრი-  
ლი დარბაზები სუ სწავლა-ცოდნით მივლილ-მოვლილი ჰქო-  
ნდეს, აი, შენ კი რა გითხარი, შენ კი რა გითხრათ, ადგი, წა-  
მოდო, წავიდეთ, სუ დაღამებულაო, მიდიან მაგრამ, ამასა, ჩვე-  
ნსას, გულის რაღაცა ძარღვი უტოკავს, სხვებმა თრ-ორი  
კარგი რამა თქვეს, ამანა კიდე — მხოლოდლა ცალი, რამე მერ-  
ვეც ძლიერ უნდა რომ მოიგონოს, მაგრამ სადაა, ქუჩაში კი არა  
ყრია, რომელი ოფიციატი მიართმევს ვერცხლის ლანგრი-  
თა, თანაც ტემპერამენტზე ცოტათი ეჭვი ეპარება, თუკი აგ-  
რეა, მაშ ტელევიზორის თეორთონ ქალებს ისე გამეტებით რა-  
ლა აცეკვებდათო, და აბა, აბა, მერვეცაო, თან აქეზებენ, სულ  
ალარ უნდა რადიოს მღერა, აამას, ჩვენსას, უფრო ენა ექა-  
ვება, რადგანაც ბევრი სიტყვის კაცია, ამას შედეგრი და იმი-  
სი მასალა უნდა, ისე უნდა რო, გულთავი ეწვის, მაგრამ რა-  
ლა ქნას, რა იღონოს, რომელ ერთს მიადგეს, აიმ შედეგრებს  
არც წესი ჰქონიათ და არც რიგი, ხან რო შედეგრად ქვისა  
კაცია, მერე შედეგრად ბუზიკა ისმის, ხან რო შედეგრად  
ვარდ-ქალები დაუხატნიათ, სხვები ყალამით სუ გიშრის ტბა-  
ში იქეპებიან, იმათგან ზოგნი ჩუმად არიან, ზოგნი კი ხმაი-  
ლლა იძახიან გულდაგულ ლექსებსა და, ამას კი უფრო ენა  
ექავება, რადგანაც ბევრი სიტყვის კაცია და, ისევ ის ენა არ  
ათქმევიანებს? — მერვე ისა გვააქ ქართველებს კარგი, ჩვენ-  
გან ყველაფერი მოსალოდნელია — მოულოდნელები ვართო.  
კიო, სწორიაო, დაყვავებით ესმის და, მართლა, მართლაო? —  
სიხარულით სუ კალთებზე ებლაუჭება, კიო, მართლაო, ჩამო-  
ესმის, აი ეგ ისე ძალიან მართალია, როგორც რო ზოგი ზღა-  
პარი ვერა სხვა ენაზე ვერაფრით ვერ ითარგმნებაო, სუ დაყ-  
ვავებით ჩაესმის და, თან, გახსენებია ძველიც, ახალიც, აჩუ-  
ყუნია ჩიტის გული და, რა ქნას, ჯერ დედას ამოეფაროს? — თა-  
ნაც ბაღლია, და დედისაგან ადრე გაგონილ იმ თოთხმეტ სიტ-  
ყვას ისე იძახის, ცრემლები სცვივა.

რა სიტყვებია?.. აი, ხანდახან ზღაპარიც კი ამით მთავრ-  
დება. მაგრამ იცის რომ, სიდინჯე მართებს, რომ სხვანაირად  
არ გამოვა არაფერი და, დინჯად იხსენებს ახალსაც, ძველსაც,  
და მანც, როგორ ფორიაქდება! — ისე უხდება ძველსაც, ახალ-  
საც, ეს ნაღვლიანი —

მაშ.

ზღაპარ იყო, ზღაპარ იყო, ჭიჭი ჩიტი მამკედიბიყო,  
დიდ ქვაბში ვერ ეტეოდა, პატარაში კარგა იყო,

ს ა რ მ ე ბ ი

პირველი კონცერტი	3
თანამგზავრო	12
მუსიკოსი	20
ბაქანი	25
მვენს ეზოში წვიმა მოდის	26
მიხეილი და აღექვანდრე	41
ნაბიჯი	78
ფვდღაზე კარგი პაპა	107
ცად-ცადვე და ერთად	113
ბახვას გუდმა ბერის უყო	174
მხლოდღ ერთი კაცი	193
რეაპარი შედევრისა და იმის მასაღაზე ანუ მვენს	270

# ДОЧАНАШВИЛИ ГУРАМ ПЕТРОВИЧ

## ПЛАТФОРМА

(На грузинском языке)

Издательство «Мерани», пр. Руставели, 42, Тбилиси, 1988

რედაქტორია წინა ახალკაცი  
ნ. ხატუარი მ. პოლიაკოვი  
მხატვრული რედაქტორი ნ. ნარშიანიძე  
ტექნიკური რედაქტორი თ. კახანაძე  
კორექტორები: რ. გოცირიძე, ნ. დოშაძე  
ვამომწვები ნ. ხავაიანი

ს. ბ. 3911.

ნაბარდა წამოეზბას 2.02.88 წ. ხედმოწერილია საბეჭდად 20.05.88 წ. ჯე 06776  
ფორმატი 84×100<sup>1</sup>/<sub>2</sub>. საბეჭდო ქაღალდი № 2 განნიტუმა ივერია, ბეჭდვა  
მაღალი. პინროზითი ნაბეჭდი ფურცელი 16,8. სააღრიცხვო-საგამომცემლო ფურ-  
ცელი 15,09. პინროზითი სა-ლეზავევატარება 17,22  
ტირაჟი 40.000 ბეკვეთა № 530

ფასო 2 მან.

გამომცემლობა „მერანი“, რუსთაველის ბრ. 42, თბილისი 1988.

საქართველოს სსრ ჯამომცემლობათა, პოლიგრაფიისა და წიგნით ვაჭრობას  
საქმეთა სახელმწიფო კომიტეტის თბილისის ა. შავჭავაძის სახ. წიგნთა  
ფაბრიკა, მგლობრობის გამზირი № 7.

Тбилисская книжная фабрика им. И. Чавчавадзе Государственно-  
го комитета Грузинской ССР по делам издательства, полиграфии и  
книжной торговли, пр. Дружбы № 7.